

საქართველოს სსრ მეცნიერებათა აკადემია

ფილოსოფიის ინსტიტუტი

მეცნიერებათა

ნიღრვის ფსიქოლოგიის ფილოსოფიური  
საფუძვლები



გამომცემლობა „მეცნიერება“

თბილისი

1979

ნაშრომში არსებითადაა გადმოცემული კლასიკური სიღრმის ფსიქოლოგიის თეორიების — ზ. ფროიდის „ფსიქანალიზის“, კ. გ. იუნგის „ანალიზური ფსიქოლოგიისა“ და ა. ადლერის „ინდივიდუალ-ფსიქოლოგიის“ — რაობა, პრობლემატიკა და პრობლემების გადაჭრის ძიების გზები. ნაჩვენებია, რომ ამ კონცეფციებში პრინციპული მნიშვნელობა ენიჭება არაცნობიერი ფსიქიკისა და პიროვნების ცნებებს; ამ ცნებების შინაარსის დადგენასთან ერთად მითითებულია სიღრმის ფსიქოლოგიის ონტოლოგიურ და გნოსეოლოგიურ წინამძღვრებზე, რომლებიც განაპირობებენ ზემოაღნიშნული თეორიების შინაგან წყობასა და პრობლემებზე გარკვეული პასუხის გაცემას. ეს თეორიული წინამძღვრები და პრობლემების გადაჭრის ცდები არსებითად უპირისპირდებიან მარქსისტული ფსიქოლოგიის ამოსავალ თეორიულ პოზიციას, რომელიც საშუალებას იძლევა მეცნიერულად გადაწყდეს ფსიქიკის რაობის საკითხი.

სიღრმის ფსიქოლოგიის პრობლემა

§ 1. სიღრმის ცნება ფსიქოლოგიაში და სიღრმის ფსიქოლოგია.

ფსიქოლოგიაში მიუთითებენ სიღრმის განცდასა და განცდის სიღრმეზე, აგრეთვე ცნობიერებას სიღრმეზეც. აღნიშნულ ტერმინებში განსხვავებული მნიშვნელობა იგულისხმება. სიღრმის განცდა აღქმის პროცესს უკავშირდება და წარმოადგენს სივრცის მესამე განზომილების განცდას, ასახვას ცნობიერებაში. განცდის სიღრმე ემოციური რომელობის ფორმალური ნიშანია, რომელიც ეხება გრძნობის შეღწევის დონეს პიროვნულ ფენებში<sup>1</sup>. ცნობიერების სიღრმე იგივე განცდის სიღრმეა, რომელიც მიუთითებს ცნობიერების რთული მოვლენის განცდილ ერთიანობას<sup>2</sup>. ყველა ზემოაღნიშნული შინაარსისათვის საერთოა ის, რომ ისინი ფსიქიკის ცნობიერ განზომილებაზე მიუთითებენ, ცნობიერი ფსიქიკის შინაარსის დახასიათებას წარმოადგენენ. ეს ტერმინები აღწერიითა, ითვალისწინებენ ფსიქიკის ფენომენალურ თავისებურებას.

აღნიშნულსაგან განსხვავებით, განსაკუთრებით პერსონალისტური ორიენტაციის ფსიქოლოგიაში, სიღრმის ცნებას, როგორც თეორიულ ცნებას, პრინციპული მნიშვნელობა ენიჭება. მაგალითად, ფილიპ ლერში სიღრმის ცნებას სულიერი ცხოვრებისათვის არსებითი

<sup>1</sup> რ. რემპლაინი განცდის (გრძნობის) სიღრმეს უპირისპირებს მის ზედაპირულ გავრცელებას. ხოლო ფ. ლერში ემოციის სამ ერთმანეთისაგან დამოუკიდებელ თვისებაზე მიუთითებს, ესენი: სიღრმე, სიძლიერე, ხანგრძლივობა. იხ. Heinz Remplein. Psychologie der Persönlichkeit, München-Basel, 1956, გვ. 121; Philipp Lersch, Aufbau der Person, München, 1956, გვ. 256—260.

<sup>2</sup> იხ. Anna Tumaikin, Die Methoden der psychologischen Forschung, Leipzig-Basel, 1929, გვ. 73—75, სადაც დახასიათებულია ცნებები: «Bewusstseinstiefe» და «Tiefe des Erlebens».

ლირებულების მქონედ წარმოგვიდგენს და მას უწოდებს „ფსიქოლოგიის ძირითად ცნებას“. ავტორის მიხედვით, ფსიქოლოგიის დაფუძნება შესაძლებელია მხოლოდ როგორც სიღრმის ფსიქოლოგიისა. ეს უკანასკნელი სულიერი ცხოვრების ერთადერთი თეორიაა. ფ. ლერშის გაგებით, სიღრმე უკავშირდება პერსონის ფენებს: სიცოცხლის საფუძველი, ენდოთიმური საფუძველი და პერსონული ზედნაშენი. სულიერ ცხოვრებას აქვს როგორც ქვედა, ისე უკანა საფუძველი, რაც მოიცავს სფეროს ვიტალური-არაცნობიერიდან გაუცნობიერებელ-არაცნობიერამდე, რომელთა შორის თავსდება ურეფლექსო-არაცნობიერი<sup>3</sup>. სიღრმე ნიშნავს პიროვნულ სტრუქტურაში დაბალი ფენების ლირებულებას და მნიშვნელობას უმაღლესისათვის.

ვილიამ შტერნის პერსონალისტიკის ორი ძირითადი კატეგორიიდან ს ი ლ რ მ ე ერთ-ერთია<sup>4</sup>. პერსონული სიღრმე პერსონის ფენათა ერთიანობაა. არაცნობიერი ეწოდება ყველაფერ იმას, რასაც კავშირი აქვს ცნობიერების ფაქტებთან ან მისთვის მნიშვნელობის მქონეა და თვითონ ცნობიერების ფაქტი არაა. არაცნობიერი ორი სახისაა: ქვეცნობიერი და ზეცნობიერი. ქვეცნობიერია პერსონის მდგომარეობები, რომლებიც ჯერ კიდევ ცნობიერი არ არიან ანდა ცნობიერი უკვე აღარ არიან. ისინი წარმოადგენენ ან ცნობიერების მოვლენების მომამზადებელს ან მის შედეგებს. ზეცნობიერია პერსონის აქტივობა. ეს იგივე აქტები, მოქმედებებია (Taten), რაც აკეთებს (macht) ცნობიერებას, მოიხმარს მას და მას-

---

<sup>3</sup> იხ. ფ. ლერშის დასახელებული ნაშრომი, გვ. 569—570. ვიტალური-არაცნობიერი იგივე უცნობიერო-არაცნობიერია (Bewußtlos-Unbewußte) და წარმოადგენს „სიცოცხლის აქტუალობის საფეხურს“, იგი არაა ფსიქიკა. გაუცნობიერებელ-არაცნობიერი (Ungewußt-Unbewußte) და ურეფლექსო-არაცნობიერი (Unreflektiert-Unbewußte) ცნობიერი ფსიქიკის დაბალი საფეხურებია. ავტორისათვის არაცნობიერი ფსიქიკა, ე. ი. ცნობიერების გარეშე არსებული ფსიქიკა არ არსებობს. ი ქ ე ე. გვ. 538—568.

<sup>4</sup> მეორეა მ თ ლ ი ა ნ ბ ი ს კატეგორია. იხ. «Zur Theorie der personalen Ganzheit und Tiefe», მოხსენება ექსპერიმენტული ფსიქოლოგიის XI ყრილობაზე ვენაში 1929 წ., Jena, 1930, გვ. 155. ვ. შტერნი სიღრმის ცნებას ფსიქოლოგიისათვის რევოლუციის მომასწავებლად მიიჩნევს. ფსიქოლოგიას ორი ახალი ამოცანა უჩნდება: ნათლად წარმოიდგინოს არაცნობიერი სიღრმის არსი და შეისწავლოს ცნობიერების ზედაპირისა და არაცნობიერის სიღრმის ურთიერთმიმართება. იხ. W. S t e r n, Allgemeine Psychologie auf personalistischer Grundlage, Haag, 1950, გვ. 52.

ში აისახება<sup>5</sup>. ვ. შტერნი განსაკუთრებით ხაზს უსვამს იმას, რომ არაცნობიერსა და სიღრმეზე მსჯელობამ არ უნდა გაგვიჩინოს მცდარი შეხედულება ფსიქიკის არაცნობიერად არსებობაზე. სიღრმე პერსონის ონტიური ნიშანია, პერსონული ყოფიერების განზომილებაა და იგი არ ეხება ფსიქიკის გარკვეულობას. „სიღრმე აქვს არა ფსიქიკას, არამედ პერსონს“<sup>6</sup>. პერსონი ფსიქო-ფიზიკურად ნეიტრალურია და მის კატეგორიასაც — სიღრმეს — არსებობის იგივე ფორმა აქვს. პერსონალისტურ პრინციპებზე დაფუძნებული ფსიქოლოგია ვალდებულია გამოიყენოს პერსონალისტიკის პრინციპები, პერსონის სტრუქტურაში მოათავსოს ფსიქიკა, როგორც მისი ორგანული ნაწილი, და მისით გახადოს ფსიქიკა გასაგები.

როგორც ვხედავთ, სიღრმის ცნება პერსონალისტურ ფსიქოლოგიაში მიუთითებს, ერთ შემთხვევაში, ფსიქო-ფიზიკურად ნეიტრალურ სინამდვილეზე (ვ. შტერნი), მეორე შემთხვევაში კი ისეთზე, რაც ან ცნობიერი ფსიქიკაა, ან არაფსიქიკური გარკვეულობა (ფ. ლერში).

ის, რაზედაცაა მსჯელობა კლასიკურ სიღრმის ფსიქოლოგიაში და რაც წარმოადგენს მისი, როგორც მეცნიერების, დაფუძნების შესაძლებლობას, პრინციპულად განსხვავდება სიღრმის ცნების შემოღონიშნული შინაარსებისაგან. სიღრმის ფსიქოლოგიის სიღრმე არ არცნობიერი ფსიქიკაა, ეს ისეთი ფსიქიკაა, რომელიც არსებობს ცნობიერების გარეშე, ცნობიერების საგან დამოუკიდებლად.

§ 2. ცნობიერების ფსიქოლოგია და სიღრმის ფსიქოლოგია. როცა ერთმანეთს უპირისპირებენ ცნობიერების ფსიქოლოგიასა და სიღრმის ფსიქოლოგიას, მასში (ფსიქოლოგიებში) გარკვეულ შინაარსს დებენ. ამ დაპირისპირებას ჩვეულებრივ სიღრმის ფსიქოლოგიის ორიენტაციის წარმომადგენლები მიმართავენ და მაკვალდიციორებელი ტერმინებიც მათ ეკუთვნით. მეცნიერებაში, რასაც ცნობიერების ფსიქოლოგიას<sup>7</sup> უწოდებენ, იგულისხმება ფსიქოლოგია, რომელიც ამოსავალ ონტოლოგიურ დებულებად იღებს ფსიქიკის

<sup>5</sup> Person und Sache, II, Leipzig, 1923, გვ. 241—250, შუად. III, 1924, გვ. 199—201.

<sup>6</sup> «Nicht die Psyche hat Tiefe, sondern die Person», Zur Theorie der personalen Ganzheit und Tiefe, გვ. 161.

<sup>7</sup> მას უწოდეს აგრეთვე სასკოლო ფსიქოლოგია, ზოგადი ფსიქოლოგია, ზედაპირული ფსიქოლოგია, აკადემიური ფსიქოლოგია.

ცნობიერად არსებობის თეზისს და ამოცანად ისახავს მის შემეცნებას. სიღრმის ფსიქოლოგია ზოგადი სახელია იმ ფსიქოლოგიების აღსანიშნავად, რომლებიც იცავენ შეხედულებას ფსიქიკის ცნობიერებისაგან დამოუკიდებლობის შესახებ, ცდილობენ ამგვარი სახის ფსიქიკის რეალურად არსებობის დასაბუთებასა და მის შემეცნებას. თვითონ სიღრმის ფსიქოლოგიის ფარგლებში განარჩევენ თანამედროვე სიღრმის ფსიქოლოგიას კლასიკური სიღრმის ფსიქოლოგიისაგან. კლასიკურ სიღრმის ფსიქოლოგიაში აერთიანებენ ზიგმუნდ ფროიდის, ალფრედ ადლერისა და კარლ გუსტავ იუნგის ფსიქოლოგიურ კონცეფციებს: ფსიქოანალიზს, ინდივიდუალფსიქოლოგიასა და ანალიზურ ფსიქოლოგიას<sup>9</sup>. კლასიკურობა ამ თეორიებისა იმაში მდგომარეობს, რომ ისინი წარმოდგენენ იმ პრინციპული ზანის დასაბუთებისა და გატარების ცდას, რაც ესოდენ განსხვავებული ჩანდა მანამდე არსებული ემპირიული ფსიქოლოგიისაგან, ამასთანავე, ისიცაა მიღებული მხედველობაში, რომ დღეს სიღრმის ფსიქოლოგიად ბურჟუაზიულ სამყაროში იწოდება მრავალი დიდი და პატარა სკოლა, რომლებიც ფსიქოანალიზის ნიადაგზე აღმოცენდნენ ან მისი გავლენა განიცადეს და ზ. ფროიდის, ა. ადლერისა და კ. გ. იუნგის თეორიები სწორედ მათგან უნდა განსხვავდნენ<sup>9</sup>.

კლასიკურ სიღრმის ფსიქოლოგიას, როგორც თანამედროვე სიღრმის ფსიქოლოგიას, უპირისპირებენ მე-20 საუკუნემდე არსებულ არაცნობიერის ფსიქოლოგიურ თეორიებს. ლაიბნიცის, ჰერბარტის, კარუსის და სხვათა ფილოსოფიურ და ფსიქოლოგიურ კონცეფციებში ცენტრალური ადგილი უჭირავს არაცნობიერი ფსიქიკის ცნებას. მაგალითად, ლაიბნიცის „მცირე აღქმა“, ჰერბარტის „არაცნობიერი წარმოდგენა“ ისეთი ფსიქიკური რომელობებია, რომლებსაც ცნობიერება ვერ აღაპტურებს. ტერმინი თანამედროვე მარტო ისტორიული დროის აღმნიშვნელი არაა. იგი იმ მომენტსაც გულისხმობს, რომ არაცნობიერი ფსიქიკის შემეცნების მიზანი განსხვავებულია ძველისაგან. კერძოდ, იგი დაკავშირებულია ადამიანის, მისი ქცევისა და ნაქმობის გაგებასთან.

სიღრმის ფსიქოლოგიის ტერმინით გაერთიანებული ფსიქოლო-

<sup>9</sup> ფროიდს, ადლერსა და იუნგს უწოდეს „სიღრმის ფსიქოლოგიის ტრიუმვირატი“.

<sup>9</sup> მაგალითად, დ. ვისი ასახელებს რამდენიმე ათეულ სიღრმისფსიქოლოგიურ სკოლას, D. W y s s, Die tiefenpsychologischen Schulen von den Anfängen bis zum Gegenwart, Göttingen, 1961. E. W i e s e n h ü t t e r, Grundbegriffe der Tiefenpsychologie, Darmstadt, 1969.

გიური თეორიები ბევრ რამეში ერთმანეთისაგან განსხვავდებიან. ზოგჯერ მათი მიკუთვნება სიღრმის ფსიქოლოგიური თეორიისადმი ფორმალური ნიშნით ამოიწურება. აღნიშნული ვითარება აქვთ მხედველობაში, როცა მიუთითებენ ისეთი ერთი სიღრმის ფსიქოლოგიური თეორიის, როგორც ამბობენ, „ზოგადი სიღრმის ფსიქოლოგიის“ არარსებობის შესახებ, რომელიც მოხსნიდა ცალკეული სიღრმის ფსიქოლოგიების ცალმხრივობას და გააცნობიერებდა ამ მეცნიერების ფილოსოფიურ საფუძვლებს, პრობლემატიკისა და მეთოდოლოგიური პრინციპების ბუნებას, იქნებოდა სისტემატური მეცნიერული თეორია<sup>10</sup>.

აღნიშნული ეხება სიღრმის ფსიქოლოგიის კლასიკურ თეორიებსაც. ეს ნათლად გამოჩნდება ფროიდის, ადლერისა და იუნგის კონცეფციების ანალიზიდან, მაგრამ თვითონ პრობლემა, რომელიც ითვლება კლასიკური სიღრმის ფსიქოლოგიის სასიცოცხლო პრობლემად, წარმოადგენს მათს გამაერთიანებელს და შემდგენაირად ფორმულირდება: რ ა ა რ ი ს ა რ ა ც ნ ო ბ ი ე რ ი ფ ს ი ქ ი კ ა და რ ა ა დ გ ი ლ ი უ კ ა ვ ი ა მ ა ს ა დ ა მ ი ა ნ ი ს ს ტ რ უ ქ ტ უ რ ა შ ი. იგულისხმება, რომ არაცნობიერი ფსიქიკისათვის ადგილის მიჩენას ადამიანის სტრუქტურაში ლოგიკურად წინ უსწრებს ადამიანის რაობაზე სავსებით განსაზღვრული აზრი.

როგორც ითქვა, დაპირისპირება სიღრმის ფსიქოლოგიისა ცნობიერების ფსიქოლოგიასთან ემყარება ფსიქიკის არსებობის ფორმის შესახებ გარკვეულ შეხედულებას. როგორია ფსიქიკის ონტოლოგიური სახე? რა გზით შეიძლება მისი შემეცნება? რით უნდა დავკმაყოფილდეთ ფსიქიკის შემეცნებისას? — აი კითხვები, რომლებზედაც განსხვავებულად უპასუხებენ ფსიქოლოგიები.

ცნობიერების ფსიქოლოგია ფსიქიკურ სინამდვილეს წარმოადგენს ცნობიერების განზომილებით. ცნობიერება და ფსიქიკა აქ არსობრივ კავშირშია. ამიტომ ფსიქიკის არსებობა და ფსიქიკის განცდა სხვადასხვა რამ კი არაა, არამედ ერთი და იგივე საქმის ვითარების სხვადასხვა ტერმინებით აღნიშვნა. ცნობიერების ფსიქოლოგიის

<sup>10</sup> ბურჟუაზიულ მეცნიერებაში არის ამ ამოცანის გადაჭრის რამდენიმე ცდა, მაგალითად, იხ. P. R. Hofstätter, Einführung in die Tiefenpsychologie, Wien, 1948, Fr. Seifert, Tiefenpsychologie, die Entwicklung der Lehre vom Unbewußten, Zürich, 1955, R. Heiss, Allgemeine Tiefenpsychologie, Bern-Stuttgart, 1956, J. A. Casuso, Blos, Psyche, Person. Eine Einführung in die allgemeine Tiefenpsychologie, Freiburg-München, 1957.

შემეცნების ობიექტია ცნობიერი ფსიქიკა, რადგანაც სხვა სახის ფსიქიკა, თუ ცნობიერი არა, მისთვის არ არსებობს.

სიღრმის ფსიქოლოგიას არ აკმაყოფილებს ცნობიერების ფსიქოლოგიის ამოსავალი ონტოლოგიური დებულება და იძლევა ფსიქიკის განსხვავებულ გაგებას. ეს თეორია თვლის, რომ ცნობიერებაში დადასტურებული ფსიქიკა, განცდა ფსიქიკური რეალობის მხოლოდ ერთ-ერთ ფორმას წარმოადგენს, რომელიც ფსიქიკის უფრო არსებითი ნაწილის — არაცნობიერი ფსიქიკის — გამოვლენაა. ცნობიერება თვისებაა, რომელიც ფსიქიკას მხოლოდ ზოგ მომენტში ახლავს თან. ფსიქიკა არსებობს ცნობიერების გარეშე და მისგან დამოუკიდებლად, ესაა არაცნობიერი ფსიქიკა. არაცნობიერი ფსიქიკა ფსიქიკის სიღრმეა. სიღრმის ფსიქოლოგიის შემეცნების ობიექტია არაცნობიერი ფსიქიკა, ფსიქიკის ერთ-ერთი სახე.

საგნობრივი თვალსაზრისის პრინციპული გატარება ამ ფსიქოლოგიების ურთიერთდამოკიდებულებას შემდეგნაირად წარმოგვიდგენს. ონტოლოგიური მრწამსი ცნობიერების ფსიქოლოგიას ავალებს სიღრმის ფსიქოლოგიისადმი უარყოფითი პოზიციის დაქერას: სიღრმის ფსიქოლოგიას არსებობის უფლება არ უნდა ჰქონდეს, რადგანაც არ არსებობს სინამდვილის ის შონაკვეთი (არაცნობიერი ფსიქიკა), რაზედაც მან უნდა ააგოს მეცნიერება, სიღრმის ფსიქოლოგია ცნობიერების ფსიქოლოგიის გაუქმებას არ მოითხოვს და ვერც მოითხოვს. ვინაიდან ფსიქიკა, სიღრმის ფსიქოლოგიის მიხედვით, ცნობიერი და არაცნობიერი პროცესების ერთიანობაა, ფსიქიკის არაცნობიერი სფეროს შემეცნებამ ხელი უნდა შეუწყოს ფსიქიკის მთლიანი და ერთიანი ბუნების ცხადყოფის საქმეს. სიღრმის ფსიქოლოგიას ეკისრება იმ ხარვეზის შევსება, რაც გამოიხატება ცნობიერების ფსიქოლოგიის მიერ ფსიქიკის გაგების თავისებურებით. სიღრმის ფსიქოლოგიას არა აქვს პრეტენზია იყოს ერთადერთი ფსიქოლოგია. სამაგიეროდ ის იტოვებს უფლებას გადამწყვეტი სიტყვა თქვას არაცნობიერი ფსიქიკის შინაგანი ბუნების დადგენაში.

ამ ფსიქოლოგიების მიზანდასახულება ერთგვარად განაპირობა მათი აღმოცენების განსხვავებულმა საფუძველმა. ცნობიერების ფსიქოლოგია ფილოსოფიის წიაღიდან აღმოცენდა, მოიმარჯვა ბუნებისმეტყველურ-მექანიკური წესი აზროვნებისა და ცნობიერი ფსიქიკა განიხილა სტატისტიკური თვალსაზრისით. ამ ფსიქოლოგიამ ამოცანად დაისახა ცნობიერი სულიერი ცხოვრების კანონების აღმოჩენა, ფსიქიკური მოვლენებისა და ელემენტების დადგენა და დაჯგუფება. განსხვავებული პოზიცია უკავია სიღრმის ფსიქოლოგიას,



რომელიც ჩაისახა და აღმოცენდა მედიცინის ფარგლებში, პრაქტიკული ამოცანების გადაჭრის ძიების პროცესში. აქ მოხდა ბუნებისმეტყველურ-მექანიკური აზროვნების წესის თანდათანობითი დაძლევა ორგანული აზროვნების პოზიციაზე გადასვლით, მასზე დგომით. სილრმის ფსიქოლოგია, როგორც „ქმედითი და განმკურნავე ფსიქოლოგია“<sup>11</sup>, მოითხოვს ფსიქიკაში მოძრაობისა და დინამიკის გათვალისწინებას. ამიტომ სილრმის ფსიქოლოგიის დახასიათება დინამიკური ფსიქოლოგიის ტერმინით, როგორც ამბობენ, სავსებით გამართლებულია, რადგანაც აქ განხორციელდა ფსიქიკის ფარგლებში არსებული საქმის ვითარების ადეკვატური ასახვა. ფსიქიკაში ზოგადისა და უცვლელის მანამდე არსებული ძიებისაგან განსხვავებით, სილრმის ფსიქოლოგია ცდილობს სულიერი ცხოვრების მიმდინარეობისა და ცვლილების გათვალისწინებას, სულიერი მოძრაობის ცხადყოფას. ამაზეა დაფუძნებული ფსიქიკური პროცესების ერთგვარი წარმართვა, შეცვლა, არსებული მდგომარეობიდან სხვაში გადაყვანა ან მათი აღკვეთა. სწორედ აქ გამოჩნდა მკვეთრი დაპირისპირება ცნობიერების ფსიქოლოგიასა, როგორც თეორიულ ფსიქოლოგიასა, და სილრმის ფსიქოლოგიას, როგორც პრაქტიკულ ფსიქოლოგიას შორის. არაცნობიერი ფსიქიკა დინამიკურ-ენერგეტიკული ბუნების მქონეაა გააზრებული. სილრმის ფსიქოლოგია ამ სპეციფიკას ანგარიშს უწევს როგორც თეორიული, ისე პრაქტიკული მხრიდან.

ლაპარაკობენ მოპოვებული ფსიქოლოგიური ცოდნის გამოყენების შესახებ, მაგრამ გამოყენებითი ფსიქოლოგიის შინაარსი ამ ფსიქოლოგიებში სხვადასხვა რაიმეს გულისხმობს. ფსიქოტექნიკა, როგორც გამოყენებითი ფსიქოლოგია, ფსიქიკაში ტესტის მეთოდით მოპოვებულ მასალას იყენებს პრაქტიკული მოსაზრებისათვის. ფსიქოლოგიური ცოდნა ასევე შეიძლება გამოყენებული იქნეს სხვადასხვა სფეროში, მაგალითად, პედაგოგიაში აღზრდა-სწავლების პროცესებთან დაკავშირებით, წარმოების ხაზით და ა. შ. მაგრამ გამოყენების აღნიშნული შინაარსი განსხვავდება იმ გამოყენებითი ფსიქოლოგიისაგან, რომელსაც სილრმის ფსიქოლოგია ახორციელებს. აქ ცოდნის დადგენა ფსიქიკის ფარგლებში და ამ ცოდნის გამოყენება გარკვეული მოვლენების მიმდინარეობაზე ზემოქმედების მიზნით ერთი მთლიანი პროცესია და ხორციელდება ერთი პიროვნე-

<sup>11</sup> ტერმინი «handelnde un behandelnde Psychologie» სილრმის ფსიქოლოგიის დახასიათებლად ეკუთვნის რ. პაისს.

ბის მიერ<sup>12</sup>. ამ სპეციფიკურ ვითარებას ასახავს ტერმინი „მკურნალო ფსიქოლოგია“. აქედან გამომდინარე, ცხადი უნდა იყოს, რომ ქმედითი ფსიქოლოგია და ქმედითი ფსიქოლოგი საჭიროებს სხვაგვარ აზროვნებას და ფსიქოლოგიასაც სხვაგვარად აგებს, ვიდრე თეორიული მიზნებით გამსჭვალული.

სიღრმის ფსიქოლოგიური აზროვნება, როგორც აზროვნების ისეთი წესი, რომელიც ითვალისწინებს ფსიქიკის დინამიკურ-გენეტური პროცესების თავისებურებას და ამასთან ერთად თერაპევტულ ამოცანას, იწოდება გაშუალებული გაგების სახით. გაშუალებული გაგების სიღრმისფსიქოლოგიური ცნება, უპირისპირდება ფსიქოლოგიაში გაგების ცნების გამოყენებულ შინაარსებს (ვ. დილთაი, კ. იასპერსი) იმ მხრივ, რომ ახსნა და გაგება აქ არ ქმნის ურთიერთგამომრიცხველ დაპირისპირებას. ცნობილია, რომ ვ. დილთაიმ ახსნა და გაგება დაუპირისპირა ერთმანეთს, როგორც მეთოდოლოგიური საშუალებები, რომლებიც გამოყენებული უნდა იქნას სინამდვილის სხვადასხვა სფეროში. ვ. დილთაის ცნობილი ფორმულა, „ბუნებას ვხსნით, სულიერ ცხოვრებას ვიგებთ“, ამ ვითარების ლაპიდარული გამოთქმაა. გაგება ემყარება „განცდაში ფუნქციების კავშირის შინაგან მოცემულობას“, ფსიქიკის ორიგინალურ შინაგან ბუნებას; აქ არ გამოიყენება ახსნა, როგორც უბრალო მიზეზ-შედეგობრივი დამოკიდებულების დადგენა. ახსნას გამოყენების სხვა სფერო აქვს, იგი მოიხმარება ბუნებისმეტყველებაში.

სიღრმის ფსიქოლოგიურ კონცეფციაში ახსნა და გაგება ერთნაირად შემავსებელია და ეს ვითარება, როგორც გაშუალებული გაგება, უპირისპირდება უშუალო გაგების ზემოაღნიშნულ შინაარსს. სიღრმის ფსიქოლოგიაში აღრევა კი არაა კაუზალურ და გაგებით კავშირებს შორის, როგორც ამას ზოგი ფიქრობს<sup>13</sup>, არამედ იმის გათვალისწინება, რომ გაგება ფსიქიკის ფარგლებში, რომელიც წარმოდგენილია ცნობიერი და არაცნობიერი მხარეების ერთიანობად,

<sup>12</sup> ფსიქიკის მკურნალობის ტექნიკური ხერხებია: ფსიქოანალიზური (ფროიდი), ინდივიდუალფსიქოლოგიური (ადლერი), ანალიზური (იუნგი), თანამედროვე სიღრმის ფსიქოლოგიაში კი — არსებობის ანალიტიკა (ბინსვანგერი), ექსისტენციური ანალიტიკა (ფრანკლი) და სხვ. მოკლედ მათ შესახებ მიუუთითებთ ცალკეული თეორიის დახასიათების დროს.

<sup>13</sup> ფროიდის თეორიაში კაუზალური და გაგებითი კავშირების აღრევაზე მიუთითა კ. იასპერსმა. იხ. K. Jaspers, Allgemeine Psychopathologie, Berlin—Heidelberg, 1957, გვ. 452.

მოითხოვს ახსნას საშუალებად, მის პირველ აუცილებელ საფეხურად. აქ ახსნა გადადის გავებაში<sup>14</sup>.

სიღრმის ფსიქოლოგიას განასხვავებენ ცნობიერების ფსიქოლოგიისაგან დასაბუთების სპეციფიკითაც. ცნობიერების ფსიქოლოგია განცდის ახსნის შემთხვევაში მის საფუძვლად ისეთ რაიმეს ათავსებს, რაც განცდით არ დასტურდება. აქ აზრითი კონსტრუქციები მთავარ როლს თამაშობენ და დასაბუთება ემყარება წინააღმდეგობათა უკუგდებას. ხოლო სიღრმის ფსიქოლოგიაში განმსაზღვრელი ფაქტორები ცნობიერი ფსიქიკისა პრინციპულად განცდადია. განხილვის გენეტური წესი სიღრმის ფსიქოლოგიაში ეხება პროცესებს, რომლის ყველა წევრი შეიძლება ცნობიერებით დადასტურდეს<sup>15</sup>.

ამგვარადაა წარმოდგენილი თანამედროვე სიღრმის ფსიქოლოგიების მიერ კლასიკური სიღრმის ფსიქოლოგიის მეცნიერული სახე, მისი ბუნება, რაც უკავშირდება საგნობრივსა და მეთოდოლოგიურ მხარეებს. ცალკეული სიღრმის ფსიქოლოგიური თეორიების ანალიზის დროს შევეცდებით ვაჩვენოთ ამ თეორიების საერთო მომენტის გვერდით კერძოც, სპეციფიკურიც. ნაშრომის კრიტიკულ ნაწილში დაწვრილებით გაირჩევა და შეფასდება სიღრმის ფსიქოლოგიის ზემომოთითებული თავისებურებანი და ნაჩვენები იქნება, თუ რამდენად შეიძლება ჩათვალოს კლასიკური სიღრმის ფსიქოლოგია იმ პრეტენზიის მქონედ და პრობლემის დამაკმაყოფილებლად გადაჭრის მცდელად, რასაც ის დამსახურებად მიიწერს მეცნიერული ფსიქოლოგიის წინაშე.

§ 8. სიღრმის ფსიქოლოგიის პრობლემა. კლასიკური სიღრმის ფსიქოლოგიის წინაშე დგას ორი პრობლემა: რ ა ა რ ი ს ა რ ა ც ნ ო ბ ი ე რ ი ფ ს ი ქ ი კ ა და რ ა ა რ ი ს პ ი რ ო ვ ნ ე ბ ა<sup>16</sup>. არაცნობიერი ფსიქიკისა და პიროვნების პრობლემები აქ ორგანულად დაკავშირებული ჩანს ერთმანეთთან. არაცნობიერი ფსიქიკის შინაარსი გადამწყვეტ როლს თამაშობს პიროვნების რაობის გარკვევაში. თავის მხრივ, პიროვნების სიღრმისფსიქოლოგიური კონცეპტი მოითხოვს არაცნობიერი ფსიქიკის პრობლემის პოზიტიურ გადაჭრას.

<sup>14</sup> იხ. რ. ჰაისის დასახელებული შრომა, გვ. 24—28.

<sup>15</sup> იხ. პ. რ. ჰოფმეტერის დასახელებული შრომა, გვ. 9—10.

<sup>16</sup> რა თქმა უნდა, ლაპარაკია თეორიულ ასპექტზე. სიღრმის ფსიქოლოგიის საბოლოო პრობლემა პრაქტიკულია—უნდა მოხერხდეს პიროვნების განთავისუფლება ფსიქიკური აშლილობისაგან.

ზ. ფროიდმა ფსიქოანალიზს უწოდა სიღრმის ფსიქოლოგია<sup>17</sup>. ფსიქოანალიზის წიაღიდან აღმოცენდა ა. ადლერის ინდივიდუალ-ფსიქოლოგია და კ. გ. იუნგის ანალიზური ფსიქოლოგია. ზემოაღნიშნული პრობლემებიდან ინდივიდუალფსიქოლოგია განსაკუთრებით დაინტერესდა პიროვნების პრობლემით, ხოლო ანალიზურმა ფსიქოლოგიამ არაცნობიერი ფსიქიკის მიმართულებით წარმართა კვლევა-ძიება, მაგრამ, თვითონ პრობლემის ბუნებიდან გამომდინარე, ორივე თეორიაში გარჩეულია საკითხები პიროვნებისა და არაცნობიერის შესახებ.

ამ შრომაში ჩვენ ფსიქოანალიზს, ინდივიდუალფსიქოლოგიასა და ანალიზურ ფსიქოლოგიას ზემოაღნიშნული ორი პრობლემის კუთხით განვიხილავთ. შევეცდებით, ვაჩვენოთ ის ფილოსოფიური წანამძღვრები, რომლებმაც ერთგვარად განაპირობეს პრობლემებზე კონკრეტული პასუხის გაცემა.

---

<sup>17</sup> ტერმინი „სიღრმის ფსიქოლოგია“ პირველად უხმარია ე. ბლოილერს კ. გ. იუნგის მოძღვრების აღსანიშნავად პირველი მსოფლიო ომის წინ. იხ. ე. ვიზენპუტერის დასახელებული ნაშრომი, გვ. 9.

ფსიქოანალიზი (ზ. ფროიდი 1856—1939)

§ 1. ფსიქოანალიზის ზოგადი დახასიათება. ტერმინს „ფსიქოანალიზი“ ორი მნიშვნელობა აქვს. იგი აღნიშნავს ფსიქიკური აშლილობის მკურნალობის განსაკუთრებულ მეთოდს და მოძღვრებას არაცნობიერი სულიერი პროცესების შესახებ. ასე ჩამოაყალიბა ზ. ფროიდი ფსიქოანალიზის შინაარსი სტატიაში, რომელიც დაიბეჭდა 1926 წელს „ბრიტანეთის ენციკლოპედიაში“<sup>1</sup>. ჩვენი მსჯელობის საგანი იქნება ფსიქოანალიზი, როგორც მეცნიერება სულიერი არაცნობიერის შესახებ<sup>2</sup>.

ზ. ფროიდი ფსიქოანალიზის, როგორც ერთ-ერთი ემპირიული მეცნიერების, ბუნების ცხადყოფისათვის მიმართავს მის შედარებას სხვა მეცნიერებებთან და მიუთითებს მათ მსგავსა და განსხვავებულ ნიშნებს. ავტორის გაგებით, ფსიქოანალიზი არაა ფილოსოფიური სისტემის მსგავსი კონცეფცია. ეს უკანასკნელი ამოდის შკატრად განსაზღვრული ძირითადი ცნებებიდან და მათი საშუალებით ცდილობს სინამდვილის წვდომას. მას, დასრულებული სახით წარმოდგენილს, ადგილი აღარ რჩება ახალი აღმოჩენებისათვის, მათ ვერ ითვისებს. ფსიქოანალიზი, პირიქით, მიმართულია ფაქტებზე და ცდილობს გადაჭრას დაკვირვების დროს აღმოცენებული პრობლემები. ფსიქოანალიზი არაა საბოლოოდ ჩამოყალიბებული, იგი მზადაა გამოცდილების მიხედვით შეცვალოს თავისი მოძღვრება. ის ემს-

<sup>1</sup> Psycho-Analysis, XIV, 300. გერმანულად ეს სტატია გამოიცა 1934 წელს ფროიდის „ნაწარმოებთა კრებულის“ XII ტომში, ფროიდის ნაწარმოებთა კრებულო 1925—1934 წლებში გამოიცა ვენაში 12 ტომად. ფროიდის შრომებს ყველგან ვუთითებთ ლონდონში გამოცემული „თხზულებათა კრებულის“ თერამეტი ტომეულის მიხედვით (1940—1952). რომელიც ციფრი აღნიშნავს ტომს, არაბული — გვერდს.

<sup>2</sup> «Die Psychoanalyse... die Wissenschaft von seelisch Unbewußten». Die Frage der Laienanalyse, XIV ; 263.

გავსება ფიზიკსა და ქიმიას იმით, რომ მისი ძირითადი ცნებები არაცხადნი არიან, მისი დაშვებები წინასწარი, პროვიზორული ბუნებისაა და მოელის მომავალი მეცნიერული შრომისაგან მკაცრ განსაზღვრას<sup>3</sup>. ფროიდი იზიარებს საყვედურს, რომელიც გამოთქმულია ფსიქოანალიზის მისამართით და ეხება ძირითად ცნებათა უზუსტობას. მას ნორმალურადაც კი მიაჩნია ასეთი ვითარება, რადგანაც ეს გამართლებულად ეჩვენება: რამდენადაც ფსიქოანალიზი ემყარება სულიერი ცხოვრების ფაქტებზე დაკვირვებას, ცვლილებაში მყოფი ემპირიული სიახლის მოპოვების გამო მისი თეორიული ზედნაშენი ჯერ კიდევ იქნება არასრული<sup>4</sup>. გონისმეცნიერებათა წინააღმდეგ, სადაც მკვეთრად გამოკვეთილი განსაზღვრებებია, რამდენადაც იქ ემპირიული სფერო ინტელექტუალური სისტემის ჩარჩოებშია მოქცეული, ფროიდის აზრით, ფსიქოლოგიაში; როგორც ბუნებისმეტყველურ დისციპლინაში, ძირითადი მნიშვნელობის ცნებების შინაარსის სიცხადე, გარკვეული აზრით, შეუძლებელიცაა. ზოოლოგიასა და ბოტანიკას თავიანთი საქმე არ დაუწყიათ ცხოველისა და მცენარის ცნებების განმარტებით, ასევე, ბიოლოგიამ დღემდე არ იცის ცნება-„ცოცხალის“ ზუსტი მნიშვნელობა. ბუნებისმეტყველურ დისციპლინების ძირითადი ცნებები დასაწყისში განსაზღვრებების გარეშე რჩებიან, ისინი ჩვეულებრივ წინასწარ განმარტებიან მითითების გზით. მხოლოდ დაკვირვების, ანალიზის მეშვეობით შეუძლიათ მათ გახდნენ ცხადნი, შინაარსით მდიდარნი და წინააღმდეგობისაგან თავისუფალნი<sup>5</sup>.

ფსიქოანალიზი, ფროიდის რწმენით, არა მარტო თერაპიული სიახლეა, არამედ ამავე დროს იგი „ახალი ფსიქოლოგიაცაა“<sup>6</sup>. ფსიქოანალიზი ახალი ფსიქოლოგიაა იმ აზრით, რომ მისი კვლევა-ძიების სფერო გახდა მანამდე ზელმიუწვდომელი სინამდვილე, რომელსაც ეწოდება „არაცნობიერი ფსიქიკა“<sup>7</sup>. ფსიქოანალიზი, როგორც

<sup>3</sup> «Psychoanalyse» und «Libidotheorie», XIII, 229, შუად. Kurzer Abriss der Psychoanalyse, XIII, 420, იხ. აგრეთვე, Das Ich und das Es, XIII, 264.

<sup>4</sup> Psycho-analysis, XIV, 303, შუად. Zur Einführung des Narzismus, X, 142.

<sup>5</sup> Selbstdarstellung, XIV, 84—85, შუად. Abriss der Psychoanalyse, XVII, 81. ფროიდის ეს დაუმთავრებელი ნაშრომი დაიწერა 1938 წელს, პირველად გამოქვეყნდა 1940 წელს.

<sup>6</sup> Kurzer Abriss der Psychoanalyse, XIII, 416.

<sup>7</sup> «...mit der Annahme unbewusster Seelenvorgänge eine entscheidende Neuorientierung in Welt und Wissenschaft angebahnt ist». Vorlesungen zur Einführung in die Psychoanalyse, XI, 15.

ახალი ფსიქოლოგია, სიღრმის ფსიქოლოგიაა, რადგანაც იგი არის მოძღვრება ცნობიერებისათვის პირდაპირი გზით მიუწვდომელი, ღრმად მდებარე სულიერი პროცესების შესახებ<sup>8</sup>. აქედან ფროიდის ფორმულა — „სიღრმის ფსიქოლოგია, ანუ არაცნობიერის ფსიქოლოგია“<sup>9</sup>. ფსიქოანალიზი პრეტენზიას აცხადებს იმაზე, რომ მან სულიერი ცხოვრების გაგება საერთოდ ახალ ნიადაგზე დააყენა. აღნიშნული რადიკალური ცვლილება მნიშვნელობის მქონეა ცოდნის ყველა სფეროსათვის, რამდენადაც ეს უკანასკნელი ფსიქოლოგიაზე უნდა იქნან დაფუძნებულნი<sup>10</sup>. ფსიქოანალიზი არ უპირისპირდება „აკადემიურ ფსიქოლოგიას“ — მოძღვრებას ცნობიერების ფენომენების შესახებ. ფსიქოანალიზი ცნობიერების ფსიქოლოგიის შესავალია. საერთოდ, თუკი ლაპარაკობენ არაცნობიერისა და ცნობიერების ფსიქოლოგიებს შორის არსებულ წინააღმდეგობაზე, ეს არაა საქმის ვითარების ობიექტური ასახვა. იგი უფრო მათ წარმომადგენელთა სუბიექტურ-პიროვნული მომენტების გამოვლენის ნაყოფია<sup>11</sup>. ფსიქოანალიზი, ფროიდის განცხადებით, არ აყენებს პრეტენზიას, რომ მან მოგვეცეს ადამიანის სულიერი ცხოვრების ამომწურავი თეორია. მისი მოთხოვნა მხოლოდ ისაა, რომ მის მიერ მოპოვებული ცოდნა, რაც სპეციფიკური გზითაა მიღებული, გამოყენებული იქნეს ამ საკითხზე უკვე არსებულს შევსებისა და კორექტურისათვის<sup>12</sup>.

ფსიქოანალიზი არაა მედიცინის სპეციალური დისციპლინა, თუმცა მან ბიძგი ამ სფეროდან მიიღო. იგი არც ე. წ. სამედიცინო ფსიქოლოგიაა, ე. ი. ავადმყოფური პროცესების ფსიქოლოგია. ფსიქოანალიზი ფსიქოლოგიაა, მაგრამ არა მთელი მოცულობით, არამედ მისი ფუნდამენტი<sup>13</sup>.

ფროიდის რწმენით, ის, რასაც ფსიქოანალიზური წვდომა ეწოდება, არაა სპეკულატური სისტემით ნაკარნახევი. პირიქით, იგი გა-

<sup>8</sup> Kurzer Abriß der Psychoanalyse, XIV, 422.

<sup>9</sup> Die Frage der Laienanalyse, XIV, 234.

<sup>10</sup> Die Widerstände gegen die Psychoanalyse, XIV, 101.

ფროიდი წერს: »Streng genommen gibt es ja nur zwei Wissenschaften, Psychologie, reine und angewandte, und Naturkunde. Neue Folge der Vorlesungen... XV, 194.

<sup>11</sup> იხ. ფროიდის წერილი ი. ლ. მაგნესს 1933 წელს. S. Freud, Briefe, 1873—1939, Stuttgart, 1960, გვ. 411.

<sup>12</sup> Zur Geschichte der psychoanalytischen Bewegung, X, 93—94.

<sup>13</sup> Die Frage der Laienanalyse, XIV, 289.

მოცილებების, დაკვირვების გზით პირდაპირ მიღებული მასალის გად-  
მოცემაა. მაგრამ ცნებები: „გამოცილება“ და „დაკვირვების გზით  
მიღებული მასალა“ ჩვენი ავტორისათვის უფრო ფართო შინაარსი-  
საა, ვიდრე ეს ჩვეულებრივ ამ ტერმინებში იგულისხმება. ფროიდ-  
თან ისინი აღნიშნავენ საქმის ვითარების იმგვარ წარმოდგენას, სა-  
დაც შემეცნებელი სუბიექტის ჩარევა აუცილებელი ჩანს და ეს ჩა-  
რევა ხდის გამოცილებას „ნამდვილ გამოცილებად“. ამგვარი გა-  
მოცილება მეცნიერებისათვის აუცილებელია. ფროიდი ზშირად  
ლაპარაკობს „მასალის დაძლევაზე“, რომელიც გადამუშავების გზით  
შეიძლება გახდეს გამოყენების ობიექტი, და ეს ხდება არა მარტო  
ფსიქოანალიზის ფარგლებში, არამედ იგი ბუნებისმეტყველების სა-  
ერთო ხვედრია. ბუნებისმეტყველური დისციპლინები ეფუძნებიან  
აღქმის სამყაროს ფაქტების ძნელ და მოთმინებით დამუშავებას<sup>14</sup>.  
თეორია, რომელიც გამოცილებების პირდაპირი გამოხატვაა, ჰიპო-  
თეზურ მომენტებს შეიცავს<sup>15</sup>. ამდენად ცნებები „გამოცილებაში  
მოცემულობა“ და „ჰიპოთეზური დაშვება“ ფროიდთან თანაბარი  
გნოსეოლოგიური ღირებულებებისა ჩანს<sup>16</sup>.

საკითხი, რომელიც გახდა ფროიდის აზროვნების მამოძრავებე-  
ლი, ეს იყო ფსიქიკური აშლილობის ერთ-ერთი სახის, ნევროზის  
მიზეზის ძიება. ეს მარტენ შარკოს ფორმულა, რომ ნევროზის მი-  
ზეზი ე. წ. „ღინამიკური ტრავმა“, ფროიდის წინაშე დაისვა რო-  
გორც გადასაწყვეტი ამოცანა, რადგანაც „ღინამიკური ტრავმის“  
ცნების შინაარსი არ იყო ცნობილი, იგი გაშიფვრას საჭიროებდა.  
ნევროზის პრობლემის გადაწყვეტის ცდაში ერთმანეთს დაუპირის-  
პირდა ფროიდი-ბუნებისმეტყველი და ფროიდი-ფილოსოფოსი. ეს  
დაპირისპირება იმაში გამოიხატა, რომ მოხდა ბუნების სფეროში  
წარმართული კვლევა-ძიების თეორიული წანამძღვრების გაცნობიე-

<sup>14</sup> Die Widerstände gegen die Psychoanalyse, XIV, 104.

<sup>15</sup> «...es legitim erschien, die Theorien, welche direkter Ausdruck der Er-  
fahrung sind, durch Hypothesen zu ergänzen, welche zur Bewältigung des Stoffes  
zweckdienlich sind und sich auf Verhältnisse beziehen, die nicht Gegenstand  
unmittelbarer Beobachtung werden können». Selbstdarstellung, XIV, 85.

<sup>16</sup> ასედაც წერს ფროიდი — «Wir haben erfahren, das heißt annehmen müs-  
sen...» Das Ich und das Es, XIII, 240. ლ. ბინსვანგერი სამართლიანად შენიშნავს:

«...die Psychoanalyse sich nicht, wie andere empirische Wissenschaften,  
in erster Linie auf wahrgenommene Phänomene stützt, sondern auf angenomme-  
ne Strebungen, Absichten und Tendenzen». Freud in der Gegenwart, Frankfurt a.  
Main, 1957, 211.



რება, დადგა მომენტი, როცა უნდა შემოწმდეს და შეფასდეს არსებული და ერთადერთი ღირებულების მქონედ გამოცხადებული წესი აზროვნებისა: ფსიქიკის თავისებურების გაგება ტვინის ფიზიოლოგიური კორელატიით.

ფროიდს სწამს, რომ ფსიქიკა დაკავშირებულია ტვინის მოქმედებასთან. ის წერს: „კვლევა-ძიების შეურყეველი შედეგია ის, რომ სულიერი მოქმედება დაკავშირებულია ტვინის ფუნქციასთან ისე, როგორც არც ერთ სხვა ორგანოსთან“<sup>17</sup>. დაკავშირება არ ნიშნავს ტვინსა და სულიერ მოქმედებას შორის პარალელური ურთიერთობის არსებობას, იგი არის მატერიალურიდან ფსიქიკის წარმოშობა. ჩვენი ავტორი პირდაპირ აღნიშნავს, რომ არაცოცხალ მატერიაში გაიღვიძა სიცოცხლემ, რომ ცოცხალი მატერიის გარკვეულ ფენაში უფრო გვიან წარმოიშვა ცნობიერება<sup>18</sup>.

მაგრამ თვით კავშირის ფაქტი ფსიქიკისა ტვინთან, ფროიდის აზრით, ჯერ კიდევ არაფერს ამბობს გადაჭრით ნერვული მოქმედებით ფსიქიკის ახსნის სასარგებლოდ. „ფსიქიკის შესავალ ლექციებში“ ფროიდმა ნათლად ჩამოაყალიბა თავისი პოზიცია ფსიქიკის ახსნის საკითხთან დაკავშირებით. მან სცადა, დაესაბუთებინა მეთოდოლოგიური დუალიზმი, ეჩვენებინა საჭიროება და აუცილებლობა ფსიქიკური სინამდვილისადმი სპეციფიკური ფსიქოლოგიური მიდგომისა. სამედვიციანო მეცნიერებებმა გვასწავლეს ავადმყოფური მოვლენების ახსნა ფიზიკური და ქიმიური მიზეზებით. ამან უცხო გაზადა ჩვენთვის „ფსიქოლოგიური აზროვნების წესი“ და მიდგომა მოვლენებისადმი. არც სპეკულატური ფილოსოფია, არც აღწერითი ფსიქოლოგია, არც ექსპერიმენტული ფსიქოლოგია (შეგრძნების ორგანოთა ფსიქოლოგია) არაფერს გვაძლევს პრაქტიკულად საჭიროს სულისა და სხეულის ურთიერთობის საკითხში. ამიტომ ისინი არ გვაძლევენ გასაღებს სულიერი მოქმედების დარღვევის გაგებისათვის. ტვინს არ შეუძლია აგვიხსნას სიმპტომის წარმოშობა. ფსიქიკისადმი ცდილობს აღმოაჩინოს ავადმყოფობის საერთო საფუ-

<sup>17</sup> «Es ist ein unerschütterliches Resultat der Forschung, daß die seelische Tätigkeit an die Funktion des Gehirns gebunden ist wie an kein anderes Organ». Das Unbewußte, X, 273.

<sup>18</sup> «Irgend einmal wurden in unbelebter Materie durch eine noch ganz unvorstellbare Krafterwirkung die Eigenschaften des Lebenden erweckt. Vielleicht war es ein Vorgang, vorbildlich ähnlich jenem anderen, der in einer gewissen Schicht der lebenden Materie später das Bewußtsein entstehen liess». Jenseits des Lustprinzips, XIII, 40.

ძველი, რომელზე დაყრდნობით შესაძლებელი იქნება ფსიქიკურ და სომატურ დარღვევათა შორის კორელაციის დადგენა. ამისათვის ფსიქონალიზმა, უპირველეს ყოვლისა, უნდა უკუაგდოს მისთვის უცხო ანატომიური, ქიმიური ან ფიზიოლოგიური თეორიები და ფსიქიკის ფარგლებში გამოიყენოს მხოლოდ და მხოლოდ წმინდა ფსიქოლოგიური ცნებები<sup>19</sup>. ფსიქოლოგიას არ უნდა ეთქვას უარი, რათა ახსნისათვის გამოიყენოს საკუთარი საშუალებები<sup>20</sup>. ამით აღდგენილი იქნება „ფსიქიკური ფაქტისადმი პატივისცემა“. ფროიდი მტკიცედ დადგა მეთოდოლოგიური დუალიზმის ნიადაგზე. სიცოცხლის უკანასკნელ წლებში (1937 წ.) ის წერდა: „ჩემი მეცნიერული მუშაობა მიზნად ისახავდა სულიერი ცხოვრების უჩვეულო, არანორმალური, პათოლოგიური მოვლენების ახსნას, ე. ი. დაყვანას მათ უკან მოქმედ ფსიქიკურ ძალებზე“<sup>21</sup>.

ფსიქოლოგია არ საჭიროებს თავის საქმისათვის პეტეროგენულ, არაფსიქიკურ საშუალებებს. ფიზიკა ფიზიკურს, თავის კვლევის ობიექტს, ფიზიკურით ხსნის. აქ კაუზალობა ფიზიკურის ფარგლებს არ შორდება. რატომ უნდა გადაუხვიოს ამ მეთოდოლოგიურ გზას ფსიქოლოგიამ ფსიქიკის ახსნის საკითხში? კაუზალური დამოკიდებულება ფსიქიკის ფარგლებს შიგნით გასაგები, აზრიანი ჩანს, ვიდრე ფსიქიკის ახსნა ფიზიოლოგიურით. სულის კვლევა საზრისიანი კავშირების დადგენა-დადასტურებაა. საზრისიანი ვერ გაიგება საზრისის ნიშანს მოკლებულისაგან, ფიზიოლოგიურისაგან. ფროიდი მიუთითებს: „შეცდომის დაშვების დროს აქამდე ვკითხულობდით — რა ვითარებაში წარმოიშვებიან ისინი. უნდა დავსვათ მეორე კითხვა — რატომ წარმოიშვა სახელდობრ ასეთი შეცდომა“<sup>22</sup>.

რას ნიშნავს თქმა — ფსიქიკურ მოვლენას საზრისი აქვს? ეს ნიშნავს იმას, რომ ფსიქიკურ მოვლენას აქვს გარკვეული მიზანი, შინაარსი და მნიშვნელობა<sup>23</sup>, მას აქვს ტენდენცია და განსაზღვრული ადგილი სხვა ფსიქიკურ მოვლენათა რიგში<sup>24</sup>. სხვაგვარადაც შეიძლება მისი დახასიათება, თუკი დავსვათ კითხვებს: საიდან და სა-

<sup>19</sup> Vorlesungen, XI, 12—14.

<sup>20</sup> Einige Bemerkungen über den Begriff des Unbewußten in der Psychoanalyse, VIII, 341.

<sup>21</sup> წერილი რომენ როლანისადმი, XVI, 250.

<sup>22</sup> Vorlesungen, XI, 25.

<sup>23</sup> ი ქ ვ ე.

<sup>24</sup> ი ქ ვ ე, 35, 55.

ითყენ. პასუხი კითხვაზე „საიდან“ ესაა მოვლენის წარმოშობის ძიება, ხოლო პასუხი კითხვაზე „საითყენ“ — მიზნის ძიება<sup>25</sup>.

ფროიდმა პრინციპულად დასვა ფსიქიკური სინამდვილის ახსნის ბუნების საკითხი და მის მიერ გაცემული პასუხი ამ კითხვაზე კატეგორიულია: ფსიქიკური შეიძლება აიხსნას მხოლოდ ფსიქიკურით. აზროვნების ამგვარი წესი არაა ნაკარნახევი იძულებითი ვითარებით, იგი თვითონ ფსიქიკის ბუნებიდანაა გამომდინარე. სხვაგვარად, ფსიქიკურის ახსნა ფიზიოლოგიურით იმიტომ კი არ უარყოფა, რომ ჭერჭერობით არ გაგვაჩნია სარწმუნო და ამომწურავი ცოდნა ტვინის ფიზიოლოგიური მოქმედების შესახებ და იმიტომ, სანამ აღნიშნული ხელთ არა გვაქვს, დროებით, პროვიზორულად უნდა გამოვიყენოთ ფსიქიკურის ახსნის საჭიროებისათვის ისევე ფსიქიკური. ხოლო როგორც კი ასეთი ცოდნა ჩვენს განკარგულებაში იქნება, მაშინვე უქუევაგდოთ აზრი ფსიქიკურის ამხსნელ პრინციპად ვარგისიანობის შესახებ და ფსიქიკური აეხსნათ ფიზიოლოგიურით. თითქოს ფსიქოლოგიას საკუთარი რესურსებით არსებობა არ შეეძლოს, მას ასულდგმულებს მისთვის ჰეტეროგენული მოვლენა. ფსიქიკური უნდა აიხსნას და აიხსნება კიდევაც იმიტომ ფსიქიკურით, რომ საზრისიანის ახსნა ისევე მხოლოდ საზრისიანითაა შესაძლებელი<sup>26</sup>.

საერთოდ, ფროიდი არ უარყოფს კვლევა-ძიებას ფსიქიკურისა და ფიზიოლოგიურის ურთიერთშესატყვისობის მხრივ, ფსიქიკის ფიზიოლოგიური კორელატის გარკვევის ცდას. იგი აღნიშნავეს: მნიშვნელოვანია გაირკვეს, წარმოიშობიან თუ არა ცალკეული სულიერი გამოვლენანი უშუალოდ ფიზიკური, ორგანული, მატერიალური ზემოქმედებათაგან და ასეთ შემთხვევაში მათი შესწავლა ფსიქოლოგიის საქმე არაა ანდა მოვლენები წარმოიშობიან და დაკავშირებული არიან სხვა ფსიქიკურ პროცესებთან, რომელთა უკან, სადღაც უფრო შორს, იმალება ორგანული მიზეზების რიგი. ფსიქიკურ პროცესად ჩვენ ვთვლით მხოლოდ მეორე სახის პროცესებს<sup>27</sup>.

ფროიდი განსაკუთრებულ ყურადღებას აქცევს დეტერმინაციის

<sup>25</sup> იქვე, 294.

<sup>26</sup> შემთხვევითი არაა, რომ კ. ბიულერმა აზროვნების ფსიქოლოგიის გვერდით დააყენა ფსიქოანალიზი, როგორც კლასიკური ასოციაციონისტური ფსიქოლოგიის დაძლევის ცდა, იხ. K. Bühler, Die Krise der Psychologie, Jena, 1927, გვ. 12—13.

<sup>27</sup> Vorlesungen, XI, 55.

საკითხს. ავტორის მიხედვით, ფსიქოანალიზი, როგორც ბუნების-მეტყველური დისციპლინა, ვალდებულია საგანგებოდ იზრუნოს დეტერმინიზმზე, რადგანაც კაუზალობის კატეგორია მისი მუშაობის საფუძველია. აღნიშნულ მეთოდოლოგიურ პრინციპზე მდგომი ფროიდი პრინციპულად უარყოფს ბუნება-ფსიქიკაში შემთხვევითობის დაშვების აზრს. არ შეიძლება რაიმე მოზღდეს ფსიქიკაში და იგი გამოწვეული არ იყოს სრულიად გარკვეული მიზეზით. უსაფუძვლოა „ფსიქიკური თავისუფლების ილუზია“<sup>28</sup>. ფროიდის მთელი ფსიქოანალიზური მოღვაწეობის შინაარსი ის იყო, რომ მოენახა ე. წ. უმიზეზო მოვლენის, ნევროზის საფუძველი, რაც, მისი რწმენით, მოიძებნა კიდევაც არააცნობიერის სახით. საზრისის მქონე არააცნობიერი ფსიქიკით ფსიქიკურის ახსნა უკვე აღარაა ჩვეულებრივი ახსნა, როგორც ეს, მაგალითად, ფიზიკაშია. ფსიქიკის ფსიქიკით ახსნა გაგების ფაქტად იქცევა. ფროიდი ხაზგასმით აღნიშნაქს დეტერმინაციისა და საზრისიანობის პრინციპებს, როგორც მისი კონცეფციის ძირითად შემადგენელ ნაწილს, როცა ჩამოთვლის ფსიქოანალიზის არსებით მომენტებს<sup>29</sup>.

§ 2. არააცნობიერი ფსიქიკის პრობლემა. ფროიდი მრავალგზის მიუთითებს, რომ ფსიქოანალიზის ამოსავალია არააცნობიერი ფსიქიკური პროცესების დაშვება, რომ არააცნობიერი ფსიქიკური პროცესებია მისი კვლევის ობიექტი, ამიტომაცაა ფსიქოანალიზი მის მიერ განმარტებული, როგორც მოძღვრება არააცნობიერი ფსიქიკურის შესახებ, ანუ სხვაგვარად „ფსიქოლოგია იგი-ს შესახებ“.

ფსიქოანალიზური თეორიის ჩამოყალიბებმა პროცესში ზ. ფროიდმა მიზნად დაისახა შეხების წერტილები მოექებნა საკუთარ კონცეფციასა, რომელსაც ის უწოდებს მეტაფსიქოლოგიას, და იმ დროს არსებულ (მე-19 საუკუნის უკანასკნელი ათეული) ფსიქოლოგიას შორის, როგორც თვითონ ამბობს, „ზიდი გაედო“ შათ შორის<sup>30</sup>. ამ მიზნით ის გაეცნო თეოდორ ლიპსის ნაშრომს „სულიერი ცხოვრების ძირითადი ფაქტები“<sup>31</sup>. ფროიდს ამ ნაშრომში გადმოცემული

<sup>28</sup> ფროიდი წერს: «Ich brachte eine hohe Meinung von der Strenge der Determinierung seelischer Vorgänge». *Über Psychoanalyse*, VIII, 27—28.

<sup>29</sup> *Kürzer Abriss der Psychoanalyse*, XIII, 413.

<sup>30</sup> წერილი ე. ფლისსაღმი 1897 წ., იხ. *Aus den Anfängen der Psychoanalyse*, London, 1950, გვ. 278.

<sup>31</sup> Th. L i p p s, *Grundtatsachen des Seelenlebens*, Bonn, 1883.

შეხედულება არაცნობიერი ფსიქიკის შესახებ მიაჩნია საკუთარი შეხედულების მონათესავედ<sup>32</sup>.

რა თვალსაზრისზე დგას თ. ლიპსი არაცნობიერი ფსიქიკის საკითხთან დაკავშირებით აღნიშნულ ნაშრომში? თ. ლიპსისათვის უეკველია ის, რომ არსებობენ საკმაო რაოდენობით ფსიქიკური ფაქტები, რომლებიც არ აღიქმებიან, მათი არსებობა და ცნობიერება ერთმანეთს არ ემთხვევა. ეს მსჯელობა არ ეხება წარმოდგენის (ცნობიერების) შინაარსს. შინაარსის ცნობიერების გვერდით არ არსებობს სხვა ცნობიერება, ერთი მხრით, და წარმოდგენის ყოველი შინაარსი ცნობიერია იმდენად, რამდენადაც იგი შინაარსია, მეორე მხრით. ცნობიერება და ფსიქიკური შინაარსის არსებობა არაა ერთმანეთისაგან განსხვავებული რამ; მაგრამ გარდა ცნობიერების ფსიქიკური შინაარსებისა კიდევ არსებობენ სულს „არაცნობიერი მდგომარეობები“ და „მოქმედებები“. სულის მოქმედებები წარმოშობენ როგორც ცნობიერების შინაარსებს, ისე არაცნობიერ მდგომარეობებს. არაცნობიერი მდგომარეობა არის არა მზა წარმოდგენა-პროდუქტი, არამედ საფუძვლიანი წარმოდგენის შინაარსის შექმნის პროცესში. რით ჰგავს არაცნობიერი მდგომარეობა ცნობიერი წარმოდგენის შინაარსს, თ. ლიპსის აზრით, არ ვიცით, მაგრამ, შესაძლებელია, მათი ურთიერთობა გააზრებულ იქნეს ურთიერთმიმართებად შესაძლებლობასა და სინამდვილეს შორის<sup>33</sup>.

თ. ლიპსის გაგებით, არაცნობიერი პროცესის დაშვება ხდება ცნობიერი პროცესის საფუძველზე და არაცნობიერი პროცესის ბუნების შესახებაც ვსაყვინთ იმის მიხედვით, თუ როგორ ზეგავლენას ახდენს იგი ცნობიერზე. თ. ლიპსი დასძენს, რომ მას არ აწუხებს საკითხი არაცნობიერი პროცესის არსებობის ფორმისა, მისი მატერიალურობა — იმმატერიალურობის შესახებ. ფიზიოლოგიას აქვს არაცნობიერად წოდებული პროცესების მატერიალურ პროცესებთან გაიგივების საფუძველი. ფსიქოლოგიასა და ფილოსოფიას (შინაგანი გამოცდილების შესახებ მეცნიერებებს) მასთან საქმე არა აქვთ. აღნიშნულ პროცესებს, თ. ლიპსის აზრით, მაინც იმიტომ შეიძლება ეწოდოს სულიერი, რომ ისინი უშუალო კავშირში იმყოფებიან წარმოდგენებთან (ცნობიერების შინაარსებთან), პროცესის ერთი და

<sup>32</sup> «Bei Lipps habe ich die Grundzüge meiner Einsicht ganz klar wiedergefunden». წერილი ვ. ფლისსისადმი 1898 წ., Aus den Anfängen der Psychoanalyse, გვ. 280.

<sup>33</sup> Grundtatsachen des Seelenlebens, გვ. 30—34.

იგივე მიმდინარეობას ეკუთვნის<sup>34</sup>, სულიერი ცხოვრების ნაკადს მი-  
ეკუთვნებიან<sup>35</sup>. არაცნობიერი სულიერი პროცესები არა მარტო არ-  
სებობენ ცნობიერების გვერდით, არამედ ისინი ცნობიერ პროცე-  
სებს საფუძვლად ედებიან და მათ თან სდევნენ. არაცნობიერიდან  
აღმოცენდება ცნობიერი და ეს უკანასკნელი ისევ არაცნობიერში  
ბრუნდება. არაცნობიერს ზემოქმედების ისეთივე უნარი შესწევს,  
როგორც ცნობიერ პროცესებს<sup>36</sup>.

თ. ლიპსის აღნიშნული მსჯელობებიდან გამომდინარეობს: 1. ფსიქიკური შინაარსისა და ფსიქიკური პროცესის ერთმანეთისაგან გათიშვა, 2. ფსიქიკური შინაარსის არაცნობიერად არსებობის უარ-  
ყოფა და არაცნობიერად ფსიქიკური პროცესების ჩათვლა, 3. ფსიქი-  
კური პროცესის მიერ ფსიქიკური შინაარსის წარმოშობა და ამიტომ  
პროცესის ფსიქიკურად გამოცხადება, 4. ფსიქიკური პროცესის პი-  
პოთეზურობა, 5. ცნობიერი და არაცნობიერი პროცესებისადმი ზე-  
მოქმედების ერთნაირი უნარის მიწერა.

მოგვიანებით ზ. ფროიდი კვლავ შეეხო თ. ლიპსის არაცნობიერ-  
ის ცნებასთან საკუთარი შეხედულების შესაგვსების საკითხს შრო-  
მაში „ნაკვესი და მისი მიმართება არაცნობიერთან“, რომელშიც იგი  
აღნიშნავს, რომ ცნებები: „ფსიქიკური ენერგია“, „რეაგირება“ და  
„ფსიქიკური ენერგიის რაოდენობრივი აღრიცხვა“ შევიდა მის ყო-  
ველდღიურ სიტყვაზმარებაში მას შემდეგ, რაც მან დაიწყო ფსიქო-  
პათოლოგიის ფაქტების ფილოსოფიურად გადაწყვეტა და უკვე „სი-  
ზმრის ინტერპრეტაციაში“ შეეცადა თ. ლიპსთან თანხმობით ჩაე-  
თვალა „ფსიქიკური აზრით საკუთრივ მოქმედად“ არა ის პროცესე-  
ბი, რაც ცნობიერების შინაარსს შეადგენენ, არამედ ის ფსიქიკური  
პროცესები, რომლებიც თავისთავად არაცნობიერია<sup>37</sup>.

ზ. ფროიდს წიგნში „ნაკვესი და მისი მიმართება არაცნობიერ-  
თან“ მოჰყავს თ. ლიპსის მსჯელობა შრომიდან „კომიზმი და იუმორ-  
ი“<sup>38</sup> და მას იზიარებს, როგორც ზოგად დებულებას, რომელიც  
საფუძვლად უნდა დაედოს ფსიქოლოგიის სფეროში წარმოებულ  
კვლევებებს. თ. ლიპსი აყალიბებს, როგორც თვითონ აღნიშნავს,  
ზოგად კანონს: ფსიქიკური ცხოვრების ფაქტორები

<sup>34</sup> იქვე, გვ. 127—128.

<sup>35</sup> იქვე, 149.

<sup>36</sup> იქვე, 149—150.

<sup>37</sup> Der Witz und seine Beziehung zum Unbewußten, VI, 165.

<sup>38</sup> Th. L i p p s, Komik und Humor, eine psychologisch-ästhetische Un-  
tersuchung, Hamburg und Leipzig, 1898.

არა ცნობიერების შინაარსები, არამედ თავის თავად არაცნობიერი ფსიქიკური პროცესები (ხაზგასმა ლიპსისაა). ფსიქოლოგიის ამოცანა, თუკი მას არ სურს მხოლოდ ცნობიერების შინაარსების აღწერა, იმაში უნდა მდგომარეობდეს, რომ ცნობიერების შინაარსების თვისებიდან და მათი ღროითი კავშირიდან გამოიტანოს დასკვნები არაცნობიერი პროცესების ბუნების შესახებ. ფსიქოლოგია უნდა იყოს აღნიშნული პროცესების თეორია, მაგრამ ასეთი ფსიქოლოგია მალე ნახავს, რომ არსებობენ ამ პროცესების ისეთი საეხებით განსხვავებული თავისებურებანი, რომლებიც ცნობიერებას შესატყვის შინაარსებში არ არიან წარმოდგენილნი<sup>38</sup>.

თ. ლიპსის შეხედულება არაცნობიერ ფსიქიკურზე „კომიზში და იუმორში“ ასეთია: იგი სვამს კითხვას — რას ნიშნავს თქმა, რომ შეგრძნებები და წარმოდგენები ცნობიერდებიან? — და მასზე შემდეგ პასუხს იძლევა: შეუძლებელია, აქ ნაგულისხმევი იყოს, რომ ერთი და იგივე ფსიქიკური შინაარსი ან პროცესი ხან არაცნობიერია, ხან ცნობიერების თვისებით შემკული არსებობს ჩვენში. ცნობიერი და არაცნობიერი შეგრძნებებისა და წარმოდგენების ქვეშ სხვა რამ უნდა ვიგულისხმოთ. ორი მნიშვნელობით იხმარებიან ტერმინები: შეგრძნება და წარმოდგენა. სახელდობრ, ერთ შემთხვევაში, ისინი ცნობიერების ფსიქიკური შინაარსებია, ხოლო, მეორე შემთხვევაში, ისინი პროცესებია. შეგრძნება-პროცესი და წარმოდგენა-პროცესი ეს ისეთი პროცესებია, რომელთა წყალობითაც არსებობენ შეგრძნება-შინაარსი და წარმოდგენა-შინაარსი, პროცესები შინაარსებს საფუძვლად ედებიან. შინაარსები ცნობიერებაში არსებობენ, პროცესები კი ცნობიერების მიღმა არიან. პროცესების არსებობა მხოლოდ დასკვნის გზითაა მიღებული და გამართლებული. მაშასადამე, როცა ვლაპარაკობთ ცნობიერი შეგრძნების შესახებ, ეს იმას გვეუბნება, რომ შეგრძნების პროცესი არა მარტო არსებობს და შეგრძნება-შინაარსის არსებობას უმიზნებს, არამედ მას ეს მიზანი უკვე მიღწეული აქვს. ამის საწინააღმდეგოდ, არაცნობიერი შეგრძნება ეწოდება ისეთ ვითარებას, როცა სახეზეა მხოლოდ შეგრძნება-პროცესი, ხოლო მისი ბუნებრივი მიზანი — შეგრძნების შინაარსის არსებობა — განხორციელებული არაა<sup>40</sup>.

<sup>38</sup> იქვე, გვ. 123—124.

<sup>40</sup> იქვე, გვ. 118. არაცნობიერი პროცესის შესახებ აზრი თ. ლიპსს არ შეუვლია არც შედარებით გვიანდელ ნაშრომში «Leitfaden der Psychologie», Leipzig, 1909.

თ. ლიპსი აღნიშნულ ნაშრომში არ ეხება არაცნობიერი პროცესის არსებობის ფორმის ანალიზის საკითხს. ამ საკითხთან დაკავშირებით ის მკითხველს მიუთითებს აღრინდელ შრომაზე „სულიერი ცხოვრების ძირითადი ფაქტები“. მაშასადამე, თ. ლიპსი იმავე თვალსაზრისზე რჩება, რაც მან გამოთქვა ადრე. კერძოდ, რომ არაცნობიერი ფსიქიკური პროცესი ეს ჰიპოთეზაა.

ზ. ფროიდი, როგორც აღნიშნული იყო, ეთანხმება თ. ლიპსს იმაში, რომ ფსიქოლოგია, როგორც ცოდნის გარკვეული სისტემა, უნდა იყოს არაცნობიერი სულიერი პროცესების თეორია. რომ არაცნობიერის საკითხი არის „არა ფსიქოლოგიური საკითხი, არამედ ფსიქოლოგიის საკითხი“<sup>41</sup>.

როგორც ამას ფსიქოანალიზის კონცეფციის ანალიზი დაგვანახებს, ფროიდი თ. ლიპსის მოძღვრებაში არაცნობიერის შესახებ ნახულობს ისეთ მომენტებს, რომლებიც წარმოადგენენ საკუთარი თეორიის აუცილებელ შემადგენელ ნაწილს. ეს მომენტებია: 1. გათიშვა ფსიქიკური შინაარსისა ფსიქიკური პროცესისაგან, 2. ცნობიერი ფსიქიკის აღმოცენება არაცნობიერი პროცესიდან, 3. არაცნობიერის უნარი ზემოქმედება მოახდინოს ცნობიერ პროცესებზე და სხვ. ზ. ფროიდი არ ჩერდება მსგავსი დებულებების კონსტანტაციასზე და მიუთითებს იმ სიახლეზე, რომლითაც იგი შორდება თ. ლიპსის თვალსაზრისს. ეს ეხება არაცნობიერი სფეროს დასასიოთებას. ზ. ფროიდთან არაცნობიერი ფსიქიკა განსხვავებული სისტემების ერთიანობაა. კერძოდ, „წინაცნობიერი“ და „საკუთარივე არაცნობიერი“ არაცნობიერი ფსიქიკური სინამდვილის ისეთი რომელიღებია, რომლებიც პიროვნების სტრუქტურაში განსხვავებულ ფუნქციებს ახორციელებენ. ზ. ფროიდს სწორედ არაცნობიერი ფსიქიკის სფეროში მის მიერ დადგენილი სისტემები მიაჩნია წინ გადადგმულ ნაბიჯად არაცნობიერის შემეცნების საქმეში. სხვა მხრივაც რადიკალური განსხვავებაა თ. ლიპსისა და ზ. ფროიდს შორის. ეს ეხება თვითონ არაცნობიერის ონტოლოგიური სახის გააზრებას. თ. ლიპსთან, როგორც ვნახეთ, არაცნობიერი პროცესის კვალიფიკაცია ფსიქიკურად არაცნობიერი პროცესის საკუთარ ბუნებაზე არ მუთითებს. მასთან პროცესი ფსიქიკურადაა ჩათვლილი იმის გამო, რომ ცნობიერების ფსიქიკური შინაარსები უშუალოდ

<sup>41</sup> თ. ლიპსის ამ თეზის, წამოყენებულს მიუნხენში 1896 წელს ფსიქოლოგთა მესამე ყრილობაზე წაკითხულ მოხსენებაში «Der Begriff des Unbewußten in der Psychologie», ფროიდი მიუთითებს შრომაში «Traumdeutung», II—III, 616.



მისგან წარმოშობილად გაიაზრებიან, ამ პროცესის მიმდინარეობის საბოლოო პროდუქტს წარმოადგენენ; ამიტომაც, რომ თ. ლიპსთან არაცნობიერ პროცესებს ეწოდება ფსიქიკური, თავისთავად რას წარმოადგენენ ისინი, უცნობია. ზ. ფროიდისათვის კი არაცნობიერი პროცესები თავისთავად ფსიქიკურია. არაცნობიერის ფსიქიკურობა ის საფუძველია, რაზედაც აგებულია ფსიქოანალიზური თეორია.

რომ არაცნობიერი ფსიქიკის ცნება ამოსავალია ფსიქოანალიზისათვის და რომ პრაქტიკული საქმიანობა ამ ცნებას ემყარება, ეს საგანგებო მტკიცებას არ მოითხოვს, თუმცა სწორედ საგანგებო დასაბუთებას მოითხოვს არაცნობიერი ფსიქიკის რეალობის თეზისი. როგორაა წარმოდგენილი ფსიქოანალიზში არაცნობიერი ფსიქიკის დასაბუთება?

ფროიდი თვლის, რომ არაცნობიერი ფსიქიკის თეზისს მოეპოვება მრავალი არგუმენტი, რომლებიც უცილობლად ადასტურებენ მის რეალურ არსებობას. ფსიქოანალიზში წამოყენებული არგუმენტების დაყოფა თეორიულად და ემპირიულად, ანუ ფაქტობრივად, რა თქმა უნდა, პირობითია, რადგანაც ე. წ. ემპირიული არგუმენტი საბოლოოდ მაინც ისევ თეორიულ მოსაზრებას ემყარება, ამ უკანასკნელითაა განსაზღვრული.

ფროიდი მიუთითებს შემდეგი თეორიული ხასიათის არგუმენტებზე:

1) ფსიქიკა უწყვეტი რეალობაა. თუკი ფსიქიკა უწყვეტობის სუბსტანციალურ ნიშანს ფლობს, მაშინ ცნობიერებას აღარ რჩება უფლება, გადამწყვეტი სიტყვა თქვას ფსიქიკის არსებობის დადასტურებას თაობაზე; იქ, სადაც ცნობიერება ხარვეზს ამჩნევს ფსიქიკის მიმდინარე პროცესებში, ნამდვილად ხარვეზი არაა. ფსიქიკა ცნობიერი და არაცნობიერი პროცესების უწყვეტი თანამიმდევრობა და მონაცვლეობაა. არაცნობიერი ფსიქიკა ცნობიერ ფსიქიკაში შემჩნეული ხარვეზისა და ცნობიერი ფსიქიკის წყვეტილი ბუნების შემავსებელია. ფსიქიკის წარმოდგენიდან უწყვეტი რეალობის საბოლოო აუცილებლობით გამომდინარეობს არაცნობიერი ფსიქიკის რომელიღაც არსებობის ალტარება ცნობიერი ფსიქიკის გვერდით<sup>42</sup>.

2) ფსიქიკა აიხსნება ფსიქიკით. ცნობიერებაში ხშირად ისეთი ფსიქიკური აქტები ხორციელდებიან, რომელთა ახსნისათვის საჭი-

<sup>42</sup> Das Unbewusste, X, 265.

როა დაშვებულ იქნეს ისეთი სხვა აქტების არსებობა, რის შესახებ ცნობიერებამ უშუალოდ არაფერი იცის. არაცნობიერი ფსიქიკური აქტები ცნობიერ ფსიქიკურ აქტებს გასააგებს ხლიან, რადგანაც ისინი ცნობიერი ფსიქიკური პროცესების ურთიერთკავშირს განაპირობებენ. ფსიქიკის სფეროში ამხსნელს როლი შეიძლება დაეკისროს ისევ ფსიქიკურს, რადგანაც არაფსიქიკური ფაქტორი მოკლებულია იმ ბუნებას, რითაც მიიღწევა საზრისიანი კავშირების ხილვა<sup>43</sup>.

ვ) პიპოთეზის პრაქტიკით დადასტურება. საზრისიანი კავშირების დადგენა ფსიქიკურ სინამდვილეში კანონიერი და აუცილებელი ძიებაა. თუკი აზრიანი კავშირების დროს არაცნობიერი ფსიქიკური პროცესის გამოყენებით, მასზე დაყრდნობით შევძლებთ მიზანშეწონილად ვიქონიოთ გავლენა ცნობიერი ფსიქიკური პროცესების მიმდინარეობაზე, მაშინ წარმატება-შედეგის სახით უდავო საბუთი გვაქვს არაცნობიერი ფსიქიკის არსებობის სასარგებლოდ<sup>44</sup>.

4) ანალოგიით დასკვნა. ყოველი ჩვენგანის ცნობიერება ცოდნას გვაწვდის მხოლოდ საკუთარ სულიერ მდგომარეობაზე. ის, რომ სხვასაც აქვს ცნობიერება, ეს ანალოგიით დასკვნაა, გამომდინარე მოქმედებისა და ქცევების მოცემულობებიდან მათი გაგების მიზნით. ფსიქოლოგიურად უფრო სწორი იქნება, ფროიდის მიხედვით, თუ ვიტყვი, რომ ჩვენ მივაწვრთ სხვას განსჯის გარეშე ჩვენ საკუთარ კონსტიტუციას და, მაშასადამე, ჩვენს ცნობიერებასაც. ეს გარეგნება განაპირობებს გაგებას. სხვისი ფსიქიკური (ცნობიერი) პროცესები ჩვენ უშუალოდ არ გვეძლევა, მაგრამ ქცევის საფუძველზე ვასკვნით მათს განმაპირობებელ ფსიქიკურ მდგომარეობებს. საკუთარი მე-ს მიმართაც უნდა დავდგეთ მსგავს პოზიციაზე. თუკი სხვის ქცევას ვხსნით ფსიქიკურით, რომლის ნამდვილ არსებობაში დარწმუნებული ვართ, მაგრამ რისი განცდა ჩვენს მიერ მიუღწეველია, ე. ი. იგი ჩვენთვის არაცნობიერი ფსიქიკაა, არაფერი არ უნდა გვიშლიდეს ხელს, ასეთსავე თვალსაზრისზე დავდგეთ თვითონ ჩვენი მე-ს მიმართაც და იქ, სადაც ხარვეზია ცნობიერი ფსიქიკის მიმდინარეობაში, უნდა დავუშვათ არაცნობიერი ფსიქიკის არსებობა, ანდა ყველა აქტი და გამოვლენა, რაც ჩვენში ხდება, მაგრამ არ ვიცით რა საფუძველით, უნდა დაუკავშირდეს ისევ ჩემს არაცნობიერ ფსიქიკურ ცხოვრებას<sup>45</sup>.

<sup>43</sup> ი ქ ე ე, 266—267, Abriß der Psychoanalyse, XVII, 68.

<sup>44</sup> Das Unbewußte, X, 265.

<sup>45</sup> ი ქ ე ე, 267—270, შეად. Selbstdarstellung, XIV, 67. ფროიდი წერს: «Wir

ასეთია თეორიული მოსაზრებები, რომლებიც ფროიდის მიერაა მოყვანილი არგუმენტებად ფსიქიკის რეალობის დასაბუთებისათვის. ამ არგუმენტებისა და არგუმენტაციის შესახებ, მათი ლოგიკური ძალის თაობაზე ჩვენ საგანგებო მსჯელობა გვექნება კრიტიკულ ნაწილში. ამჟამად მხოლოდ იმაზე მივუთითებთ, რომ ზემოჩამოთვლილი თეორიული მოსაზრებები არგუმენტაციის პროცესში გარკვეული აზრით ერთმანეთს მოითხოვენ და ეფუძნებიან კიდევაც.

ერთი მხრივ, ფროიდი აღიარებს, რომ არ არსებობს პირდაპირი მისასვლელი გზა არაცნობიერ ფსიქიკასთან, ე. ი. არაცნობიერი ფსიქიკა არ შეიძლება ცნობიერებას მიეცეს უშუალოდ თავისი ნამდვილი სახით და ამიტომ მისი არსებობის საკითხს შესახებ მსჯელობა გადატანილ უნდა იქნას თეორიული არგუმენტაციის სფეროში. მეორე მხრივ, პრაქტიკოსი, კლინიცისტი ფროიდი ივიწყებს არაცნობიერი ფსიქიკის პრობლემის გადაჭრის აღნიშნულ ერთადერთ კანონიერ გზას და უთითებს ემპირიულ, ფაქტობრივ მონაცემებზე, როგორც არაცნობიერი ფსიქიკის უცილობელ დამადასტურებელ საბუთზე. ასეთად ფროიდს მიაჩნია: პოსტჰიპნოზური მდგომარეობა და სიზმარი. კლინიცისტი ფროიდი იმასაც დასძენს, რომ არაცნობიერი ფსიქიკის შესახებ მსჯელობის უფლება ნაკლებად შეიძლება ჰქონდეს იმას, ვინც მას იცნობს მხოლოდ როგორც ცნებას, ვინც არასდროს არ დასაქმებულა პრაქტიკულად სიზმრის მოვლენის ანალიზითა და ინტერპრეტაციით<sup>46</sup>. პრაქტიკულმა მოღვაწეობამ, არაცნობიერი ფსიქიკის ცნების გამოყენებამ თერაპევტულ საქმიანობაში, ფროიდს ათქმევინა, რომ „არაცნობიერი სულიერი. ... გრძნობადად ხელშესახება“<sup>47</sup>. ამიტომაც, რომ ფსიქოანალიტიკოსისათვის არაცნობიერი ფსიქიკა პოსტჰიპნოზური მდგომარეობის სახით ექსპერიმენტის ობიექტადაც კი ცნადდება<sup>48</sup>.

nennen unbewußt einen psychischen Vorgang, dessen Existenz wir annehmen müssen, etwa weil wir ihn aus seinen Wirkungen erschliessen, von dem wir aber nichts wissen. Wir haben dann zu ihm dieselbe Beziehung wie zu einem psychischen Vorgang bei einem anderen Menschen, nur daß er eben einer unserer eigenen ist. Wenn wir noch korrekter sein wollen, werden wir den Satz dahin modifizieren, dajs wir einen Vorgang unbenwust heissen, wenn wir annehmen müssen er sei derzeit aktiviert, obwohl wir derzeit nichts von ihm wissen». Neue Folge der Vorlesungen, XV, 77.

<sup>46</sup> Neue Folge der Vorlesungen, XV, 76.

<sup>47</sup> Vorlesungen, XI, 288.

<sup>48</sup> Die Frage der Laienanalyse, XIV, 224. Abriß der Psychoanalyse, XVII, 145—6.

რა ფაქტიურ ვითარებაზე მიუთითებს პოსტჰიპნოზური მდგომარეობა, რომელსაც ფროიდი უწოდებს „არაცნობიერი ფსიქიკის ახალ დასაბუთებას“? ჰიპნოზურ მდგომარეობაში მყოფ სუბიექტს შთააგონებენ, რომ აღნიშნული მდგომარეობიდან გამოსვლის შემდეგ განსაზღვრულ დროს უნდა შეასრულოს გარკვეული მოქმედება. ჰიპნოზურ მდგომარეობაში სუბიექტს აქვს იმის ცნობიერება, რაც მას მიაწოდეს დავალების სახით, ე. ი. მას აქვს მიზნის ცნობიერება, ხოლო ამ მდგომარეობიდან გამოსვლის შემდეგ ინდივიდი საკუთარ ცნობიერებაში ვერ ადასტურებს ვერავითარ განზრახვას, მიზანს, რომელიც მას განცდის სახით ჰქონდა მანამდე. განსაზღვრულ დროს ის, მართლაც, ზუსტად ასრულებს იმ მოქმედებას, რომელიც მას უნდა შეესრულებინა შთაგონებმს დროს მიღებული გადაწყვეტილებით მიზნდვით და თანაც ისე, რომ მას არა აქვს ცნობიერება ქცევის მიზანშეწონილებით შესახებ. ყურადღება მახვილდება იმ მომენტზე, რომ ინდივიდი მიზანშეწონილ ქცევას არაცნობიერად ასრულებს, მიზანი, რომელიც ინდივიდს დაუსახეს ჰიპნოზურ მდგომარეობაში შთაგონებით, ცნობიერი იყო. ჰიპნოზური მდგომარეობის გავლის შემდეგ სუბიექტმა მის შესახებ არაფერი იცის. აქედან დასკვნა — მიზანი გადადის არაცნობიერ მდგომარეობაში და იქ ფსიქიკური სახით განაგრძნობს არსებობას განზორციელებამდე. მაშასადამე, არსებობს საფუძველი, ვიმსჯელოთ არაცნობიერ ფსიქიკურ განზრახვებზე, მიზნებზე, მოსწრაფებებზე, აზრებზე და ა. შ.<sup>49</sup>

ფროიდის მითითებით, ის, რაც ცნობილია არსებითად არაცნობიერის შესახებ ფსიქოანალიზში, მიღებულია სიზმრის ინტერპრეტაციიდან. სიზმრის ფაქტს ფსიქოანალიზისათვის აქვს არა მარტო გადაწყვეტი მნიშვნელობა, როგორც არაცნობიერთან მისასვლელ საშუალებას, არამედ ის წარმოადგენს ამ თეორიის სასინჯ ქვესაცმ<sup>50</sup>.

სიზმრის მოვლენაში უნდა გაირჩეს ორი მომენტი: „სიზმრის ტექსტი“, ანუ „მანიფესტური სიზმარი“ და „სიზმრის ლატენტური აზრი“. ფსიქოანალიზი მიზნად ისახავს აჩვენოს, როგორ გადადის

<sup>49</sup> ფროიდის პოზიცია არაცნობიერი ფსიქიკის ემპირიული დასაბუთების შესახებ სტატიაში — „რამდენიმე შენიშვნა არაცნობიერის ცნების შესახებ ფსიქოანალიზში“ — ასეთია: არაცნობიერი აზრების არსებობა სულში შეიძლება დასაბუთდეს არაპირდაპირი გზით, მაგრამ თითქმის ისე დამარწმუნებლად, ვითომც პირდაპირ მტკიცებოდეს ჩვენი ცნობიერებით. VIII, 433.

<sup>50</sup> Zur Geschichte der psychoanalytischen Bewegung, X, 101, Neue Folge der Vorlesungen, XV, 6.

სიზმრის ლატენტური აზრი მანიფესტურში, იგი-ს არაცნობიერი შინაარსი როგორ გარდაიქმნება წინაცნობიერად და მე-ს მეცადინეობით რა გეშტალტს ღებულობს ის. ამგვარ მოქმედებას საფუძვლად უდევს და ახორციელებს „სიზმრის მუშაობა“. სიზმრის მუშაობის პროცესი ის აღმოჩენილი სიახლეა, რომელსაც შეუძლია, ფროიდის რწმენით, ღრმად ჩაგვახედოს იმ სინამდვილის ბუნებაში, რასაც არაცნობიერი ფსიქიკური სისტემა ჰქვია. ამ უკანასკნელში მოქმედებს სპეციფიკური კანონზომიერება (ფროიდი მას უწოდებს „პირველად პროცესს“), რისგანაც ესოდენ განსხვავდება ცნობიერი აზროვნება („მეორადი პროცესები“). ცნობიერი აზროვნების პოზიციიდან დანახული არაცნობიერი აზროვნების წესები საკვირველად და მცდარად მოჩანს. ფსიქოანალიზი არაცნობიერი ფსიქიკის კანონზომიერებას წვდება, აღმოაჩენს ინტერპრეტაციის საშუალებით, რაც გულისხმობს მანიფესტური შინაარსის ლატენტურში გადაყვანას. ფსიქოანალიზური ინტერპრეტაცია სიზმრის მუშაობის საპირისპირო მიმართულებაა.

სიზმარში ელინდება არაცნობიერის თავისებურებანი, რომლებსაც ფროიდი უწოდა „შემჭიდროება (Yerdichtung) და გადანაცვლება (Verschiebung)“. შემჭიდროება იმაში მდგომარეობს, რომ ზდება სიცხადის მდგომარეობის ცალკეული ელემენტების გაერთიანება ახალ წარმონაქმნად. ისეთი ვითარება იქმნება, რომ ერთ ელემენტს შეუძლია იკისროს მთელი ლატენტური შინაარსის (აზრების) წარმომადგენლობა. ამიტომაც, რომ მანიფესტური შინაარსის მოცულობა უმნიშვნელოა იმ უმდიდრეს მასალასთან შედარებით, რისგანაც იგი წარმოიშვა. სიზმარში თავს იჩენს მეორე სპეციფიკური ბუნება იმ სახით, რომ ზდება ფსიქიკურ ინტენსივობათა (ენერჯიის მუხტის) გადაწევა, გადანაცვლება ერთი ელემენტიდან მეორეზე, რაც იწვევს სიზმარში განსაკუთრებული მნიშვნელობის მქონე ელემენტის ნაცვლად ასეთის არქმონის წინ წამოწევას მანიფესტურ შინაარსში. ფროიდს არაცნობიერი ფსიქიკური სფეროს აღნიშნული ტენდენციებიდან, შემჭიდროებისა და გადანაცვლების ბუნების გათვალისწინებიდან გამოაქვს დასკვნა, რომ არაცნობიერ იგი-ში ფსიქიკური ენერჯია თავისუფალი მოძრაობის მდგომარეობაშია. სიზმარი გვიჩვენებს სწორედ არაცნობიერში მოქმედი კანონზომიერების განსაკუთრებულობას, რომ ისაა „ალოგიკურის სამეფო“. აქ ერთმანეთის

გვერდით თავსდებიან საწინააღმდეგო და ურთიერთგამომრიცხველი მისწრაფებები<sup>51</sup>.

ასეა წარმოდგენილი ფსიქონალიზში ფაქტობრივი მასალა, რა-  
ზეც უნდა დაადასტუროს ფსიქიკის არაცნობიერი არსებობა. ჩვენ  
არსებითად ე. წ. არაცნობიერი ფსიქიკის ორი ფაქტის: პოსტპიანო-  
ზური მდგომარეობისა და სიზმრის ფროიდისეულ გაგებაზე იმიტომ  
შევჩერდით და მით დავეყვარებოდით, რომ ამ მოვლენებში მთელი  
სიგარძე-სიგანითაა გამომქლავებული იმ ემპირიული არგუმენტა-  
ციის შინაგანი ბუნება, რამაც უნდა გაამართლოს, ფროიდის გაგე-  
ბით, ფსიქიკის არაცნობიერი არსებობა.

მივუთითეთ თეორიული და ემპირიული სახის არგუმენტებზე,  
რომლებიც ფსიქონალიზში მიჩნეული არიან არაცნობიერი ფსიქი-  
კის უდავო დადასტურებად; მაგრამ ჯერ არაფერი თქმულა არსები-  
თი არაცნობიერის პრობლემის ლოგიკურ პირველ კითხვაზე — რა  
არის არაცნობიერი ფსიქიკა? ფსიქონალიზი, როგორც ფსიქიკური  
არაცნობიერის თეორია, ვალდებულია პრინციპული და ზუსტი პა-  
სუხი მოგვეცეს არაცნობიერი ფსიქიკის არსებობის ფორმის, შინაგა-  
ნი გარკვეულობის, ონტოლოგიური სახის შესახებ.

ფროიდისათვის გადამწყვეტი მნიშვნელობის მქონეა არაცნობი-  
ერი ფსიქიკის შინაარსის დადგენის საქმეში ცნობიერებისა და ფსი-  
ქიკის ურთიერთმიმართების გარკვევა. რას წარმოადგენს არაცნო-  
ბიერ ფსიქიკად წოდებული საქმის ვითარება — ცნობიერებასთან  
დაკავშირებულ მოვლენას თუ ცნობიერების გარეშე არსებულ რა-  
ობას? ფსიქონალიზს ამ კითხვაზე არაორაზროვანი პასუხი აქვს:  
არაცნობიერი ფსიქიკა არის ფსიქიკა, რომელიც არსებობს ცნობი-  
ერებისაგან დამოუკიდებლად, ცნობიერების გარეშე<sup>52</sup>.

ფროიდი ზშირად უთითებს იმ იდეასინკრეტულ შეხედულებას  
არაცნობიერი ფსიქიკის თაობაზე ფილოსოფოსთა ერთი ჯგუფის  
წარმომადგენლებთან, რომლებიც პრინციპულად უარყოფენ არა-  
ცნობიერი ფსიქიკის დაშვებას და ტერმინებს: „ცნობიერი“ და „ფსი-  
ქიკური“ იდენტური შინაარსის მქონედ თვლიან. აქ ცნობიერის სფე-  
რო ფარავს ფსიქიკურს მთელ მოცულობას, სულს არა აქვს არავი-  
თარი სხვა შინაარსი გარდა ცნობიერების მოვლენებისა, ფსიქოლო-

<sup>51</sup> Abriß der Psychoanalyse, XII, 88—91.

<sup>52</sup> „ცნობიერსა და არაცნობიერს შორის განსხვავება საბოლოოდ აღქმის სა-  
კითხია, რაზედაც პასუხი გაცემა ან პოთი ან არათი“. Das Ich und das Es, XIII, .  
242.

გიას, მეცნიერებას სულის შესახებ, არ გააჩნია სხვა ობიექტი კვლევისა თუ არა აღნიშნული ფენომენები. ფსიქიკის შესახებ ამგვარი შეხედულების დამკველს იმ კონცეფციის მიმართ, რომელსაც ფსიქონალიზი იზიარებს, სახელდობრ, რომ სულიერი თავისთავად არა-ცნობიერია, ცნობიერება მხოლოდ თვისებაა, რომელიც ცალკეულ სულიერ პროცესებს მიეწერება და ამდენად სულიერი არ ემთხვევა გაცნობიერებულს, ამიტომაც არაა ერთი და იგივე, ხდება თუ არა სულში რაიმე და ვიცით თუ არა მის შესახებ, — გააჩნია ერთი უარყოფითი კვალიფიკაცია: ასეთი მტკიცება ფსიქიკაზე არის *contra-dictio in adjecto*, მსჯელობა არარსებულზე. ამგვარი შეფასება ფსიქონალიზის ამოსავალი ვითარებისა, ფროიდის რწმენით, ემყარება ცნობიერებისა და ფსიქიკის იგივეობის თეზისს<sup>53</sup>. აღნიშნულის საპირისპიროდ ფროიდი თვლის, რომ თვითონ გაიგივება ცნობიერებისა ფსიქიკასთან არის *petitio principii*. ფსიქიკისა და ცნობიერების იდენტობა ესაა შეხედულება ცნობიერების გადაფასებული როლის შესახებ, ამიტომ იგი იძულებულს გვხდის ადრე დაეტოვოთ წმინდა ფსიქოლოგიური კვლევა-ძიების სფერო<sup>54</sup>.

ფროიდის მიხედვით, ზოგიერთი ცდილობს არაცნობიერი ფსიქიკის უარყოფას ცნობიერების ინტენსივობის, ანუ ნათელობის ფაქტზე მითითებით. თითქოს ფსიქონალიზი არაცნობიერ ფსიქიკურში გულსხმობდეს ისეთ მდგომარეობას, რომელიც ოდნავ შესამჩნევად განიცდება, ცნობიერების დაბალ საფეხურს წარმოადგენს. ამგვარად გაგებულ არაცნობიერში ისინი წინააღმდეგობას ხედავენ — ეს მდგომარეობაც ხომ ცნობიერების ფაქტიაო და მას მიუღებლად თვლიან როგორც არაცნობიერი ფსიქიკის არსებობის უვარგის არგუმენტს და ამით არაცნობიერი ფსიქიკის საკითხს უარყოფითად გადაჭრილად მიიჩნევენ. ჩვენი ავტორის მიხედვით, აქ მოტანილ მსჯელობაზე შემდეგი შენიშვნის გაკეთება შეიძლება: არაცნობიერი ფსიქიკის უარყოფის საკითხში ცნობიერების საფეხურებზე მითითებას არ გააჩნია მტკიცების მეტი ძალა, ვიდრე ანალოგიურ მსჯელობას: არსებობს განათების მრავალი გრადაცია, დაწყებული ინტენსიურით და დამთავრებული სუსტი სინათლით, მაშასადამე, არ არსებობს სიბნელე<sup>55</sup>.

როგორც დავინახეთ, ფროიდი უარყოფს აზრს ცნობიერებისა

<sup>53</sup> *Widerstände gegen die Psychoanalyse*, XIV, 193.

<sup>54</sup> *Das Unbewußte*, X, 266.

<sup>55</sup> *Das Ich und das Es*, XIII, 242.

და ფსიქიკის გაიგივებისა და აქედან გამომდინარე ცნობიერების (ცნობიერი ფსიქიკის) არაცნობიერად არსებობის შესახებ. ცნობიერება კი არაა არაცნობიერი, არამედ ფსიქიკაა არაცნობიერი. ცნობიერება და ფსიქიკა ერთმანეთისაგან განსხვავებული გარკვეულობებია. ცნობიერება ზოგჯერ უკავშირდება ფსიქიკას, ფსიქიკა ამ შემთხვევაში ცნობიერი ხდება, ცნობიერების ნიშანს იძენს. მაგრამ გასაკრევეია მორიგი საკითხი: თუკი ფსიქიკა პრინციპულად არ უკავშირდება ცნობიერებას და მის გარეშე შესწევს არსებობის ძალა, რა სახით არსებობს ის ცნობიერებისაგან დამოუკიდებლად, რა ონტოლოგიური გარკვეულობა აქვს მას ამ შემთხვევაში? არაცნობიერი ფსიქიკის შესახებ თეორიამ აღნიშნულ კითხვაზე უნდა მოგვცეს გარკვეული პასუხი. წინააღმდეგ შემთხვევაში ის არ იქნება სწორედ თეორია არაცნობიერი ფსიქიკისა. საქმეს ვერ უშველის არაცნობიერის ფუნქციონალური დახასიათება, იმის აღნიშვნა, თუ რას აკეთებს არაცნობიერი. არაცნობიერი ფსიქიკის თეორიებში, ჩვეულებრივ, შეიმჩნევა ტენდენცია არაცნობიერი ფსიქიკის რაობის საკითხი შეცვალონ არაცნობიერის ფუნქციონალური საკითხით. ამ გზას ერთგვარად ვერც ფსიქონალიზურმა თეორიამ დააწია თავი. არაცნობიერი ფსიქიკის სისტემებს შორის არსებული ურთიერთმიმართების აღწერა, რომელსაც ფროიდი განსაკუთრებულ ყურადღებას აქცევს, ფუნქციონალური თვალსაზრისის მომარჯვების ნაყოფია. აღნიშნულის შესახებ დაწერილებით ქვემოთ ვიმსჯელებთ. ახლა კი უნდა გაირკვეს არაცნობიერი ფსიქიკის რაობის ფსიქონალიზური კონცეპტი.

ფროიდის ნაშრომებში ზშირად შეხვდებით ტერმინებს: „არაცნობიერი წარმოდგენა“, „არაცნობიერი სურვილი“, „არაცნობიერი შისწრაფება“, „არაცნობიერი შიში“, „არაცნობიერი გრძნობა“, „არაცნობიერი აფექტი“, „არაცნობიერი აზრები“ და სხვ. ავტორი ფსიქიკურს მრავალგზის ახასიათებს როგორც ისეთ პროცესს, რომელსაც მხოლოდ ზოგჯერ ახლავს თან ცნობიერების ნიშანი, თვისება, რომ ცნობიერების ქვალიტეტი ფსიქიკურისათვის ინკონსტანტურია; ფროიდი იმასაც ამბობს, რომ „ზოგიერთი ლატენტური მდგომარეობის შესახებ ჩვენ შეგვიძლია ვამტკიცოთ კიდევაც, ისინი განსხვავდებიან ცნობიერებისაგან მხოლოდ ცნობიერების უქონლობით“<sup>56</sup>.

აღნიშნულის შემდეგ მკითხველსათვის ბუნებრივი ჩანს, ამგვარ-

<sup>56</sup> Das Unbewußte, X, 267, შეად. გვ. 271.



რი შეფასებიდან გამომდინარე, ფროიდი დაიცავდა აზრს: არაცნობიერი ფსიქიკა ესაა ისეთი ფსიქიკა, თავისი ბუნებითა და გარკვეულობით, როგორც ცნობიერებით განათებული ფსიქიკა, მაგრამ ამჟამად (არაცნობიერ არსებობაში) ცნობიერების ნიშანს მოკლებული; როგორც ამბობენ, არაცნობიერი ფსიქიკა ესაა ცნობიერი ფსიქიკა მიწის ცნობიერება.

მაგრამ ყურადღება სწორედ იმაზე უნდა გამახვილდეს, რომ როდესაც ფროიდის წინაშე საკითხი ისმის პ რ ი ნ ც ი კ უ ლ ი თ ვ ა ლ ს ა ზ რ ი ს ი თ იმის შესახებ, თუ რა არის არაცნობიერი ფსიქიკა თავისი რომელიღობისა და შინაგანი ბუნების მიხედვით, მაშინ ის გადაჭრით აცხადებს, რომ არაცნობიერი ფსიქიკა (არაცნობიერი წარმოდგენა) არაა ფსიქიკის არაცნობიერი შინაარსი, ისეთი შინაარსი, რომელსაც აკლია მხოლოდ ცნობიერების შუქი. ამ აზრს იცავდა ფროიდი მისი კონცეფციის ჩამოყალიბების არა ერთ რომელიმე მომენტში, არამედ ფსიქოანალიზის თეორიის ჩამოყალიბების დასაბამიდან (როცა 1900 წელს გამოქვეყნდა „სიზმრის ინტერპრეტაცია“) მის ერთგვარად დასრულებული სახით წარმოდგენამდე (როცა 1938 წელს იწერებოდა „ფსიქოანალიზის ნაკვეთი“). მოვიყვანოთ თვითონ ფროიდის მსჯელობები: 1900 წელი, „სიზმრის ინტერპრეტაცია“: „არაცნობიერი ესაა საკუთრივ რეალური ფსიქიკური. იგი თავისი შინაგანი ბუნებით ისევე უცნობია, როგორც გარე სამყაროს რეალობა და ცნობიერების მოცემულობით ისევე არასრულად მოცემული, როგორცადაც გარე სამყარო ჩვენი გრძნობის ორგანოებზე გზით მოცემული“<sup>57</sup>. 1913 წელი, „რამდენიმე შენიშვნა არაცნობიერის ცნების შესახებ ფსიქოანალიზში“: „რომელი გეშტალტით შეუძლია მას (წარმოდგენას — ვ. კ.) არსებობა მაშინ, როცა ის სულიერ ცხოვრებაში ამჟამად ააა, მაგრამ ცნობიერებაში ლატენტურია, ამის შესახებ არ შეგვიძლია ვარაუდი წამოვაყენოთ“<sup>58</sup>. 1923 წ., „მე და იგი“: „ამჟამად ცნო-

<sup>57</sup> «Das Unbewusste ist das eigentlich reale Psychische, uns nach seiner inneren Natur so unbekannt wie das Reale der Aussenwelt, und uns durch die Daten des Bewußtseins ebenso unvollständig gegeben wie die Aussenwelt durch die Angaben unserer Sinnesorgane», II-III, 617—618.

<sup>58</sup> «In welcher Gestalt sie (Vorstellung—ვ. კ.) aber existiert haben kann,

ბიერი წარმოდგენა მომდევნო მომენტში ასეთი აღარაა, მხოლოდ მას შეუძლია გარკვეულ, ადვილად აღსადგენ პირობებში ისევ ცნობიერი გახდეს. რა იყო ის შუალედურ მდგომარეობაში, ჩვენ არ ვიცით. შეგვიძლია ვთქვათ, ის იყო ლატენტური და ამასთანავე ვიგულისხმობთ, რომ ის ყოველ დროს ცნობიერების უნარის მქონე იყო. როცა ვამბობთ აგრეთვე, რომ ის იყო არაცნობიერი ვიძლევიტ სწორ აღწერას. ეს არაცნობიერი მაშინ დაემთხვევა ლატენტურ-ცნობიერების უნარს მქონეს<sup>59</sup>. 1932 წ., „ფსიქოანალიზის შესავალი ლექციების ახალი სერია“: „ჩვენ არაცნობიერს ვუწოდებთ ფსიქიკურ პროცესს, რომლის არსებობა უნდა დავეუშვათ, მის შესახებ არაფერი ვიცით, მაგრამ მასზე ვასკენით მისი შედეგების მიხედვით“<sup>60</sup>. 1938 წ., „ფსიქოანალიზის ნარკვევი“: „მაგალითად, როცა ვამბობთ, რომ აქ არაცნობიერი მოგონება ჩაერთა საქმეში, მაშინ ეს სწორედ ნიშნავს — აქ ჩვენთვის რაღაც სავსებით შიუწვდომელი მოხდა, რაც ცნობიერებაში რომ ამოსულიყო, შეიძლებოდა მისი მხოლოდ ასე და ასე აღწერა“<sup>61</sup>.

ფროიდის აქ მოტანილი გამონათქვამების ძირითადი აზრი ისაა, რომ არაცნობიერ ფსიქიკაზე, როცა ის ცნობიერების მიღმა არსებულადაა ნაგულსხმევი, არაფრის თქმა არ შეგვიძლია არსებობის

während sie im Seelenleben gegenwärtig und im Bewußtsein latent war, darüber können wir keine Vermutung aufstellen», VIII, 340.

<sup>59</sup> «...die jetzt bewußte Vorstellung ist es im nächsten Moment nicht mehr, allein sie kann es unter gewissen leicht hergestellten Bedingungen wieder werden. Inzwischen war sie, wir wissen nicht was; wir können sagen, sie sei latent gewesen, und meinen dabei; daß sie jederzeit bewußtseinsfähig war. Auch wenn wir sagen, sie sei unbewußt gewesen, haben wir eine korrekte Beschreibung gegeben. Dieses Unbewußte fällt dann mit latent-bewußtseinsfähig zusammen», XIII, 240.

<sup>60</sup> «Wir nennen unbewußt einen psychischen Vorgang, dessen Existenz wir annehmen müssen, etwa weil wir ihn aus seinen Wirkungen erschliessen, von dem wir aber nichts wissen», XY, 77.

<sup>61</sup> «... wenn wir z. B. sagen, hier hat eine unbewußte Erinnerung eingegriffen, so heißt das eben: Hier ist etwas für uns ganz Unfassbares vorgefallen, was aber, wenn es uns zum Bewußtsein gekommen wäre, nur so und so hätte beschrieben werden können», XVII, 127. (ხაზგასმა ჩვენია). ფროიდი თავის მოღვაწეობას კანტის საქმის გაგრძელებად თვლის. კანტი გვაფრთხილებდა, ფენომენი არ ჩავეთვალა ნივთად თავისთავად. ფსიქოანალიზი ანალოგიურ გაფრთხილებას იძლევა ფსიქიკურის შემეცნების სფეროში. არ უნდა გაიგივდეს ცნობიერი ფსიქიკა, განცდა არაცნობიერ ფსიქიკასთან. ფსიქიკური არაა ისეთი, როგორადაც ჩვენ იგი გვეჩვენება. იხ. Das Unbewußte, X, 270.

ფორმის მხრივ, ონტოლოგიური სახის მიხედვით. ვიცით, რომ ცნობიერების გარეშე მიმდინარე არაცნობიერი პროცესი უნდა წარმოადგენდეს ფსიქიკას, მაგრამ თვითონ ამ ფსიქიკური პროცესის შინაგან ბუნებაზე, მის მდგომარეობაზე არაფერია ცნობილი. ფროიდი არაცნობიერ ფსიქიკას ზოგჯერ ახასიათებს როგორც: კვალს<sup>62</sup>, დისპოზიციას<sup>63</sup>, უნარსა და მიდრეკილებას<sup>64</sup>, ინსტიქტის ანალოგიურ მოვლენას<sup>65</sup>, ენერგიას<sup>66</sup>. აღნიშნული დახასიათებები, მართლაც, ვერ გვიჩვენებენ არაცნობიერი ფსიქიკის შინაგან გარკვეულობას. უფრო მეტიც, აღნიშნულ დახასიათებებს არ შეუძლიათ ონტოლოგიური კვალიფიკაცია მისცენ თვითონ არაცნობიერ პროცესს, გაარკვიონ არაცნობიერი პროცესის ბუნება, რა არის ეს პროცესი მატერიალური თუ ფსიქიკური, ვინაიდან ტერმინები — კვალი, დისპოზიცია, უნარი და ა. შ. მიუთითებენ სხვა განზომილებაზე, ფუნქციონალურ მომენტზე, ამიტომ ჭერ წინდაწინვე უნდა გაირკვეს, დადგინდეს კვალის, დისპოზიციის, მიდრეკილების და ა. შ. შინაგანი გარკვეულობა, რომ ისინი გამოდგნენ არაცნობიერი პროცესის ონტოლოგიურ მაკვალიფიცირებელ საშუალებად.

20-იან წლებში ფროიდი არც კი თვლიდა საჭიროდ არაცნობიერის ონტოლოგიური საკითხის დასმას და მასზე პასუხის გაცემას, მაშინ როცა ფსიქოანალიზის ამოსავალი არაცნობიერის ონტოლოგიური საკითხის გადაჭრაა, რომ არაცნობიერი სწორედ ფსიქიკა უნდა იყოს. ეს ვითარება, შეიძლება, განაპირობა მაინც იმან, რომ ჩვენი ავტორი განსაკუთრებით დაინტერესებული იყო არაცნობიერის ფუნქციონის გარკვევით<sup>67</sup>.

<sup>62</sup> Das Unbewußte, X, 277, Jenseits des Lustprinzips, XIII, 24—25.

<sup>63</sup> Kurzer Abriss der Psychoanalyse, XIII, 412, Der Mann Moses, XVI, 204.

<sup>64</sup> Der Mann Moses, XVI, 205.

<sup>65</sup> Das Unbewußte, X, 294.

<sup>66</sup> Abriss der Psychoanalyse, XVII, 86.

<sup>67</sup> ფროიდი 1925 წელს წერდა: «ანალიტიკოსი უარყოფს თქვას, რა არის არაცნობიერი». Die Widerstände gegen die Psychoanalyse, XIV, 10.

«Was der seelische Apparat ist, wird bald klar werden. Aus welchem Material er gebaut ist, danach bitte ich nicht zu fragen. Es ist kein psychologisches Interesse, kann der Psychologie ebenso gleichgültig sein wie der Optik die Frage, ob die Wände Fernrohrs aus Metall oder aus Pappendekel gemacht sind. Wir werden den stofflichen Gesichtspunkt überhaupt bei Seite lassen». Die Frage der Latenanalyse, XIV, 221.

ზემოთ აღვნიშნეთ, რომ ფროიდი ხშირად ხმარობს ისეთ გამოთქმებს, რითაც ცნობილ ცნობიერების შინაარსებს არაცნობიერის ნიშანს მიაწერს. მაგალითად, „არაცნობიერი წარმოდგენა“, „არაცნობიერი სიყვარული“, „არაცნობიერი აფექტი“, „არაცნობიერი გრძნობა“ და სხვ. არაცნობიერი ფსიქიკის ონტოლოგიური ბუნების გარკვევისათვის, გარდა უკვე მითითებული ფროიდის მიერ გამოთქმული მსჯელობებისა, რომლებიც არსებითად იძლევიან საკითხის უარყოფითად გადაწყვეტას, საყურადღებოა აგრეთვე ავტორის ის მსჯელობებიც, სადაც საკითხი ისმის იმ შინაარსის დაზუსტების შესახებ, რაც უნდა იგულისხმებოდეს დასახელებულ ზოგიერთ ტერმინში. ფროიდი ანალიზებს, მაგალითად, გრძნობის ფსიქიკურ ფენომენს და მიღის დასკვნამდე, რომ გრძნობა როგორც ცნობიერების შინაარსი, არ შეიძლება არსებობდეს იმავე გარკვეულობით ცნობიერების მიღმაც, არაცნობიერ მდგომარეობაში. „არაცნობიერი გრძნობა“ ტერმინია, რომელიც, როგორც ფროიდი მიუთითებს, აბაპირდაპირი მნიშვნელობითაა ნახშირი და ნიშნავს სახელდობრ ისეთ ჩანასახოვან მდგომარეობას, ანუ შესაძლებლობას, რომელიც თუკი განვითარდება პროცესის სახით, მაშინ მისი საბოლოო შედეგი მოგვევლინება ცნობიერების გარკვეული შინაარსის — გრძნობის სახით. ცნობიერებაში ამოსვლამდე ე. წ. არაცნობიერი გრძნობა არაა ჩვენთვის ცნობილი ფსიქიკური შინაარსი, იგი მხოლოდ ენერჯის გახარჯვის პროცესია. ფროიდი წერს: „არაცნობიერ აფექტს ამავე სისტემაში (არაცნობიერის სისტემაში — ვ. კ.) შეესატყვისება მხოლოდ აფექტის ჩანასახი, ვითარცა შესაძლებლობა, რომელსაც არ მიუღია შემდგომი განვითარება... აფექტები და გრძნობები შეესატყვისებიან ენერჯის გახარჯვის პროცესებს, რომელთა საბოლოო გამოვლენანი აღიქმება შეგრძნებების სახით“<sup>88</sup>. იმავე შრომაში გარკვევითაა მითითებული: „არაცნობიერობის შესაძლებლობა, ამგვარად, სავსებით მოხსნილია გრძნობებთან, შეგრძნებებთან და აფექტებთან“<sup>89</sup>.

ზ. ფროიდის „არაცნობიერი წარმოდგენა“ გავებული აქვს რო-

<sup>88</sup> «...dem Unbewußten Affekt ebendort (Im System Ubw—ვ. კ.) nur eine Ansatzmöglichkeit, die nicht zur Entfaltung kommen durfte, entspricht... Affekte und Gefühle Abfuhrvorgängen entsprechen, deren letzten Äusserungen als Empfindungen wahrgenommen werden». Das Unbewußte, X, 277.

<sup>89</sup> «Die Möglichkeiten einer Unbewußtheit würde also für Gefühle, Empfindungen, Affekte, völlig entfallen», o კ ვ ე, 276.

გორც კვალი. იგი აღნიშნავს „წარმოდგენები (არაცნობიერი წარმოდგენები — ვ. კ.) არსებითად მოგონების კვლები არიან“<sup>70</sup>. იმასაც თუ გავითვალისწინებთ, რომ „მოგონების კვლებს არავითარი საერთო არა აქვთ გაცნობიერებასთან“<sup>71</sup>, მაშინ არ უნდა იყოს ძნელი დასანახი, რაოდენ შორს უნდა იდგეს ზ. ფროიდი არაცნობიერი ფსიქიკის იმ გაგებისაგან, რომლის მიხედვითაც, არაცნობიერი ფსიქიკა ეს მხოლოდ ცნობიერების ნიშანს მოკლებული ფსიქიკური შინაარსების ცნობიერების მიღმა არსებობდა. ზ. ფროიდი იმასაც აღნიშნავს, რომ აფექტებისა და წარმოდგენების არაცნობიერი არსებობა ერთგვაროვანი არაა. მას ამ შემთხვევაში მხედველობაში აქვს ის, რომ არაცნობიერი წარმოდგენა მოგონების კვ ა ლ ი ა, ხოლო არაცნობიერი აფექტი — ე ნ ე რ გ ი ის გ ა ხ ა რ ჯ ვ ის პ რ ო ც ე ს ი, არაცნობიერ წარმოდგენასა და არაცნობიერ აფექტს შორის განსხვავებას ეს ვითარება ქმნის<sup>72</sup>. ორივე აღნიშნული მოვლენა მსგავსებას ამჟღავნებს იმით, რომ ცნობიერებაში ფენომენების სახით არსებულნი არაცნობიერში შინაარსის ფორმით აღარ განაგრძობენ არსებობას.

ზ. ფროიდის აზრით, ყურადღება უნდა მიექცეს იმ ვითარებას, რომ ფსიქიკა შეიძლება განიხილოს ორი თვალსაზრისით: აღწერითი და სისტემატურით. აღწერითი თვალსაზრისით, გვაქვს ფსიქიკის სამი სფერო: ცნობიერი (Bw), წინაცნობიერი (Vbw) და არაცნობიერი (Ubw). ცნობიერი ფსიქიკის სფერო უპირისპირდება წინაცნობიერსა და არაცნობიერს განცდის თვისებით, წინაცნობიერი ეს ფარული (ლატენტური) არაცნობიერია, რომელსაც ჩვენი ავტორი პოტენციურ ცნობიერსაც უწოდებს. ეს უკანასკნელი ცნობიერ ფსიქიკასთან ახლო მდგომია. აღნიშნული ახლოდგომა ცნობიერ სფეროსთან იმაში გამოიხატება, რომ მას შეუძლია შეაღწიოს ცნობიერებაში ყოველგვარი წინააღმდეგობის გარეშე. წინაცნობიერისაგან, როგორც ცნობიერების უნარის მქონესაგან, განსხვავებულია განდევნილი არაცნობიერი ფსიქიკა. განდევნილი არაცნობიერი ფსიქიკა ნამდვილი არაცნობიერია. მას არ შესწევს უნარი, შემოვიდეს ცნობი-

<sup>70</sup> «Vorstellungen (unbewußte Vorstellungen— ვ. კ.) Besetzungen — im Grunde von Erinnerungsspuren sind». ი ქ ე ე, 277.

<sup>71</sup> «Wir annehmen, daß alle Erregungsvorgänge in den anderen Systemen Dauerspuren als Grundlage des Gedächtnisses in diesen hinterlassen, Erinnerungsreste also, die nichts mit dem Bewußtwerden zu tun haben», Jenseits des Lustprinzips, XIII, 24.

<sup>72</sup> Das Unbewußte, X, 277.

ერებაში თავისი ბუნებრივი გარკვეულობით. ცნობიერებაში შეიძლება შემოაღწიოს მხოლოდ განდევნილი არაცნობიერი ფსიქიკის წარმომადგენელმა. როგორც ირკვევა, აღწერით თვალსაზრისზე დგომა არაცნობიერი ფსიქიკის ორ რომელობას გვაძლევს: წინაცნობიერსა და არაცნობიერს. დინამიკური (სისტემური) თვალსაზრისის გამოყენება აუქმებს არაცნობიერში რომელობების დამოუკიდებლობას და არაცნობიერ ფსიქიკას განიხილავს ერთ მთლიან სისტემად, რომელიც უპირისპირდება ახალი ასპექტით ცნობიერი ფსიქიკის სფეროს<sup>73</sup>.

ფსიქოანალიზური თეორიის ჩამოყალიბების ბოლო პერიოდში ზ. ფროიდი ლაპარაკობს არაცნობიერი ფსიქიკის ოთხ ფუნქციონალურ რომელობაზე: წინაცნობიერი, განდევნილი, არქაული მემკვიდრეობა და საკუთრივ არაცნობიერი, რომელთაც ფსიქიკის სტრუქტურაში განსხვავებული ამოცანის შესრულება ეკისრებათ. ზ. ფროიდი არაცნობიერი ფსიქიკის აღნიშნული რომელობების ერთგვარ დახასიათებას იმითაც იძლევა, რომ ის ლაპარაკობს მათ გენეზისზე. წინაცნობიერი, განდევნილი და არქაული მემკვიდრეობა იმ ბუნებისანი არიან, რომ ისინი წარმოიშვნენ ცნობიერებიდან — ისინი ერთ დროს ცნობიერების შინაარსები იყვნენ და მხოლოდ ამის შემდეგ. გარკვეული ვითარების გამო, იქცნენ არაცნობიერად. მათთვის არაცნობიერობა, ასე რომ ვთქვათ, მ ე ო რ ე უ ლ ი ბუნებაა. საკუთრივ არაცნობიერი ფსიქიკა ს ა წ ყ ი ს ი ს ე უ ლ ი ა, იგი, როგორც აღეთი, არაცნობიერია. ეს უკანასკნელი უშუალოდ ჩვენთვის მიუწვდომელია და მისი შემეცნების სიძნელეც აქედან წარმოსდგება.

ფსიქოანალიზური კვლევის დამაგვირგვინებლად ფროიდი თვლის „მეტაფსიქოლოგიას“, რომელიც ფსიქიკური სინამდვილის ხედვის აპრიორს კი არ წარმოადგენდა, არამედ გამოცდილების დაგროვების ანალიზის შედეგს. ფსიქიკური სინამდვილის მეტაფსიქოლოგიური ხედვა სისტემატური თვალსაზრისის ფარგლებში თავსდება და სამი ასპექტით წარმართება: ტოპიკური, დინამიკური და ეკონომიკური<sup>74</sup>.

<sup>73</sup> Das Ich und das Es, XIII, 241—242.

<sup>74</sup> «Ich nannte so (Metapsychologie— გ. კ.) eine Weise der Betrachtung, in der seeliche Vorgang nach der drei Koordinaten der Dynamik, Topik und Ökonomie gewürdigt wird, und sah in ihr das äußerste Ziehl, das der Psychologie erreichbar ist, Selbstdarstellung, XIV, 85.

ნაშრომი, სადაც პირველად გატარდა აღნიშნული თვალსაზრისი, ესაა „ნარციზის შესავალი“ (1914), ხოლო საბოლოოდ შეივსო და დამკვიდრდა „ფსიქოანალიზის შესავალი ლექციების ახალ სერიაში“ (1933).

ტოპიკური (სიერცობრივი) ასპექტის მიხედვით ფსიქიკა რთული ინსტრუმენტი, რომელიც შეიცავს სამ სფეროს, ინსტანციას: იგი, მ ე, ზ ე-მ ე. აქ მიზნადაა დასახული რთულ ინსტრუმენტში განსხვავებული სულიერი პროცესების ლოკალობის დადგენა. მითითებულია იმაზე, თუ რა ინსტანციებს შორის ხორციელდება ფსიქიკურა აქტივობა. ტოპიკური ასპექტი, ფროიდის მიხედვით, იმავე დროს გენეტურიცაა, რადგანაც აქვე დგება წარმოშობის მხრივ ინსტანციების ურთიერთმიმართების საკითხი<sup>75</sup>.

დინამიკური ასპექტის მიხედვით, ყველა ფსიქიკური პროცესი დაიყვანება ძალთა ურთიერთობაზე. ფსიქიკური ძალები ერთმანეთს ან ხელს უწყობენ, ან ანტაგონიზმის გამო აკავებენ. ფსიქიკური ძალები ლტოლვებს წარმოადგენენ. ეს ძალები-ლტოლვები ცნობიერებაში ვლინდებიან აფექტურად დამუხტული წარმოდგენების სახით. არსებობს ლტოლვების ორი ძირითადი ჯგუფი: სექსუალური ლტოლვები (ეროსი) და დესტრუქციის ლტოლვები (სიკვდილის ლტოლვა).

ეკონომიკური ასპექტის მიხედვით, ლტოლვის ფსიქიკური წარმომადგენელი (შემცველელი) დახასიათებულია, როგორც ენერჯიის გარკვეული რაოდენობით დამუხტული. ფსიქიკური აპარატი წარმოდგენილია იმ სახით, რომ მას აქვს ტენდენცია, თავიდან აიცილოს ენერჯიის დაგუბება და დაბლა დასწიოს აგზნებათა საერთო ჯამი. ფსიქიკური პროცესების მიმდინარეობა ავტომატურად რეგულირდება სიამოვნების პრინციპით. ამ უკანასკნელის გარემოსთან შეხების გზით მე-ში აღმოცენდება რეალობის პრინციპი.

რას წარმოადგენენ ი გ ი, მ ე, ზ ე-მ ე? ი გ ი ფროიდისათვის წარმოადგენს საკუთრივ არაცნობიერს. მასში ყველა პროცესი არაცნობიერია. აქ თავს იყრის ლტოლვები<sup>76</sup>. ი გ ი არის ფსიქიკის უძველესი, თავდაპირველადი საფეხური, რისგანაც შემდეგ აღმოცენდა მ ე-თავის მხრივ, მოგვიანებით მ ე-შიაც გამოიყოფა განსაკუთრებული საფეხური, რომელსაც ეწოდება ზ ე-მ ე. მე არის გარესამყაროს (რეალობის) ზემოქმედების გზით მოდიფიცირებული ფენა ი გ ი-ში. ამიტომაც, რომ მ ე დახასიათებულია ფსიქიკის ზედაპირულ მომენ-

<sup>75</sup> Ner Mann Mosses, XVI, 202—204, ფსიქიკის ტოპიკა ეხება ფსიქიკურ აპარატს დამოუკიდებლად სხეულში მისი მდებარეობისა.

<sup>76</sup> »Im Es greifen unsere ursprünglichen Triebe an«. Der Mann Mosses, XVI, 203.

ტად, წინააღმდეგ სულის ღრმა მდებარე ფენისა, რომელსაც ი გ ი ჰქვია. მე აღვიღს იჭერს რეალობასა და ი გ ი-ს შორის.

ფსიქიკის უძველესი ფენა ი გ ი-სათვის არსებითად ითვლება ის, რომ მასში კონფლიქტი არაა. წინააღმდეგობები, დაპირისპირებულობები აქ ერთმანეთის გვერდით თავსდებიან და ისინი კომპრომისული წარმონაქმნების წყალობით წონასწორდებიან<sup>77</sup>. ი გ ი-ში ფსიქიკური პროცესები სხვა კანონზომიერებას ექვემდებარება, ვიდრე მე-ში. ეს აღმოჩენა, ფროიდის რწმენით, ითვლება ფსიქოანალიზური კონცეფციის გამართლებად. ფროიდი ი გ ი-ში მიმდინარე პროცესებს უწოდებს პირველად პროცესებს, რომლებსაც განახსენებებს მე-ში მიმდინარე მეორადი პროცესებისაგან<sup>78</sup>. ამიტომაც, რომ ი გ ი-ს სფერო დახასიათებულია როგორც „ქაოსი“<sup>79</sup>, „ალოგიური სამეფო“<sup>80</sup>. ი გ ი-ში არაა არავითარი შეფასება, მორალი, სიკეთე და ბოროტება<sup>81</sup>. ფროიდი წერს: „წინააღმდეგობათა არარსებობა, პირველადი პროცესი (აქტიური ძალის მოძრაობა), ღროის გარეშე მიმდინარეობა და გარე რეალობის ფსიქიკურით შეცვლა — ასეთია ნიშნები, რომლებიც შეგვიძლია ენახოთ არაცნობიერი სისტემის პროცესებში“<sup>82</sup>.

მე იმით განსხვავდება ი გ ი-საგან, რომ პირველსათვის ნიშანდობლივია მისი შინაარსების სინთეზისაკენ მისწრაფება, დაკავშირებისა და გაერთიანებისაკენ ტენდენცია. ასეთი რამ ი გ ი-ში არ ხდება<sup>83</sup>. მე-ს აქვს ორგანო, სისტემა, რომელიც პირდაპირაა მიმართუ-

---

77 «Im Es gibt es keine Konflikte, Widersprüche, Gegensätze bestehen unbeirrt nebeneinander und gleichen sich oft durch Kompromissbildungen ab». Die Frage der Laienanalyse, XIV, 223.

78 «Für die psychische Vorgänge im Es gelten ganz andere Gesetze des Abbaus und gegenseitigen Beeinflussung, als die im Ich», Der Mann Moses, XVI, 203.

79 *Jenseits des Lustprinzips*, XIII, 35—36.

80 *Neue Folge der Vorlesungen*, XV, 80.

81 *Abriß der Psychoanalyse* XVII, 71.

82 *Neue Folge der Vorlesungen*, XV, 980.

83 *Das Unbewußte*, X, 289. პირველადი პროცესისათვის ისაა დამახასიათებელი, რომ აქ არაცნობიერში ენერჯის ცალკეული მუხტი შეიძლება მთლიანად გადატანილი, გადაწეული, შემქიდროებული იქნეს.

84 «Was das Ich zum Unterschied vom Es aber ganz besonders auszeichnet, ist ein Zug zur Synthese seiner Inhalte, zur Zusammenfassung und Vereinlichung seiner seelischen Vorgänge, der dem Es völlig abgeht». *Neue Folge der Vorlesungen*, XV, 82.



ლი გარე სამყაროსაკენ. მას ცნობიერება ეწოდება. ცნობიერება ფსიქიკური რომელობის აღქმის ორგანოცაა<sup>84</sup>. სულიერ ცხოვრებაში, ფროიდის მიხედვით, მე გონია, იგი — ვნება<sup>85</sup>.

განვითარების მსვლელობაში გარე სამყაროს შემაკავებელი ძალების ერთი ნაწილი შინაგანად იქცევა და მე-ში ქმნის ინსტანციას ზე-მე-ს. ფროიდი ამ უკანასკნელს უწოდებს მე-ი დეალსაც და სინდისსაც. ჩვენთვის ზე-მე წარმომადგენელია მორალური შეზღუდვისა და სრულყოფისაკენ მისწრაფებისა. ისაა „ზედამხედველი“, „კრიტიკოსი“, „ამკრძალავი“. ზე-მე პიროვნებაში აგრძელებს უცვლელად იმავე ფუნქციას, რასაც მშობელი და აღმზრდელი ასრულებდა ინდივიდის ცხოვრების პირველ პერიოდში<sup>86</sup>.

ზემოთ მითითებული იყო, რომ არაცნობიერი ფსიქიკა ფსიქოანალიზში არაა ისე გაგებულნი, თითქოს ის იყოს ინტენსივობით სუსტი ცნობიერება, ფსიქიკაში ცნობიერების საფეხურის მინიმუმი. ფსიქიკა არაცნობიერია იმდენად, რამდენადაც გი ცნობიერების ვარეშე არსებულა. ფსიქიკის არაცნობიერობა არ ნიშნავს მის სისუსტეს. ის არ უნდა წარმოვადგინოთ საქმის ვითარება, ვითომც ცნობიერებიდან არაცნობიერ ფსიქიკაზე გადასვლა მოასწავებდეს ინტენსიურიდან სვლას ინტენსივობას მოკლებულისაკენ. ამგვარად რომ ყოფილიყო საქმის ვითარება, მაშინ, საერთოდ, გამორიცხული იქნებოდა არაცნობიერი ფსიქიკის ცნობიერ ფსიქიკაზე ზემოქმედება და ამ უკანასკნელის წარმართვის შესაძლებლობა პირველით. ფსიქოანალიზის შეურყეველი დებულებაა — არაცნობიერ ფსიქიკას ისევე შეუძლია იმოქმედოს ცნობიერზე, როგორც ცნობიერ ფსიქიკას ცნობიერზე. ფსიქიკური პროცესის არაცნობიერობა არ გამორიცხავს მის მოქმედიანობას. ამის დამადასტურებლად ფროიდი თელის პოსტჰიპ-

---

<sup>84</sup> «Welche Rolle verbleibt in unserer Darstellung dem... Bewußtsein? Keine andere als die eines Sinnesorgans zur Wahrnehmung psychischer Qualitäten». Die Traumdeutung, II—III, 620.

<sup>85</sup> «Das Ich repräsentiert, was man Vernunft und Besonnenheit nennen kann, in Gegensatz zum Es, welches, die Leidenschaften enthält». Das Ich und das Es, XIII, 253.

<sup>86</sup> «Das Über-Ich ist für uns die Vertretung aller moralischen Beschränkungen, der Anwalt des Strebens nach Vervollkommnung, kurz das, was und dem sogenannten Höheren im Menschenleben psychologisch greifbar geworden ist». Neue Folge der Vorlesungen, XV, 73.

ნოზურ მდგომარეობას, სადაც, როგორც ამბობენ, არაცნობიერ ფსიქიკურ განზრახვას მოქმედებაში მოჰყავს პიროვნების მთელი მექანიზმი<sup>87</sup>. ფროიდისათვის ყოველად გაუმართლებელი ჩანს შეხედულება, თითქოს ლატენტური აზრი თავისი სისუსტის წყალობით იყოს ფარული (არაცნობიერი) და იგი მაშინვე ცნობიერდებოდეს, როგორც კი ინტენსივობას მიიღებს. ფროიდს უფრო სარწმუნოდ მიაჩნია მოსაზრება, რომ არსებობენ ისეთი ლატენტური აზრები, რომლებიც ცნობიერებაში ვერ შეიქრებიან, ვერ შეაღწევენ, რა ძლიერიც—ინტენსიური და მოქმედი—არ უნდა იყვნენ ისინი<sup>88</sup>. ასეთია, მაგალითად, განდევნილი არაცნობიერი. ფროიდი უფრო მეტსაც ამბობს; არაცნობიერი ფსიქიკური პროცესი იმიტომ არის განსაკუთრებით ძლიერი, რომ იგი არაცნობიერია<sup>89</sup>. ცნობიერება, პირიქით, შეიძლება ჩაითვალოს სისუსტედ, ფსიქიკურის მიერ სიძლიერის დაკარგვად. ფსიქიკური სისტემის აღნიშნულ თავისებურებას ემყარება ფსიქოანალიზური მკურნალობის მეთოდი. კათარზისი არაცნობიერი ფსიქიკის პროცესების ენერჯის განმუხტვაა, არაცნობიერი ფსიქიკის გაცნობიერება, ცნობიერებაში ამოყვანა მისი ენერჯის დაკლას მოასწავებს, რაც ფსიქიკური აშლილობის განკურნებას საწინდარია.

როგორც მიუთითებენ, ფროიდმა დატოვა ცნობიერების ფსიქოლოგიის ე. წ. სტატიკურ-დესკრიფციული განწყობა და დადგა ფსიქიკის გაგების დინამიკურ თვალსაზრისზე. დინამიკურ თვალსაზრისზე დგომა ფსიქიკის მიმართ ორ მომენტს გულისხმობს. ერთი მხრით, ის მოითხოვს, რომ სულიერი პროცესების მიმდინარეობის გაგებაში უკუვაგდოთ შეხედულება, რომლის მიხედვითაც, სულიერი პროცესები მხოლოდ ნებელობითი ბუნებისანი არიან, ექვემდებარებიან მხოლოდ ცნობიერების წარმმართველ ძალას; მეორე მხრით, ეს თვალსაზრისი იცავს პოზიციას, სულიერი გააზრებულნი იქნეს, როგორც ენერგეტიკულ-ინსტინქტური პროცესი. დინამიკური აზროვნების წინაპირობაა დაპირისპირებულთა ურთიერთმიმართების ვითარება. დინამიკური აზროვნება დაპირისპირებულთა აზროვნებაა<sup>90</sup>.

დღეს დაპირისპირების სამ შინაარსზე მიუთითებენ: ლოგიკური

<sup>87</sup> Einige Bemerkungen über den Begriff des Unbewußten, VIII. 432.

<sup>88</sup> იქვე, 434.

<sup>89</sup> Kurzer Abriss der Psychoanalyse, XIII, 408.

<sup>90</sup> Fr. Seifert, Tiefenpsychologie, გვ. 66.

წინააღმდეგობა, პოლარული წინააღმდეგობა და მექანიკური წინააღმდეგობა.

ლოგიკური წინააღმდეგობა ფორმალური პრინციპია. აქ ლაპარაკია იმეთი მოვლენების ურთიერთობაზე, რომლებიც აზროვნების ფარგლებს არ შორდებიან. ლოგიკური წინააღმდეგობა კონტრადიქტორული შემართებისაა. დაპირისპირების წევრები პრინციპულად შეუთავსებელია. არ არსებობს მათი დამაკავშირებელი მესამე.

პოლარული ანუ დიალექტიკური წინააღმდეგობა, განსხვავებით ფორმალურისაგან, ეხება რეალურ დაპირისპირებას, წინააღმდეგობას. აქ A-სა და non-A-ს ურთიერთობა კი არ არის, არამედ მიმართება — დადებითისა და უარყოფითისა. ეს კონტრალურად ურთიერთობა „მოდევთა მუდმივი თანაარსებობაა“ (გოეთე). პოლარული წინააღმდეგობის წევრები ერთმანეთს გამორიცხავენ რომელიმე მიხედვით, ქვალიტეტურად და მაინც ერთმანეთს ეკუთვნიან. პოლარულობა სიცოცხლის საფუაროს პირველადი ფენომენია.

მექანიკური წინააღმდეგობა ძალების ჰიდილია, ანტაგონიზმი — აქ ლაპარაკია ფიზიკურის მექანიკურ-კაუზალური სფეროს თავისებურებაზე. ამ სფეროში ძალების ურთიერთზემოქმედება რაოდენობრივი, ქვანტიტეტური ბუნებისაა<sup>81</sup>.

ფროიდმა ფსიქოანალიზური კონცეფცია ააგო დინამიკური თვალსაზრისის გამოყენებით, რომელშიაც გადამწყვეტი მნიშვნელობა მიენიჭა დაპირისპირებულთა მექანიკურ შინაარსს. ფსიქიკური ძალების, არაცნობიერი ლტოლვილების ბუნება ფსიქოანალიზში წარმოდგენილია მექანიკურ — კაუზალური დამოკიდებულებების სახით, აქედან გამომდინარეობს ერთმანეთისადმი ანტაგონისტური მექანიზმების დაშვება ფსიქიკის სტრუქტურაში: „განდევნა“, „წინააღმდეგობის გაწევა“, „ცენზურა“.

ფსიქიკური ძალის ცნება არსებითადაა დაკავშირებული ფსიქიკური ენერჯიის ცნებასთან. ფსიქიკური ძალისა და ენერჯიის შინაარსების დადგენაზე განსაკუთრებით იზრუნა კ. გ. იუნგმა. დაწერილებით ამის შესახებ ვიმსჯელებთ ანალიზური ფსიქილოგიის გარჩევის დროს. ამჟამად იმაზე გვინდა გავამახვილოთ ყურადღება, რომ ფსიქოანალიზში, მიუხედავად ფსიქიკური ძალისა და ენერჯიის ცნებების პრინციპული მნიშვნელობის აღიარებისა, ისინი საგანგებო ანალიზის ობიექტი არ გამხდარან; ფსიქიკური ენერჯიის ცნებასთან

<sup>81</sup> ი ქ ვ ე . 68.

დაკავშირებით ფროიდი შემდეგზე მითითებით კმაყოფილდება: „ჩვენ ვუშვებთ, როგორც სხვა ბუნებისმეტყველურმა მეცნიერებებმა მიგვაჩვიეს, რომ სულიერ ცხოვრებაში მოქმედებს გარკვეული სახის ენერგია. მაგრამ არ გავგაჩნია არავითარი დასაყრდენი, ენერგიის სხვა ფორმებთან ანალოგიის გზით მიეუახლოვდეთ მის შემეცნებას, ცოდნას“<sup>92</sup>.

როგორც ვხედავთ, ფროიდმა უარი თქვა რაიმე პოზიტიური დახასიათება მოეცა ფსიქიკური ენერგიის გარკვეულობის შესახებ. უარყო საერთოდ მისი შემეცნების შესაძლებლობა და ამ ცნების გამოყენება ფსიქიკის სინამდვილის ფარგლებში მეცნიერების მეთოდოლოგიურ შედეგად ჩათვალა. ფსიქოლოგია, თუკი ის ბუნებისმეტყველურ ნიადაგზე დადგება, მხოლოდ მაშინ საჭიროებს ენერგიის ცნებას, წინააღმდეგ შემთხვევაში, იგი მისთვის შეიძლება ყოველგვარ მნიშვნელობას მოკლებული აღმოჩნდეს.

ფსიქიკური ენერგიის ცნება, ამიტომ არ გამოდგება არც არაცნობიერი ფსიქიკის რეალობის თეზისის არგუმენტად და არც არაცნობიერი ფსიქიკის ონტოლოგიური სახის დამდგენ საშუალებად. ასეა ეს ფსიქოანალიზური თეორიის ავტორის შეხედულებიდან გამომდინარე.

§ 5. პიროვნების პრობლემა. პიროვნების რაობის გარკვევის ამოცანა ყოველთვის იდგა ფროიდის კონცეფციის ცენტრში. ფსიქოანალიზი დაუპირისპირდა არსებულ ემპირიულ ფსიქოლოგიას იმ მხრივ, რომ ფსიქიკის შემეცნების საკითხი არსებითად დაუკავშირდა ადამიანის ბუნების გაგების საქმეს. ფსიქოანალიზური თეორიისა და მეთოდის აღმოცენება კონკრეტული სამედიცინო სიტუაციიდან სწორედ რომ აღნიშნულზე მეტყველებს. ფსიქიკური აშლილობების — ნევროზისა და ფსიქოზის — აღკვეთა პიროვნებაში გულსხმობს ადამიანის შინაგანი სტრუქტურის შესახებ გარკვეულ აზრს, რასაც ემყარება თერაპევტული საქმიანობა. ფროიდის მიხედვით, ზემოაღნიშნული აშლილობები იმიტომაა ფსიქიკური, რომ ისინი ადამიანში მოქმედი არსობრივი პროცესების ურთიერთმიმართების ნაყოფია. ადამიანის არსობრივი პროცესები ფსიქიკის ფენებში მიმდინარეობს, ადამიანის არსი ფსიქიკაა.

ფსიქიკის სფეროს დახასიათების დროს აღინიშნა, რომ ის შეიცავს სამ ინსტანციას: ი გ ი, მ ე, ზ ე-მ ე. ფროიდის რწმენით, ეს

<sup>92</sup> Abriß der Psychoanalyse, XVII, 86.

ინსტანციები იგივე პიროვნული ფენებია, ადამიანის სტრუქტურის მომენტებია. მთელი პიროვნული ქცევა და მოქმედება, მათი შედეგებითურთ, ფსიქოანალიზის რწმენით, ამომწურავად აიხსნება ამ ფენებს შორის არსებული ურთიერთმიმართების გათვალისწინებით.

ფსიქიკისა და პიროვნების თავდაპირველი ფენაა ი გ ი. ამ უკანასკნელის წიაღიდან აღმოცენდება მ ე. მ ე წარმოადგენს ობიექტური რეალობის ზემოქმედების გზით ი გ-ის მოლიფიცირებულ ფენას. თავის მხრივ მ ე-დანაც აღმოცენდება ზ ე-მ ე, რაც განასახიერებს აწმყოსა და წარსულის ზეგავლენას.

როგორც ვიცით, ი გ ი წარმოადგენს საკუთრივი არაცნობიერი ფსიქიკის რომელიმე, სადაც თავს იყრიან ლტოლვები. ფროიდმა „ფსიქოანალიზის შესავალი ლექციების ახალ სერიაში“ ლტოლვის თეორიას უწოდა მითოლოგია. ლტოლვის თეორია მითოლოგიაა იმ გაგებით, რომ ლტოლვა მოკლებულია განსაზღვრულობას<sup>83</sup>. ლტოლვების შემეცნება საბოლოოდ მიღწეული არაა და არც იმის რწმენა გვაქვს, რომ ისინი შემეცნებული იქნებიან ამომწურავად<sup>84</sup>.

ფროიდის მითითებით, ფსიქოანალიზური თვალსაზრისი ლტოლვების საკითხში თავიდანვე დუალისტური იყო და ასეთად დარჩა ბოლომდე უფრო მკაცრად გატარებული. ჭერ ერთმანეთს დაუპირისპირდა ს ე ქ ს უ ა ლ უ რ ი ლ ტ ო ლ ვ ე ბ ი და მ ე-ლ ტ ო ლ ვ ე ბ ი, შემდეგ მოხდა ლტოლვათა ახალი დაჯგუფება: სექსუალური ლტოლვები და მე-ლტოლვები გაერთიანდნენ ს ე ქ ს უ ა ლ უ რ ი ლ ტ ო ლ ვ ე ბ ი ს ტერმინის ქვეშ, რომელსაც ფროიდი ე რ ო ტ უ ლ ი ს სახელწოდებითაც აღნიშნავს, და მას დაუპირისპირა ა გ რ ე ს ი უ ლ ი ლ ტ ო ლ ვ ე ბ ი. ამ უკანასკნელს ის დესტრუქციის ლტოლვებსაც უწოდებს<sup>85</sup>. ეს დაპირისპირება ფროიდს მიაჩნია ს ი ც ო ც ხ ლ ი ს ა და ს ი კ ვ-დ ი ლ ი ს ა დ მ ი ლტოლვების დაყოფის ეკვივალენტურად<sup>86</sup>.

ფროიდი განსაკუთრებით ხაზს უსვამს იმ გარემოებას, რომ ლტოლვათა ფსიქოლოგიაში ორიენტაციის მომცემი ბიოლოგიური თვალსაზრისი უნდა იყოს. ბიოლოგიური თვალსაზრისი გატარდა ფსიქოანალიზში იმ მხრივ, რომ თვითშენახვა და გვარის შენახვა

<sup>83</sup> Neue Folge der Vorlesungen, XV, 101.

<sup>84</sup> ი ქ ე ე. შუალ. Triebe und Tribschicksale, X, 211.

<sup>85</sup> Neue Folge der Vorlesungen, XV, 110.

<sup>86</sup> Jenseits des Lustprinzips, XIII, 57.

ფსიქიკურ ასპექტში წარმოადგინა მე-ლტოლვისა და სექსუალური ლტოლვის სახით.

ფსიქოანალიზის მიხედვით, ლტოლვაში უნდა განსხვავდეს შემდეგი მომენტები: დ რ ა ნ გ ი (Drang), მიზანი, ობიექტი და წყარო. დრანგი არის ლტოლვის მამოძრავებელი გარკვეულობა, რაც გამოიხატება რაოდენობრივი ნიშნით. მიზანს წარმოადგენს დაკმაყოფილება, რომელიც მიიღწევა მხოლოდ იმ მდგომარეობის აღკვეთით, რაც ლტოლვის წყაროში იმყოფება გაღიზიანების სახით. ობიექტი არის ის, რისი საშუალებითაც ლტოლვა აღწევს თავის მიზანს. ის ცვალებადი ელემენტია, რომელიც თავიდანვე არაა დაკავშირებული ლტოლვასთან. ლტოლვის წყაროა ორგანიზმის სომატური პროცესი, რომლის გაღიზიანება სულიერ ცხოვრებაში აისახება და ხორციელდება ლტოლვის ფორმით. მართალია, ლტოლვის წყარო არ ეკუთვნის ფსიქიკურ სინამდვილეს, მაგრამ მას ლტოლვის გადაშფუყეტ ნიშნად თვლიან<sup>97</sup>.

ფსიქოანალიზის კვლევა-ძიების საგანს წარმოადგენს ძირითადად სექსუალური ლტოლვები. ფროიდს დასჭირდა განმარტება იმის შესახებ, რომ ფსიქოანალიზში სექსუალურ ლტოლვებზე უპირატესი ყურადღების შეჩერება არ უნდა იქნეს გაგებული ისე, თითქოს ამით უარიყოფოდეს სხვა ლტოლვების არსებობა. აქ საქმე გვაქვს, ჩვენნი ავტორის მითითებით, შემეცნების ცალმხრივობასთან და არა ფაქტობრივი ვითარების უგულვებელყოფასთან. ისევე, როგორც, მაგალითად, ქიმიის შესახებ, რომელიც იკვლევს ქიმიურ ელემენტებსა და სტრუქტურებს, არა აქვთ უფლება თქვან, რომ ის უარყოფს მიზიდულობის კანონებს, რადგანაც ქიმია მას არ ეხება, ასევე ფსიქოანალიზის მიმართაც უსაფუძვლოა ბრალდება პანსექსუალობის თაობაზე, რომ ფსიქოანალიზმა ყველაფერი სექსუალურ ლტოლვებზე დაიყვანა. ფსიქოანალიზი იკვლევს სექსუალურ ლტოლვებს, ის არ ეხება სხვა რომელიმე ლტოლვებს, ამიტომ იგი პანსექსუალობისტურ ნიადაგზე არ დგას. ეს იქიდანაც ჩანს, რომ ლტოლვათა სინამდვილე ფსიქოანალიზმა ორად დაყო—სექსუალურ და დესტრუქციონს ლტოლვებად. ფროიდის განცხადებით, ლტოლვების საკითხში ფსიქოანალიზის კრიტიკა საგნობრივი თვალსაზრისით არაა გამართლებული, რადგან ეროსის გავრცელებისა და ფუნქციის დადგენა არ უკუაგდება არასექსუალური ლტოლვების რაობის გარკვევის ამო-

<sup>97</sup> Triebe und Triebchicksale, X, 214—216.

ცანას. ფსიქოანალიზმა არასექსუალურ მომენტზედაც გაამახვილა ყურადღება იმით, რომ მან ამ სფეროს მიაწერა სექსუალურის შეკავების, განდევნისა და დათრგუნვის ფუნქცია. პიროვნების სტრუქტურაში მე-სა და ზე-მეს მნიშვნელობაზე მითითება საერთოდ აქარწყლებს ფსიქოანალიზის ამგვარ ტენდენციურ გაგებას<sup>98</sup>.

როგორც ითქვა, ფსიქოანალიზმა ერთმანეთისაგან განასხვავა ეროტული, რაც იგივე შენარჩუნებისა და გაერთიანებისაკენ წარმმართველი მისწრაფებაა, და დესტრუქციის (დანგრევისა და განადგურების) ლტოლვები. ორივე ლტოლვა აუცილებელია, მათი ურთიერთმმართველობაზე აღმოცენდებიან სიცოცხლის მოვლენები. ზოგჯერ გვეჩვენება, რომ ერთი რომელიმე ამ ორთაგან დამოუკიდებლად მოქმედებს, მაგრამ ნამდვილად ეს ასე არასოდეს არაა. რომელიმე ლტოლვის უკან თუ საფუძველში ფარულად მისი ანტაგონისტური რომელობა აუცილებლად იგულისხმება<sup>99</sup>. ეს მიმართება ლტოლვებისა ანალოგიაა, საერთოდ მიზიდულობა-განზიდულობისა, რომელიც ცნობილი იყო ადრე ემპედოკლესათვისაც<sup>100</sup>.

ფსიქოანალიზში ლ ი ბ ი დ ო არის სექსუალური ლტოლვის ფსიქიკური ენერჯის გამოშატეველი ტერმინი. ლიბიდოს აქვს სომატური წყარო. სხეულს იმ ნაწილს, რომელსაც განსაკუთრებული მნიშვნელობა აქვს ლიბიდოს წარმოქმნაში, ფროიდი უწოდებს ეროგენულ ზონას.

ფსიქოანალიზური კვლევის ძირითად შედეგად ფროიდი შემდეგს ასახელებს:

---

<sup>98</sup> «Psychoanalyse» und «Libidotheorie», XIII, 227, იხ. აგრეთვე Die Widerstände gegen die Psychoanalyse, XIV, 105. ფროიდს ფსიქოანალიზის უარყოფა საერთოდ წარმოდგენილი აქვს სამი განსხვავებული პოზიციიდან. ჯერ ერთი, მტრობა სამედიცინო წრეების მხრიდან მოტივირებულია ფსიქიკური მომენტისათვის უპირატესობის მინიჭების გამო. შემდეგ, ფილოსოფიური მხარე მას უტევს არაცნობიერი სულიერი მოქმედების დაშვებისათვის. დასასრულ, ყველაზე ძლიერი შეტევა მან განიცადა საერთოდ ადამიანური თვალსაზრისის პოზიციიდან, სექსუალურ ცხოვრებას არ შეიძლება მიენიჭოს ის გადამწყვეტი მნიშვნელობა, რაც ფსიქოანალიზმა მას მიაწერა. იხ. Psycho-Analysis, XIV, 306.

<sup>99</sup> იხ. ფროიდის წერილი აინშტაინისადმი 1932 წ. Warum Krieg? XV, 20, და შემდ. ფროიდისათვის სოციალური ლტოლვები, როგორც დამოუკიდებელი რომელობა, არ არსებობს. ისინი სხვაზე დაიყვანებიან. «Die sozialen Triebe werden nicht als elementar und unableitbar anerkannt». Psycho-Analysis, XIV, 302. შეად. «Psychoanalyse» und «Libidotheorie», XIII, 231.

<sup>100</sup> Abriß der Psychoanalyse, XVII, 71.

1) სექსუალური ცხოვრება იწყება არა სქესობრივი სიმწიფით, არამედ დაბადების მომენტიდანვე.

2) არაა ერთი და იგივე „სექსუალური“ და „სქესობრივი“. სექსუალური ფართო მოცულობის ცნებაა სქესობრივთან შედარებით და მოიცავს ისეთ მოქმედებას, რომელსაც არაფერი არ აკავშირებს სასქესო ორგანოებთან.

ფსიქოანალიზი მიუთითებს სექსუალური ლტოლვის განვითარების პერიოდებზე. განვითარების პირველი პერიოდი მოიცავს სამ ფაზას. პირველი ფაზაა ორალური, მეორე — სადისტურ-ანალური, მესამე — ფალური. განვითარების პირველი პერიოდი ინდივიდში სრულდება 5 წლის ასაკისათვის. მეორე პერიოდი მოიცავს მეოთხე-გენიტალურ ფაზას და ემთხვევა სქესობრივი სიმწიფის ხანას (13—14 წწ.)<sup>101</sup>.

ფროიდი ლტოლვების ბუნების დახასიათებისას ეხება ა. შოპენჰაუერის შეხედულებას არაცნობიერი ნებისყოფის შესახებ და მასში ხედავს დიდ დამსახურებას მეცნიერებისა და ცხოვრებისათვის. ფსიქოანალიზი, ფროიდის განცხადებით, შოპენჰაუერის მიერ დასახული გზის შემდგომი გაგრძელებაა. თუკი შოპენჰაუერმა კაცობრიობას მოაგონა სექსუალური მოსწრაფების სათანადოდ შეუფასებელი მნიშვნელობა, ფსიქოანალიზმა წინ გადადგა ნაბიჯი იმ მხრივ, რომ მან დაასაბუთა ფაქტიური ვითარებით პრინციპული მნიშვნელობის ორი დებულება: სექსუალობის ფსიქიკური მნიშვნელობა და არაცნობიერი სულიერი ცხოვრების არსებობა<sup>102</sup>. ფროიდს შესაძლებლად მიაჩნია შოპენჰაუერის არაცნობიერი ნებისყოფა წარმოიდგინოს არაცნობიერი ლტოლვების სახით, მაგრამ მიუთითებს იმ განმასხვავებელ მომენტებზე, რაც ფსიქოანალიზის სპეციფიკას ქმნის. ესაა შეხედულება, რომ ფსიქოანალიზისათვის სიცოცხლის მიზანი არაა სიკვდილი, სიცოცხლე დამოუკიდებელი რომელობაა. ფსიქოანალიზი აღიარებს ორ ავტონომიურ ლტოლვას საკუთარი მიზანდასახულებებით<sup>103</sup>.

ასეა წარმოდგენილი ფროიდის მიერ პიროვნების უძველესი ფენა ი გ ი, რომლის შინაარსს ძირითადად ლტოლვები ქმნიან<sup>104</sup>. ფრო-

<sup>101</sup> ი ქ ე ე, 75—77.

<sup>102</sup> Eine Schwierigkeit der Psychoanalyse, XII, 10.

<sup>103</sup> Neue Folge der Vorlesungen, XV, 115.

<sup>104</sup> «Sein Inhalt (იგი-ს. შინაარსი — ე. კ.) ist alles, was ererbt, bei Geburt mitgebracht, konstitutionell festgelegt ist, vor allem also die aus der Kör-



იდი ფსიქოანალიზის დამსახურებად თვლის სწორედ მას, რომ მან კაცობრიობას გაუცნობიერა ადამიანში ლტოლვითი მხარის მნიშვნელობა, აყო რა მიჩქმალული გონით სფეროში წარმატებებით პიროვნების ეს „სულიერი ფუძე“. «კაცობრიობამ იცის, რომ მას გონი აქვს. მე უნდა მეჩვენებინა, რომ არსებობენ აგრეთვე ლტოლვები»<sup>105</sup>.

ადამიანში ლტოლვითი მხარის გაცნობიერება, ფროიდის მიხედვით, თავზარდამცემი აღმოჩნდა კაცობრიობის პატივმოყვარეობისათვის. მეცნიერულმა აზროვნებამ, ფროიდის გაგებით, კაცობრიობის თავმოყვარეობას სამჭერ დასცა თავზარი. თავდაპირველად ადამიანს სწამდა, რომ მისი სამყოფელი — დედამიწა — სამყაროს ცენტრში იდგა და მის გარშემო მოძრაობდნენ მზე, მთვარე და პლანეტები. ის გულუბრყვილოდ ენდობოდა გრძნობად შთაბეჭდილებას. საითაც არ უნდა მიეპყრო მზერა, ის ყოველთვის ნახულობდა საკუთარ თავს სამყაროს ცენტრში. დედამიწის ცენტრალური მდგომარეობა მისთვის არგუმენტს წარმოადგენდა სამყაროში დედამიწის გაბატონებული როლის სასარგებლოდ და სავსებით ემთხვეოდა მის მიდრეკილებას, ეგრძნო თავისი თავი ამ სამყაროს მბრძანებლად. მაგრამ ეს ილუზია დაიმსხვრა, აღიარეს კოპერნიკის აღმოჩენა, დედამიწა აღარ აღმოჩნდა ასეთ პრივილეგიურ მდგომარეობაში. ადამიანურმა თავმოყვარეობამ ამით პირველი კოსმოლოგიური დარტყმა განიცადა.

ადამიანი კულტურული განვითარების პროცესში გახდა ცხოველთა სამყაროს ბატონ-პატრონი, მაგრამ იგი არ დასჭერდა მათზე ბატონობას, არამედ კიდევ უფრო გააღრმავა უფსკრული საკუთარ თავსა და ცხოველთა სამყაროს შორის. ადამიანმა უარყო ცხოველებში გონება, თვითონ კი მისი საკუთრა უკვდავი სული, დაემყარა რა საკუთარ ღვთიურ წარმოშობას, რომელიც უფლებას იძლეოდა საერთო კავშირი გაეწყვიტა ცხოველთა სამყაროსთან. დარკინის გამოკვლევებმა ბოლო მოუღეს ადამიანის ამ ქედმაღლობას. თურმე ადამიანი არ ყოფილა ცხოველისაგან განსხვავებული რამ და მასზე

---

perorganisation stammenden Triebe, die hier einen ersten uns in seinen Formen unbekanntem psychischen Ausdruck finden». «Dieser älteste Teil des psychischen Apparates bleibt durch ganze Leben der wichtigste. An Ihm hat auch die Forschungsarbeit der Psychoanalyse eingesetzt». Abriß der Psychoanalyse, XVII, 67—68.

<sup>105</sup> ფროიდის ეს განუცხადებია ბინსვანგერისათვის. იხ. L. Binswanger, Erinnerungen an Sigmund Freud, Bern, 1956, გვ. 89.

უკეთესი. ადამიანი წარმოიშვა ცხოველთა სამყაროდან და ენათესავება მას. ადამიანის გვიანდელი მონაპოვარი ვერ აბათილებს მის თანატოლობას ცხოველთან, რაც ეხება სხეულის აგებულებასა და სულიერ ნასახს. ეს იყო მეორე, ბიოლოგიური დარტყმა ადამიანურ ნარციზმზე.

მაგრამ ყველაზე მგრძობიარე დარტყმა კაცობრიობამ ფსიქოლოგიის მხრიდან მიიღო. გარედან დამცირებულმა ადამიანმა თავისი თავი შეიგნო თვითმპყრობელად საკუთარ სულში. მ-ს გულში მან შექმნა დამკვირვებელი ორგანო, რომელიც თვალყურს ადევნებს მის სულიერ მოძრაობებსა და ქცევებს, რათა შეთანხმებულნი იყვნენ მათ მოთხოვნებთან. თუკი ასეთი რამ არ ხორციელდება, ისინი შეუწყნარებლად ითრგუნებიან; შინაგანი აღქმა, ცნობიერება ყველაფერს ატყობინებს მ-ს, რაც კი რაიმე მნიშვნელოვანი ხდება სულში. ნებისყოფა მ-ს ყველა ბრძანებას ასრულებს. სული ინსტანციათა იერარქიას წარმოადგენს. მ-ს დარწმუნებულია, რომ ის, როგორც ძალადი ინსტანცია, ღებულობს სრულ და ზუსტ ცნობებს ქვედა ინსტანციებიდან და ასევე, რომ მისი ბრძანებები დანიშნულ ადგილს აღწევენ; მაგრამ ირკვევა, რომ ეს სრულიადაც არ ყოფილა ასე.

ფსიქოანალიზი, მიმართავს რა მ-ს, აცხადებს: შენ ძალზე ძალა აფასებ შენ ძალას, თუკი ფიქრობ, რომ ყველაფერი შეგიძლია უყო სექსუალურ ლტოლვებს და ამიტომ არც კი უწყევ ანგარიშს მათ მიზნებს. ამის გამო ეს ლტოლვები აღშფოთდნენ და საკუთარი ბნელი გზით წავიდნენ, რათა განთავისუფლებულიყვნენ დათრგუნვისაგან. შენთვის არაა ცნობილი არც მათი გზა და არც ის, თუ როგორ განხორციელდა ის. შენ მხოლოდ მათი პროდუქტი გეძლევა სიმპტომის სახით. შენ ვერ ცნობს სიმპტომში საკუთარ განდევნილ ლტოლვებს და არც კი იცი, რომ სიმპტომი წარმოადგენს ლტოლვის დაკმაყოფილების შემცველს. შენ გგონია ყველაფერი იცი, რაც სულში ხდება. შენ სულიერი იმავე ცნობიერად მიგაჩნია, მაგრამ იცოდე, რომ შენს სულიერ ცხოვრებაში უფრო მეტი ხდება, ვიდრე ეს შენმა ცნობიერებამ იცის. სულიერი არ ემთხვევა ცნობიერას. შენ თვითმპყრობელივით იქცევი, კმაყოფილდები რა შენი სამეფო კარის ინფორმაციით, არ ეშვები დაბლა ხალხთან, რომ მისი ხმა მოისმინო. ჩაიხედე საკუთარ თავში, საკუთარ სიღრმეში. პირველად საკუთარი თავი შეიძვენე, მხოლოდ მაშინ გაიგებ, რატომ დაავადდი. ამით შეიძლება მიაღწიო კიდევაც იმას, რომ აღარ დაავადდე.

ყველაფერი ზემოაღნიშნული იმაზე მეტყველებს, რომ მე  
ა რ ა ა ბ ა ტ რ ა ნ - პ ა ტ რ ა ნ ი თ ა ე ი ს ს ა კ უ თ ა რ ს ა ხ ლ შ რ .  
ასეთია ის ფსიქოლოგიური დარტყმა, რომელიც ფსიქოანალი-  
ზის გამოიწვია<sup>106</sup>.

კითხვაზე — რა არის ადამიანის არსებითი მხარე — ფროიდს  
გარკვეული პასუხი აქვს: „ჩვენი არსების გულს ბნელი იგი  
ქმნის<sup>107</sup>“. ადამიანის აღნიშნულ მხარეს უპირისპირდებიან, ერთი  
მხრით, მე და, მეორე მხრით ზე-მე. ფსიქოანალიზური კონცეფ-  
ცია ადამიანს წარმოადგენს კონფლიქტის ბუნების მქონედ. კონ-  
ფლიქტის საფუძველია თვითონ პიროვნების ფენები. კონფლიქტი  
ადამიანისათვის შემთხვევითი მდგომარეობა კი არაა, არსობრივი ვი-  
თარებაა. ადამიანში ფენებს — იგი, მე, ზე-მე — ამოძრავებთ  
მხოლოდ საკუთარი ინტერესები. იმარჯვებს ის, ვისაც დანარჩენთან  
შედარებით მეტი ძალა და მოხერხებულობა აღმოაჩნდება. ასეთი  
რამ კი უმეტესად იგი-ს კუთვნილებაა<sup>108</sup>. ამიტომ, რომ ადამიანის  
ძირითადი ქცევა და მოღვაწეობა ემორჩილება სწორედ იგი-ს მო-  
თხოვნებს. მართალია, იგი-ს მიზნების ხორცშესხმა და განხორციელე-  
ბა არაცნობიერად მიმდინარეობს, მაგრამ ეს ფაქტიურად არაფერს  
ცვლის. იგი-ს მოთხოვნებს წინ ეღობება ზე-მე და გარესამყარო  
(სოციალური გარემო). მაგრამ თვითონ ეს ინსტანციები, ჯერ ერთი,  
საბოლოოდ იგი-ს ემყარებიან გენეტურად, და მეორეც, ყოველი  
ნაქმობა და მიღწევა მათ სფეროში ისევ იგი-ს დამსახურებაა;

<sup>106</sup> Eine Schwierigkeit der Psychoanalyse, XII, 10.

<sup>107</sup> «Den Kern unseres Wesens bildet also das dunkle Es, das nicht direkt mit den Aussenwelt verkehrt und auch Kenntnis nur durch die Vermittlung einen anderen Instanz zugänglich wird». Abriß der Psychoanalyse, XVII, 128.

<sup>108</sup> ფროიდი ზოგჯერ ხატონად აღწერს პიროვნული ფენების ურთიერთმომარ-  
თებას. მაგალითად, ის მე-სა და იგი-ს ურთიერთობას წარმოგიდგინებს მხედრისა და  
ცხენის ურთიერთდამოკიდებულების სახით. მე მხედარია, იგი — ცხენი.  
ცხენი მოძრაობის წყაროა, მხედარი — მიზნის განმსაზღვრელი. მხედარი, ჩვეულებ-  
რივ, მართავს ცხენს, მაგრამ ეს იდეალური დამოკიდებულება ხშირად არ ხორციელ-  
დება. ხდება, რომ მხედარი უნდა დაჰყვეს ცხენის ნებას და მოიქცეს მისი სურვილი-  
სამებრ. მე „სამი პრინსხანე ბატონის მსახურია“. გარესამყაროსი, ზე-მესი და  
იგი-სა. მე ცდილობს მათი პრეტენზიები და მოთხოვნები მოიყვანოს ერთმან-  
ეთთან შესატყვისობაში, ისინი ერთმანეთთან მოარბაგოს. ეს მიზანი ძნელად მი-  
საღწევია. მიზნის მიუღწევლობა პიროვნების დაავადების საფუძველია. ფსიქოანალი-  
ზის მიზანდასახულება მე-ზე ზრუნვაა, მისი განმტკიცებაა, რომ მან მასზე დაკისრე-  
ბული ფუნქცია უნაკლოდ შეასრულოს. ამით ადამიანის ნორმალური არსებობა უზ-  
რუნველყოფილი იქნება.

იგი-ს ენერგია ხმარდება ღირებულებათა შექმნას. კულტურული ღირებულებანი ენერგიის, ლიბიდოს სუბლიმაციაა<sup>109</sup>.

ფსიქოანალიზის მიხედვით, ადამიანის ნამდვილი სახე ის არის, რომ ის ბუნებითი არსებაა, ლტოლვის მქონე არსებაა. გონითმა, რაციონალურმა და საზოგადოებრივმა, სოციალურმა მხარეებმა შერყვნეს ადამიანის ირაციონალური არაქნობიერი ფენა. არაქნობიერი იძულებული ხდება ანგარიში გაუწიოს შეზღუდვებს, ცენზურას და სახეშეცვლილი ფორმით მოვევლინოს ცნობიერებას. ისევე, როგორც პიროვნება შიშველ სხეულს იმოსავს ტანსაცმლით, რომ სოციალური ურთიერთობის წევრი გახდეს, ასევე ადამიანის გული იგი საბურავშემოხვეული და შეცვლილი კონტაქტს ამყარებს ცნობიერებასთან. ძნელია ლტოლვის განთავისუფლება საფარისაგან და მისი ნამდვილი შინაარსის ხილვა, მაგრამ უმწეო მდგომარეობაში მაინც არა ვართ. საკუთარ თავში ჩახედვა და იქ დანახულის გამომზეურება მოსახერხებელია ზოგიერთი საშუალებით; მაგალითად, სიზმრის შინაარსის, თავისუფალი ასოციაციის, შეცდომითი მოქმედებების, სიმპტომის, გადატანის ფაქტების ინტერპრეტაციის გზით შესაძლებელია არაქნობიერის შინაარსის წვდომა. აქ ადამიანი თავის ნამდვილ სურვილებს, მისწრაფებებსა და აზრებს ეცნობა. ეს კი პიროვნების ლტოლვითი, ირაციონალური ბუნების ცხადყოფაა.

სწორედ აღნიშნული მომენტი წამოსწიეს წინ ბურჟუაზიულ სამყაროში ფროიდის თეორიის შეფასებებს დროს, როცა მას დადებითად ჩაუთვალეს ადამიანის მიმართ ხედვის გაფართოება, ადამიანი ფროიდის ხელში კოსმოსად იქცაო, ცნობიერების სიმაღლესა და სიგანეს დაემატა არაქნობიერის სიღრმის განზომილება, რითაც ადამიანი წარმოსდგა ჩვენს წინაშე თავის მთლიანობაში<sup>110</sup>. ამას მოჰყვა ის, რომ ადამიანი მოგვევლინება ორი სახით—მასშია ხილული არასაკუთრივი წინა პლანი და დაფარული საკუთრივობა. ამ გათიშვით ფსიქოანალიზი ეგზისტენციალურ ფილოსოფიას ეხმაურება<sup>111</sup>.

როგორც აღინიშნა, ადამიანის შინაგანი ბუნება, ფსიქოანალიზის მიხედვით, დაკავშირებულია პიროვნული ფენების სტრუქტურ-

<sup>109</sup> «Kultur ist durch Verzicht auf Triebbefriedigung gewonnen worden und fordert von jedem neu Ankommenden, daß er denselben Triebverzicht leistet». Zeitgemässes über Krieg und Tod, X, 333.

<sup>110</sup> R. G u a r d i n i, Philosophische Anmerkungen zu S. Freuds Psychologie. Münchener Universitätsreden, Neue Folge, H. 19, 1957, გვ. 25—26.

<sup>111</sup> M. L a n d m a n n, Philosophische Anthropologie, Berlin, 1946, გვ.

რის ჩამოყალიბებაზე, რაც ერთნაირადაა წარმოდგენილი ფილოგენეზში და ონტოგენეზში. ფილოგენეზის კუთხით დანახული პარველყოფილი ადამიანის მდგომარეობა არსებითად არ განსხვავდება ცხოველური მდგომარეობისაგან. ამ საფეხურზე ადამიანს არ გააჩნია პიროვნული ფენები. ჯერ კიდევ არაა წარმოშობილი მ ე და ზ ე-მ ე. ესაა ადამიანის ე. წ. შინაგანი უკონფლიქტო და პარმონიული ყოფა. სამაგიეროდ კონფლიქტი არსებობს თვითონ პირველყოფილ ადამიანებს შორის, რადგანაც, ფროიდის გაგებით, წინაისტორიული ადამიანი ცხოვრობდა მკაცრი და ექვიანი მამის აბსოლუტური და ტირანული ძალაუფლების ქვეშ, რომელსაც ყველა ქალი თვითონ უნდოდა. ეს იყო „საზოგადოების“ წინაგვაროვნული ფორმა ყოველგვარი ტაბუსა და ტოტემის გარეშე. აქ ორგანიზაციის ერთადერთი საწყისი მამის შიშის შთამაგონებელი ძალაუფლება იყო, მაგრამ კონფლიქტმა მამასა და ვაჟიშვილებს შორის მიაღწია კრიტიკულ მომენტს — ერთ მშვენიერ დღეს განდევნილი ძმები გაერთიანდნენ, მოკლეს და შექამეს მამა და ბოლო მოუღეს პატრიარქალურ ურდოს. ამ წინაისტორიული მოქმედებიდან აღმოცენდა ბრალის ცნობიერება<sup>112</sup>.

ეს ვითარება გახდა, ფროიდის გაგებით, სწორედ საკუთრივ ადამიანური არსებობის დასაწყისი, რადგანაც ი გ ი-ში უკვე ჩანსახა და ჩამოყალიბება იწყო მ ე-მ და შემდეგ ზ ე-მ ე-მ. ბრალის ცნობიერებამ შექმნა ცენზურა ი გ ი-სა და მ ე-ს, მ ე-სა და ზ ე-მ ე-ს შორის და განდევნა იქცა ფსიქიკის მექანიზმში უდიდეს დინამიკურ ძალად.

ფსიქიკის ფილოგენეზის ევოლუციამ, ფროიდის მიხედვით, ორი ეტაპი განვლო. ერთია გვაროვნული ეტაპი, ზოლო მეორე — ცივილიზაცია. ევოლუციის გვაროვნულ ეტაპზე-სულ უფრო მატულობს ლტოლვითი იმპულსების შეკავება. ტაბუმ სისხლის აღრევაზე და ტოტემური ცხოველის მოკვლაზე გააფართოვა განდევნის სფერო. კაცობრიობის ისტორიის ყოველი ახალი ნაბიჯი ზორციელდება ლტოლვისაგან თავშეკავების რომელიმე აქტით. მატერიალური პროგრესის შინაპირობას წარმოადგენდა გარკვეული ეროტული ლტოლვის დათრგუნვა. ლტოლვების დათრგუნვისა და განდევნის აქტები ადამიანს ცივილიზაციის პერიოდთან აახლოებს.

ლტოლვების განდევნის პროცესი ფსიქიკაზე იმ გავლენას ახდენს, რომ ლტოლვის ყოველი დათრგუნვა არაცნობიერი ი გ ი-ს

<sup>112</sup> Totem und Tabu, IX, 98.

სფეროს აფართოებს იმპულსებით, არაცნობიერი ივსება ენერგიით. მეორე მხრივ, ამ დროს ი გ ი-ში ერთი ნაწილი იქცევა მე-დ, რომელიც ლტოლვას უპირისპირდება ვითარცა გონი. მე-დან აღმოცენებული ზ ე-მ ე, თავის მხრივ, წარმოდგენილი ტაბუს, ზნეობრივი ნორმებისა და რელიგიურ მცნებათა სფეროდ, იქცევა ტირანიად, რომელიც არსებითად ხდება სოციალური და ფსიქიკური შემდგომი განვითარების მამოძრავებელ ძალად.

გვაროვნული ფსიქიკის ხანგრძლივმა განვითარებამ განაპირობა ის, რომ ფსიქიკური გარკვეულობანი მემკვიდრეობითი გახდნენ, ფროიდი მას უწოდებს „არქაულ მემკვიდრეობას“. არქაული მემკვიდრეობის დისპოზიცია გადმოეცემათ ი გ ი-სა და ზ ე-მ ე-ს. მაგალითად, სისხლის აღრევის ლტოლვითი იმპულსი მემკვიდრეობით გადმოეცემა ი გ ი-ს, ხოლო გვაროვნული ტაბუ სისხლის აღრევის აკრძალვისა — ზ ე-მ ე-ს. აღნიშნული ვითარება პიროვნებაში აფუძნებს ანბივალენტურ სიტუაციას — ერთი ფენა მიისწრაფვის გარკვეული შინაარსის დაკმაყოფილებისაკენ, მეორე კი მას კრძალავს.

ცივილიზებულმა ადამიანმა, ფროიდის აზრით, უნდა უკუაგდოს არა მხოლოდ თანშობილი ლტოლვები, არამედ ასევე უნდა დათრუხნოს და განდევნოს არქაული მემკვიდრეობის თანშობილი დანალექი, რომელიც მიღებულია გვაროვნული წყობის ადამიანისაგან. ამ ადამიანის ამოცანა ძნელი იყო, მით უფრო ამოცანა ცივილიზებული ადამიანისა მასზე გაცილებით გართულდა. ამ უკანასკნელს საჭმე აქვს არა მარტო ლტოლვების თავდაპირველ შეკავებასთან, არამედ განდევნილის დაბრუნებასთან, გამოვლენასთან: პირველყოფილი ადამიანი არ იყო მკაცრად შეზღუდული სქესობრივი ლტოლვების დაკმაყოფილების საჭმეში. მაშინ არ არსებობდა მონოგამიის ინსტიტუტი და ამიტომ ლტოლვების ფსიქიკური ენერგია, რომელიც თავსდებოდა ტაბუს აკრძალვის სფეროში, ადვილად გადაიტანებოდა და გაიხარჩებოდა იმავე მიზნით სხვა შინაარსზე. პირველყოფილი ადამიანი იძულებული არ იყო ლიბიდო გადაეტანა არასქესუალურ მოქმედებაზე, ვინაიდან, როგორც აღინიშნა, აქ იყო სქესობრივი მოქმედების თავისუფლება.

მონოგამიის დამკვიდრებასთან ერთად, ზ ე-მ ე-ს განმტკიცებასთან დაკავშირებით, მდგომარეობა იცვლება. ცივილიზებული ადამიანი უმრავლეს შემთხვევაში ვერ ნახულობს სექსუალური ლტოლვის დაკმაყოფილებას და ამიტომ იძულებულია ლიბიდო სხვა მიმართულებით წარმართოს. ცივილიზებული ადამიანის კულტურული და წარმოებითი მოღვაწეობა ფსიქიკის ანალიზისათვის წარმოადგენს დაუ-

კმაყოფილებელი სქესობრივი მოთხოვნების ენერგიის სუბლიმაციას. „ლტოლვის სუბლიმაცია, — წერს ფროიდი, — წარმოადგენს კულტურის განვითარების განსაკუთრებულ შესაძენვე თვისებას. ის შესაძლებელს ხდის იმას, რომ უმაღლესი ფსიქიკური მოქმედებები — შეცნიერული, ხელოვნებითი, იდეოლოგიური — ესოდენ მნიშვნელოვან როლს თამაშობენ კულტურულ ცხოვრებაში“<sup>113</sup>.

ყოველი ახალი ნაბიჯი ცივილიზაციის პროგრესის გზაზე, როგორც ითქვა, მოითხოვს არქაული მეგვიდრობის შინაარსისა და ლტოლვების დაკმაყოფილების მზარდ შეზღუდვასა და ლიბიდოს სუბლიმაციას. ამგვარი ვითარების კვალობაზე სულ უფრო ძნელდება ლტოლვების ენერგიის გადატანა სოციალურად მისაღებ მიზნებზე. ამის შედეგი ისაა, რომ ცივილიზებული ადამიანი სქესობრივი შეზღუდვებისა და კარბი ენერგიის არასწორი სუბლიმაციის გამო ხდება ნევროტული, ლიბიდო პიროვნებაში ნევროზის უშუალო წყაროდ გვევლინება, რადგანაც იგი ნევროზულ სიმპტომში პოულობს რეალიზებას. აქედან ფროიდის დასკვნა, რომ ცივილიზებულ საზოგადოებაში „ყველა დაავადებულნი, ე. ი. ნევროტიკები ვართ“. ამიტომაცაა, რომ ფროიდი ლაპარაკობს ცალკეული ცივილიზაციის სისტემებისა და ეპოქების ნევროტულობის შესახებ, „კოლექტიური ნევროზების დიაგნოზისა“ და „ცივილიზებული საზოგადოების პათოლოგიების“ საჭიროების შესახებ.

ცივილიზაციის პროგრესი განდევნის სექსუალურ ლტოლვებთან ერთად დესტრუქციის ლტოლვებსაც. მასიური ნგრევა და ომები ამ ლტოლვების (აგრესიული ლტოლვების) აჯანყებაა საზოგადოების შემაქავებელი ზეგავლენისა და ინდივიდუალური ზე-მე-ს წინააღმდეგ. დესტრუქციის ლტოლვები წარმოადგენენ, ფსიქოანალიზის გაგებით, ომებისა და ინკვიზიციის საფუძველს კულტურის ისტორიის მთელ მანძილზე. პირველყოფილი ადამიანი, დანახული დესტრუქციის ლტოლვის კუთხით, ფროიდთან დახასიათებულია როგორც გააფრთხებული არსება, ცხოველზე უფრო სასტიკი და მძვინვარე. მკვლელობა იყო მისი ბუნებრივი მდგომარეობა. სოციალური საწყისის შესუსტების მომენტში ცივილიზებული ადამიანი უბრუნდება პირველყოფილ მდგომარეობას და ეს ხდება იმ საფუძველით, რომ „წინასტორიული საუკუნეების ადამიანი ცხოვრებას აგრძელებს შეუცვლელად ჩვენს არაცნობიერში“. ადამიანები, თუკი ისინი შე-

<sup>113</sup> Unbehagen in der Kultur, XIV, 457.

ფასებული იქნებიან მათი არაეცნობიერი სურვილების მიხედვით, ფროიდის თქმით, მკვლელთა ბანდაა.

ასეა წარმოდგენილი ფსიქოანალიზში ადამიანისა და მისი ფსიქიკის ფილოგენეტიური გზა. ესაა ისტორია ლტოლვების ფილოგენეტიური განდევნისა და მათი აუცილებელი რევანშისა (პ. უელსი).

არსებითად მსგავს სურათს ხატავს ფსიქოანალიზი ადამიანის ონტოგენეზის შესახებ, ფროიდი მსჯელობს ფსიქიკის ინდივიდუალური განვითარების ფაზებზე. მისი გაგებით, აღნიშნული ფაზები პარალელურია ფსიქიკის ფილოგენეზური განვითარებისა, რადგანაც „ყოველი ინდივიდი ბავშვობაში ასე თუ ისე მოკლედ იმეორებს ადამიანური გვარის განვითარებას“<sup>114</sup>. ჩვილ ბავშვსაც არ გააჩნია თავდაპირველად მე და ზე-მე, აქ მოქმედებს მხოლოდ იგი, რომელსაც ჯერ კიდევ არა აქვს განდევნის მექანიზმი. თავისებურება ონტოგენეზისა ისაა, რომ ბავშვის ფსიქიკა დაბადებიდანვე ფლობს თანშობილ კონსტიტუციას, რომელიც არაეცნობიერში მოიცავს ფილოგენეზის ყველა არსებით მომენტს. ამ კონსტიტუციის ინდივიდუალური გამოვლენა შეპირობებულია ცხოვრებისეული გარემოთი.

ინდივიდის ფსიქიკის განვითარების საწყისი ფაზები — კანიბალური და სადისტური — წინაისტორიული ადამიანის გამოვლენის საფეხურებია. ფსიქოანალიზის მიხედვით, ბავშვმა უნდა უკუაგდოს (განდევნოს) ან სუბლიმაცია უყოს ლტოლვებსა და მათი გამოვლენის გაუქვლმართებულ ფორმებს. თუკი ბავშვი აღნიშნულს ვერ მოახერხებს, მაშინ იგი აღმოჩნდება ფიქსირებული რომელიმე ფაზაზე ან მომდევნო წლებში მას დაუბრუნდება. ფროიდი ადამიანს ხასიათის მომავალ თვისებებს, ინდივიდის ნორმალურობასა და ფსიქიკურ ჯანმრთელობას უკავშირებს ინფანტილური წინაგენიტალური ფაზების განდევნისა და სუბლიმაციის ხერხებს. ადამიანის პიროვნული კონსტიტუციის ჩამოყალიბების კრიტიკულ პერიოდად ამიტომაც ჩთვლილია ინდივიდის ცხოვრების პირველი ოთხი წელი.

თანშობილი მემკვიდრეობის მნიშვნელოვანი შინაარსია ოიდიპოსის კომპლექსი. აღნიშნულის შემადგენელი ელემენტებია: პირველყოფალი ადამიანის ლტოლვა, რომელიც უკავშირდება სისხლის აღრევის სქესობრივ მოქმედებას, და თანშობილი არქაული მემკვიდრეობა, დაკავშირებული ტოტემის აკრძალვასთან (ტაბუსთან). ფსიქოანალიზის მიხედვით, პიროვნების განზომილებით ყველაფერი დამოკიდებულია ოიდიპოსის კომპლექსის ბედთან. მისი შედეგი გადამ-

<sup>114</sup> Vorlesungen, XI, 198.



წყვეტი მნიშვნელობისაა როგორც ინდივიდის, ისე საზოგადოებისათვის საერთოდ.

ოიდიპოსის კომპლექსის საწყისი ემთხვევა განვითარების კანონბალურ ფაზას. ის მდგომარეობს დედის ძუძუს სექსუალურ ობიექტად მიჩნევაში. შემდეგ ის გადადის ავტორიტეზმში (სექსუალურ ობიექტად საკუთარი სხეულის ნაწილის ჩათვლა, მაგ., თითის წოვა). მომდევნო საფეხურზე ხდება გარე სექსუალური ობიექტის მონახვა. 2 წლამდე ბიჭისა და გოგოს ინდივიდუალური განვითარების ფორმა ერთნაირია. განვითარების განსხვავებული ფორმა იწყება გარე სექსუალური ობიექტის მონახვის მომენტიდან. ბიჭი მიიღტვს დედისაკენ, გოგო კი მამისაკენ. ოიდიპოსის კომპლექსის შინაგანი განსხვავებული მოქმედება განაპირობებს მამაკაცურ და ქალურ ხასიათებს. მამაკაცისა და ქალის მომავალი დამოკიდებულება ოიდიპოსის კომპლექსის გადალახვის მოვლენასთან. საშუალებები, რომლითაც აღნიშნული ხორციელდება მამაკაცისა და ქალის მიერ, განპირობებულია მემკვიდრეობით — სქესის თანშობილი თვისებებითა და ინდივიდის შინაგანი კონსტიტუციონალური თავისებურებებით.

§ 4. ინტერპრეტაციები. ფროიდის არაცნობიერი ფსიქიკის ცნება თავიდანვე იყო კრიტიკის საგანი. ერთი მხრით, ძიება მიმართულია იქითკენ, რომ ცხადყოს მისი ნამდვილი შინაარსი, დადგინდეს არაცნობიერი ფსიქიკის ცნების ფროიდისეული გაგება. მეორე მხრით, გაირკვეს პოზიცია ცნებებს დადგენილი შინაარსის მიმართ, ის მიღებულ ან უარყოფილ იქნეს გარკვეული მოსაზრებების გამო.

წინამდებარე ნაშრომის მეორე პარაგრაფში შევეცადეთ დაწვრილებით ვადმოგვეცა არაცნობიერი ფსიქიკის ცნებებს შინაარსი ფროიდთან. იქ ჩვენ მიერ მოყვანილი არგუმენტები საკმარის საფუძვლად მივიჩნით, რომ გავვემართლებინა თეზისი: ფროიდისათვის არაცნობიერი ფსიქიკა ეს ისეთი ფსიქიკური პროცესია, რომელიც არსებობს ცნობიერებისაგან დამოუკიდებლად და მისი არსებობის ფორმის შესახებ არაფრის თქმა არ შეიძლება. ფსიქონალიზი, თეორიული მოსაზრებებიდან გამომდინარე, უშვებს არაცნობიერი პროცესების არსებობას. ამ თეორიის სპეციფიკა იმაში ვლინდება, რომ აღნიშნული არაცნობიერი პროცესები წარმოდგენილია ფსიქიკურ პროცესებად, რომლებიც წარმოადგენილია ფსიქიკური პროცესების ონტოლოგიური ბუნების, გარკვეულობის შესახებ იმიტომ არ შეიძლება რაიმეს თქმა.

რომ ისინი საკუთარი შინაგანი სახით არასოდეს არ შემოდინან ცნობიერებაში.

ქვემოთ ჩვენ განვიხილავთ მოსაზრებებს, რომლებიც განსხვავდებიან ფროიდის არაცნობიერი ფსიქიკის ახლახან მითითებული შინაარსისაგან. მათი ანალიზი გამომდინარე შედეგებითურთ დამატებით საბუთად მიგვაჩნია არაცნობიერი ფსიქიკის იმ გაგების სასარგებლოდ, რომელიც ჩვენ დავახასიათეთ როგორც არაცნობიერი ფსიქიკის ფსიქონალიზური კონცეპტი.

ფროიდის არაცნობიერი ფსიქიკის ცნება გაგებულა განსხვავებულად, ერთმანეთს გამომრიცხავ შინაარსებად. არაცნობიერი ფსიქიკის განსხვავებულ გაგებებს ზოგ შემთხვევაში აქვთ საბაზი თვითონ ფროიდის ნაწერებს სახით, შაგრამ აღსანიშნავია ის ვითარება, რომ ფროიდის არაცნობიერის ცნების ინტერპრეტაციები არგუმენტირებული, დასაბუთებული არაა; უფრო მეტიც, ისინი ზოგჯერ უპირისპირდებიან და აუქმებენ ფსიქონალიზური თეორიის შინაგან ბუნებასა და მიზანდასახულებას. იმ შემთხვევაში, როცა რომელიმე ინტერპრეტაცია არგუმენტირებული არაა, ჩვენ შეგვეძლო უბრალოდ თეორიის უარყოფით დაკმაყოფილებულიყავით. მაინც თუ ვკამათობთ ავტორთან დოგმატური დებულების წინააღმდეგ, მხოლოდ იმ მიზნით, რაც შეიძლება მეტი სინათლე შევიტანოთ არაცნობიერის ცნების ფროიდისეულ გაგებაში.

ფროიდის არაცნობიერის ინტერპრეტაციები შეიძლება დაჯგუფდეს ოთხად: 1) არაცნობიერი ნეიტრალური სინამდვილეა, 2) არაცნობიერი ფიზიოლოგიური პროცესია, 3) არაცნობიერი ცნობიერების ფსიქიკური საფეხურია, 4) არაცნობიერი ცნობიერი ფსიქიკური შინაარსების ცნობიერებისაგან დამოუკიდებელი არსებობაა.

განვიხილოთ ცალკეული ინტერპრეტაციები.

1) არაცნობიერი ნეიტრალური სინამდვილეა. ფსიქონალიზში არაცნობიერის ამგვარ გაგებაზე მიუთითებს ვ. ვოლოშინოვი ნაშრომში: „ფროიდიზმი. კრიტიკული ნარკვევა“, სადაც ვკითხულობთ: „ზოგიერთი ფროიდისტი (რანკი, პფისტერი, გროდეკი) ამტკიცებს, რომ ფსიქონალიზმმა შეძლო, ენახა ყოფიერების სრულიად განსაკუთრებული საფერო — არც ფიზიკური, მაგრამ არც ფსიქიკური, არამედ თითქოს ნეიტრალური, რომლიდანაც შეიძლება შემდეგ აღმოცენდეს დიფერენციალის გზით როგორც ფიზიკური, ისე ფსიქიკური ყოფიერებაც. აღნიშნულ ნეიტრა-

ლურ ყოფიერებას ეკუთვნიან არაცნობიერის სიღრმეები. მხოლოდ მის უმაღლეს ფენებში, წინაცნობიერთან ახლოს, იწყება სულიერა-სა და სხეულებრივის დიფერენციაცია“<sup>115</sup>.

ეს შეხედულება ფროიდის არაცნობიერის შესახებ უფრო გვიან გაიმეორა ნ. მანსუროვმა „თანამედროვე ბურჟუაზიულ ფსიქოლოგიაში“<sup>116</sup> და ის გამოითქვა მოსკოვის სიმპოზიუმზედაც, რომელიც მიეძღვნა ცნობიერების პრობლემას. ვ. ბანშჩიკოვი და ო. ეფენდიევი სიმპოზიუმის მასალებში მოთავსებულ სტატიაში—„ცნობიერების პრობლემა და ფროიდიზმი“ — წერენ: „თავის უკანასკნელ შრომებში ფროიდი უფრო შორს წავიდა მატერიალური სუბსტრატისაგან ფსიქიკური ცხოვრების მოწყვეტის გზით. ფროიდმა განიხილა არაცნობიერი როგორც ნეიტრალური, ამტკიცებდა რა, რომ სახელდობრ არაცნობიერი ესაა „პირველადი“, „საწყისი“, რისგანაც შემდეგ წარმოიშობიან მატერიალურიცა და ცნობიერიც“<sup>117</sup>.

ზემომოყვანილი მსჯელობებიდან გამომდინარეობს შემდეგი დებულებები:

ა) ერთ შემთხვევაში არაცნობიერი ფსიქიკის ნეიტრალურ სინამდვილედ გამოცხადება ეხება არა არაცნობიერის მთელ მოცულობას, არამედ მის ერთ ზედა მხარეს მხოლოდ, კერძოდ, საკუთრივ არაცნობიერს, რომელიც, როგორც ცნობილია, მოიცავს ლტოლვებისა და არქაული მემკვიდრეობის რომელიღაც ნაწილს.

ბ) მეორე შემთხვევაში არაცნობიერის ნეიტრალურ სინამდვილედ გამოცხადება ეხება არაცნობიერის მთელ მოცულობას. ამასთან, ეს თეზისი ფროიდს წამოუყენებია მხოლოდ უკანასკნელ ხანს. მაშასადამე, ის თავიდანვე არ ყოფილა ფსიქოანალიზის ამოსავალი პრინციპული დებულება.

საერთოდ ზემოაღნიშნული შეხედულების შესახებ უნდა ითქვას ის, რომ ფსიქოანალიზში არაცნობიერის ნეიტრალურ სინამდვილედ წარმოდგენა ფიზიკურისა და ფსიქიკურის მიმართ, ჯერ ერთი, ტექსტობრივად არ დასტურდება ფროიდთან, შემდეგ, არ გამომდინარეობს არც ფსიქოანალიზის თეორიული პრინციპებიდან. ამიტომაც,

<sup>115</sup> В. Н. Волюшинов, Фрейдизм. Критический очерк. М., 1927, с. 109—110.

<sup>116</sup> Н. С. Мансуров, Современная буржуазная психология. М., 1962, с. 43.

<sup>117</sup> В. М. Баншиков, О. М. Эфендиев, Проблема сознания и фрейдизм; Проблемы сознания. Материалы симпозиума, М., 1966, с. 275.

რომ ამ შეხედულებების დამცველები კმაყოფილდებიან მხოლოდ დეკლარაციული განცხადებით; არაცნობიერს ნეიტრალობის თეზისს ვერ ამაგრებენ ვერც ტექსტობრივად და ვერც ფროიდის მოძღვრების თეორიული ანალიზით, ამ ანალიზიდან გამომდინარე შედეგებით.

შესაძლებელია, არაცნობიერს ნეიტრალური სინამდვილის სახით წარმოდგენის საბაზი იყოს ის, რომ ფროიდი ფსიქიკური ენერჯიის თაობაზე მსჯელობის დროს ზოგჯერ ხმარობს ტერმინს „ინდიფერენტული ენერჯია“ ანდა ლტოლვის ის დახასიათება, როცა მითითებულია, რომ ლტოლვა სხეულსა და სულს შორის საზღვარზე მყოფია.

ცნობილია, რომ ფროიდი თავიდანვე ყურადღებით ეკიდებოდა ფსიქიკური ენერჯიის (რაც მისთვის იგივე ლტოლვის ენერჯიაა) როლგობით დახასიათებას. ფროიდმა პირველად, როგორც აღინიშნა, ლტოლვები დაყო ორ ჯგუფად: სექსუალურ ლტოლვებად და მე-ლტოლვებად. სექსუალური ლტოლვების ენერჯიას უწოდა ლიბიდო, ხოლო მე-ლტოლვების ენერჯიას — ინტერესი. ფროიდმა შემდეგ ორივე ჯგუფის ლტოლვები გააერთიანა ერთ სფეროდ, რომელსაც დაუტოვა სექსუალური ლტოლვების სახელწოდება, რომლის ენერჯიის აღსანიშნავად ლიბიდოს ტერმინი დარჩა. ამის გამო ლიბიდო უკვე მოიცავს როგორც სექსუალურ, ისე არასექსუალურ ფსიქიკურ ენერჯიებს და, ამდენად, ლიბიდო გვევლინება გარკვეული აზრით, ფსიქიკური ენერჯიის ეკვივალენტად<sup>118</sup>. ფროიდი შრომაში „მე და იგი“ ლაბარაკობს ინდიფერენტული ენერჯიის შესახებ, მაგრამ ინდიფერენტობა ენერჯიისა აქ ნიშნავს არა ნეიტრალობას ფსიქიკისა და ფიზიკურის (ფიზიოლოგიურის) მიმართ, არამედ თვითონ ფსიქიკური ენერჯიის დაუნაწევრებლობას სექსუალურ და არასექსუალურ ფორმებად, რომელობებად. მაშასადამე, არსებობს ენერჯია, რომელიც ფსიქიკურია, და ის შეიძლება მოხმარდეს როგორც სექსუალურ ისე არასექსუალურ, მაგალითად, დესტრუქციის ლტოლვების განხორციელებას. სანამ ჯერ კიდევ ეს ფსიქიკური ენერჯია არ მოხმარებია ან სექსუალური, ან არასექსუალური ლტოლვის რომელობას, მანამდე იგი უნდა ჩაითვალოს ინდიფერენტულ ფსიქიკურ ენერჯიად<sup>119</sup>.

<sup>118</sup> ფროიდთან ლიბიდოს ცნების შინაარსის ამგვარი დახასიათებით მოხდა ფსიქიკური ენერჯიის გაგების საკითხში გარკვეული აზრით კ. გ. იუნგის თვალსაზრისთან დაახლოება.

<sup>119</sup> იხ. „მე და იგი“, XIII, 272—273. ფროიდის ნაწერებში ზოგჯერ ტერმინო-

ფროიდი ლტოლვის ბუნების გარკვევისას მსჯელობს ლტოლვის წყაროზე, რომ ლტოლვა ენერგიას ლებულობს ორგანიზმის რომელიმე ნაწილიდან; ფიზიოლოგიური ენერგია გადადის, იქცევა ლტოლვის ენერგიად, ანუ ფსიქიკურ ენერგიად, და ხდება პირიქითაც, ფსიქიკური ენერგია გარდაიქმნება ფიზიკურ ენერგიად. ფროიდს შეიძლება ვუსაყვედუროთ არათანამიმდევრულობა, რაც მან ახლახან გადმოცემულ მსჯელობაში ფიზიკური და ფსიქიკური ენერგიების ურთიერთში გადასვლის აღიარებისას გამოამჟღავნა, რომელიც უპირისპირდება არაცნობიერი ფსიქიკის, ფსიქიკური ენერგიის დაშვებით წინდაწინვე მიღებული პარალელიზმის პრინციპს. მაგრამ აქედან სრულიადაც არ გამომდინარეობს არაცნობიერის ნეიტრალური ბუნების მქონე სინამდვილედ გამოცხადება.

ფსიქოანალიზის ამოსავალი პრინციპების გაცნობიერებაც გვარწმუნებს იმაში, რომ არაცნობიერის ნეიტრალური სინამდვილის სახით წარმოდგენა ეწინააღმდეგება და უკუაგდებს ფსიქოანალიზური თეორიის შინაგან ბუნებას. მაგალითად, არაცნობიერი თუ ნეიტრალურ სინამდვილედ გამოცხადდება, რომელიც პრინციპულად ერთნაირად განსხვავდება ფიზიკურისა და ფსიქიკურისაგან, ვერ გამოგადგებოდა ცნობიერი ფსიქიკის ამხსნელ საშუალებად, რადგანაც მას არ ექნებოდა საერთოდ ფსიქიკისათვის დამახასიათებელი არსებითი ნიშანი საზრისიანობისა, როგორადაც ამას ფსიქოანალიზი აღიარებს; ნეიტრალური არაცნობიერი, როგორც ფსიქიკის მიღმა მდებარე გარკვეულობა, დაარღვევდა ფსიქიკის უწყვეტობის პრინციპის იდეის აღიარებას და ა. შ.

ექვს არ უნდა იწვევდეს ის, რომ ფროიდის მიზანი თავიდანვე იყო (ვგულისხმობთ ფსიქოანალიზის თეორიას და არა ფსიქოანალიზის წინარე ფროიდის შეხედულებას) არაცნობიერის გააზრება ფსიქიკური სინამდვილის სახით, არაცნობიერი ფსიქიკის დასაბუთება. სწორედ აღნიშნულითაა განპირობებული ფსიქოანალიზში მეთოდოლოგიური დუალიზმის თვალსაზრისის გატარება. არ უნდა იქნეს დავიწყებული ფროიდის სიტყვები, რომელიც მთელი მისი მოღვა-

---

ლოგიური უზუსტობაა, მაგალითად, ის ნაშრომში „არაცნობიერი“ იყენებს ტერმინს „ნერვული ენერგია“ (X, 287), მაგრამ კონტექსტიდან ჩანს, რომ ეს იგივე სულიერი ცხოვრების ენერგიაა. „ფსიქოანალიზის ნარკვევშიაც“ იხსენიება ლტოლვასთან დაკავშირებით „ნერვული ენერგია“ (XVII, 81), მაგრამ ირკვევა, რომ აქ იგულისხმება ფსიქიკური ენერგია, ვინაიდან მოცემულია ასეთი განმარტება: *«nervöse oder psychische Energie»*.

წეობის კვალიფიკაციას იძლევიან და ნათლად გამოხატავენ ფსიქო-ანალიზის დედააზრს. ფროიდი 1937 წელს რომენ როლანისადმი მიწერილ ბარათში შემდეგს აღნიშნავს: „თქვენ იცით, რომ ჩემი მეცნიერული მუშაობა მიზნად ისახავდა სულიერი ცხოვრების არაჩვეულებრივი, არანორმალური, პათოლოგიური მოვლენების ასხნას, ე. ი. დაყვანას მათ უკან მოქმედ ფსიქიკურ ძალებზე და ამასთან მოქმედი მექანიზმების ჩვენებას“<sup>120</sup>.

2) არაცნობიერი ფიზიოლოგიური სინამდვილე ა. გამოითქვა შეხედულება, რომ ფსიქოანალიზში ის, რაზედაცაა ლაპარაკი არაცნობიერის ფარგლებში ფსიქოლოგიური ტერმინების მოშველებით, სინამდვილეში ფსიქიკური კი არა, ფიზიოლოგიური გარკვეულობაა, რომ ფროიდთან ფსიქოლოგიურ ტერმინებში უმაღლესი ნერვული მოქმედების პროცესები უნდა იგულისხმებოდეს.

ბ. ბიხოვსკი წიგნში „ფროიდის მეტაფსიქოლოგია“<sup>121</sup> იძლევა ფროიდის არაცნობიერის ინტერპრეტაციას ფიზიოლოგიური შინაარსით. ავტორი თეზისის გამართლებას ცდილობს ფროიდის მსჯელობით, რომელიც გამოთქმულია „სინამდვილის პრინციპის იქითა მხარეში“. ფროიდი წერს: „ჩვენ იძულებული ვართ ვიმუშაოთ მეცნიერული ტერმინებით, ე. ი. ფსიქოლოგიის (უფრო სწორად „სიღრმის ფსიქოლოგიის“) სპეციფიკური ზატოვანი ენით. ჩვენ სხვაგვარად ვერ შევძლებდით, საერთოდ აგვეწერა შესატყვისი პროცესები, დი-ახ, ვერც კი აღვიქვამდით მათ. ნაკლოვანებები ჩვენი აღწერისა, ალბათ, გაქრებოდნენ, თუკი ნაცვლად, ფსიქოლოგიური ტერმინებისა შევძლებდით ფიზიოლოგიური ან ქიმიური ტერმინების ჩასმას“<sup>122</sup>. ბიხოვსკის მტკიცებით, მოტანილი ადგილიდან ჩანს, რომ ფროიდს თვითონვე პქონდა შეგნებული ფსიქოანალიზური ტერმინოლოგიის უკმარობა. იგი ასკვნის: ფროიდის სუბიექტივისტური ცნებები კორელატურნი არიან მატერიალური, ფიზიოლოგიური პროცესებისა და მათ ენაცვლებიან. ბიხოვსკი ამოცანად სახავს ფროიდის ტერმინოლოგიური მისტიფიკაციის დაძლევას. როგორც ირკვევა, ბიხოვსკის გაგებით, ფსიქოანალიზში არაცნობიერის ონტოლოგიური პრობლემა მხოლოდ ტერმინოლოგიური საკითხის გადაჭრა ყოფილა. არაცნობიერი ფსიქოანალიზში იმთავითვე ფიზიოლოგიურ სინამ-

<sup>120</sup> XVI, 250.

<sup>121</sup> Б. Быховский, *Метапсихология Фрейда*, Минск, 1926, с. 7—8.

<sup>122</sup> XIII, 65.

დეილედ ყოფილა აღიარებული, რომლის თავისებურებათა აღსანიშნავად ფროიდს გამოუყენებია უხეირო ფსიქოლოგიური ტერმინები<sup>123</sup>.

ამგვარი ვაგება ფსიქოანალიზის არაცნობიერის ცნებისა საფუძველს მოკლებულად მიგვაჩნია<sup>124</sup>. ბიხოვსკის მიერ მოტანილი ადგილი ფროიდის მსჯელობიდან არ ამართლებს ფსიქოანალიზში არაცნობიერის ფიზიოლოგიური სინამდვილის სახით წარმოდგენის ცდას. ავტორს ფროიდის აზრი დასრულებული სახით არ მოჰყავს. ფროიდი მსჯელობას შემდეგნაირად აგრძელებს: „ისინი (ფიზიოლოგიური ან ქიმიური ტერმინები — ვ. კ.) თუმცა აგრევე ეკუთვნიან მხოლოდ ხატოვან ენას, მაგრამ ისეთს, რომელსაც ჩვენ დიდი ხანია ვენდობით და რომელიც, ალბათ, აგრეთვე უფრო მარტივია“<sup>125</sup>.

როგორც ირკვევა, ფროიდი ზემომოყვანილ მსჯელობაში არაცნობიერს ფიზიოლოგიურად კი არ თვლის, არამედ მოითხოვს არაცნობიერის აღწერისა და შემეცნებისათვის ადეკვატური საშუალებების მონახვას. ამას აკეთებს ფსიქოლოგიური ცნებები იმიტომ, რომ არაცნობიერი სინამდვილე ფსიქიკური ბუნებისაა. არაცნობიერი ფსიქიკური პროცესების მიმართ ფსიქოლოგიური ცნებების მომარჯვების გარეშე, როგორც ფროიდი ამბობს, „ვერც კი აღვიქვამ-

---

<sup>123</sup> ფსიქოანალიზის არაცნობიერის უმაღლეს ნერვულ მოქმედებასთან გაიგივების აზრი გამოთქვა, ა. მეტემ. ამ დებულების დასაბუთება ავტორს არ მოუცია. A. M e t t e, Sigmund Freud, Berlin, 1958, გვ. 34.

<sup>124</sup> გაუგებრობაზეა დამყარებული ჯ. უელსის მსჯელობა: «Фрейд всегда утверждал, что психология имеет право вести изучение человеческого мозга, поскольку последняя недостаточно развита». Г. У э л с, Павлов и Фрейд, М., 1959, გვ. 302—303. ფროიდს არსად არ უმტკიცებია, რომ ფსიქოლოგიას უფლება აქვს თავისუფლად შესწავლოს და ამიტომაც სწავლობს მას. ფროიდი მიზნად ისახავდა ფსიქიკის შემეცნებას და ფსიქიკის შესწავლის საქმეში ის უარყოფდა ტინის ფიზიოლოგიური პროცესის გამოყენებას, როგორც ფსიქიკის მიმართ არსობრივად ქეტროვეწული მოვლენისა, რომელიც არაფერს ამბობს თვითონ ფსიქიკის შინაგანი გარკვეულობის შესახებ.

<sup>125</sup> ფროიდთან მითითებული ადგილი ასე იკითხება: «...wir genötigt sind, mit den wissenschaftlichen Terminis, das heißt mit der eigenen Bildersprache der Psychologie (richtig: der Tiefenpsychologie) zu arbeiten. Sonst könnten wir die entsprechenden Vorgänge überhaupt nicht beschreiben, ja, würden sie gar nicht wahrgenommen haben. Die Mängel unserer Beschreibung würden wahrscheinlich verschwinden, wenn wir anstatt der psychologischen Termini schon die physiologischen oder chemischen einsetzen könnten. Diese gehören zwar auch nur einer Bildersprache an, aber einer uns seit längerer Zeit vertrauten und vielleicht auch einfacheren». XIII, 65.

დით მათ“. ფროიდი ლაპარაკობს არაცნობიერის შემეცნების ფსიქოლოგიურ სიძნელეზე. ფიზიოლოგიური ტერმინი მარტივი და ნაცნობია ჩვენთვის და ამიტომ შემეცნებელში არის არაცნობიერის დაუფლების საქმეში მათი გამოყენების ტენდენცია, მაგრამ ობიექტური საქმის ვითარება ისეთია, რომ ფიზიოლოგიური ცნებით ვერ აღიწერება ორიგინალური გარკვეულობა — არაცნობიერი ფსიქიკა; ამდენად ამ კრილში უკანასკნელის წვდომის იმედიც არ უნდა გვქონდეს.

ბიხოვსკის არ გააჩნია სხვა არგუმენტი არაცნობიერის ფიზიოლოგიურად გამოცხადების სასარგებლოდ. ავტორი არაფერს ლაპარაკობს იმ მსჯელობების შესახებ, რომლებიც ფროიდის თითქმის ყველა ნაშრომშია და ეხება არაცნობიერის ფსიქიკურად გააზრებისა და დასაბუთების საკითხს. მას უნდა გახსენებოდა ფროიდის ცნობილი დებულება „ლექციებიდან“: ფსიქონალიზმა, უპირველეს ყოვლისა, უნდა უქუაგდოს ყველა მისთვის უცხო ანატომიური, ქიმიური ან ფიზიოლოგიური თეორიები და იმუშაოს განსაკუთრებით წმინდა ფსიქოლოგიური ცნებებით, რადგანაც „არაცნობიერი ესაა საკუთრივ რეალური ფსიქიკური“ და ფსიქონალიზის ამოცანაა „სულიერ ცხოვრებაში არაცნობიერის აღმოჩენა“. შორს წასვლა არცაა საჭირო, თვითონ ფროიდის „სიამოვნების პრინციპის იქითა მხარეში“ სავსებით ნათლადაა მითითებული არაცნობიერის ფსიქონალიზური კონცეფცია, რომ არაცნობიერი პროცესები ეს იგივე „ღრმა სულიერი პროცესებია“, ცნობიერება არაა აუცილებელი ნიშანი ფსიქიკური პროცესისათვის, ამიტომაც არსებობენ არაცნობიერი ფსიქიკური პროცესები; არაცნობიერი სულიერი პროცესების სპეციფიკა ისაა, რომ ისინი დროის გარეშე არიან და სხვა<sup>126</sup>. საკითხის ბუნების გარკვევას ხელს შეუწყობდა იმის ცხადყოფაც, თუ რა იყო იმის საფუძველი, რომ ფროიდმა ფსიქონალიზის პოსტულატად მეთოდოლოგიური დუალიზმი გამოაცხადა. ამ უკანასკნელის გაცნობიერების ცდას ბიხოვსკის წიგნში ვერ ვნახულობთ. ფსიქონალიზური კონცეფციის შინაგანი ბუნებისა და თეორიული წინამძღვრების გაცნობიერება თავიდან აგვაცილებდა ბევრ არასწორ შე-

<sup>126</sup> «Seelische Tiefenvorgänge», 10, «Das Bewußtsein nicht der allgemeinste Charakter der seelischen Vorgänge... sein können», 23, «Die unbewußten Seelenvorgänge an sich «zeitlos sind», 28, «Es (System usw.—ვ. კ.) muß...die anderen psychischen Systeme umhüllen», 23, 31.



ხედულებას, რომელიც საერთოდაა დაკავშირებული ფსიქოანალიზის მოძღვრების გაგებასთან.

ერთგვარი გავრცელება ჰპოვა შეხედულებამაც, რომელიც ფროიდის ფსიქოანალიზურ კონცეფციას განიხილავს როგორც პროვიზორულ საქმის ვითარებას. ამ შეხედულების მიხედვით, ფროიდი ფსიქიკის შემეცნების — ახსნისა და გაგების — საქმეში ობიექტური ვითარების გამო იძულებული გახდა, გამოეყენებინა არაცნობიერი ფსიქიკის ცნება. ფროიდი ფიზიოლოგიური მეცნიერებს განვითარების კვალობაზე, ტვინის უმაღლესი ნერვული მოქმედების შესწავლიდან მიღებული ცოდნის საფუძველზე, შეიცვლიდა პოზიციას ფსიქოლოგიის აგების პრინციპების თაობაზე, და მეთოდოლოგიური დუალიზმის უკუგდებას მოჰყვებოდა მონისტურ პოზიციაზე გადასვლა ფსიქიკის შესწავლის საქმეში: არაცნობიერი ფსიქიკას ადგილს დაიკურდა უმაღლესი ნერვული მოქმედების მექანიზმი. ეს იყო ფროიდის საბოლოო იდეალი, რომლის განუხორციელებლობა არსებითად განაპირობა თავის ტვინის ფიზიოლოგიური მოქმედების შესახებ მეცნიერებებს დაბალმა დონემ. ცნობილი იტალიელი ფსიქოანალიტიკოსი ჩ. მუზატი აღნიშნავს: „ფროიდს არა მარტო არ უნდოდა ფიზიოლოგიური ახსნის უკუგდება, არამედ მზად იყო მისთვის ადგილი დაეთმო, როგორც კი ეს შესაძლებელი გახდებოდა. ფროიდის (ისევე როგორც პავლოვის) უარყოფას აქვს მეთოდური და არა თეორიული აზრი და მის უკან არ იმალება არავითარი განსაკუთრებული მეტაფიზიკური კონცეფცია“<sup>127</sup>.

აღინიშნა, რომ ფროიდი ფსიქოფიზიკური პრობლემის კითხვაზე მონისტურ პასუხს იძლევა: ფსიქიკა წარმოიშეება ტვინის ფიზიოლოგიური მოქმედებიდან. კარგადაა ცნობილი ისიც, რომ ის ფსიქიკის ახსნის საკითხში მეთოდოლოგიური დუალიზმის დამცველად გვევლინება: ფსიქიკის მოქმედებას ტვინი ვერ ახსნის, ფსიქიკა უნდა აიხსნას ისევე ფსიქიკით (resp. ცნობიერი ფსიქიკა უნდა აიხსნას არაცნობიერი ფსიქიკით). ამხსნელის როლში ვერ მოგვევლინება ფიზიოლოგიური (საერთოდ არაფსიქიკური სინამდვილე). იმიტომ, რომ ახსნის (შემეცნების) შინაარსი, ფსიქოანალიზის მიხედვით, გულის-

---

<sup>127</sup> Чезаре Л. М у з а т т и, Основы психоанализа в критике Ф. В. Басина, «Вопросы психологии», 1960, № 3, гв. 144; მსგავს თვალსაზრისს იცავს Ernst K r i s, იხ. «Aus den Anfängen der Psychoanalyse», გვ. 53; იხ. აგრეთვე Donald B r i n k m a n n, Probleme des Unbewußten, Zürich und Leipzig, 1943, გვ. 50.

ზმობს გაგების ვითარებას, წარმოადგენს საზრისის წვდომას და არა მოვლენის ქვეშ ან საფუძველში მდებარის უბრალო დადასტურებას. ხოლო საზრისის წვდომა (გაგება) შეიძლება განხორციელდეს მხოლოდ ფსიქიკის ფარგლებში.

საკითხი ფსიქიკის ორგანული (არაფსიქიკური) საფუძვლების შესახებ ფსიქოანალიზში, მეთოდოლოგიური პრინციპებიდან გამომდინარე, მნიშვნელობას ჰქარავს. ფროიდის ონტოლოგიური მონიშნის ზემოაღნიშნული ვითარების გამო მოჩვენებითი ხდება და ფსიქოანალიზური კონცეფციისათვის არაფრის მთქმელია. ფსიქოანალიზის პრინციპები ეწინააღმდეგებიან ფსიქიკის საფუძვლების ძიებას არაფსიქიკურში და ამდენად ყოველი ასეთი ცდა გადახვევად უნდა მივიჩნიოთ ფსიქოანალიზიდან. ფროიდი, შარტლაც, დაინტერესებული იყო ფსიქიკის ორგანული საფუძვლების გარკვევით. ის „ფსიქოანალიზის შესავალ ლექციებში“ წერს: „ჩვენ მიერ შექმნილი ფსიქოანალიზის შენობა სინამდვილეში წარმოადგენს ზენდაშენს, რომელიც როდისმე დადგება თავის ორგანულ საფუძველზე, მაგრამ ჩვენ ჯერ კიდევ არ ვიცით ეს საფუძველი“<sup>128</sup>. ჩვენმა ავტორმა ფსიქოანალიზური თვალსაზრისი ფსიქიკის ორგანული საფუძვლის შესახებ ნათლად ჩამოაყალიბა „ფსიქოანალიზის ნარკვევში“, სადაც აღნიშნულია შემდეგი „იმის შესახებ, რასაც ჩვენ ფსიქიკას (სულიერ ცხოვრებას) ვუწოდებთ, ჩვენთვის ორი რამაა ცნობილი: პირველი — სხეულებრივი ორგანო და მისი მოქმედების ადგილი, ტვინი (ნერვული სისტემა), მეორე მხრივ — ჩვენი ცნობიერების აქტები, რომლებიც უშუალოდ არიან მოცემულნი... ყველაფერი მათ შორის უცნობია, პირდაპირი მიმართება ჩვენი ცოდნის ორივე საბოლოო წერტილს შორის არაა მოცემული. ის რო მ ც ი ყ ო ს, ს უ ლ დ ი დ ი, ც ნ ო ბ ი ე რ ე ბ ი ს პ რ ო ც ე ს ე ბ ი ს ზ უ ს ტ ლ ო კ ა ლ ი ზ ა ც ი ა ს მ ო გ ვ ა წ ვ დ ი ღ ა, მ ა თ ი გ ა გ ე ბ ი ს ა თ ვ ი ს ვ ე რ ა ფ ე რ ს გ ა ა კ ე თ ე ბ ა“<sup>129</sup> (ბაზგასმა ჩვენია — ვ. კ.).

<sup>128</sup> XI, 403. იგივე აზრი გამოთქვა ფროიდმა უფრო ადრე, 1898 წ. ვ. ფლისისადმი მიწერილ ბარათში ის მიუთითებს: „მე სრულიადაც არ ვარ სხვა შეხედულებისა, ვიდრე თქვენ, სრულიადაც არ მაქვს მიღრეკილება მივიღო ფსიქოლოგიური ჰაერში მჭროლავად ორგანული საფუძვლის გარეშე. მხოლოდ რწმენის გარდა მე არაფერი ვიცი, არც თეორიულად, არც თერაპევტულად და უნდა მოვიტყუ იმგვარად, თითქოს ჩემს წინ იდოს მხოლოდ ფსიქოლოგიური“. Aus den Anfängen der Psychoanalyse. გვ. 282,

<sup>129</sup> X VII, 67.

„არც ერთ ფიზიოლოგიურ წარმოდგენას, არც ერთ ქიმიურ პროცესს არ შეუძლია ხელი შეუწყოს მათი (სულიერი ცხოვრების ლატენტურ მდგომარეობათა — ვ. კ.) არსის ცოდნას“. მაშასადამე, ფსიქიკის ორგანული საფუძვლების გარკვევა ფსიქოანალიზურ დოქტრინას პრინციპულად არ ქირდება. ამიტომ საფუძველს მოკლებულად მიგვაჩნია მტკიცება, თითქოს ფსიქოანალიზის შინაგანი ბუნება მოითხოვდეს არაცნობიერი ფსიქიკის ფიზიოლოგიურით შეცვლას. ფსიქოანალიზის ცნებათა სისტემა არ შეიძლება პროვიზორული იყოს, რადგანაც ფსიქოანალიზი ფსიქოლოგიური თეორიაა, რომლისთვისაც სავსებით უცხოა „ფსიქოლოგიური აზროვნების წესიდან“ გადახვევა, მისი საბოლოო მიზანია „ფსიქოლოგიურ ნიადაგზე დაჩენა“, უკუგდება არაფსიქოლოგიური თეორიებისა და „მოქმედება მარტოოდენ წმინდა ფსიქოლოგიური ცნებებით“, რაც გაშიზნულია „წმინდა ფსიქოლოგიური გამოკვლევებისათვის საზრისისა, ე. ი. შეცდომითი მოქმედებების მნიშვნელობისა, განზრახვისა“<sup>130</sup>.

3) არაცნობიერი ცნობიერების ფსიქიკური საფუძვრია. ალ. ფიშერი ნარკვევში „ცნობიერების უკანა და ქვედა საფეხურები“ არაცნობიერის სამ ჯგუფზე მიუთითებს, რომლებიც, თავის მხრივ, ეფუძნებიან ფსიქიკოს შემეცნების სამ ძირითად მოტივს. არაცნობიერის ერთ ჯგუფს ფიშერი უწოდებს „ფენომენოლოგიურად არაცნობიერს“ და ამ ჯგუფში ათავსებს ფროიდის განდევნილი ფსიქიკური არაცნობიერის რომელობას. ფენომენოლოგიურად არაცნობიერი, ფიშერის მხედვით, იმით ხასიათდება, რომ ამ ჯგუფის შინაარსი „ჭერ კიდევ რეფლექსიით მიუწვდომელ, კრიტიკულად გაუთვალისწინებელ და ჩვენი პიროვნებისადმი მთლიანობის მიმართებაში ჭერ კიდევ შეუტანელ განცდას“ წარმოადგენს<sup>131</sup>.

<sup>130</sup> Vorlesungen, XI, 29.

<sup>131</sup> Al. Fischer, *Untergründe und Hintergründe des Bewußtseins*, Z. f. päd. Psychologie, 1916. მოგვეყვს დ. უზნაძის მხედვით, იხ. ექსპერიმენტულ ფსიქოლოგიის საფუძვლები, II, თბ., 1960, გვ. 153. ამ შრომაში დაწერილებითაა გადმოცემული ფიშერის შეხედულება არაცნობიერი ფსიქიკის ცნებასთან დაკავშირებით.

ფიშერის საპირისპიროდ ფ. ლერში საყვედურობს ფროიდს, რომ მან განდევნილი არაცნობიერი შოათავსა ცნობიერების ფარგლებს გარეთ. თვითონ ლერშს წარმოდგენლად მიანია ფსიქიკის არსებობა ცნობიერებისაგან დამოუკიდებლად, ამიტომ, მისი აზრით, განდევნილი არაცნობიერი ფსიქიკა უნდა მოთავსდეს უბრალო განცდითი საფეხურის სფეროში, ე. ი. Verdrängt-Undewußte ეს ფიგე Ungewußt-Unbewußte-ა. იხ. *Aufbau der Person*, 557—561.

ესაა ურეფლექსიოდ განცდილი ფსიქიკური შინაარსი, რომელსაც აქვს პირველადი ცნობიერება. ამ ფსიქიკურ შინაარსს, რადგანაც იგი ცნობიერების საფეხურია, ახლავს განცდის უბრალო პრეზენტაცია, მის შესახებ სუბიექტს გააჩნია უშუალო, ურეფლექსიო ცოდნა. თვითონ ფიქერი ე. წ. ფენომენოლოგიურად არაა ცნობიერი ფაქტების ჯგუფს არ თვლის ნამდვილ არაა ცნობიერად. მაგრამ ჩვენთვის მთავარი ამ შემთხვევაში ისაა, რომ ფროიდის განდევნილი არაა ცნობიერი დახასიათდა, როგორც ცნობიერების ფსიქიკური შინაარსი, კერძოდ, ურეფლექსიო ცნობიერების ფსიქიკური საფეხური.

1916 წლისათვის ფროიდს უკვე გამოქვეყნებული ჰქონდა შრომები, რომლებშიაც გადმოცემულია არაა ცნობიერი ფსიქიკის შესახებ ფსიქოანალიზური თეალსაზრისი, როგორცაა, „სიზმრის ინტერპრეტაცია“ (1900), „რამდენიმე შენიშვნა არაა ცნობიერის ცნების შესახებ ფსიქოანალიზში“ (1913), „არაა ცნობიერი“ (1915) და სხვა. ამ ნაშრომებში არსად არაა გამოთქმული აზრი, რომ განდევნილი ეს ისევ ცნობიერების ფარგლებში დარჩენილი ფსიქიკური შინაარსია. პირიქით, ფროიდი ყოველთვის იმაზე მიგვაქვეყნებს ყურადღებას, რომ განდევნილი, ანუ არაა ცნობიერი ფსიქიკა, რაც იგივე სულის ლატენტური შინაარსია, სწორედ რომ ცნობიერების ფარგლებს გარეთ არსებული გარკვეულობაა. განდევნილი არაა ცნობიერი იმიტომ ვერ მოთავსდება ცნობიერების ფარგლებში, რომ სუბიექტი არაფერს განიცდის მის შესახებ. „ჩვენ არა გვაქვს უფლება ისე გავაფართოვოთ ამ სიტყვის („ცნობიერი“ — ვ. კ.) აზრი, რომ იმით შეიძლება დეს ცნობიერების აღნიშვნა, რომლის შესახებაც მისმა მფლობელმა არაფერი იცის“. „არაა ცნობიერი წარმოდგენა ისეთია, რომელსაც ჩვენ ვერ ვამჩნევთ, მაგრამ, მიუხედავად ამისა, მზად ვართ ვალია-როთ მისი არსებობა სხვა ნიშნებისა და არგუმენტების საფუძველზე“<sup>132</sup>.

მხედველობაშია მისაღები ის გარემოებაც, რომ ფროიდი მნიშვნელოვან ყურადღებას უთმობს ტერმინოლოგიურ საკითხს. [ჩვენნი იეტორი უარყოფს არაა ცნობიერი ფსიქიკის აღსანიშნავად გამოყენებული იქნეს ტერმინები: ქვეცნობიერი (unterbewußt), თანაცნობიერი (nebenbewußt), შიგაცნობიერი (innenbewußt), რომლებიც შეიძლება მოგვევლინონ არასწორი გაგების წყაროდ, ვერ გვიჩვე-

ნონ არაცნობიერი ფსიქიკის ფსიქოანალიზური შინაარსი<sup>133</sup>. არაცნობიერი ფსიქიკის ფსიქოანალიზური შინაარსი კი ისაა, რომ მასში იგულისხმება ისეთი ფსიქიკა, რომელიც არსებობს ცნობიერებისაგან დამოუკიდებლად, ვინაიდან ცნობიერება და ფსიქიკა ერთმანეთისაგან განსხვავებული ვითარებებია. აღნიშნულ შინაარსს, ფროიდის მიხედვით, პირდაპირ გადმოსცემს ტერმინი „არაცნობიერი“ (unbewußt) და მას უნდა მიეცეს უპირატესობა ზემოაღნიშნულ ტერმინებთან შედარებით.

ზოგი მკვლევარი აღნიშნავს, რომ ფროიდის არაცნობიერი (წინაცნობიერი და განდევნილი არაცნობიერი) ენათესავება ლაიბნიცის „მცირე აღქმის“ ცნებას, რომ ამ ცნებათა შინაარსების მსგავსებაზე უნდა ვილაპარაკოთ<sup>134</sup>.

ლაიბნიცის „მცირე აღქმისა“ და ფროიდის არაცნობიერის ცნებათა ანალიზი გვარწმუნებს იმაში, რომ მათ შორის დიდი სხვაობაა. ეს ითქმის, რა თქმა უნდა, რომელობითი კუთხიდან განხილვის დროს. თუმცა ისიც ცხადია, რომ არაცნობიერის აღნიშნულ ცნებებს თეორიული ასპექტით ფსიქიკის მიმართ სუბსტანციონალური თვალსაზრისის გატარება ევალდებათ, ისინი ფსიქიკის უწყვეტი და თვითმპირი რეალობის სახით წარმოდგენას ემყარებიან.

ლაიბნიცი „მცირე აღქმის“, ანუ პერცეფციას, როგორც ფსიქოლოგიურ ცნებას<sup>135</sup>, უპირისპირებს აპერცეფციას, ცნებიერებას<sup>136</sup>. ეს დაპირისპირება გულისხმობს იმას, რომ ცნობიერი ფსიქიკა და

<sup>133</sup> Vorlesungen, XI, 306.

<sup>134</sup> D. Brinkmann, Probleme des Unbewußten, გვ. 50.

<sup>135</sup> ცნობილია, რომ პერცეფციას ლაიბნიცის მონადოლოგიურ სისტემაში ორი შინაარსი აქვს: მეტაფიზიკური და ფსიქოლოგიური. მაშინ, როცა პერცეფცია დახასიათებულია როგორც ცალკეული მონადაში სამყაროს ასახვა, რთულის მარტივში წარმოდგენა და სიმრავლის ერთობაში გამოხატვა, ლაპარაკია ცნების მეტაფიზიკურ მნიშვნელობაზე. ხოლო, იმ შემთხვევაში, როდესაც პერცეფცია გვევლინება ემპირიული ცნობიერების ამხსნელ ელემენტად, მაშინ ცნების ფსიქოლოგიური ასპექტია მხედველობაში.

<sup>136</sup> ლაიბნიცთან აპერცეფციის ცნებას ორი მნიშვნელობა აქვს: ფართო მნიშვნელობით იგია პირველადი, უბრალო ცნობიერება, ვიწრო მნიშვნელობით კი — მეორადი, რეფლექსური ცნობიერება. ისიც დადგენილია, რომ აპერცეფციის ცნებას ლაიბნიცი მოიხმარს ფუნქციონალური და ობიექტური მნიშვნელობებითაც. ის ხან აღნიშნავს პროცესს, რომლითაც პერცეფცია იქცევა აპერცეფციად, ხან კი — აპერცეფტირებულ პერცეფციას, გაცნობიერებულ წარმოდგენას. იხ. ვ. კ ა კ ბ ა ძ ე, არაცნობიერის პრობლემა ლაიბნიცის ფილოსოფიაში, „საქ. სსრ მეცნიერებათა აკადემიის მოამბე“, 1963, № 2, გვ. 26.

არაცნობიერი ფსიქიკა ერთმანეთისაგან სუბიექტის მიერ მათ განცდასთან დაკავშირებით განსხვავდებიან, რომ „მცირე აღქმა“ თავისი დამოუკიდებელი არსებობით განცდის საფუძვლად ვერ აღწევს, ის არ განიცდება, მიუხედავად იმისა, რომ ფლობს ცნობიერების გარკვეულ ინტენსივობას, მაგრამ მაინც არასაკმარისს მისი შემზრუნველათვის.

შინაგანი გარკვეულობის მიხედვით პერცეფცია და აპერცეფცია ერთმანეთისაგან რომელობით არ განსხვავდებიან. ფსიქიკის პერცეპტული და აპერცეპტული შინაარსები მხოლოდ ინტენსივობის განზომილებითაა განსხვავებულნი. სპეციფიკურია პერცეფციის გაცნობიერების გზა. პერცეფციის გაცნობიერება ზორციელდება პერცეფციის ინტენსივობის გაზრდის გზით, მაგრამ ლაიბნიცთან პერცეფციის ინტენსივობის მატება ნიშნავს არა ერთი პერცეფციის ძალის რაოდენობრივ აღმავლობას, არამედ მრავალი „მცირე პერცეფციის“ შეკავშირებას, გაერთიანებას. მაშასადამე, „მცირე აღქმა“, ვითარცა არაცნობიერ გარკვეულობა, იზოლირებულად, გათიშული სახით არსებულად წარმოდგინება. ხოლო როგორც ცნობიერების ფაქტი — ერთმანეთთან შეკავშირებული რაგვარობით<sup>137</sup>.

თუ ზემოაღნიშნული ვითარება იქნება გათვალისწინებული, მაშინ ძნელი აღარაა იმ არსებითი განსხვავების დანახვა, რაც ლაიბნიცის პერცეფციისა და ფროიდის არაცნობიერი ფსიქიკის ცნებათა შინაარსებს შორის არის. ლაიბნიცთან პერცეფცია ცნობიერი შინაარსისაგან რომელობით არ განსხვავდება. ფროიდთან კი არაცნობიერი ფსიქიკის რომელობაზე არ შეიძლება საერთოდ რაიმე პოზიტიური ითქვას, რადგანაც ის ცნობიერებისაგან დამოუკიდებლად არსებობს. მცირე პერცეფცია განსხვავდება ცნობიერების შინაარსისაგან ინტენსივობის სისუსტით, ინტენსივობის სისუსტეა პირობა პერცეფციის არაცნობიერებისა. ფროიდთან არაცნობიერი ფსიქიკა (მაგ., განდევნილი, ლტოლვები იგი-ში) ინტენსივობის მიხედვით ბევრად აღემატება ცნობიერი ფსიქიკის შინაარსებს. მიუხედავად ამისა, ის მაინც არაცნობიერი რჩება. „მცირე პერცეფციის“ შემოსვლა ცნობიერებაში, მისი გაცნობიერება სუბიექტის მიერ მსგავს პერცეფციებთან გაერთიანების საშუალებით ხდება, რაც ინტენსივობას ზრდის

<sup>137</sup> აღნიშნული ინტერპრეტაციის შესახებ იხ. დ. უზნაძე, ლაიბნიცის *perceptions*-თა ადგილი ფსიქოლოგიაში, „თბილისის უნივერსიტეტის მოამბე“, 1919, № 1.

და მის შემჩნევას განაპირობებს<sup>138</sup>. ფროიდთან არაცნობიერი ფსიქიკის გაცნობიერებისათვის არაა საჭირო არაცნობიერ პროცესს ინტენსივობა მოემატოს. პირიქით, გაცნობიერება არაცნობიერ პროცესს ძალას ართმევს, ძალისაგან განმუხტავს. გაცნობიერება აქ ან არ მოითხოვს განსაკუთრებულ პირობებს, როგორც ესაა წინაცნობიერის შემთხვევაში, ან ხორციელდება შემკაეებელი და შემზლუღავი ინსტანციების გადალახვით.

ზემოთქმულიდან გამომდინარე, იმ შეხედულებათა შესახებ, რომლებიც ცდილობენ დაამტკიცონ, თითქოს ფროიდის არაცნობიერი ფსიქიკა ეს „ფსიქიკის განვითარების ზეალშავალ ხაზში ცნობიერების პირველადი საფეხურია“<sup>139</sup> და საერთოდ იქ, სადაც ფსიქონალიზის არაცნობიერი ფსიქიკა წარმოიდგინება ცნობიერების რომელიმე დონედ, უნდა ითქვას, რომ ამგვარი მოსაზრება ძირშივე ეწინააღმდეგება ფსიქონალიზის პრინციპულ თეზისს ცნობიერებისა და ფსიქიკის გათიშვის შესახებ.

4) არაცნობიერი ცნობიერი ფსიქიკური შინაარსების ცნობიერებისაგან დამოუკიდებელი არსებობაა. ეს შეხედულება ყველაზე მეტად გავრცელებულია ფროიდის არაცნობიერი ფსიქიკის გაგებათა შორის როგორც ბურჟუაზიულ სამყაროში, ისე საბჭოთა ფსიქოლოგთა შორისაც. საქმე იმდამგვარადაა წარმოდგენილი, თითქოს ფსიქონალიზში არაცნობიერი ფსიქიკური ცნების აღნიშნული შინაარსი იმდენად ცხადი და უდავო იყოს, რომ მასზე საგანგებო შეჩერება არავითარ საჭიროებას არ წარმოადგენდეს. სინამდვილეში ასეთ გაგებას, ჩვენი აზრით, საკმაო საფუძველი არ გააჩნია. საბჭოთა ფსიქოლოგების მხრიდან ფსიქონალიზური კონცეფციის წინააღმდეგ მიმართული შეურიგებელი ბრძოლა არაცნობიერი ფსიქიკის აღნიშნულ შინაარსსაც გულისხმობს, სახელდობრ, რომ ფსიქონალიზის არაცნობიერი ფსიქიკა ცნობიერების გარეთ არსებული ფსიქიკური შინაარსებია.

ჩვენში უკანასკნელ წლებში მაინც იგრძნობა ერთგვარი ტენდენცია უფრო სერიოზულად იქნეს გაანალიზებული ფროიდის ფსიქონალიზური კონცეფცია, რომელშიაც ცენტრალური ადგილი უკა-

<sup>138</sup> სხვა საკითხია, როგორაა დასაბუთებული ლაიბნიცთან არაცნობიერი ფსიქიკა, „მცირე აღქმის“ რეალური არსებობა, „მცირე აღქმის“ შინაარსი როგორ უთავსდება კმნალობის ფილოსოფიურ პრინციპს და სხვ.

<sup>139</sup> იხ. მაგალითად, ა. შეროზას ნაშრომი К проблеме сознания и бессознательного психического, ч. I, Тб., 1969, გვ. 88, 129, 156.

ვია არაცნობიერი ფსიქიკის ცნებას. ამ მხრივ სიმპტომატურია ფ. ბასინის განცხადება ჟურნალ „Вопросы философии“-ს ფურცლებზე, სადაც აღნიშნულია: „ფროიდისმთან ჩვენს დავას, რომელიც გადაიქცა მთელი როგი ქვეყნების ახალგაზრდა თაობის ნამდვილ ბრძოლად მეცნიერული მსოფლმხედველობისათვის, ყურადღებით აღვივებებს თვალს მთელი კულტურული კაცობრიობა. ამიტომ ჩვენ უნდა ვიყოთ საკუთარ არგუმენტაციაში ძალზე ზუსტი და მკაცრი, და ყველაზე უფრო უნდა მოვერიდოთ ჩვენს მოწინააღმდეგეთა თვალსაზრისების გამარტივებას, ვულგარიზაციას. ვუშვებთ რა ასეთ გამარტივებას, შეგვიძლია ადვილად მოვიპოვოთ გამარჯვება დავაში, მაგრამ ეს იქნება გამარჯვება წარმოსახულზე და არა რეალურ ოპონენტზე, რომლის შედეგი შეიძლება აღმოჩნდეს ჩვენი იდეალური ზეგავლენის არა გაძლიერება, არამედ, პირიქით, შესუსტება. არის საფუძველი ვიფიქროთ, რომ ბევრისათვის შეუსუსტებელი მიმზიდველობა ფსიქონალიზის იდეებისა გარკვეულად აიხსნება არა ამ იდეების ძალით, არამედ სწორედ კრიტიკის მსგავსი გამარტივებით, რომელსაც ჩვენ ვუშვებდით ზოგჯერ“<sup>140</sup>.

საბჭოთა ფსიქოლოგებიდან დ. უზნაძემ ნათლად ჩამოაყალიბა ფროიდის არაცნობიერის კონცეფციის ის გაგება, რომელსაც არაცნობიერი ფსიქიკა ცნობიერი ფსიქიკისაგან განუსხვავებლად მიაჩნია. დ. უზნაძე წერს: „ფროიდის მოძღვრების ყველაზე უფრო ჭუსტ პუნქტს არაცნობიერის შესახებ უთუოდ შემდეგში უნდა ვკვრიტდეთ: მისი აზრით, განსხვავება ცნობიერსა და არაცნობიერ პროცესებს შორის ძირითადად მხოლოდ იმაზე დაიყვანება, რომ ეს პროცესები არსებითად მარტო იმით განსხვავდებიან ურთიერთისაგან, რომ პირველ მათგანს ცნობიერება ახლავს თან, მეორეს კი არა. რაც შეეხება მათს შინაგან ბუნებასა და სტრუქტურას, ამ მხრით მათ შორის განსხვავება არაფერია“<sup>141</sup>.

როგორც აღვნიშნეთ, ასეთი გაგება ფროიდის არაცნობიერის ცნებისა ისე საარწმუნოდაა მიღებული, რომ მისი დასაბუთების საჭიროებას ვერ განიცდიან. გამონაკლისად ჩაითვლება ი. ბეალავას წიგნი „ფსიქოზურ განცდათა ფენომენოლოგია“, სადაც ავტორი, როგორც ჩანს, გულისხმობს არაცნობიერი ფსიქიკის ფროიდისეუ-

<sup>140</sup> Ф. В. Бассин, О «силе Я» и «психической защите», «Вопросы философии», 1969, № 12, с. 119.

<sup>141</sup> დ. უზნაძე, განწყობის ფსიქოლოგიის ექსპერიმენტული საფუძვლები, ფსიქოლოგია, VI, 1949, გვ. 35.



ლი კონცეფციის შესაძლო სხვაგვარ გავებას და ცდილობს, დაასაბუთოს დებულება ფსიქოანალიზში ცნობიერი ფსიქიკისა და არაცნობიერი ფსიქიკის რომელიმე იგივეობის შესახებ: „არაცნობიერი ფსიქიკური ფროიდისათვის არის იგივე ფსიქიკური მოვლენები, მხოლოდ მინუს ცნობიერება“. ავტორის მიხედვით: „ფროიდის ძირითად დამსახურებად შეიძლება მივიჩნიოთ ის, რომ მან დაადსტურა ცნობიერებას მოკლებული ფსიქიკურის არსებობა, რომელსაც არა რომელიმე ხასიათის განსხვავება ამორებს ცნობიერებიდან, არაჰედ მანძილი“<sup>142</sup>.

აღნიშნული თეზისის ტექსტობრივი დასაბუთებისათვის ი. ბეალავა ხელმძღვანელობს ფროიდის ორი სტატიის რუსული თარგმანით. ეს სტატიებია: „რამდენიმე შენიშვნა არაცნობიერის ცნების შესახებ ფსიქოლოგიაში“ და „არაცნობიერი“, რომლებიც მოთავსებულია ფროიდის სტატიათა კრებულში: „ძირითადი ფსიქოლოგიური თეორიები ფსიქოანალიზში“. ი. ბეალავას ნაშრომის 30-ე გვერდზე ვკითხულობთ: „არაცნობიერის (Ubw) სისტემას აქვს იგივე თავისებურება, რაც ცნობიერების (Bw) სისტემას“. ამ აზრს ავტორი ფროიდს მიაწერს. ფროიდთან კი ნამდვილად სულ სხვა რამ სწერია: „ჭერჭერობით საკმარისია გვახსოვდეს, რომ Vbw სისტემა Bw სისტემის თავისებებს ინაწილებს“<sup>143</sup>. მაშასადამე, „წინაცნობიერი (Vbw) სისტემის“ ნაცვლად ი. ბეალავა წერს „არაცნობიერ (Ubw) სისტემას“. ფსიქოანალიზში კი წინაცნობიერ და არაცნობიერ სისტემებს შორის განსხვავება ღიღია. წინაცნობიერი ფსიქოანალიზში, როგორც ცნობილია, ფსიქიკის მხოლოდ ერთ-ერთი ინსტანციაა რომელიც ახლო დგას ცნობიერების სისტემასთან, და ამიტომ მის გაიგივება ე. წ. „არაცნობიერის სისტემასთან“ მთლიანად პრინციპულად დაუშვებელია. ფროიდი ლაპარაკობს წინაცნობიერისა და არაცნობიერების სისტემების თავისებებების მსგავსებაზე და არა არაცნობიერისა და ცნობიერების სისტემების თავისებურებათა იგივეობაზე. აქვე უნდა აღინიშნოს, რომ ფროიდი ფსიქიკის სისტემებს — Bw, Vbw, Ubw — გ-

<sup>142</sup> ი. ბეალავა, ფსიქოლოგიური განცდათა ფენომენოლოგია, თბილისი, 1968, გვ. 27—28, 29. შემდგომ ირკვევა, რომ ფროიდის ეს „ძირითადი დამსახურება“ ნამდვილად ვერ ჩაითვლება ასეთად, რადგანაც „ფსიქიკურის ასეთმა ორგვარმა გავებამ ფროიდის კრიტიკოსებს უფლება მისცა დაენახათ მის თეორიაში ისეთივე ხასიათის წინააღმდეგობა, რომელსაც შეიცავს ცნება: „ხის რკინა“. იქვე, გვ. 36.

<sup>143</sup> «Vorläufig genüge es festzuhalten, daß das System Vbw die Eigenschaften des Systems Bw teilt...» Das Unbewußte, X, 272.

ნასხვავეებს ტოპიკური თვალსაზრისის გამოყენებით<sup>144</sup>. ეს კი ნიშნავს სისტემათა ფუნქციონალურ მნიშვნელობაზე მითითებას მხოლოდ, იგი არ ეხება საერთოდ არაცნობიერ არსებობაში ფსიქიკის შინაგანი ფორმის საკითხს.

ავტორი გვთავაზობს მეორე ადგილს ფროიდის ამავე ნაშრომიდან („არაცნობიერი“): „არაცნობიერი ფსიქიკური შეიძლება აიწეროს ყველა იმ კატეგორიის მიხედვით, რომელსაც ვიყენებთ ჩვენი ცნობიერი სულიერი აქტების მიმართ“<sup>145</sup>. მკითხველს რომ ნათელი წარმოდგენა მიეცეს ფროიდის შეხედულების ნამდვილი შინაარსის შესახებ, მოვიყვანთ მის სრულ მსჯელობას, რისგანაც სწორი დასკვნის გამოტანისათვის მეტი საფუძველი იქნება. ფროიდი ეკამათება რა სულიერი ცხოვრების ლატენტური მდგომარეობის იმ გაგებას მომხრეებს, რომლებიც სულის ლატენტურ მდგომარეობას თვლიან ფიზიკურად, იცავენ აზრს მათი ფსიქიკურობის შესახებ და ამ კონტექსტში აღნიშნავენ: „მათ (სულიერი ცხოვრების ლატენტურ მდგომარეობებს — ვ. კ.) აქვთ ყველაზე უფრო ფართო შეხება ცნობიერ სულიერ პროცესებთან; გარკვეული მუშაობით შეიძლება მათი ცნობიერად გარდაქმნა, მათი ამ უკანასკნელით შეეცლა და ისინი შეიძლება აიწერონ ყველა იმ კატეგორიის საშუალებით, რომელსაც ვიყენებთ ცნობიერი სულიერი აქტების: წარმოდგენების, მისწრაფებების, გადაწყვეტათა და მათ მსგავსთა მიმართ“<sup>146</sup>. ფროიდის აზრი ამ ციტატიდან ნათელია: არაცნობიერი ე. ი. სულიერი ცხოვრების ლატენტური მდგომარეობები მაშინ შეიძლება აიწეროს ცნობიერი სულიერისათვის გამოყენებული კატეგორიების საშუალებით, როდესაც ისინი უკვე გამოვლენილნი არიან ცნობიერებაში, შენაცვლებულნი არიან ცნობიერი ფსიქიკის პროცესებით, ე. ი. როცა ისინი ცნობიერი გახდნენ და არა ის, რომ ცნობიერი სულიერისათვის გამოყენებული კატეგორიებით შესაძლებელი იყო არაცნობიერ არსებობაში მათი აღწერა. ეს რომ ასეა, ამას მოწმობს სტატის და-

<sup>144</sup> ხშირად შეცდომას ჩაღიან, როცა ფსიქონალოზში ფსიქიკის სისტემებს: Bw. Vbw. Ubw — აიგივებენ პიროვნულ ფენებთან: ზე-მე, მე, იგი.

<sup>145</sup> ი. ბ ე ა ლ ა ვ ა, ფსიქოზურ განცდათა ფენომენოლოგია, გვ. 30.

<sup>146</sup> „...sie (latente Zustände des Seelenlebens— ვ. კ.) mit den bewußten seelischen Vorgängen ausgiebigste Berührung haben, sie lassen sich einer gewissen Arbeitsleistung in sie umsetzen, durch sie ersetzen, und sie können mit all den Kategorien beschrieben werden, die wir auf die bewußten Seelenakte anwenden, als Vorstellungen, Strebungen, Entschliefungen u. dgl.“ X, 266—267.

საწყისში ფროიდის მიერ საკითხის დასმა არაცნობიერი სულიერის ცოდნის შესახებ, რომელზედაც შემდეგი პასუხია გაცემული: „ჩვენ ის (არაცნობიერი ფსიქიკა — ვ. კ.) ვიცით, რა თქმა უნდა, მხოლოდ როგორც ცნობიერი, მას შემდეგ, რაც მან განიცადა გარდაქმნა, ანუ თარგმნა ცნობიერებაში“<sup>147</sup>. ამასვე აღასტურებს ფროიდის პირდაპირი მითითება: „ფსიქოანალიზი მოგვაგონებს, რათა ჩვენ ცნობიერების აღქმა არ დავსვათ არაცნობიერი ფსიქიკური პროცესის ადგილზე, რომელიცაა მისი (ფსიქოანალიზის — ვ. კ.) ობიექტი. ფიზიკურის მსგავსად ფსიქიკურაც არ უნდა იყოს სინამდვილეში ისეთი, როგორადაც ის ჩვენ გვეჩვენება“<sup>148</sup>. თუ ცნობიერების მოცემულობით არაცნობიერი, როგორც ფროიდი მიუთითებს, არასრული მოცემულობაა, მაშინ ცნობიერი და არაცნობიერი ისეთი განსხვავებული რამ ყოფილა, რომელთა თავისებურებას ცნობიერების მხოლოდ თანხლება—ართანხლება ვერ ამოწურავს.

ი. ბეალავა დასკვნის სახით წერს: „ფროიდი არაცნობიერი ფსიქიკურის მხოლოდ ნეგატიურ დახასიათებას იძლევა, სხვა გზა მას არ ჰქონდა, რადგანაც გარდა ცნობიერისა სხვა სახის ფსიქიკური მისთვის უცნობი იყო“. მას ფროიდის ამგვარი გაგების უცილებლობა ნიანჩია თვითონ ფროიდის შემდეგი მითითებებიდან გამომდინარედ: „ისინი (არაცნობიერი წარმოდგენა, შეგრძნება, გრძნობა, მოსწრაფება — ი. ბ.) ცნობიერი მდგომარეობიდან მხოლოდ ცნობიერების უქონლობით განსხვავდება“<sup>149</sup>. ავტორის მიერ ფროიდიდან მოტანილი ციტატის შესახებ უნდა ითქვას, რომ ის კონტექსტიდან მოწყვეტილადაა აღებული და ნაცადია, შეიქმნას შთაბეჭდილება, თათქოს ფროიდი ლაპარაკობდეს საერთოდ არაცნობიერზე, არაცნობიერის მთელ მოცულობაზე და თითქოს ის მსჯელობდეს ასეთი არაცნობიერის მსგავსებაზე ცნობიერ ფსიქიკასთან. ნამდვილად კი ფროიდი მითითებულ ადგილზე კერძობითად მსჯელობს, სახელდობრ ის მიგვანიშნებს სულის მხოლოდ ზოგითი ლატენტური მდგომარეობის შესახებ. ფროიდთან ეს ადგილი ასე იკითხება: „ლატენ-

<sup>147</sup> «Wie sollen wir zur Kenntnis der Unbewußten kommen? Wir kennen es natürlich nur als Bewußtes, nachdem es eine Umsetzung oder Übersetzung in Bewußtes erfahren hat». X, 264.

<sup>148</sup> «...so mahnt die Psychoanalyse, die Bewußtseinswahrnehmung nicht an die Stelle des unbewußten psychischen Vorganges zu setzen, welcher ihr Objekt ist. Wie das Physische, so braucht auch das Psychische nicht in Wirklichkeit so zu sein, wie es uns erscheint», X, 270.

<sup>149</sup> იხ. ი. ბეალავას დასახ. ნაშრომი, გვ. 31—32.

ტურ მდგომარეობათაგან ზოგიერთის შესახებ ჩვენ შეგვიძლია კიდევაც ვთქვათ, რომ ის (ე. ი. ზოგიერთი — ვ. კ.) განსხვავდება ცნობიერი მდგომარეობისაგან სწორედ მხოლოდ ცნობიერების არქონით<sup>150</sup>.

როცა ფროიდთან ლაპარაკია ზოგიერთი არაცნობიერი მდგომარეობის შეპირისპირებაზე ცნობიერთან, კერძოდ, ზოგიერთი ლატენტური მდგომარეობის, აქტის, პროცესის შესახებ, რომელიც არაფრით არ განსხვავდება ცნობიერი აქტებისა და პროცესებისაგან, მაშინ ფროიდს მხედველობაში აქვს წინაცნობიერი მდგომარეობა ფსიქიკური სისტემისა, რომ პროცესები და აქტები წინაცნობიერი ლატენტური მდგომარეობისა არ განსხვავდებიან ცნობიერების აქტებისა და პროცესებისაგან, ხოლო სხვა არაცნობიერი სისტემის პროცესები, კერძოდ, განდევნილი განსხვავდება ცნობიერების პროცესებისაგან. ფროიდი აღნიშნავს: «არაცნობიერი მოიცავს, ერთი მხრივ, აქტებს, რომლებიც მხოლოდ ლატენტური, დროებით არაცნობიერია, და სხვაში არაფრით განსხვავებული ცნობიერების აქტებისაგან, ხოლო, მეორე მხრივ, პროცესებს, როგორცაა, განდევნილი, რომლებიც განსხვავებულნი იქნებოდნენ ყველაზე მკვეთრად ცნობიერი სხვა აქტებისაგან, თუკი გაცნობიერდებოდნენ»<sup>151</sup>. მაშასადამე, ფროიდი უთითებს სხვადასხვა სისტემებში მიმდინარე აქტებისა და პროცესების მსგავსება — განსხვავებაზე და არა ფსიქიკური შინაარსების დახასიათებას ამ უკანასკნელი ნიშნით. ამასვე აღსტურებს ფროიდის ანალიზი არაცნობიერი წარმოდგენის, არაცნობიერი გრძნობის (აფექტის), არაცნობიერი შეგრძნების (აქტის) ცნებებისა, რომელთაც, როგორც ირკვევა, არ ითვალისწინებენ (იხ. ჩვენი ნაშრომის მე-2 პარაგრაფი).

ი. ბეალავა წერს: «ფროიდის საზრუნავია არა ის, რომ შეიძლება თუ არა შეგრძნება, წარმოდგენა, გრძნობა, სწრაფვა იყოს არაცნობიერი, არამედ როგორ უნდა გავიგოთ მათი გადასვლა ცნობიერ-მდგომარეობაში»<sup>152</sup>. ფროიდის საზრუნავი იყო იმის გარკვევა, თუ

<sup>150</sup> «Ja von manchen dieser latenten Zustände müssen wir aussagen, sie unterscheiden sich von den bewußten eben nur durch den Wegfall des Bewußtseins» X., 267.

<sup>151</sup> «Das Unbewußte, umfaßt einerseits Akte, die bloß latent, zeitweilig unbewußt sind, sich aber sonst von den bewußten in nichts unterscheiden, und andererseits Vorgänge wie die Verdrängten, die, wenn sie bewußt würden, sich von den übrigen bewußten auf grellste abheben müßten». X, 270—271.

<sup>152</sup> ფსიქოზურ განცდათა ფენომენოლოგია, გვ. 31.

რას წარმოადგენდა სწრაფვა, შეეგრძნება, გრძნობა, წარმოდგენა მაშინ, როცა ისინი ცნობიერებაში ჭერ კიდეც არ არიან გამოვლენილნი. ამ კითხვას ფროიდმა არაორაზროვანი პასუხი გასცა სწორედ იმ ნაშრომებშიაც, რომლებიც მითითებულია ი. ბუალავას მიერ. ამიტომ ვერ დავეთანხმებით ავტორის მტკიცებას: „შეიძლება დანადვილებით ითქვას, რომ არაცნობიერის ფსიქიკურის ბუნება არ ყოფილა ფროიდის შესწავლის საგანი. მართალია, მთელი მისი მოღვაწეობა აქეთ იყო მიმართული, მაგრამ რას წარმოადგენდა, რა თავისებურებებით ხასიათდებოდა იგი, ეს მისი კვლევის ფარგლებს გარეთ დარჩა“<sup>153</sup>. ჭერ ერთი, თუკი ვამბობთ, რომ ფროიდის მოღვაწეობა მიმართული იყო არაცნობიერი ფსიქიკის ბუნების შესწავლისაკენ, მაშინ აღარ უნდა ვთქვათ მისი საწინააღმდეგო: არაცნობიერი ფსიქიკის ბუნება არც ყოფილა ფროიდის შესწავლის საგანიო.

შემდეგ, არაა სწორი, თითქოს ფროიდის კვლევის ფარგლებს გარეთ დარჩენილიყოს არაცნობიერი ფსიქიკის თავისებურებათა დახასიათება. ი. ბუალავას უფლება აქვს, არ დაეთანხმოს ფროიდს არაცნობიერი ფსიქიკის პრობლემის გადაჭრაში, არაცნობიერში მოქმედ კანონზომიერებებისა და სისტემების თავისებურებათა დახასიათებაში იმის გამო, რომ ფსიქოანალიზს, შესაძლებელია, არ გააჩნდეს თეზისის დამასაბუთებელი საკმარისი ემპირიული და თეორიული საფუძვლები. მაგრამ არ იქნება სწორი იმის თქმა, რომ ფროიდმა არ იკვლია არაცნობიერი, რა თქმა უნდა, გარკვეული წინამძღვრებიდან ამოსულმა. ფსიქოანალიზს აქვს თავისი პასუხი იმაზე, თუ რას წარმოადგენს არაცნობიერი ფსიქიკა და იმაზედაც, თუ რა თავისებურებებით ხასიათდება იგი.

ტერმინი „ლატენტურის“ ანალიზის მოშველიებით ი. ბუალავა ცდილობს თავისი თეზისის გამართლებას, ის წერს; „თვითონ ტერმინი ლატენტურის ნამდვილი აზრი მდგომარეობს იმაში, რომ ესა თუ ის ფსიქიკური ფუნქცია არაცნობიერ მდგომარეობაში გადასვლით კი არ იცვლება, არამედ ისეთ რაღაცას კარგავს, რაც მას ცნობიერებაში არსებობის მომენტში გააჩნია. ეს რაღაც ცნობიერების სინათლე და სიცხადე არ უნდა იყოს, ვინაიდან ფროიდის მითითებით, არაცნობიერ ფსიქიკურს კერძოდ, ლატენტურ წარმოდგენას ძალა და სიცხადე არ აქლია. ის ცნობიერებიდან გაქვევებით კარგავს მას, რაც ცნობიერი ფსიქიკური ფუნქციებისათვის არის დამახასიათებელი — ცოდნას იმისა, რომ ფსიქიკური განცდის შინაარსი ჩემი მე-დან მომ-

დინარეობს, რომ ის ჩემი მოქმედების ორგანული შემადგენელი ნაწილია“<sup>154</sup>.

არაა სწორი ტერმინი „ლატენტურის“ ის გაგება, რასაც გვთავაზობენ. ტერმინი „ლატენტური“ (latent) ნიშნავს მხოლოდ და მხოლოდ ფარულს, და ფარულს და მასში არ იგულისხმება გარკვეულობა, ფორმა სინამდვილსა, რომლის მიმართაც გამოიყენება ეს ტერმინი. მაგრამ, შეიძლება, ფროიდი მასში, მართლაც, მეტს გულისხმობს, ვიდრე მხოლოდ „ფარული“ და იძლევა მის შინაარსობრივ დახასიათებას? ამ საკითხს არკვევს ფროიდის შემდეგი მითითებანი: „რომელი გეშტალტით შეუძლია მას (წარმოდგენას — ვ. კ.) არსებობა, როცა ის სულიერ ცხოვრებაში ამჟამადაა, მაგრამ ცნობიერებაში ლატენტურია, ამის შესახებ არ შეგვიძლია ვარაუდი წამოვაყენოთ“<sup>155</sup>; „ამჟამად ცნობიერი წარმოდგენა მომდევნო მომენტში ასეთი აღარაა, მხოლოდ მას შეუძლია გარკვეულ ადვილად აღსაღგენ. პირობებში ისევე ცნობიერი გახდეს, რა იყო ის შუალედურ მდგომარეობაში, ჩვენ არ ვიცით. შეგვიძლია ვთქვათ, ის იყო ლატენტური და ამასთანავე ვგულისხმობთ, რომ ის ყოველდროს ცნობიერების უნარის მქონე იყო. როცა ვამბობთ აგრეთვე, რომ ის იყო არაცნობიერი, ვიძლევეთ სწორ აღწერას. ეს არაცნობიერი მაშინ დაემთხვევა ლატენტურ-ცნობიერების უნარის მქონეს“<sup>156</sup>.

თუკი ფროიდი ტერმინში „ლატენტური“ გულისხმობდა ჩამოყალიბებულ ფსიქიკურ შინაარსს, რომელსაც აქლია მხოლოდ ცნობიერება (განცდა), მაშინ მას არ ექნებოდა საფუძველი ეთქვა და არც იტყოდა, რომ არაცნობიერი წარმოდგენის გეშტალტს, ფორმის შესახებ არ შეგვიძლია ვარაუდი გამოვთქვათო, მის შესახებ არაფერი ვიცითო. საქმის ვითარება რომ ასეთია, ე. ი. არაცნობიერი წარმოდგენის, საერთოდ არაცნობიერი ფსიქიკის, არსებობის ფორმის შესახებ რომ ცოდნა არა გვაქვს, მოკლებული ვართ მისი დახასიათების შესაძლებლობას, სწორედ ამიტომ იყენებს ფროიდი ამგვარი სიტუაციის აღსანიშნავად ტერმინს „ლატენტური“ ანუ „ფარული“.

ი. ბუალავას აზრით, ფსიქონალიზში ცნობიერი ფსიქიკის არაცნობიერში გადასვლა არ უნდა ნიშნავდეს მას, რომ წარმოდგენაში

<sup>154</sup> ი ქ ვ ე, გვ. 31.

<sup>155</sup> Einige Bemerkungen, VIII, 430.

<sup>156</sup> Das Ich und das Es, XIII, 240.

დაკარგა ცნობიერების სინათლე და სიციხადე. ამგვარ გაგებას ფროიდი არაერთად შემთხვევაში არ დაეთანხმებოდა, რადგანაც ცნობიერი წარმოდგენის გადასვლა არაცნობიერში ნიშნავს წარმოდგენის ცნობიერებისაგან დამოუკიდებლად არსებობას და, ასეთ შემთხვევაში, სრულიად წარმოუდგენელია წარმოდგენას შენარჩუნებული ჰქონდეს ის (ცნობიერების სინათლე და სიციხადე), რაც მას არაცნობიერ არსებობაში საერთოდ არ შეიძლება ჰქონდეს. ფსიქოანალიზის ერთერთი პოსტულატი ზომ ცნობიერებისა და ფსიქიკის მკაცრი გათიშვაა! ავტორი უთითებს ფროიდის სტატიიდან „რამდენიმე შენიშვნა არაცნობიერის ცნებზე შესახებ ფსიქოანალიზში“ ადგილს, თითქოს იქ ფროიდი არაცნობიერი ფსიქიკის დახასიათებისას აღნიშნავდეს, რომ არაცნობიერ ფსიქიკურს არ აკლია სინათლე, სიციხადე, ძალა. ფროიდი კი სინამდვილეში ნაგულისხმევე ადგილზე არაცნობიერ ფსიქიკას მიაწერს ცნობიერების არა სინათლესა და სიციხადეს, არამედ სრულიად სხვა რამეს — ინტენსივობასა და მოქმედოანობას (Wirksamkeit). ფროიდი მითითებულ ადგილზე წერს: „ის (გამოთქმა არაცნობიერი — ვ. კ.) ახლა აღნიშნავს საერთოდ არა მხოლოდ ლატენცურ, არამედ განსაკუთრებით აზრებს, განსხვავებულთ განსაზღვრული დინამიკური ნიშნით, სახელდობრ ისეთებს, რომლებიც რჩებიან ცნობიერებისაგან შორს მიუხედავად ინტენსივობისა და მოქმედოანობისა“<sup>157</sup>. როგორც ვხედავთ, არაცნობიერ აზრს (წარმოდგენას) ჰქონია ცნობიერების სიციხადე კი არა, არამედ ძალა და მოქმედოანობა (ქმედითობა), რომ ის ინერტული რამ კი არაა, არამედ აქტივობისა და ინტენსივობის მქონე, რომლითაც ის ცნობიერ ფსიქიკაზეც მაღლა დგას. არაცნობიერის დახასიათება ცნობიერების სინათლითა და სიციხადით, როგორც ირკვევა, აქ არაფერ შუაშია.

ი. ბეალავა ფროიდს მიაწერს აზრს, თითქოს იგი თვლიდეს, რომ შევკანებისა და გრძნობის ფსიქიკურ შინაარსებს შეეძლოთ არაცნობიერში იგივე გარკვეულობით არსებობა, რაც მათ ცნობიერ მდგომარეობაში გააჩნიათ. ფროიდი სტატიაში „არაცნობიერი“, რომლის ერთერთ ქვეთავს ეწოდება „არაცნობიერი გრძნობები“, არკვევს საკითხს გრძნობებისა და აფექტების ფსიქიკური ბუნების შე-

<sup>157</sup> «Er (der Ausdruck u n b e w u ß t—ვ. კ.) bezeichnet nicht bloß latente Gedanken im allgemeinen, sondern besonders solche mit einem bestimmten dynamischen Charakter, nämlich diejenigen, die sich trotz ihrer Intensität und Wirksamkeit dem Bewußtsein ferne halten». VIII, 434.

სახებ. და ასეთ დასკვნამდე მიდის: „შესაძლებლობა არაცნობიერობისა, ამგვარად, საფსებიოთ მოიხსნება გრძნობებისათვის, შეგრძნებებისათვის და აფექტებისათვის“, „გრძნობის არსი იმაშია, რომ ის განიცდება, ე. ი. ცნობილია ცნობიერებისათვის“<sup>158</sup>. ეს ითქმის შეგრძნებებზედაც და აფექტებზედაც.

განსაკუთრებული ყურადღება უნდა მიექცეს ფროიდის იმ განმარტებას, რომელიც ეხება ისეთი გამოთქმების ნამდვილი შინაარსის დადგენას, რაც ერთი შეხედვით შეიძლება გაუგებრობის წყაროდ იქცეს. როცა ფსიქოანალიტიკოსი ლაპარაკობს, მაგალითად „არაცნობიერი სიყვარულისა და სიძულვილის“, „არაცნობიერი შიშისა“, „არაცნობიერი ბრალის ცნობიერებისა“ და ა. შ. შესახებ, ეს გამოთქმები პირდაპირი მნიშვნელობით არ უნდა იქნენ გაგებულნი. აქ საქმე გვაქვს, როგორც ფროიდი ამბობს, „გამოთქმის უწყინარ დაუდევრობასთან“ მხოლოდ<sup>159</sup>. ფროიდთან როცა ლაპარაკია „არაცნობიერი აფექტისა და გრძნობის“ თაობაზე, ნამდვილად მასში იგულისხმება ისეთი ფსიქიკური შინაარსები, რომლებიც განიცდებიან, მაგრამ სუბექტის მიერ ვერ იცნობიან. ფროიდი ე. წ. „არაცნობიერი წარმოდგენისა“ და „არაცნობიერი აფექტის“ შინაგანი გარკვეულობის შესახებ შემდეგს წერს: „არაცნობიერი წარმოდგენა განდევნის შემდეგ შემოინახება UBW სისტემაში რეალური წარმონაქმნის სახით, მაშინ როცა არაცნობიერ აფექტს იმავე სისტემაში შეესატყვისება მხოლოდ აფექტის ჩანასახი ვითარცა შესაძლებლობა. რომელსაც არ მიუღია შემდგომი განვითარება. მკაცრად რომ ვთქვათ, თუმცა გამოთქმა რჩება უმწიკვლო, არაცნობიერი აფექტები იმ აზრით, როგორიცაა, არაცნობიერი წარმოდგენები, არ არსებობენ... მთელი განსწავლება იქიდან ხდება, რომ წარმოდგენები არიან მოგონებათა კვლები მაშინ, როცა აფექტები და გრძნობები შეესატყვისებიან ენერჯის გაზარჯვის პროცესებს, რომელთა საბოლოო გამოვლენა აღიქმება, როგორც შეგრძნება“<sup>160</sup>.

<sup>158</sup> «Zum Wesen eines Gefühls gehört es doch, daß es verspürt, also dem Bewußtsein bekannt wird. Die Möglichkeit einer Unbewußtheit würde also für Gefühle, Empfindungen, Affekte völlig entfallen». X, 276.

<sup>159</sup> «harmlose Nachlässigkeit des Ausdrucks», იქვე.

<sup>160</sup> «...die unbewußte Vorstellung nach der Verdrängung als reale Bildung im System UBW bestehen bleibt, während dem unbewußten Affekt ebendort nur eine Ansatzmöglichkeit, die nicht zur Entfaltung kommen durfte, entspricht. Streng genommen und obwohl der Sprachgebrauch tadellos bleibt, gibt es also keine unbewußten Affekte, wie es unbewußte Vorstellungen gibt...»



მაშასადამე, ირკვევა, რომ ფროიდი სინამდვილეში იცავს შეხედულებას: გრძნობებს, აფექტებს, შეგრძნებებს (აღქმებს) არაცნობიერ ყოფაში ფსიქიკის შინაარსების სახით არსებობა არ გააჩნიათ, ამ შემთხვევაში ისინი პროცესებია, რომელთა საბოლოო განვითარება ცნობიერებაში შინაარსების სახით გამოვლინდება და განიცდება. ისიც ირკვევა, რომ „არაცნობიერი წარმოდგენა“ არ ყოფილა ფსიქიკის არაცნობიერი შინაარსი. ფროიდს „არაცნობიერი წარმოდგენის“ შინაგანი ბუნება გააზრებული აქვს კვალის სახით. ფროიდი „სიამოვნების პრინციპის იქითა მხარეში“ წერს: „ვეყრდნობით რა ჩვენი ფსიქოანალიზური გამოცდილებების შთაბეჭდილებას, ვუშვებთ, რომ ყველა აგზნების პროცესი ტოვებს სხვა სისტემებში ხანგრძლივ კვლებს, როგორც მენსიერების საფუძველს, ე. ი. მოგონების ნარჩენებს, რომელთაც არავითარი საერთო არა აქვთ გაცნობიერებასთან“<sup>181</sup>.

ფროიდისათვის რომ არაცნობიერი ფსიქიკა არაა „იგივე ფსიქიკური მოვლენები, მხოლოდ მინუს ცნობიერება“, ამაზე ნათლად მეტყველებს არაცნობიერი ფსიქიკის ის დახასიათებაც, სადაც მსჯელობაა დისპოზიციანზე, უნარსა და მიდრეკილებაზე, როგორც არაცნობიერი ფსიქიკის არსებობის ფორმაზე. 1924 წელს „ფსიქოანალიზის მოკლე ნარკვევში“ ფროიდი აღნიშნავს: „სულიერ ცხოვრებაში დადასტურდა სექსუალური სურვილების დიდი როლი. ეს სექსუალური ლტოლვის ბუნებისა და განვითარების საფუძვლიანი შესწავლის ბიძგი გახდა. „ამოჩენილი იქნა, რომ ბავშვის პირველი წლების განცდები და კონფლიქტები ინდივიდის განვითარებაში წარმოუდგენლად მნიშვნელოვან როლს თამაშობენ და მომწიფების დროისათვის ტოვებენ წარუშლელ დისპოზიციებს“<sup>182</sup>. 1937 წელს „მოსე და მონოთეისტურ რელიგიაში“

Der ganze Unterschied rührt daher, daß Vorstellungen Besetzungen — im Grunde von Erinnerungsspuren — sind, während die Affekte und Gefühle Abfuhrvorgängen entsprechen, deren letzten Äußerungen als Empfindungen wahrgenommen werden». ი კ ვ ე, გვ. 277.

<sup>181</sup> «Wir stützen uns auf die Eindrücke unserer psychoanalytischen Erfahrung, wenn wir annehmen, daß alle Erregungsvorgänge in den anderen Systemen Dauerspuren als Grundlage des Gedächtnisses in diesen hinterlassen, Erinnerungsreste also, die nichts mit dem Bewußtwerden zu tun haben». XIII, 24.

<sup>182</sup> «...man entdeckte, daß die Erlebnisse und Konflikte der ersten Kinderjahre eine ungeahnt wichtige Rolle in der Entwicklung des Individuums spielen und unverwischbare Dispositionen für die Zeit der Reife zurücklassen», XIII, 412.

ფროიდი მიუთითებს: „ინდივიდის ფსიქიკურ ცხოვრებაში მოქმედია არა მხოლოდ თვითგანცდადი, არამედ დაბადებისას თანმოტანილი შინაარსები, ფილოგენეტური წარმოშობის მომენტები, ა რ კ ა უ ლ ი მ ე მ კ ე ი დ რ ე ო ბ ა. საკითხავია, რაში მდგომარეობს, რას შეიცავს ის, რა არის მისი საბუთი? უახლოესი და სარწმუნო პასუხი იქნება — ის მდგომარეობს განსაზღვრულ დისპოზიციებში, როგორც ეს ახასიათებს ყველა ცოცხალ არსებას. მაშასადამე, ის მდგომარეობს უნარსა და მიღრეკილებაში განსაზღვრული განვითარების მიმართულების არჩევაში და გარკვეულ აგზნებებზე, შთაბეჭდილებებზე და გალიზიანებებზე განსაკუთრებულ პასუხში<sup>163</sup>.

ყველაფერი ზემოთქმულის გათვალისწინების შემდეგ ჩვენ საფუძველს მოკლებულად მიგვაჩნია თეზისი: „ფროიდისათვის არაცნობიერი ისეთი ფსიქიკურია, რომელიც ცნობიერებიდან განდევნის შემდეგ არ კარგავს ცნობიერებასთან კავშირს, უკეთ ცნობიერების ფორმას (ვინც ცნობიერების ფარგლებში ეძებს არაცნობიერ ფსიქიკურს, ის წყალს ფროიდის წისქვილზე ასხამს)“<sup>164</sup>. საქმის ვითარება ფროიდთან ზწორედ რომ ასეთი არაა: არაცნობიერი არც ისეთი ფსიქიკურია, რომელსაც ცნობიერების მიღმა ცნობიერებს ფორმა გააჩნია და ის თავისთავად არც ცნობიერების ფარგლებში მოიძებნება.

მხედველობაში უნდა იქნეს მიღებული ის, რომ ფროიდი არაცნობიერ ფსიქიკაზე მსჯელობის დროს თითქმის ყოველთვის ლაპარაკობს არაცნობიერ ფსიქიკაზე როგორც პ რ ო ც ე ს ზ ე, ა ქ ტ ზ ე, მ დ გ ო მ ა რ ე ო ბ ა ზ ე. აღნიშნული ვითარება არ უნდა იყოს შემთხვევითი. არაცნობიერი ფსიქიკის დახასიათება პროცესის, აქტისა და მდგომარეობის ფორმით იმაზე მეტყველებს, რომ ფროიდი შორს დგას ფსიქიკა არაცნობიერ განზომილებაში წარმოიღვინოს ცნობიერი ფსიქიკური შინაარსების სახით. თ. ლიპსუს არაცნობიერს კონცეფციასთან მონათესავეობა, როგორც ეს ზემოთაც აღინიშნა, იმა-

<sup>163</sup> «...im psychischen Leben des Individuums nicht nur selbsterlebte, sondern auch bei der Geburt mitgebrachte Inhalte wirksam sein mögen, Stücke von phylogenetischer Herkunft, eine archaische Erbschaft. Es entstehen dann die Fragen, worin besteht diese, was enthält sie, was sind ihre Beweise?»

Die nächste und sicherte Antwort lautet, sie besteht in bestimmten Dispositionen, wie sie allen Lebewesen eigen sind. Also in der Fähigkeit und Neigung, bestimmte Entwicklungsrichtungen einzuschlagen und auf gewisse Erregungen, Eindrücke und Reize in einer besonderen Weise zu reagieren». XVI, 204—205.

<sup>164</sup> იხ. ი. ბეალაეას დასახ. ნაშრომი, გვ. 36.

ში გამოვლინდა, რომ ფროიდი ლიპსთან თანხმობით არაცნობიერს იაზრებს პროცესის სახით, რომლის საბოლოო განვითარება ცნობიერებაში ქმნის ფსიქიკურ შინაარსებს. შემთხვევითი არა, რომ ფროიდის არაცნობიერი ფსიქიკის ფსიქონალიზური კონცეფცია დააკავშირეს ჰერბარტისა და ლიპსის კონცეფციებთან, როგორც ერთი მიმართულების თეორიები<sup>165</sup>. ჰერბარტი ფსიქოლოგიის ისტორიაში ცნობილია, როგორც აღამიანის სულიერი ცხოვრების გამააზრებლად წარმოდგენათა მექანიკის სახით. და მიუხედავად იმისა, რომ ჩგი ყოველ მომენტში იყენებს „არაცნობიერი წარმოდგენის“ ცნებას, მისთვის არაცნობიერი წარმოდგენა ცნობიერების ფარგლებს გარეთ მოთავსებული წარმოდგენის ფსიქიკური შინაარსი კი არაა, არამედ ისეთი რამ, რასაც ფსიქიკური შინაარსის გარკვეულობა არ გააჩნია. ე. წ. არაცნობიერი წარმოდგენის აღნიშნულ მდგომარეობას ჰერბარტი უწოდებს მისწრაფებას (Streben). მისწრაფებაში იგულისხმება ისეთი გარკვეულობა, რომელიც ცნობიერების ზღურბლს ქვემოთ პროცესის სახით არსებობს, აქ მას არსებობის შინაარსეული ფორმა ჯერ კიდევ არ გააჩნია, რადგანაც იგია მისწრაფება ფორმის მიღებისაკენ, ხოლო ცნობიერების ზღურბლს ზემოთ ის ფსიქიკური შინაარსის რომელმობით წარმოსდგება, ვლინდება<sup>166</sup>.

ჰერბარტის, ლიპსისა და ფროიდის გაგება არაცნობიერი ფსიქიკისა ერთ მომენტში ერთმანეთს ემთხვევიან: არაცნობიერი ფსიქიკა არაა ცნობიერების შინაარსის ფორმით არსებული რამ. ის პროცესია, რომელიც განვითარების კვალობაზე შეიძლება ცნობიერებაში მოგვევლინოს გარკვეული ფსიქიკური შინაარსის ფორმით.

სწორედ ეს ვითარება, სახელდობრ, რომ ცნობიერი ფსიქიკა და არაცნობიერი ფსიქიკა, ანუ ცნობიერი ფსიქიკური შინაარსი და არაცნობიერი ფსიქიკური პროცესი შინაგანი ფორმით, გარკვეულობით განსხვავდებიან ერთმანეთისაგან, განაპირობებს იმას, რომ ისინი სტრუქტურულადაც სპეციფიკურ ბუნებას ამჟღავნებენ. ფსიქონალიზის შეურყეველ დებულებად ითვლება ფსიქიკურ ჩისტემებში (ცნობიერება, წინაცნობიერი, არაცნობიერი) მიმდინარე პროცესების სპეციფიკური კანონზომიერებისადმი დაქვემდებარება.

<sup>165</sup> Victor W e n s e l, Der Begriff des Unbewußten in seiner Entwicklung von Herbart bis Freud, Jena, 1925.

<sup>166</sup> J. Fr. H e r b a r t, Lehrbuch der Psychologie, Sämtliche Werke, Bd. V, Hamburg—Leipzig, 1886, გვ. 16, 29; შუად. Lehrbuch zur Einleitung in die Philosophie, Hamburg—Leipzig, 1883, გვ. 293—294.

არაცნობიერი ფსიქიკის ფსიქოანალიზური ცნების ინტერპრეტატორების მისამართით საერთოდ უნდა შეინიშნოს, რომ ისინი რომელიმე წამოყენებული თეზისის დასაბუთების კდის დროს ფროიდის ნაწერებში ეძებენ, როგორმე ნახონ მხოლოდ თეზისის დამადასტურებელი არგუმენტები, გვერდს უვლიან და უგულვებელყოფენ იმ მსჯელობებს, რომლებიც არ ეთანხმებიან და ეწინააღმდეგებიან კიდევაც მათს ინტერპრეტაციას. ობიექტური მიდგომა საქმისადმი, ჩვენს შემთხვევაში ფსიქოანალიზის არაცნობიერი ფსიქიკისადმი, მოითხოვს ყველა იმ აზრის გათვალისწინებას, რაც კი გამოუთქვამს ფროიდს ამ უკანასკნელის თაობაზე, ამ აზრების ანალიზსა და შეპირისპირებას ფსიქოანალიზური თეორიის ძირითად პრინციპებთან. ამის შემდეგ, რამდენადაც ამას ლოგიკური საფუძველი იძლევა, შეიძლება თეზისი ჩაითვალოს ფსიქოანალიზურ კონცეფციად. უზრავლეს შემთხვევაში ამგვარ დამოკიდებულებას ფსიქოანალიზისადმი ვერ ვნახულობთ. ჩვენ, რა თქმა უნდა, შორს ვართ იმ აზრისაგან, რომ ინტერპრეტატორები საფუძვლიანად არ იცნობენ ფროიდის ნაწერებს და მას ზერელედ უყურებენ. ყოველ კონკრეტულ შემთხვევაში აუცილებელი და საჭიროა, მხედველობაში იქნეს მიღებული დასაბუთების ზემოაღნიშნული გზა, მით უფრო, რომ მოითხოვენ სიზუსტესა და შემთხვევითობიდან თავის დაზღვევას<sup>167</sup>.

თეზისის, რომ ფსიქოანალიზში არაცნობიერი ფსიქიკა არის ცნობიერებისაგან დამოუკიდებელი პროცესი, რომლის არსებობის ფორმა უცნობია, და არგუმენტაციის, რომელიც საფუძველს იძლევა არაცნობიერი ფსიქიკის ასეთი გაგების სასარგებლოდ<sup>168</sup>, პრინციპულ განხილვას გვერდი აუარეს და დაკმაყოფილდნენ მხოლოდ ფორმალურ მომენტზე მითითებით. მაგალითად, ა. შეროზია წერს: „ამგვარი მტკიცებანი, მაშასადამე, სრულიადაც არ გამოხატავს მისი (ფროიდის—ვ. კ.) მოძღვრების ძირითად აზრს, ისინი მკვეთრად ეწინააღმდეგებიან ფროიდიზმის თანამედროვე ინტერპრეტაციას“<sup>169</sup>.

ავტორს კარგად მოეხსენება, რომ ლოგიკური დასაბუთების თვალსაზრისით არავითარი მნიშვნელობა არ გააჩნია პოზიციას: რა-

<sup>167</sup> ი. ბ ე ა ლ ა ვ ა, ფსიქოზურ განცდათა ფუნქციონოლოგია, გვ. 30.

<sup>168</sup> არგუმენტაცია მოტანილია ჩვენს სტატიებში: «Проблема бессознательного психического в глубинной психологии». Пробл. созн. М., 1966; «არაცნობიერი ფსიქიკურის ცნება ზ. ფროიდის ფსიქოანალიზის თეორიაში», «მაცნე», 1968, № 4

<sup>169</sup> А. Ш е р о з и я, К проблеме сознания и бессознательного психического, с. 37.

დგანაც თეზისი უპირისპირდება თანამედროვე ინტერპრეტაციას, ამიტომ ის არასწორად უნდა ჩაითვალოს. ჯერ უნდა დასაბუთდეს ფსიქოანალიზის „თანამედროვე ინტერპრეტაციის“ კემპარიტება, რომ მისგან განსხვავებული შეხედულება ჩაითვალოს „არაძირითად აზრად“<sup>170</sup>.

ფ. ბასინი იზიარებს რა შეხედულებას, რომ ფროიდისთვის არა-ცნობიერი ეს იგივე ჩვენი აზრები და გრძნობებია, რომლებიც მოკლებულნი არიან მხოლოდ გაცნობიერების თვისებას, ცდილობს განმარტოს ფროიდის, როგორც თვითონ ამბობს, „ორი შემდეგი დამახასიათებელი გამონათქვამი“: პირველი — „ამჟამად ცნობიერი წარმოდგენა მომდევნო მომენტში ასეთი აღარაა, მას შეუძლია... ისევე ცნობიერი გახდეს. რა იყო ის შუალედურ მდგომარეობაში, ჩვენ არ ვიცით. შეგვიძლია ვთქვათ, ის იყო ლატენტური და ამასთანავე ვიგულისხმობთ, რომ ის ყოველ დროს ცნობიერების უნარის მქონე იყო“, მეორე — „რომელი გეშტალტით შეუძლია მას (წარმოდგენას — ვ. კ.) არსებობა მაშინ, როცა ის სულიერ ცხოვრებაში ამჟამადაა, მაგრამ ცნობიერებაში ლატენტურია, ამის შესახებ არ შეგვიძლია ვარაუდი წამოვაყენოთ“. ფ. ბასინი ფიქრობს, რომ ფროიდის აღნიშნული ფორმულირებები შეიძლება გახდნენ საბაზი არაასწორი ინტერპრეტაციისა და ამიტომ საჭიროებენ ახსნა—განმარტებას (ჩვენ ფროიდის ეს მსჯელობები მოვიყვანეთ არგუმენტად სხვა არგუმენტებთან ერთად იმის დასაბუთებლად, რომ ფსიქოანალიზში არაცნობიერი ფსიქიკა არ შეიძლება წარმოვიდგინოთ ცნობიერებას მოკლებული ფსიქიკური შინაარსების სახით)<sup>171</sup>. ბასინის განმარტება ასეთია: სავსებით ცხადია, რომ პირველ ფორმულირებას აქვს შეზღუდული აზრი, იგი ეხება მხოლოდ იმ შინაარსებს, რომლებიც „განდევნილნი“ არ არიან. რაც შეეხება მეორე ფორმულირებას, ფ. ბასინის რწმენით, მისგან უნდა ჩანდეს, თუ რამდენად შორს დგას ფროიდი იმ გაგებისაგან, რაც მოგვიანებით გახდა ნათელი დ. უზნაძის წყალობით. ფ. ბასინის მიხედვით, ფროიდს, მართლაც, არ გამოუთქვამს არავითარი ვარაუდი სპექციფიკური ფორმის შესახებ, რომელსაც ღებულობენ „ცნობიერებისთვის ლა-

<sup>170</sup> აეტორს თავისი წიგნის 37-ე გვერდზე მოჰყავს ფროიდის ცნობილი მსჯელობა „შე და ივიდან“, სადაც ლაპარაკია წარმოდგენის ლატენტური მდგომარეობის თაობაზე, რომ ამ მდგომარეობის შესახებ არ გაგვაჩნია არავითარი ცოდნა. მაგრამ მასზე საგანგებოდ არ ჩერდება.

<sup>171</sup> იხ. ჩვენი სტატია კრებულში «Проблемы сознания», გვ. 323.

ტენტური წარმოდგენები“. სწორედ ამიტომ ჰქონდა დ. უზნაძეს უფლება, ემტკიცებინა, რომ ფროიდისათვის არაცნობიერი ესაა „იგივე ჩვენი აზრი და გრძნობები, მოკლებულნი გაცნობიერების თვასებას მხოლოდ“. დ. უზნაძე „განწყობის“ ცნებას მთელ ღირებულებას ხედავდა სწორედ მასში, რომ მხოლოდ ის გვაძლევს ჩვენ უფლებას, გავიგოთ, რა „სპეციფიკურ ფორმას“ ლებულობს განცდა (წარმოდგენა, გრძნობა, მისწრაფება) მას შემდეგ, რაც ის უშუალოდ აღარ ცნობიერდება და არ განიცდება<sup>172</sup>.

ფ. ბასინის განმარტებიდან ირკვევა: ფროიდის ნამდვილი აზრი ყოფილა ის (და ამას ვასაბუთებთ ჩვენც), რომ მან არ იცის, რა ფორმით არსებობს ცნობიერებისათვის ლატენტური წარმოდგენა (არაცნობიერი ფსიქიკა). მაშასადამე, არასწორი ინტერპრეტაცია ყოფილა ის, რომელიც თვლის, რომ ფროიდთან არაცნობიერ ფსიქიკას ცნობიერების მიღმა აქვს სპეციფიკური „ფორმა“ ცნობიერების შინაარსების სახით. თუკი ამ მსჯელობაში საკვებით ვეთანხმებით ფ. ბასინს, სამაგიეროდ მისი შემდგომი აზრთა მსვლელობა ლოგიკური შეცდომაა და ამიტომ მიუღებელი. თუ ფროიდმა ნამდვილად არ იცის, რა ფორმით არსებობენ არაცნობიერი ფსიქიკური პროცესები, მაშინ ცხალზე უცხადესია, არავის არ აქვს უფლება ამტკიცოს, რომ ფროიდისათვის არაცნობიერი წარმოდგენის მხოლოდ ცნობიერების ნიშანმოკლებულ ფსიქიკურ შინაარსებს.

ფ. ბასინის ნსჯელობაში სწორია ის, რომ ფროიდი, მართლაც, შორს იდგა არაცნობიერი ფსიქიკის იმ გაგებისაგან, რომელიც მოცუპულია საერთოდ დ. უზნაძის განწყობის ცნების შინაარსით, მაგრამ შეუძლებელია გაეიზიაროთ განწყობის ბასინისეული გაგება, როცა ის განწყობაში გულისხმობს განცდის (წარმოდგენის, მისწრაფების, გრძნობის) „სპეციფიკურ ფორმას“, რომელიც მან მიიღო ცნობიერების ფარგლებს გარეთ. ირკვევა ისიც, რომ ბასინს განწყობის გარკვეულობა წარმოდგენილი აქვს ფიზიოლოგიური მდგომარეობის სახით. დ. უზნაძის განწყობის ცნება არ ეგუება ბასინის გაგებებს: განწყობა არც ფიზიოლოგიური სინამდვილეა და არც რომელიმე ფსიქიკური ფუნქციის არაცნობიერი არსებობის ფორმა. განწყობის თეორიის მიხედვით, განწყობა მთლიანი პიროვნული მდგომარეობაა, ის პიროვნებამ მზაობაა, მოდუსია და ამიტომაც განწყობა შეუძლებელია ცნობიერებაში იქცეს რომელიმე ფსიქიკურ

<sup>172</sup> Ф. В. Б а с с и н, Проблема бессознательного, Москва, 1969, с. 269.

პროცესად, ასევე, პირაქით, რომელიმე ფსიქიკური პროცესი გადაიქცეს განწყობად. განწყობა ფსიქიკური ფუნქციების საფუძველში მდებარეა, რომელიც წარმართავს მათს მოქმედებას; განწყობის ნაშოქმედარი აისახება ცნობიერ ფსიქიკაში, მაგრამ ის თვითონ არ იქცევა ცნობიერ ფსიქიკად.

§. 5. კრიტიკული ანალიზი. ბურჟუაზიულ სამყაროში ძნელად თუ მოიძებნება მეორე ფსიქოლოგიური მიმდინარეობა, რომელმაც ესოდენ დიდი გავრცელება და გამომხაურება ჰპოვა, ვიდრე ფსიქოანალიზმა. ფსიქოანალიზი იქცა მძლავრ ინტერნაციონალურ მოძრაობად. ზ. ფროიდის ძირითადი ნაშრომები თარგმნილია თითქმის ყველა კულტურული ხალხის ენაზე. მსოფლიოს სხვადასხვა კუთხეში იცემა ათეულობით ფსიქოანალიზური ჟურნალი, ფსიქოანალიზური ლექსიკონები და ენციკლოპედია; დაარსებულია ფსიქოანალიზური ინსტიტუტები, რეგულარულად ტარდება ფსიქოანალიტიკოსთა ყრილობები. ფსიქოანალიზური დოქტორინა აისახა ლიტერატურაში, ხელოვნებაში. ზ. ფროიდის დაბადებიდან 100 წლის აღსანიშნავ უნივერსიტეტების გაერთიანებულ საიუბილეო სხდომაზე ფრანკფურტში ს. იამაყით აღინიშნა: „დღეს მსოფლიოში (საბჭოთა კავშირის გამოკლებით) არ არსებობს ფსიქოლოგია, პედაგოგია, მედიცინა, ფილოსოფია და ესთეტიკა, რომელიც არ იყენებდეს ფროიდის მოძღვრებასა და მეთოდებს“. ამან განაპირობა ის, რომ ბურჟუაზიულ სამყაროში პოპულარობა მოიპოვა ლოზუნგმა — „ჩვენი დრო ფროიდის გარეშე ძნელად მოსააზრებელია!“.

ზ. ფროიდისადმი ხოტბა-დიდების შესხმას მისი მიმდევრებისა და მომხრეების მხრიდან დაუპირისპირდა იმავე სიძლიერის უარყოფითი დამოკიდებულება მისი თეორიული დოქტრინისადმი. ასევე ძნელია მოიძებნოს ფსიქოლოგიის ისტორიაში სხვა მიმდინარეობა, რომელსაც დაემსახურებინოს ესოდენი ლანძღვა-გინება. საილუსტრაციოდ მოვიყვანთ რამდენიმე შეფასებით მსჯელობას: „ფროიდს სურდა მეცნიერების სფეროში შექოეთანა ის, რაც სრულიადაც არ იყო მეცნიერება“ (კ. იასპერსი), „ფსიქოანალიზი ემყარება რწმენას. ფსიქოანალიტიკოსები არიან გრძნეულები, მაგიკოსები, პოეტები. უგელა ისინი პოეტის მსგავსად დგანან მეცნიერული კრიტიკის გარეშე“ (პ. გრულე), „ფსიქოანალიზი არც ბუნებისმეტყველებაა და არც მეცნიერება საერთოდ. ის არც ზღაპარია, რადგანაც გულიდან ამოსული კი არაა, არამედ თავსამტკრევით შეშლილი გონებისაგან“ (ო. ბუმკე), „ფსიქოანალიზი სხვა არაფერია, თუ არა ფსიქოლოგიზი-

რებული მიუწაუზენიდა“ (ვ. ფრანკლი), „ფსიქოანალიზი ხალტუ-რა-ფსიქოლოგიაა“ (ლ. კლაგესი).

საბჭოთა ფილოსოფიურ და ფსიქოლოგიურ ლიტერატურაში საფუძვლიანადაა გაანალიზებული და ნაჩვენები ის სოციალ-ეკონომიური ვითარება, იდეოლოგიური წინამძღვრები, რომლებმაც ბურჟუაზიულ სამყაროში ნიადაგი მოუმზადა და ფართო ასპარეზი მისცა ფსიქოანალიზს. ამიტომ ამ კუთხით ფსიქოანალიზური თეორიის გაჩვენება აქ ზედმეტადაც ვთვლით, რადგანაც ეს იქნებოდა იმის გამეორება, რაც ესოდენ დამაჯერებლად, საქმის ცოდნითაა გაკეთებული და გადმოცემული საბჭოთა და ზოგიერთი უცხოელი ავტორის მიერ<sup>173</sup>.

მას შემდეგ, რაც ვაჩვენეთ ფსიქოანალიზის პრინციპული მოსაზრებები ფსიქიკისა და ფსიქოლოგიის შესახებ, ამოცანად ვცნობთ მათი კრიტიკული თვალსაზრისით განხილვასა და შეფასებას. უპირველეს ყოვლისა, ეს ეხება არაცნობიერი ფსიქიკის პრობლემასთან დაკავშირებულ საკითხებს, მეთოდოლოგიურ პრინციპებს, ფსიქოანალიზის თეორიის დასაბუთებას საერთოდ, მის ფილოსოფიურ წინამძღვრებს.

ფსიქოანალიზს, როგორც თეორიის, გამართლება პრინციპულადაა დაკავშირებული არაცნობიერი ფსიქიკის პრობლემის დადებითად გადაჭრასთან, რადგანაც ფსიქოანალიზი არაცნობიერი ფსიქიკის თეორიაა. ფსიქოანალიზი ვალდებულია, პასუხი გასცეს არაცნობიერი ფსიქიკის დასაბუთების ამოცანას. ფროიდთან არაცნობიერი ფსიქიკის დასაბუთება წარმოდგენილია ორი - ასპექტით. ერთი მხრით, ის ცდილობს თეზისის გამართლებას თეორიული მოსაზრებებით, რაც პრობლემის გადაჭრის ერთადერთ კანონიერ გზად უნდა იქნეს მიჩნეული, ხოლო, მეორე მხრით, ზრუნავს პრობლემის ემპირიული ასპექტით დასაბუთებაზეც, რაც, როგორც ცნობილია, არაცნობიერი ფსიქიკის დასაბუთების არამართებული გზაა, რადგანაც პრობლემის ბუნებიდან გამომდინარე პრინციპულადაა შეუძლებელი თვითონ არაცნობიერი ფსიქიკის ფაქტის დადასტურება: არაცნობიერი ფსიქიკა ცნობიერებისაგან დამოუკიდებელი არსებობის მქონე-

<sup>173</sup> იხ., მაგალითად, Е. В. Ш о р о х о в а, Фрейдизм. В кн.: «Современная психология в капиталистических странах», М., 1963; Ф. В. Б а с с и н, Фрейдизм в свете современных научных дискуссий, «Вопросы психологии», 1958, № 5—6; Ответ профессору Чезаре Л. Музатти, «Вопросы психологии», 1960, № 3, Г. У э л л с, Павлов и Фрейд, М., 1959 и др.



დაა წარმოდგენილი, ხოლო ამგვარი რეალობის ხილვა უშუალოდ ცნობიერებისათვის შეუძლებელია. ის, რასაც ფსიქოანალიზში ეწოდება არაცნობიერი ფსიქიკის „ემპირიული, ფაქტობრივი დასაბუთება“, სინამდვილეში წარმოადგენს დასაბუთების არაემპირიულ და, ამდენად, არაპირდაპირ გზას, რადგანაც იგი შეპირობებულია თეორიული მოსაზრებით. დასაბუთების არაპირდაპირი გზა კი, როგორც ცნობილია, პიათეზურის ფარგლებს ვერ სცილდება და ამიტომაც ის უეარგისია ონტოლოგიური პრობლემის საბოლოოდ გადაჭრის საქმეში.

ფროიდის ძირითადი არგუმენტი არაცნობიერი ფსიქიკის შეწყნარებისა ესაა ფსიქიკური სინამდვილის მიმართ უწყვეტობის პრინციპის გატარება. ფსიქიკის ფარგლებში უწყვეტობის პრინციპის დაცვა მოითხოვს ფსიქიკის განპირობებულობას ფსიქიკით, ფსიქიკური მიმდინარეობის რიგში ჰეტეროგენული (არაფსიქიკური) მომენტების უკუგდებას, ამ უკანასკნელთა მიმართ უარყოფითი პოზიციის დაქერას, როცა საქმე ეხება საერთოდ ფსიქიკის ისტორიული წარის უეარგისია ონტოლოგიური პრობლემის საბოლოოდ გადაჭრის მიზნის გააზრებას.

ცნობილია, რომ უწყვეტობის პრინციპის გატარება ფსიქიკური სინამდვილის მიმართ განახორციელა ლაიბნიცმა. ემპირიულად ფსიქიკური ცხოვრება წყვეტილი სახით წარმოგვიდგება. განმცდელი სუბიექტისათვის ფსიქიკა ცნობიერი ფენომენების სახითაა მოცემული. ცნობიერი ფენომენები დროულ თანამიმდევრობაში ფრაგმენტული ბუნებისანი არიან. უწყვეტობის პრინციპი გვაეალებს დროის ყოველ მომენტებში ფსიქიკას არსებობის დაშვებას. ამ სიძნელის გადალახვა ლაიბნიცმა სცადა არაცნობიერი ფსიქიკის ცნების მოშველიებით. „მცირე აღქმა“ (petites perceptions) ის შემავსებელი არაცნობიერი ფსიქიკური ელემენტია ფსიქიკური მიმდინარეობის რიგში, როცა ცნობიერება ვერ ადასტურებს სუბიექტში ფსიქიკის არსებობას. არაცნობიერი ფსიქიკა ცნობიერი ფსიქიკის ფრაგმენტულობის გამაერთიანებელია, შემავსებელია. მაშასადამე, ფსიქიკის მთლიანი და უწყვეტი ბუნება მდგომარეობს ცნობიერი და არაცნობიერი ფსიქიკური მდგომარეობის უწყვეტ თანამიმდევრობაში. ცნობიერი ფსიქიკის წარმოშობის უშუალო წინა საფეხური არაცნობიერი ფსიქიკაა, ასევე, ცნობიერი ფსიქიკის აღკვეთის ვითარება მისი არარაობად გადაქცევა კი არაა, არამედ, გადასვლა არაცნობიერ ფსიქიკურ მდგომარეობაში. ამგვარი დაშვებით მონადლოლოგიაში

უზრუნველყოფილია ფიზიკური სინამდვილის მსგავსად ფსიქიკური სინამდვილის უწყვეტი სახით წარმოდგენა. ეს კა ნიშნავს ფიზიკური და ფსიქიკური სინამდვილეების დახშული სისტემების მტკაცებას, მათ შორის პარალელისტური მიმართების დაცვას და ურთიერთდამოკლებულებში წინასწარდაწესებული ჰარმონიის აღიარებას.

ფსიქიკური სინამდვილის ფარგლებში უწყვეტობის პრინციპის დაცვა მხოლოდ იმ შემთხვევაში შეიძლება გამართლებული იყოს, თუ წინასწარ იქნება მიღებული ფსიქო-ფიზიკური პარალელიზმის თეორია. რადგანაც მხოლოდ ამ შემთხვევაში გვექნება საკმაოდ საფუძველი, ვილაპარაკოთ ფსიქიკის დახშული და თვითკმარი რეალობის შესახებ, სადაც ფსიქიკის მიმდინარეობაში ყოველი პროცესი შეიძლება გააზრებული იქნეს ისევე ფსიქიკური პროცესიდან წარმოშობილად, ვინაიდან ფსიქიკურმა უწყვეტობა უნდა უზრუნველყოს საკუთარი იმანენტური რესურსებით.

რაც ითქვა ლაიბნიცის მონადოლოგიური სისტემის თეორიული წინამძღვრების შესახებ არაცნობიერი ფსიქიკის ასპექტით; იგივე ითქმის ფსიქონალიზური თეორიის შესახებაც, როცა აქ უწყვეტობის პრინციპი მომარჯვებულია არაცნობიერი ფსიქიკის დასაბუთებისათვის. ფსიქიკის უწყვეტი სახით წარმოდგენა ფსიქონალიზს ავალდებულებს ფსიქო-ფიზიკური პარალელიზმის პრინციპის მიღებას, დუალისტური პოსტულატის აღიარებას. ეს ვლინდება ფსიქონალიზის მეთოდოლოგიური თვალსაზრისის დაფუძნების საქმეში.

წინააღმდეგობრივი ფროიდის ნააზრევში ისაა, რომ თავის მსოფლმხედველობითი მრწამსით ის უარყოფს ფსიქო-ფიზიკური პარალელიზმის თეორიას, მას ფსიქიკა მიაჩნია ტვინის პროდუქტად, მისგან განვითარების გზით მიღებულ თვისობრიობად; ფროიდი თუ მტკიცედ დადგებოდა აღნიშნულ ფილოსოფიურ პოზიციასზე, მას უარი უნდა ეთქვა ფსიქიკის ფარგლებში უწყვეტობის პრინციპის გატარებაზე, რადგანაც ფსიქიკური სინამდვილის გააზრება უწყვეტი და აქედან გამომდინარე დახშული და თვითკმარი რეალობის სახით იმთავითვე ეწინააღმდეგება ფსიქიკის აღმოცენების აზრს არაფსიქიკური გარკვეულობიდან, ტვინიდან; მაგრამ ფროიდი იფიქრებს მონისტურ თვალსაზრისს და შეგნებულად იცავს დუალიზმის პრინციპებს, როცა საკითხი დგება ფსიქიკის ახსნის თაობაზე.

ფსიქონალიზის თეორიაში შეუსაბამოაა ონტოლოგიურ და მეთოდოლოგიურ ასპექტებს შორის. მეთოდოლოგიური თვალსაზრისი ფსიქონალიზში არ გვევლინება ონტოლოგიური შეხედულებ-

ბ.ს. გაგრძელებად. ფროიდი პრინციპულად დგას მეთოდოლოგიური დუალიზმის ნიადაგზე. ონტოლოგიური მონიზმისა და მეთოდოლოგიური დუალიზმის წინააღმდეგობა ფროიდთან მაინც საბოლოოდ დუალიზმის სასარგებლოდ წყდება. ავტორის გაგებით, ფსიქოლოგია, როგორც მეცნიერება, გაუქმდებოდა, თუკი შევეცდებით დავეცვა შეხედულება ფსიქიკის ფიზიოლოგიურიდან უშუალოდ მიღების შესახებ. მეთოდოლოგიური დუალიზმი ფსიქოანალიზის ამოსავალი პრინციპია, ხოლო ონტოლოგიური მონიზმი არსებითად არაა დაკავშირებული ფსიქოანალიზურ კონცეფციასთან. ეს კი იმის მანიშნებელია, რომ ფსიქოანალიზის თეორია ფაქტიურად ემყარება ონტოლოგიურ დუალიზმს, რომლის ლოგიკური დასრულება მეთოდოლოგიური დუალიზმია.

ფსიქოანალიზის თეორიის მიხედვით, პეტეროგენულადაა წარმოდგენილი მოვლენის წარმოშობა და მისი ახსნა. ტვინი წარმოშობს ფსიქიკას. ტვინი ვერ ახსნის ფსიქიკას. აი დებულებები, რომელთა ურთიერთშესაბამისობა, შეთავსება ბუნებრივი ჩანს ფსიქოანალიზისათვის. საქმე ისაა, რომ ფსიქიკის ანხსნელად, ფროიდის აზრით, შეიძლება მოგვევლინოს ისეთი რამ, რაც შეიძლება, გავვაგებინოს შედეგი — ფსიქიკა. ფსიქოანალიზს არ აკმაყოფილებს უბრალო, შიშველი მიზეზებისა და საფუძვლის კონსტატაცია. მიზეზმა გასაგებები უნდა გახადოს ცნობიერი ფსიქიკის კავშირი და სტრუქტურა. ფიზიოლოგიური სინამდვილით ფსიქიკა იმიტომ ვერ ახსნება (resp. გაიგება), რომ ფიზიოლოგიური ლაპარაკობს მხოლოდ საფუძველში მდებარის შესახებ, იგი არაფერს გვეუბნება და ვერც გვეტყვის. იმ მიზეზებზე, რომლებიც ახასიათებს საერთოდ ფსიქიკურს<sup>174</sup>. მაშასადამე, ფსიქიკის ახსნისას უნდა ვიგულისხმობთ არა უბრალო კორელაცია მოვლენათა შორის, არამედ ამხსნელმა უნდა განაპირობოს ფსიქიკური კავშირისეული მთლიანის საზრისის ხილვა. ამ ამოცანის

<sup>174</sup> მაგალითად, ზ. ფროიდი ი. პავლოვის მეცნიერულ მოღვაწეობას არ ჩათვლიდა ფსიქიკის ახსნით საქმიანობად, რადგანაც თვითონ ი. პავლოვის განცხადებით: „მე სრულად არ შევეხები ფილოსოფიურ თვალსაზრისს, ე. ი. მე არ შევუდგები საკითხის გადაწყვეტას: როგორაა, რომ ტვინის მატერია წარმოქმნის სუბიექტურ მოვლენას და ა. შ. მე მხოლოდ ვეცდები სავარაუდოდ პასუხი გავცე კითხვას: რა ფიზიოლოგიური მოვლენები, რა ნერვული პროცესები ხდება დიდ ჰემისფეროებში მაშინ, როცა ჩვენ ვამბობთ, რომ ჩვენ ვიცით ჩვენი თავი, როცა წარმოებს ჩვენი შეგნებული მოქმედება, И. П. Павлов, Сочинения, т. III, 1949, გვ. 196. პავლოვი ადგენს ფსიქიკურის ფიზიოლოგიურ შესატყვისს, კორელატს; იგი არ სვამს საკითხს ფსიქიკის წარმოშობა-გავებისას. ფროიდი კი ამ უკანასკნელზე ზრუნავს.

გადაქრას ფროიდი აკისრებს არაცნობიერ ფსიქიკას, და არა მარტო აკისრებს, არამედ მას არაცნობიერი ფსიქიკის მეშვეობით ცნობიერი ფსიქიკური აქტების საზრისს ხილვა მიაჩნია არაცნობიერი ფსიქიკურის რეალობის აღიარების საბუთად<sup>175</sup>.

სავსებით კანონიერია საკითხის დასმა ისეთი გარკვეულობის ძიების შესახებ, რომელიც გავგაგებინებს ყოველ ცალკეულ შემთხვევაში ცნობიერი ფსიქიკური აქტის მნიშვნელობას. მაგრამ აქედან ლოგიკურად არ გამომდინარეობს, რომ ის, რაც განაპირობებს ცნობიერი ფსიქიკური აქტივობის შინაარსს, აუცილებლად ისევე ფსიქიკური რიგის მოვლენა, resp. არაცნობიერი ფსიქიკა უნდა იყოს.

ფროიდმა საზრისი შემდეგნაირად განმარტა: „საზრისის ქვეშ ჩვენ გვესმის მნიშვნელობა, განზრახვა, ტენდენცია და ადგილი ფსიქიკური კავშირების რიგში“. და ეს თვისებები მიაწერა არაცნობიერ ფსიქიკურ არსებობას; მაგრამ ფროიდს შეედავებთანინაში, რომ მის მიერ არაცნობიერი ფსიქიკისადმი მიკუთვნებული ნიშნები, როგორც არაცნობიერი ფსიქიკისათვის სპეციფიკური, გარკვეული აზრით ფსიქიკის დამახასიათებლად სწორედ რომ ვერ ჩაითვლებიან. მაგალითად, „მნიშვნელობა“, „ტენდენცია“ და „ადგილი მოვლენათა კავშირების რიგში“ ისევე დაახასიათებს ბიოლოგიურ (ფიზიოლოგიურ) სინამდვილის სტრუქტურულ პროცესებს, როგორცადაც ის გამოიყენა ფროიდმა ფსიქიკურისათვის. ხოლო „განზრახვა“ ცალკეული ფსიქიკური პროცესის იმანენტური თვისება იმიტომ არ შეიძლება იყოს, რომ ის საერთოდ ფსიქიკური პროცესების წამართველის, მაგალითად, მე-ს, პიროვნების ფუძემდებლური განსაზღვრულობაა.

ფროიდს სავანგებოდ უნდა გაერჩია საკითხი ფსიქიკის საზრისიანობის თაობაზე, იმის შესახებ, თუ რა საფუძველი არსებობს ფსიქიკის, როგორც ბუნების ფაქტისათვის, მოვითხოვთ საზრისიანობის ნიშნის მიწერა. ხომ ცნობილია, რომ ბევრი საზრისს (მიზანს) არ თვლის ფსიქიკის საკუთარ ნიშნად და მას აცხადებს ფსიქიკისათვის გარედან მინიჭებულად. ფსიქიკა, ამ თვალსაზრისით, მხოლოდ პიროვნების სტრუქტურის კუთხიდან დანახული, როგორც ამ უკანასკნელის ერთ-ერთი მომენტი, ჩანს საზრისის მქონე. ისიც ცნობილია, რომ დღეს ფსიქოლოგიაში არსებობს საკმაოდ საფუძვლიანი

<sup>175</sup> «Die Möglichkeit, den neurotischen Symptomen durch analytischen Deutung einen Sinn zu geben, ist ein unerschütterlicher Beweis für die Existenz unbewußter seelischer Vorgänge», Vorlesungen, XI, 288.

ტენდენცია, რომლის მიხედვითაც, ცნობიერი ფსიქიკის ამხსნელად გამოყენებულია პიროვნების, პერსონის, განწყობის (როცა ამ ტერმინში არ იგულისხმება არაცნობიერი ფსიქიკა) ცნებები, რომლებიც ფსიქიკის გაგების საქმეში იმავე როლს თამაშობენ, რასაც ფსიქოანალიზის არაცნობიერი ფსიქიკა. საჭირო იყო ამ ვითარების გათვალისწინება, მათი კრიტიკული ანალიზი, სანამ მოხდებოდა ფსიქოანალიზის დოგმატური პოზიციიდან ფსიქიკის დახასიათება.

არაცნობიერის ონტოლოგიურ საკითხს ვერ გადაჭრის, რა თქმა უნდა, აზროვნების ის გზა, რომელსაც ფროიდი იყენებს; მას წინდაწინვე აქვს მიღებული აზრი იმის ფსიქიკურობის შესახებ, რამაც უნდა ახსნას ცნობიერი ფსიქიკა. ამხსნელად, შესაძლებელია, გამოგვადგეს ფიქციაც, მაგრამ გაუმართლებელია ამ უკანასკნელს რეალობაზე დავასკვნათ.

ცნობიერების მიღმა არსებული ფსიქიკას გამართლებისათვის არ გამოდგება ის „არგუმენტი“, რომელიც ცდილობს წინასწარ დაშვებულის დასაბუთებას შედეგით. ფროიდი ფიქრობს, რომ თუკი ის არაცნობიერი ფსიქიკის ჰიპოთეზის გამოყენებით, მასზე დაყრდნობით მოახდენს მიზანშეწონილ გავლენას ცნობიერი ფსიქიკის მუშაობის მიმდინარეობაზე, მაშინ ამ რეზულტატის, წარმატება-შედეგის სახით უნდა გავაჩინდეს უდავო საბუთი დაშვებული არაცნობიერი ფსიქიკის რეალური არსებობისა. აღნიშნული არგუმენტაციის შესახებ უნდა ითქვას, რომ აქ, ონტოლოგიური პრობლემის გადაწყვეტისას, არ არსებობს ლოგიკური საფუძველი მიზეზის ონტოლოგიური რაობის დადგენისა. მსჯელობაში დაშვებულია შეცდომა *post hoc, ergo propter hoc*. სანამ წინასწარ არ გადაჭრილა ცნობიერი ფსიქიკის გენეზისის საკითხი, მანამ თვითონ ცნობიერი ფსიქიკის მიმდინარეობის პროცესი ვერაფერს გვეტყვის მისი შესაძლო უშუალო საფუძვლის რაობის შესახებ. თუ დასაბუთდება, რომ ცნობიერი ფსიქიკა შეიძლება წარმოიშვას მხოლოდ არაცნობიერი ფსიქიკისაგან და არა სხვა რაიმესაგან, მხოლოდ ამის შემდეგ გვექნება საკმაო საფუძველი, ვიმსჯელოთ შედეგსა და მიზეზს შორის ერთმნიშვნელოვან დამოკიდებულებაზე, ცნობიერი ფსიქიკის ცვლილებაში მისი წარმმართველი არაცნობიერი ფსიქიკის მონაწილეობაზე.

აქვე უნდა აღინიშნოს ისიც, რომ მკურნალობის საქმეში ფსიქოანალიზური მეთოდის მომარჯვება და გამოყენება არ გამორიცხავს პიროვნებაზე ზემოქმედების განსხვავებულ კონკრეტულ გზებს; მა-

გალითად, კომუნიკაციას, შთაგონებას და სხვ. ასე რომ, ფროიდის ვარაუდი, რომელიც გულისხმობს ცნობიერი ფსიქიკის წარმართვას მხოლოდ არაცნობიერ ფსიქიკაზე დაყრდნობით, პეტეროგენული ფაქტორების მონაწილეობისაგან თავისუფალი არ უნდა იყოს.

პიპოთეზის, დაშვებულის პრაქტიკით, გამოცდილებით გამართლება, დადასტურება ცნობილი მეთოდოლოგიური გზაა, მაგრამ იქ, სადაც ლაპარაკია შედეგისა და მიზეზის, საფუძვლის ურთიერთობის ემპირიულ ძიებაზე, წინდაწინვეა გადაჭრილი მათი ონტოლოგიური რაობის საკითხი. საფუძვლის არსებობის ფორმის საკითხს ვერ გაარკვევს შედეგზე უბრალო მითითება, რადგანაც ის ჩვენს შემთხვევაში ფილოსოფიური ასპექტით გადაწყვეტას ექვემდებარება მხოლოდ.

არაცნობიერი ფსიქიკის არსებობის სასარგებლოდ, როგორც აღინიშნა, ფროიდი მიუთითებს აგრეთვე იმ ე. წ. განწყობაზე, რომელიც ბუნებრივად შეგვიძმუშავდა სხვისი მე-ს შესახებ. სხვისი ცნობიერი ფსიქიკური პროცესები ჩვენ უშუალოდ არ გვეძლევიან, მაგრამ სხვისი ქცევის, მოქმედების საფუძველზე ვასკენით მათ განმპირობებელ ფსიქიკურ მდგომარეობათა შესახებ. თუკი სხვის ქცევას ვხსნით ფსიქიკით, რომლს ნამდვილ არსებობაში დარწმუნებული ვართ, მაგრამ ამ ფსიქიკის უშუალო განცდა არ გავგაჩნია, ე. ი. ეს ფსიქიკა ჩვენთვის არაცნობიერია, არ უნდა იყოს ხელშემშლელი ფაქტორი, მსგავს თვალსაზრისზე დავდგეთ საკუთარი. მე-ს მიმართაც და ჩვენი ქცევა და ცნობიერი ფსიქიკის მიმდინარეობა დავაფუძნოთ იმ ფსიქიკის მოქმედებაზე, რომელსაც არ განვიცდით.

ანალოგია, რომელსაც ფროიდი იყენებს არგუმენტად არაცნობიერი ფსიქიკის ონტოლოგიური პრობლემის გადაწყვეტისათვის, საქმეს ვერ შველის. ამ შემთხვევაში დასაზუსტებელია არაცნობიერი ფსიქიკის ცნება. მასში ფროიდი ორ განსხვავებულ შინაარსს დებს. მართალია, სხვისი ცნობიერი ფსიქიკის შესახებ არ გვაქვს უშუალო ცოდნა, მას ჩვენ ვერ განვიცდით, მაგრამ მისი განცდა აქვს მას, ვისი კუთვნილებაც ივია. ხოლო არაცნობიერი ფსიქიკა, როგორც ასეთი, საერთოდ ცნობიერების შინაარსად არ იგულისხმება, რადგანაც ის ცნობიერებისაგან დამოუკიდებლადაა წარმოდგენილი. მაშასადამე, არაცნობიერი ფსიქიკა, რომელიც, ერთ შემთხვევაში, ნიშნავს „ჩემ არაცნობიერ ფსიქიკას“, ხოლო, მეორე შემთხვევაში, „სხვის ფსიქიკას ჩემთვის არაცნობიერს“, ერთმანეთისაგან საფუძვით განსხვავებულ საქმის ვითარებაზე მიუთითებენ. პირველი საერთოდ ცნობიერების ფარგლებს გარეთ არსებულად წარმოიდგინება, მეო-

რე კი ინდივიდუალური ცნობიერების ფარგლებს შიგნით თავსდება. ეს უკანასკნელი ცნობიერი ფსიქიკაა, მაგრამ რადგანაც სხვისთვის მიუწვდომელია, ამდენად იწოდება „არაცნობიერად“.

ცხადია, რომ ანალოგიით დასკვნისათვის საჭირო იგუვეობრივი მომენტები ფროიდის მიერ არაა მოყვანილი. ის კიდევაც რომ იყოს, ანალოგიით დასკვნის გზა ჰიპოთეზურის საფეხურს ვერ გასცილდება და ამდენად, თავისი შინაგანი ბუნებიდან გამომდინარე, არაცნობიერი ფსიქიკის რეალიზმის თეზისს ვერ დასაბუთებს.

როგორც აღინიშნა, ფროიდი მერყევე პოზიციაზე დგას არაცნობიერი ფსიქიკის პრობლემის გადაჭრაში ემპირიული მონაცემის მნიშვნელობის შესახებ. ერთ შეზღუდვებაში მას შეგნებული აქვს ფაქტობრივი ვითარების უვარგისობა პრობლემის გადაწყვეტის საქმეში და ამიტომ მსჯელობს პრობლემაზე თეორიული ასპექტით, მეორე შემთხვევაში ჩვენი ავტორი თავგამოდებით იცავს არაცნობიერი ფსიქიკის დასაბუთებაში ემპირიული გზის შესაძლებლობას და გვთავაზობს ე. წ. ფაქტებს, რონლებიც, მისი რწმენით, ადსტურებენ არაცნობიერი ფსიქიკის რეალობის აზრს. ფროიდის მიერ შემოთავაზებული ემპირიული არგუმენტებიდან ჩვენ შევჩერდებით მხოლოდ ერთს განვიხილვაზე, პოსტპინოზური მდგომარეობის ანალიზზე, რადგანაც აღნიშნული ფაქტიური ვითარების ბუნების ცხადყოფა მთელი სიგრძე-სიგანით აჩვენებს არაცნობიერი ფსიქიკის თეორიული პრობლემის გადაჭრის ცდაში საერთოდ ემპირიის ლოგიკურ ძალას.

პოსტპინოზური მდგომარეობა ზემოთ იყო აღწერილი. ამჟამად ყურადღებას ვამახვილებთ დასკვნაზე, რომელიც გამოჰყავთ ამ ფაქტიური ვითარებიდან: რადგანაც მიზანშეწონილი ქცევის აქტუ განხორციელდა მიზნის ცნობიერების გარეშე, მაშასადამე, მიზანი არსებულა არაცნობიერი ფსიქიკის სახით.

სწორია თუ არა დანასკვი? ლოგიკურად გამოდინარეობს თუ არა ის პოსტპინოზური მდგომარეობის ფაქტიური ვითარებიდან?

პოსტპინოზური მდგომარეობა მხოლოდ იმაზე მიუთითებს, რომ სუბიექტს პინოზური მდგომარეობიდან გამოსვლის შემდეგ ცნობიერებაში აღარა აქვს შთაგონებული შინაარსი, მიზანი; რომ სუბიექტში, საფიქრებელია, აღმოცენდა რალაც მდგომარეობა, რომელიც შემდეგ მოქმედებს გარკვეული მიზართულებით; რომ ეს აღმოცენებული მდგომარეობა ცნობიერი არაა.

ისმის კითხვა: რას წარმოადგენს სუბიექტში აღმოცენებული არა-

ცნობიერი მდგომარეობა? იგი ფსიქიკაა თუ ფიზიოლოგიური ან სხვა გარკვეულობა? ამ კითხვაზე თვითონ პოსტკიპნოზური მდგომარეობის ფაქტს არაფრის თქმა არ შეუძლია. და თუ მაინც ვინმე ლაპარაკობს რომელიმე პასუხის სასარგებლოდ, ეს უკვე თეორიული მოსაზრებების, წინამძღვრის ნებისითი თუ უნებლიე ზეგავლენის შედეგია. ის, ვინც იცავს შეხედულებას, რომ ფსიქიკური შეიძლება წარმოიშვას მხოლოდ ისევე ფსიქიკურიდან, ასკენის, რამაც წარმოშვა მიზანშეწონილი აქტი ქცევისა პოსტკიპნოზურ მდგომარეობაში, ეს არაა ცნობიერი ფსიქიკაა; ხოლო ის, ვინც იზიარებს აზრს ცნობიერი ფსიქიკის უმაღლესი ნერვული მოქმედებიდან წარმოშობის შესახებ, მისთვის ზემოაღნიშნული არაა ცნობიერი მდგომარეობა ფიზიოლოგიურია. მაშასადამე, თვითონ ემპირიული მოცემულობა, ჩვენს შემთხვევაში პოსტკიპნოზური მდგომარეობა კი არაა მაჩვენებელი იმისა, თუ რას წარმოადგენს ონტოლოგიურად მის საფუძველში მდებარე და მისი განმაპირობებელი, არამედ ჩვენი თეორიული (ფილოსოფიური) მრწამსი ახდენს პოსტკიპნოზური მდგომარეობის საფუძვლის კვალიფიკაციას ერთ შემთხვევაში, როგორც ფსიქიკურისას, მეორე შემთხვევაში, როგორც ფიზიოლოგიურისას<sup>176</sup>.

ფროიდის მიერ მოყვანილი ემპირიული არგუმენტი არაა ცნობიერი ფსიქიკის რეალობის სასარგებლოდ, როგორც ირკვევა, თვითონ მოითხოვს წინასწარ ფილოსოფიური კვლევა-ძიების ჩატარებას. არსებითად იგივე ითქმის სიზმრისა და ყველა სხვა ე. წ. „არაა ცნობიერის ფაქტისა“ თუ „ექსპერიმენტული მონაპოვრის“ შესახებ. ისინი თვითონ პრობლემებს წარმოადგენენ და არა პასუხს პრობლემაზე.

ფროიდის განცხადება, რომ სიზმრის ინტერპრეტაცია ესაა „სულიერ ცხოვრებაში არაა ცნობიერის ცოდნისათვის პირდაპირი გზა“, სწორედ რომ არ წარმოადგენს არაა ცნობიერი ფსიქიკის ხილ-

---

<sup>176</sup> ზოგჯერ მიმართავენ ხოლმე ლოგიკურ აბრუნდს: რადგანაც პოსტკიპნოზური მდგომარეობა (და საერთოდ ემპირიული მოცემულობა) უარყოფილია როგორც არაა ცნობიერი ფსიქიკის უშუალო და პირდაპირი მაჩვენებელი საბუთი, ემპირიული მოცემულობის არგუმენტად უვარგისობიდან ასკენიან, თითქოს ამით ეკვივა შეტანილი პოსტკიპნოზური მდგომარეობის ფაქტურობაში. პოსტკიპნოზური მდგომარეობა ფაქტია, მაგრამ იგი არ გამოდგება არაა ცნობიერი ფსიქიკის დამადასტურებლად! პოსტკიპნოზური მდგომარეობის მოვლენას ეხება დ. უზნაძე გამოკვლევაში: „პოსტკიპნოზური შთავლენების თეორიისათვის“. აქ დ. უზნაძის მიერ ნაჩვენებია, რომ განწყობა, როგორც გარკვეული ვითარება, არ წარმოადგენს ცნობიერების შინაარსს, განცდილ მდგომარეობას, და არა ის, რომ განწყობის ფსიქიკურობა საბუთდებოდეს პოსტკიპნოზური მდგომარეობით.



ვის პირდაპირ საშუალებას, რადგანაც აქაც ინტერპრეტაცია ემყარება წინასწარ დაშვებულ აზრს, რომ სიზმრის შინაარსი შეიძლება აღმოცენდეს არაცნობიერი ფსიქიკის მოქმედებიდან. გასარკვევი კი იმ საფუძვლის ფსიქიკურობაა, რომელიც აპირობებს სიზმრის პროცესს თავისი თავისებურებებით (გადაწვევა, შენჭიდროება და ა. შ.), როგორადაც ამას წარმოგვიდგენს ფსიქოანალიზი. აღრევე შეამჩნიეს ფსიქოანალიზში არაცნობიერი ფსიქიკის დასაბუთების გაუმართლებელი გზა — *idem per idem*. ერთი მხრით, არაცნობიერი ფსიქიკა მომარჯვებულია სიზმრის პროცესის სპეციფიკურობის ამხსნელ საშუალებად, მეორე მხრით, არაცნობიერი ფსიქიკის არსებობა დასაბუთებულია სიზმრის პროცესის სპეციფიკურობით.

შეიმჩნევა, რომ ფსიქოანალიზურ თეორიაში არგუმენტაციის ადგილს ხშირად რწმენა იჭერს. ფროიდი უქმ საქმედ მიიჩნევს თეორიის ფუძემდებლური დებულებების ცხადყოფის საქმეში კამათის მომენტს. აზრთა ჭიდილი მას ზედმეტად მიაჩნია, ვინაიდან, მისი გაგებით, ასეთი გზა არასოდეს არ მიგვიყვანს საკითხის გადაჭრამდე. ფროიდი ერთშია დარწმუნებული, რომ ის, რაც მტკიცდება ფსიქოანალიზის მიერ, ჰემმარიტებაა და კამათი აუცილებლად უნდა დამთავრდეს მოწინააღმდეგის მიერ ფსიქოანალიზური თეორიის აღიარებით. მაგრამ, რადგანაც ეს არ ხდება, ის წინააღმდეგია კამათისა საერთოდ<sup>177</sup>.

ერთ გარემოებასაც უნდა მიექცეს ყურადღება, როცა ფროიდი ცდილობს არაცნობიერი ფსიქიკის ემპირიული გზით დასაბუთებას. ესაა ავტორის შემეცნებისთეორიული თვალსაზრისი, რაც ესოდენ გადამწყვეტ როლს თამაშობს მის აზრთა წყობაზე. ფსიქოანალიზური კონცეფცია, ფროიდის განცხადებით, არ უნდა იყოს სპეკულატური სისტემა. მისი რწმენით, ის წარმოადგენს გამოცდილებისა და დაკვირვების გზით პირდაპირ მიღებული მასალის გადმოლაგებას. მაგრამ ცნებები: *გ ა მ ო ც დ ი ლ ე ბ ა* და *დ ა კ ვ ი რ ვ ე ბ ი ს გ ზ ი თ მ ი ლ ე ბ უ ლ ი მ ა ს ა ლ ა* აქ სპეციფიკური შინაარსის შემეცნელია — იგულისხმება შემეცნებლის აქტიური ჩარევა გამოცდილ-

<sup>177</sup> იხ. Vorlesungen, XI, 251. ბუნებისმეტყველმა ი. პავლოვმა, მხედველობაში მიიღო რა ფსიქოანალიზში რწმენისადმი პრიორიტეტის მინიჭება, განაცხადა: „მე ვერ ვიტან ფროიდს“. ამის მოტივია ის, რომ „აქაა სინამდვილისადმი პატივისცემის ყოველგვარი უქონლობა. აქ ლოგიკა და სინამდვილე ითვლება“. ი. პავლოვი ზ. ფროიდს მიიჩნევს ახალი რელიგიის დამფუძნებლად. იხ. Павловские клинические среды, т. I, М., 1954, с. 42, 491.

ბაში. ფროიდი ხშირად ლაპარაკობს „მასალის დაძლევაზე“, რის შემდეგაც იგი შეიძლება გახდეს გამოყენების ობიექტი, მიუთითებს მეცნიერებისათვის ამგვარი გამოცდილების აუცილებლობაზე, რომ ინტელექტუალურ დაზნმარე კონსტრუქციებს გვერდი ვერ აველება და ა. შ.<sup>178</sup> ფროიდს დაეთანხმებიან იმაში, რომ მეცნიერებაში დამზმარე კონსტრუქციების, ჰიპოთეზების გამოყენება გარკვეული ვითარების ვანო დასაშვებია. მაგრამ არ შეიძლება დაეთანხმოთ მას იმაში, რომ „ჰიპოთეზური დაშვება“ და „გამოცდილებაში მოცენული“ ერთმანეთს გაუტოლდეს შემეცნებითი ღირებულების მიხედვით. ფროიდი კი იგოვეობის ნიშანს სვამს ჰიპოთეზურსა და ფაქტობრივს შორის. ამიტომაც, რომ მის მსჯელობებში ვხვდებით ასეთ გამოთქმებს: „ჩვენ გამოცდილებაში მივიღეთ, ე. ი. უნდა დავეუშვათ“, „არსებობის დასაბუთება, ანუ... დაშვების საჭიროება“<sup>179</sup>. გამოცდილების ცნების ასეთი გაგების შესახებ ის ითქმის, რომ იქ, სადაც ამგვარი გამოცდილებაა მომარჯვებული ემპირიულ საბუთად, იგი ასეთად არ გამოდგება, ვინაიდან ის შეიცავს წინასწარდაშვებულ მომენტს, რაც ფაქტობრივი ვითარების სიწმინდეს, ობიექტურობას ეპვის ქვეშ აყენებს.

ასეთია ფროიდის არგუმენტაციის ბუნება, რომელიც გვარწმუნებს იმაში, რომ ფსიქიკური არაცნობიერის რეალობის თეზისი დასაბუთებული არ არის.

ფროიდი სწორ თვალსაზრისზე დგას იმ შემთხვევაში, როდესაც არაცნობიერი ფსიქიკის პრობლემის დაშმის საფუძვლად ცნობიერებისა და ფსიქიკის გათიშვის ფაქტიდან ამოღის. ეს კი იმას ნიშნავს, რომ არაცნობიერად არსებობის საკითხი შეიძლება დაისვას ფსიქიკის მიმართ და არა ცნობიერების მიმართ. ფროიდის თეზისში — ცნობიერება არ შეიძლება იყოს არაცნობიერი — იგულისხმება ის, რომ ცნობიერია როგორც ცნობიერების საგანი, ისე საგნის ცნობიერებაც.<sup>180</sup> ამიტომაც მასთან „არაცნობიერი ცნობიერება“ შინაგანი წინააღმდეგობის შემცველი ცნება. ფროიდს დაეთანხმებიან იმაშიაც, რომ არაცნობიერი ფსიქიკის გარკვეულობა, თუკი ასეთი რამ არსე-

<sup>178</sup> Abriß der Psychoanalyse, XVII, 81, Neue Folge der Vorlesungen, XV, 163, Selbstdarstellung, XIV, 58, 84.

<sup>179</sup> «Wir haben erfahren, d. heißt annehmen müssen...», Das Ich und das Es, XIII, 240. «Ein Beweis für die Existenz oder... für die Notwendigkeit der Annahme...», Vorlesungen, XI, 288.

<sup>180</sup> დაწერილებით აღნიშნულ საკითხზე იხ. ა. ბ. ო. რ. ი. შ. ვ. ე. ლ. ი, ფსიქოლოგიის მეთოდოლოგიისათვის, თავი VI, „ცნობიერება, განცდა, არაცნობიერი“.

ბობს, უნდა მოთავსდეს არა თვითონ ცნობიერების ფარგლებში, არამედ ცნობიერების მიღმა და საკითხი დაიხუროს მისი წვდომის, შემეცნების შესახებ. ფსიქოანალიზის ავტორი სავესებით ლოგიკურია არაცნობიერი ფსიქიკის იმ დახასიათებაში, როცა ის წარმოდგენილია ცნობიერებისაგან დამოუკიდებლად. ფროიდის პასუხი, როგორც გაირკვა, ასეთია: „რომელი გეშტალტით შეუძლია მას (წარმოდგენას — ვ. კ.) არსებობა მაშინ, როცა ის სულიერ ცხოვრებაში ამჟამადაა, მაგრამ ცნობიერებაში ლატენტურია, ამის შესახებ არ შეგეძლია ვარაუდი წამოვაყენო“. არაცნობიერი ფსიქიკის გარკვეულობაზე იმიტომ არ შეგვწევს ძალა გამოვთქვათ აღწერითი მსჯელობა, რომ ის თავის „არაცნობიერ არსებობაში“ ხილვადი არაა, ცნობიერებას უშუალოდ არ ეძლევა.

მაშინ, როგორ უნდა მოხდეს არაცნობიერი ფსიქიკის შემეცნება? რას უნდა ნიშნავდეს ცნობიერების გარეთ არსებული ფსიქიკის შემეცნება? როგორ დადგინდება მისი სპეციფიკურობა?

ერთადერთი გზა არაცნობიერი ფსიქიკის შესახებ რაიმეს შეტყობინებისა ცნობიერებაა. ფსიქოანალიზის მიხედვით, ცნობიერებაში გამოვლენილი მასალიდან უნდა მოხდეს იმ სურათის წარმოსახვა, რაც შეესატყვისება არაცნობიერის დაფარულ გარკვეულობას. შემთხვევითი არაა, რომ ფროიდი ფსიქოანალიტიკოსის საქმიანობას აღარებს არქეოლოგის მუშაობას. არქეოლოგი წარსულის შემორჩენილი ფრაგმენტებიდან აგებს სურათს მთელის შესახებ. ფსიქოანალიტიკოსი ცნობიერი ფსიქიკის ელემენტით ცდილობს მის უკან მდგომი არაცნობიერი ფსიქიკის შინაგანი ბუნების გათვალისწინებას.

რამდენად რეალურია და დასაბუთებული ცნობიერი ფსიქიკით არაცნობიერი ფსიქიკის „ხილვა“? თუ გავითვალისწინებთ ფროიდის მოსაზრებას, რომ ცნობიერება და არაცნობიერი სპეციფიკურ რომელობებს წარმოადგენენ, რომელთაც აქვთ განსაკუთრებული კანონზომიერებანი, მაშინ ეჭვს ქვეშ უნდა დადგეს ცნობიერებით არაცნობიერის წვდომის გზა, რამდენადაც არაცნობიერის შემოსვლა ცნობიერებაში, მისი გაცნობიერება, ფსიქოანალიზის რწმენით, ნიშნავს არაცნობიერის თარგმნას ცნობიერების ენაზე, ცნობიერებისათვის მისაღებ საბურველში მის გახვევას. და თუ ეს ასეა, მაშინ წინასწარი ცოდნის გარეშე შეუძლებელია ცნობიერებაში ერთმანეთისაგან განსხვავდეს საკუთრივ არაცნობიერიდან შემოჭრილი და სხვა გზით ცნობიერებაში აღმოცენებული შინაარსები და პროცესები; იმიტომ ცნობიერი ფსიქიკა, მისი მუშაობის კანონზომიერება, ვერ

მიგვეითეთებს მისგან განსხვავებულ არაცნობიერი ფსიქიკის კანონ-ზომიერებაზე. საიდან გვეცოდინება, რომ ცნობიერებაში დადასტურებული რომელიმე მომენტი არაა ცნობიერი ფსიქიკის კუთვნილება, ის რომ აუცილებლად არაცნობიერი ფსიქიკის სინამდვილის გამოვლენაა? ამ კითხვებზე ფსიქოანალიზს დასაბუთებული პასუხი არ გააჩნია. მთელი ფსიქოანალიზური სისტემა აგებულია ვარაუდზე არაცნობიერი ფსიქიკის არსებობის შესახებ.

განმარტებას საჭიროებს ფროიდის თვალსაზრისი ფსიქიკის ზოგიერთ რომელღობასთან ცნობიერების კავშირის ბუნების შესახებ. მაშინ, როცა წამოყენებულია პრინციპული დებულება ფსიქიკის ცნობიერების გარეთ არსებობისა, რას უნდა ნიშნავდეს ფსიქიკისადმი ცნობიერების დაშოკიდებულება? როგორც ნაჩვენები იყო, დაშოკიდებულება ამ ორ ინსტანციას შორის ასეთია: ფსიქიკისადმი ცნობიერების მიმართება არაარსობრივია, ფსიქიკას ცნობიერების ნიშანი ზოგჯერ დაერთვის მხოლოდ. ფსიქიკის მთელ მოცულობაზე ვრცელდება ეს დებულება თუ არა? დროში მიმდინარე გენეტური პროცესის სახით წარმოდგენილი ფსიქიკის მიმართ როგორ დადგებოდა ცნობიერებასთან დამოკიდებულების საკითხი?

ფროიდთან ერთ მომენტში მაინც დადგა საკითხი ფსიქიკის მთელი მოცულობის არაცნობიერთან მიმართების თაობაზე და მან ასეთი თვალსაზრისი განავითარა: არიან ფსიქიკური პროცესები, რომლებსაც მხოლოდ არაცნობიერი არსებობა აქვთ (ლტოლვები), ფსიქიკური სინამდვილის გარკვეული ნაწილი მხოლოდ ცნობიერი ა, მათ არაცნობიერი არსებობა არ გააჩნიათ (აღქმა, ემოცია), ამათგან განსხვავებით წარმოდგენები (აზროვნება) ისეთი ფსიქიკური მოვლენებია, რომლებიც ცნობიერანიც არიან და არაცნობიერანიც<sup>181</sup>. მაშასადამე, მითითებაა ფსიქიკისა და ცნობიერების სამგვარ მიმართებაზე. ერთი შეხედვით, თითქოს აქ წინააღმდეგობასთან უნდა გვექონდეს საქმე, ფსიქიკა ხასიათდება ურთიერთგამომრიცხველი ნიშნით; ანალიზი გვარწმუნებს, რომ წინააღმდეგობა ამ დაზავიანებაში არ უნდა იყოს.

ფსიქოანალიზური თეორიის პოზიციებიდან გასაგებია, რომ ლტოლვა (ფსიქიკური ფენა იგი-ს შინაარსი) არაცნობიერია, ის ცნობიერებაში საკუთარი სახით ვერ შემოდის. ამიტომ მის ცნობიერებაზე ლაპარაკს საფუძველი არა აქვს. როცა ფროიდი მსჯელობს ფსი-

<sup>181</sup> Das Unbewußte, X, 275—277.

ქიკური სინამდვილის ერთ სფეროზე, როგორც მხოლოდ ცნობიერ-ზე, მას მხედველობაში აქვს ფსიქიკური შინაარსები (შეგრძნება, აღქ-მა, გრძნობა, აფექტი და ა. შ.). ფროიდი ფსიქიკურ შინაარსებს განი-ხილავს ცნობიერებასთან პრინციპულად დაკავშირებულად, რომ ფსი-ქიკური შინაარსის არსებობა მისი ცნობიერებაში არსებობაა. ფსიქი-კური შინაარსების არაცნობიერად, ცნობიერების გარეშე არსებო-ბა შეუძლებელია. არაცნობიერი არსებობა გააჩნია იმ ფსიქიკურ პროცესს, რომელსაც არ მიუღწევია ცნობიერების ზღურბლისთვის და ცნობიერებაში არ მოუცია შინაარსი-პროდუქტი. ამიტომ გამარ-თლებულია ემოციის არაცნობიერობაზე ლაპარაკი, როცა მასში იგუ-ლისხმება ემოცია-შინაარსის ცნობიერებადელი გზა — პროცესი. მსგავსად უნდა გავიხაროთ ის ვითარებაც, როცა ფროიდი ლაპარა-კობს წარმოდგენის (აზრის) შესახებ, რომელიც ცნობიერიც არის და არაცნობიერიც. წარმოდგენას ცნობიერების ნიშანი მაშინ მიეწერე-ბა, როცა ის შინაარსია. ცნობიერების ფარგლებს გარეთ არსებული წარმოდგენა პროცესია, კვალია. მაშასადამე, ცნობიერებისა და მისი საპირისპირო არაცნობიერების ნიშანი მიეწერება არა ერთსა და იმავე მოვლენას, წარმოდგენა-შინაარსს, არამედ განსხვავებულ გარ-კვეთლობას: ცნობიერება მიეწერება წარმოდგენა-შინაარსს, ხოლო არაცნობიერება — წარმოდგენა-პროცესს.

ზ. ფროიდი ხაზგასმით აღნიშნავს, რომ ის ფსიქოანალიზური თეორიის სახით აგებს ფსიქიკის შესახებ ბუნებისმეტყველური ტი-პის მეცნიერებას. უფრო მეტიც, მისი აზრით, ფსიქოლოგია, რო-გორც მეცნიერება, შეიძლება იყოს მხოლოდ ბუნებისმეტყველური დისციპლინა. ბუნებისმეტყველური ტიპის მეცნიერებად, როგორც ხდება. ხოლმე, ფიზიკასა და ქიმიას მიიჩნევს და აღნიშნუ-ლი მეცნიერებების თეორიული წინამძღვრების გაცნობიერებების სა-ფუძველზე ცდილობს ფსიქიკის შესახებ მსგავსი მეცნიერების აგე-ბას. ბუნებისმეტყველების ამოცანად დასახულია, აღმოჩენილი იქ-ნეს უშუალოდ და პირდაპირ მოცემულ თვისებათა უკან დაფარული და საფუძველში მდებარე. ფსიქოანალიზი ამავე მიზანს ემსახურება იმით, რომ ცნობიერებაში დადასტურებული პროცესები და შინაარ-სები არ მიაჩნია ფსიქიკური სინამდვილის ამომწურავად. ცნობიერი ფსიქიკის უკან დგას და მას ასულდგმულებს არაცნობიერი ფსიქიკა, რომლის შემეცნება ზ. ფროიდის ე. წ. „ახალი ფსიქოლოგიის“ მი-ზანდასახულებია. ბუნებისმეტყველების მეთოდოლოგიური თვალ-საზრისი სინამდვილის მიმართ მკაცრი დეტერმინაციის პრინციპის

გატარებაა. ფსიქოანალიზმა ფსიქიკური სინამდვილე დაუმორჩილა ასევე შკაცრ მიზეზშედევგობრივ დამოკიდებულებას ფსიქიკის ცნობიერ და არაცნობიერ სფეროებს შორის.

როცა ზ. ფროიდის წინაშე დაისვა არაცნობიერი ფსიქიკის რაობის საკითხი, მან უარი განაცხადა, რაიმე პოზიტიური ეთქვა მის შესახებ, და ეს, მისი აზრით, ბუნებისმეტყველური მეცნიერების საერთო ტენდენციის გამო მოხდა. ფიზიკამაც არ იცის ელექტროობის არსი, მაგრამ ამის გამო ამ მეცნიერებაში ეს ცნება არ უკუიგდება. ფსიქოლოგიამაც მსგავსად უნდა გამოიყენოს არაცნობიერი ფსიქიკის ცნება, თუმცა მისი არსი ჩვენთვის უცნობია. ზ. ფროიდს, მართალია, სურს ბუნებისმეტყველების მეთოდოლოგიურ პრინციპებზე იდგეს, მაგრამ ფსიქიკის მიმართ კაუზალობის თვალსაზრისის გატარების დროს ამ უკანასკნელში ისეთ მომენტს გულისხმობს, რომელიც აუქმებს ბუნებისმეტყველურ მიდგომას ფსიქიკურისადმი. ეს საზრისის, მიზნობრიობის მომენტი. საზრისის, მიზნის ასპექტის ჩართვა ფსიქიკური სინამდვილის ფარგლებში ფსიქოანალიზს აყენებს ბუნებისმეტყველური დისციპლინის მიღმა. ფსიქოანალიზი გაგებითი. ფსიქოლოგიის სფეროში იჭრება.

ზ. ფროიდის მიერ ჰეტეროგენულადაა წარმოდგენილი მოვლენის წარმოშობა და მისი ახსნა. თუკი გაზიარებულია აზრი ტვინის მიერ ფსიქიკის წარმოშობისა, ბუნებრივია, ტვინი მიჩნეული იქნეს ფსიქიკის ამხსნელად. მართალია, ზ. ფროიდს შესაძლებლად მიაჩნია ფსიქიკის მატერიალური საფუძვლისა და მიზეზის ძიება, მაგრამ ამ გზას ის თვლის არაფსიქოლოგიურ საქმიანობად, ფსიქოლოგიური მეცნიერების ინტერესის მიღმა მდებარედ. იქმნება ასეთი ვითარება: ერთი და იგივე ფსიქიკური მოვლენა ორგვარ ახსნას ექვემდებარება; თუ იგი ახსნილი იქნა ისევე ფსიქიკურით, მაშინ ის ფსიქოლოგიის ობიექტია, ხოლო თუკი მას აუხსნით ფიზიოლოგიური მიზეზით, ის ფსიქოლოგიის ფარგლებს გარეთ რჩება. მაშასადამე, უპირატესობა ეძლევა არა საგნობრივ, არამედ მეთოდოლოგიურ მხარეს.

არაცნობიერი ფსიქიკის ცნების ანალიზის დროს მითითებული იყო ფსიქოანალიზური თეორიის ზოგიერთ წინააღმდეგობაზე და არათანამიმდევრობაზე ფუძემდებლური საკითხების გაგებაში, რაც, თავის მხრივ, გარკვეულ კვალიფიკაციას აძლევს აღნიშნულ თეორიას. ძირითადი გაურკვევლობა მაინც ისაა, რომ ზ. ფროიდი მერყევე პოზიციასზე დგას, როცა საკითხი ეხება არაცნობიერი ფსიქიკის დახასიათებას, მის გარკვეულობას. ავტორი ხან იცავს არაცნობიერი

ფსიქიკის იმანენტური რეალიზმის თეზისს, ის ობიექტურად არსებულად იგულისხმება, ხან კი ის პიპოთეზის სახითაა წარმოდგენილი და ახსნის საჭიროებისათვის დაშვებულის პრეტენზიას აცხადებს მხოლოდ.

ფსიქონალიზი უკიდურესი ფსიქოლოგისტური კონცეფციაა. ფსიქოლოგისტური თვალსაზრისი ნათლად ჩანს არა მარტო ადამიანის რაობის გაგებაში, არამედ საერთოდ ფროიდის მიერ ონტოლოგიური და გნოსეოლოგიური პრობლემების გადაჭრაში. თეზისი, რომ ფსიქონალიზმა სულიერი ცხოვრების გაგება ახალ ნიადაგზე დააყენა (არაცნობიერი ფსიქიკა შემეცნების ობიექტად აქცია და მასზე დაამყარა ცნობიერი ფსიქიკის ახსნითი საქმიანობა), რადიკალური მნიშვნელობის მქონეა არა მარტო ფსიქოლოგიური მეცნიერების ფარგლებში, არამედ ცოდნის ყველა სფეროსათვის, რამდენადაც პრინციპული პოზიციაა დაჭერილი ფსიქოლოგიურით გონისმეცნიერულის ახსნისა და დასაბუთებისა. აქედან გამომდინარე ფროიდისათვის მეცნიერებათა შემდეგი დაყოფაა მისაღები: „მკაცრად აღებული არსებობს მხოლოდ ორი მეცნიერება — ფსიქოლოგია (წმინდა გამოყენებითი) და ბუნებისმეტყველება“.

ფსიქონალიზმა ადამიანი ფსიქიკაზე დაიყვანა, პიროვნული ფენები (იგი, მე, ზე-მე) ფსიქიკად წარმოადგინა და მთელი ადამიანური მოღვაწეობა ფსიქიკის სფეროებს შორის არსებული ურთიერთობის პროდუქტად ჩათვალა. ზ. ფროიდის გაგებამ ადამიანისა, როგორც ლტოლვითი არსებისა („ჩვენი არსების გულს ქმნის ბნელი იგი“), წაშალა განსხვავება ადამიანსა და ცხოველს შორის. ფსიქონალიზს უნდოდა კაცობრიობისათვის გაეცნობიერებინა ადამიანში ლტოლვითი მხარის მნიშვნელობა, რაღვანაც ეს „სულიერი ფუძე“ მიჩქმალული აღმოჩნდა გონით სფეროში წარმატებებით. ფროიდი აღნიშნავდა: „კაცობრიობამ იცის, რომ მას გონი აქვს, მე უნდა მეჩვენებინა, რომ აგრეთვე ლტოლვებიც არსებობენ“. მაგრამ სინამდვილეში ფსიქონალიზს უფრო მეტი გამოუვიდა, ვიდრე მისი სიტყვიერი განცხადება. ლტოლვა გონის გვერდით ტოლფასოვანი შემეცნების საგანი კი არ გახდა, არამედ გონი დაყვანილი იქნა ლტოლვაზე. გონითი სამყარო მთელი თავისი შედეგებით გამოყვანილი იქნა ბრმა და სტიქიური სიცოცხლის ძალიდან. გონითი სინამდვილე მოგვევლინა ეპიფენომენად. არაცნობიერი ლტოლვა მოქიშპე გახდა ცნობიერებისა, მათ შორის ანტაგონიზმი დაშკვიდრდა. ადამიანი შბრძანებელი ირაციონალურს დაექვემდებარა. ადამიანი იქცა ფროიდის ხელში „ბუნებით არსებად“ (Naturwesen).

ამიტომ, რომ მ. შელერმა, ფროიდის ანთროპოლოგიური კონცეფციის მკაცრმა მსჯავრმდებელმა, ფროიდის კონცეფცია ადამიანის შესახებ მოათაესა ნატურალისტური თეორიების რიგში, სადაც ადამიანის გონითი სამყარო გაგებულია ლტოლვითი სინამდვილის განვითარების არა უზრალო გვიანდელ შედეგად, არამედ ისე, რომ ეს წარმოადგენს სუბლიმირებული ლიბიდოს ფორმას. მ. შელერი ნატურალისტური თეორიების საერთო შეცდომად თვლის გონის, როგორც ასეთის, თავდაპირველადობისა და დამოუკიდებლობის უგულებელყოფას. გონი არ მიიღება, არ გამოიყვანება არაგონითი-საგან (ლტოლვითი ძალისაგან).

ფსიქოანალიზში გადაჭრით პასუხი არაა გაცემული კითხვაზე, თუ რას უნდა ნიშნავდეს გონითი სამყაროს ნაქმობის გენეზისი, სახელდობრ, ლტოლვითი სუბლიმაცია მას წარმოქმნის (ე. ი. არ იყო და ჩნდება), თუ ის მხოლოდ ენერჯის, ძალას ახმარს მას, რომ მან პროლექტი მოგვეცეს (იყო, მაგრამ ენერჯიის გარეშე რაიმეს შექმნა არ შეეძლო)<sup>182</sup>.

ზ. ფროიდის კონცეფციის ანალიზის დროს ადვილად შესამჩნევია ფსიქოანალიზური თეორიის წინააღმდეგობები, არათანამიმდევრული პოზიცია ძირითადი პრობლემების განხილვა-გადაჭრის შემთხვევაში:

ცდილობს, დაასაბუთოს არაცნობიერი ფსიქიკის არსებობა და არაცნობიერი ფსიქიკის პოზიტიურ ნიშანზე არაფერს ამბობს, არაცნობიერს ფსიქიკურად თვლის და უარყოფს არაცნობიერის არსის ცოდნას;

იცავს ონტოლოგიური მონიშნის თეზისს, დგას მეთოდოლოგიური დუალიზმის თვალსაზრისზე;

არაცნობიერის ფსიქოლოგიურ პრობლემას ათავსებს ფილოსოფიური პრობლემატიკის სფეროში, მის ემპირიულ დასაბუთებაზე ზრუნავს;

---

<sup>182</sup> მაგ., ლ. ბინსვანგერი უკანასკნელ გაგებას ვეთავაზობს და ამას გამოთქვამს ლაიბნიცის ცნობილი ფორმულის ანალოგიურად: არაფერია ადამიანის კულტურაში, რაც არაა ადამიანის ბუნებაში, გარდა თვით ადამიანის კულტურისა. „თვითონ ადამიანის კულტურა“ წარმოადგენს ადამიანის ყოფიერების აპრიორული კულტურის ფორმებს. იხ. L. B i n s w a n g e r, *Ausgewählte Vorträge und Aufsätze*, Bd. I, *Zur phänomenologischen Anthropologie*, Bern, 1961, გვ. 163.

ფსიქოანალიზის შელერისეული კრიტიკა იხ. წიგნში M. S c h e l e r, *Wesen und Formen der Sympathie*, «Zu Freuds Ontogenie», Bonn, 1923; შეად. *Die Stellung des Menschen im Kosmos*, Bern-München, 1962, გვ. 82—84.



განზრახვა აქვს, ააგოს ფსიქიკის შესახებ ბუნებისმეტყველური ტიპის მეცნიერება, მიუთითებს ფსიქიკის ისეთ ნიშანზე (საზრისი), რომლითაც სხვა, გონისმეცნიერული ტიპის მეცნიერება საბუთდება.

სიღრმის ფსიქოლოგია უნდა ყოფილიყო ცნობიერების ფსიქოლოგიის შემავსებელი, მივიღეთ ცნობიერების ფსიქოლოგიის ექსპანსია, ცნობიერი ფსიქიკა მოგვევლინა არაცნობიერი ფსიქიკის ეპიფენომენად.

თეორიის შემუშავებისას გადაწყვეტი მნიშვნელობა უნდა მინიჭებოდა ფაქტიური ვითარების, ემპირიის გათვალისწინებას, მოხდა კი წინასწარ მიღებული თვალსაზრისით გამოცდილების გადაშეშავება და ა. შ.

ანალიზური ფსიქოლოგია (კარლ გუსტავ იუნგი 1875—1961)

§ 1. ანალიზური ფსიქოლოგიის ზოგადი დახასიათება. კარლ გუსტავ იუნგის მიერ შექმნილი ანალიზური ფსიქოლოგია კომპლექსური ფსიქოლოგიის სახელითაც არის ცნობილი<sup>1</sup>. იუნგი საკუთარი ფსიქოლოგიური კონცეფციის ორგინალობაზე მითითებას აღნიშნული ტერმინების გამოყენებაშიაც კვრეტს. მისი აზრით, ანალიზური ფსიქოლოგია განსაკუთრებული მიმართულებაა ფსიქოლოგიაში, რომელიც დაინტერესებულია რთული სულიერი ფენომენებით. ეს მიზანდასახულება განასხვავებს მას ფიზიოლოგიური ან ექსპერიმენტული ფსიქოლოგიისაგან, რომელიც მიისწრაფვის რთული ფენომენების შემადგენელ ელემენტებზე დაყვანისაკენ. ანალიზური ფსიქოლოგია არ სწავლობს ცალკეულ ფუნქციებს (შეგრძნებებს, ემოციებს, აზროვნების პროცესებს და ა. შ.) იზოლირებულად განსაზღვრულ ექსპერიმენტულ პირობებში, პირიქით, იგი ამოცანად ისახავს ფსიქიკის, როგორც ბუნებრივად არსებული მთლიანი მოვლენის, უმაღლესად კომპლექსური წარმონაქმნის წვდომას<sup>2</sup>. განსხვავებულია მუშაობის წესიც. ანალიზური ფსიქოლოგიის თვალსაზრისით მომუშავე მკვლევარს არა აქვს ლაბორატორია რთული აპარატურით. მისი ლაბორატორია მსოფლიოა, ექსპერიმენტი ყოველდღიური ადამიანური ცხოვრების ნამდვილი შემთხვევები, ცდისპირები — ყველა ადამიანი განურჩევლად, საკუთარი თავის ჩათვლით<sup>3</sup>.

<sup>1</sup> საკუთარი ფსიქოლოგიური კონცეფციის აღსანიშნავად იუნგი ანალიზური ფსიქოლოგიის ტერმინს იყენებს 1913 წლიდან, როცა ის გამოეყო ფსიქონალიზს. ტერმინი კომპლექსური ფსიქოლოგია მან უფრო გვიან იხმარა, მაგრამ სიტყვათხმარებაში ბოლოს მაინც დამკვიდრდა პირველი სახელწოდება.

<sup>2</sup> *Psychologie und Erziehung, Zürich, 1946, გვ. 51, შეად. Seelenprobleme der Gegenwart, Zürich, 1946, გვ. 305.* აღნიშნული წარმოადგენს იუნგის „ფსიქოლოგიური ნაშრომების“ მე-3 ტომს, რომელაც პირველად გამოიცა 1931 წელს.

<sup>3</sup> *Psychologie und Erziehung, გვ. 50.*

კ. იუნგის მითითებით, ტერმინი „ანალიზური“ გამოიყენება იმ ფაქტის აღსანიშნავად, რომ აღნიშნული ფსიქოლოგიური მიმართულება ზ. ფროიდის ფსიქოანალიზიდან აღმოცენდა.<sup>4</sup> ანალიზური ფსიქოლოგიის ცნება იმასაც გულისხმობს, რომ ისაა „რეაქცია ცნობიერების გადამეტებული რაციონალიზაციის წინააღმდეგ“<sup>5</sup>.

იუნგის ღრმა რწმენით, ანალიზური ფსიქოლოგია პრაქტიკული მეცნიერებაა იმ გაგებით, რომ მისი მიზანი არ ამოიწურება ფსიქიკის მთლიანობითი ბუნების მხოლოდ შემეცნების საფეხურით, იგი იმედროულად დამხმარე საშუალებაა საშედიცინო და პედაგოგიური საქმიანობისათვის. „აკადემიური“ მეცნიერების საპირისპიროდ ანალიზური ფსიქოლოგია გამოყენებითი მეცნიერების ფუნქციასაც ასრულებს<sup>6</sup>.

საერთოდ იუნგი თავისი ფსიქოლოგიური კონცეფციის საბოლოო მიზნად სახავს სიცოცხლის წვდომას, როგორცაა ის წარმოდგენილი ადამიანის სულის სახით<sup>7</sup>.

იუნგის ამოსავალი გნოსეოლოგიური დებულებაა: სულის მთლიანობა არ შეიძლება მხოლოდ ინტელექტით იქნეს შემეცნებულა<sup>8</sup>, რადგანაც სულში რაციონალურის გარდა ირაციონალური სინამდვილეცაა. ვინაიდან სული ირაციონალური მოცემულობაცაა, არ უნდა გაგვიკვირდეს, როცა ფსიქიკურ გამოცდილებაში წავაწყდებით პროცესებს და განცდებს, რომლებიც ჩვენს ინტელექტუალურ მოლოდინს არ შეესატყვისებინან. ჩვეულებრივ ეს პროცესები ჩვენი რაციონალურად განწყობილი ცნობიერებით უკუიგდებიან. ასეთი განწყობა ფსიქოლოგიური დაკვირვებისათვის მიუღებელია, იგი არამეცნიერულია. ბუნებას არ უნდა ვუკარნახოთ, თუ გვინდა დავაკვირდეთ მის შეურყვენელ მოქმედებას<sup>9</sup>. ფსიქიკა, როგორც ბუნებრივი გეშტალტი, სიცოცხლის მოვლენის კერძო შემთხვევაა და როგორც სიცოცხლე თავისთავად მცენარეთა და ცხოველთა გეშტალტით დღემიწას ავსებს, ასევე ქმნის ფსიქიკა უფრო დიდ სამყაროს, სახელდობრ ცნობიერებას, ან უკეთ, უნივერსუმის Ge-wußtheit-ს<sup>10</sup>. ირა-

<sup>4</sup> Seelenprobleme der Gegenwart, გვ. 350.

<sup>5</sup> ი ქ ე ე, გვ. 333.

<sup>6</sup> «Wir forschen nicht um der Forschung willen, sondern wegen der unmittelbaren Absicht, zu helfen», Psychologie und Erziehung, გვ. 53.

<sup>7</sup> ი ქ ე ე, გვ. 52.

<sup>8</sup> Ober die Psychologie des Unbewußten, Zürich, 1948, გვ. 212.

<sup>9</sup> Die Beziehungen zwischen dem Ich und dem Unbewußten, Zürich, 1938. იხ. წინასიტყვაობა მეორე გამოცემისათვის. ნაშრომი პირველად გამოიცა 1928 წელს.

<sup>10</sup> Psychologie und Erziehung, გვ. 47.

ციონალური არა მარტო არსებობს, არამედ მოქმედებაშიაც იჩენს თავს<sup>11</sup> და მას დიდი როლიც ენიჭება<sup>12</sup>. იუნგი იმ ფსიქიკურ სინამდვილეს, რის შემეცნებასაც უახლოეს მიზნად სახავს, ყამირს უწოდებს (ესაა კოლექტიური არაცნობიერის სფერო), რომლისთვისაც უნდა შეიქმნას ენა<sup>13</sup>.

იუნგი კომიკურად თვლის კრიტიკოსების საყვედურს, რომელნიც მის ნააზრევში ხედავენ ცოცხალი სულის ინტელექტუალური ცნებებით შეცვლას<sup>14</sup>. მისი აზრით, არავის შეუძლია წვდვას საგნებს ნამდვილად, თუკი თვითონ არ განიცადა ისინი. ამიტომ უფრო მნავნელოვანია ამგვარი გამოცდილების გზებისა და შესაძლებლობების ჩვენება, ვიდრე ინტელექტუალური ფორმულების წამოყენება, რომლებიც გამოცდილების სინაკლულის გამო ცარიელ სიტყვებად რჩება. იუნგის მიხედვით, ახალი ცნებების გამოყენება მაშინაცაა გამართლებული, როცა ისინი ემპირიული მასალის წინასწარ მომწესრიგებლის როლში გამოდიან<sup>15</sup>. ანალიზური ფსიქოლოგიის ცნებების გაგებისათვის აუცილებელ პირობას წარმოადგენს შკითხველის სუბიექტური შესაძლებლობანიც, სახელდობრ ცოცხალი ფანტაზიის უნარი, რითაც ხორციელდება ფსიქიკოს იმ ვითარების წარმოსახვა, რაც სიტყვა-ცნებამ უნდა აღძრას მასში. როგორც ზოგიერთი მკვლევარი მიუთითებს, იუნგის ნააზრევის გაგებას აძნელებს არა მხოლოდ იუნგის აზროვნების ტიპი, არამედ ის გარემოებაც, რომ შკითხველიც ამ კონცეფციას, და საერთოდ, სიღრმის ფსიქოლოგიურ ნააზრევს უდგება წინასწარ შემუშავებული საწინააღმდეგო განწყობით<sup>16</sup>.

იუნგი ანალიზურ ფსიქოლოგიას უწოდებს ახალი სახის ბუნებისმეტყველურ ფსიქოლოგიას, რომელიც ეფუძნება პირველ რიგში

<sup>11</sup> Ober die Psychologie des Unbewußten, გვ. 169—170.

<sup>12</sup> Symbole der Wandlung, 1952, გვ. 15.

<sup>13</sup> Seelenprobleme der Gegenwart, გვ. 139.

<sup>14</sup> Von den Wurzeln des Bewußtseins, Zürich, 1954, გვ. 463.

<sup>15</sup> როგორც იუნგი აღნიშნავს, თვითონ მას არ აქვს მიღრეკილება «...eine spekulative Begriffswelt aufzubauen, die doch nur zur öden Haarspalterei sogenannter philosophischer Diskussion führt... wenn solche Begriffe dazu dienen ein empirisches Material vorläufig zu ordnen, so haben sie ihren Zweck erfüllt», *Mysterium conjunctionis*, I. Zürich, 1955, გვ. 117. ესაა «ფსიქოლოგიური ნაშრომების» მე-10 ტომი.

<sup>16</sup> იხ. მაგ. Jolande Jacobi, Versuch einer Abgrenzung der wichtigsten Konzeptionen C. G. Jungs von denen S. Freuds, *Psyche*, 1955, H, 5. გვ. 264.

უშუალო გამოცდილებას ადამიანებში. ფსიქოლოგიას ბუნებისმეტყველებასთან აკავშირებს დაკვირვების მეთოდი და ემპირიული ფაქტობრიობის დადგენის მიზანი. სინამდვილის ახალ სფეროში, კოლექტიური არაცნობიერის სინამდვილეში შექრას იუნგი პიონერულ ნაბიჯად მიიჩნევს. მიუხედავად ამ სფეროში რამდენიმე ათეული წლის მუშაობისა, ავტორის მიხედვით, ჯერ კიდევ არ დამდგარა დრო ზოგადი თეორიის წარმოდგენისა, რაც მოიცავდა და გაითვალისწინებდა ფსიქიკურის ყველა ფენომენს<sup>17</sup>. ამიტომ იგი საკუთარ შეხედულებებს თვლის ერთგვარ ცდად და წინადადებად ახალი ბუნებისმეტყველური ფსიქოლოგიის შექმნისათვის<sup>18</sup>. იუნგი ძირითად მიზნად ისახავს ფაქტების კვლევას. ფაქტის აღმოჩენა ყოველგვარი თეორიის შექმნაზე მაღლა დგას<sup>19</sup>. ფსიქიკურის სფეროში თეორია, მართალია, დამანგრეველია, მაგრამ, მეორე მხრივ, თეორიის გარეშე ემპირიული კვლევა მაინც ვერ მიიღწევა, გარკვეული თეორიული თვალსაზრისის საჭიროა მისი მათორიენტირებელი და ევრისტული ღირებულების გამო.

კოლექტიური არაცნობიერის სინამდვილე მოითხოვს ახსნის მხრივ განსაკუთრებულ თვალსაზრისს. საერთოდ ფსიქიკური ორი თვალსაზრისის გამოყენებას გულისხმობს, ორი მხრიდან მიდგომა საჭიროებს: რამდენადაც ფსიქიკა უკვე განხორციელებული ფაქტია, ის ექვემდებარება კაუზალური განხილვის წესს, ხოლო, რამდენადაც იგი ქმნადი მოვლენაა, კონსტრუქციული თვალსაზრისით მიდგომას საჭიროებს. ფსიქიკა მიზანსწრაფვადია, მასშია შემოქმედებითობა. ამ კუთხით მისი გაგება ბუნებისმეტყველური ცნებების ჩარჩოებში ვერ ეტევა, ამიტომ ამ შემთხვევაში მომარჯვებელი უნდა იქნას გონისმეცნიერული თვალსაზრისი<sup>20</sup>. ამდენად შეიძლება იყოს ანალიზური

<sup>17</sup> Psychologie und Erziehung, გვ. 132—133.

<sup>18</sup> «Ich brachte meine Ansichten als Vorschläge und Versuche zur Formulierung einer neuartigen naturwissenschaftlichen Psychologie, welche sich in erster Linie auf die unmittelbare Erfahrung am Menschen gründet», J. Jacobi, «Die Psychologie von C. G. Jung», Zürich, 1959, გვ. XIX.

შეად. F. F o r d h a m, Eine Einführung in die Psychologie C. G. Jungs, Zürich-Stuttgart, 1959, წინასიტყვაობა.

<sup>19</sup> Die Beziehungen zwischen dem Ich und dem Unbewußten, 1954, გვ. 158.

<sup>20</sup> Der Inhalt der Psychose, 1914, გვ. 32. იუნგმა თავისი კონსტრუქციული მეთოდი დაუპირისპირა ფროიდის რედუქციულ მეთოდს, მაგრამ ამასთანავე მიუთითა, რომ ისინი ერთმანეთს ავსებენ. ამიტომ დასძენს ე. კოხპაიშერი: «Für die Lehre Jungs ist also charakteristisch, daß sie ein sowohl-als auch darstellt», Psyche, 1958, H. 10, გვ. 566.

ფსიქოლოგია პრეტენზიის განმაცხადებელი გაგებითი ფსიქოლოგიის უფლებაზე.

იუნგის რწმენით, დასაწყისში ფსიქოლოგია იყო ან ფიზიოლოგიური ფსიქოლოგია, ანდა საკმაოდ არაორგანული თავმოყრა გამოკვლევებისა ფსიქიკის იზოლირებულ ფაქტებსა და ფუნქციებზე. ამიტომ ზ. ფროიდის ჰიპოთეზი, თუმცა ცალმხრივი, მაინც იყო განმათავისუფლებელი ბიძგი სულიერი კავშირების ფსიქოლოგიისათვის. არ შეიძლება უარიყოს სექსუალური მომენტი ადამიანის ცხოვრებაში. იუნგი მას უწოდებს „ლტოლვათა წარმომადგენელს“, „უძლიერესს და ყველაზე უშუალო ლტოლვას“. მაგრამ გაუმართლებელი იქნებოდა დაშვება, რომ ყველაფერი მასზეა დამოკიდებული ან მასზე დაყვანება<sup>21</sup>. ფროიდის მოღვაწეობა, იუნგის მიხედვით, არის ადამიანის სულში სექსუალური ინსტინქტის დატოტვის გათვალისწინების ფსიქოლოგია.

იუნგისათვის მნიშვნელოვანია ის ფაქტი, რომ ფროიდის მოწაფემ აღფრედ აღლერმა წამოაყენა სხვა ჰიპოთეზი, რომელიც პრინციპულად უგულვებელყოფს ფროიდის თვალსაზრისს, თუმცა იმავე ცალმხრივობის მსხვერპლი ხდება, როცა თვითშენახვის ინსტინქტის ყველაფერზე მალა აყენებს და ყველაფერს მისით გასაგებად გულისხმობს<sup>22</sup>. იუნგის აზრით, ფროიდისა და აღლერის შეცდომა ისაა, რომ თავიანთი მხრით, ისინი ერთი ინსტინქტის უწყვეტ მოქმედებას უშვებენ, თითქოს ის იყოს ქიმიური ელემენტი, რომელიც მუდამ არსებობს ერთნაირი რაოდენობით ისევე, როგორც წყალბადის ორი ატომი წყალში<sup>23</sup>. გამოცდილება კი ინსტინქტების ინტენსივობათა მონაცვლეობაზე მიუთითებს. ერთხელ რომ სექსუალური ინსტინქტი ბატონობს, მეორეჯერ სხვა იკავებს მის ადგილს და ა. შ. ადვილად შეიძლება ფროიდისა და აღლერის შეხედულებათა ერთრიგში მოთავსება, რადგანაც ისინი სულს განიხილავენ როგორც გაქვავებულსა და უცვლელ სისტემას<sup>24</sup>. წინააღმდეგ ამგვარი გაგებისა, იუნგი სულს თვლის მოძრავ და მიმდინარე პროცესად, რომე-

<sup>21</sup> Psychologie der Übertragung, 1946, გვ. 16.

<sup>22</sup> Psychologie und Erziehung, გვ. 32—33.

<sup>23</sup> იქვე, გვ. 34.

<sup>24</sup> ფროიდი ფსიქოანალიზის დამსახურებად თვლის დინამიზმის პრინციპის გატარებას. იუნგის საყვედური ეხება არა დინამიზმის პრინციპს საერთოდ, არამედ იმას, რომ ეს დინამიზმი ერთი მოვლენის (სექსუალობის) ფარგლებში ხდება, თვითერთპოლუსიანია, რასაც იუნგი უპირისპირებს დინამიზმის მრავალპოლუსიანობას. იქვე, გვ. 33.

ლიც სხვადასხვა ინსტიქტების რიგრიგობითი მონაცვლეობის წყალობით კალეიდოსკოპურად იცვლება<sup>25</sup>.

ის, რაზეც მოხდა პრინციპული განხეთქილება ფროიდსა და იუნგს შორის, დაკავშირებულია „ლიბიდოს“ ცნების გაგებასთან<sup>26</sup>. იუნგისათვის ცნება-ლიბიდო არის „ენერგეტიკული განხილვის წესი“, შემოკლებულად გამოთქმული.

იუნგმა ტერმინი „ფსიქიკური ენერგია“ იხმარა შრომაში „შიზოფრენიის ფსიქოლოგია“ (1907). მისი აზრით, ის, რაც ადამიანში მოქმედებს, მეტია ვიდრე მხოლოდ ეროტული ინტერესი. თუკი შიზოფრენიის დროს ზურგის შექცევა გარე სამყაროსადმი გაიგება, როგორც ეროტული მოქმედება, მაშინ სექსუალობის ცნება დიდი მოცულობისა ხდება, რაც დამახასიათებელია სწორედ ამ ცნების ფროიდისეული გაგებისათვის. ასეთ შემთხვევაში ყოველგვარი დამოკიდებულება გარე სამყაროსადმი უნდა აიხსნას სექსუალური მიმართებით, რითაც ცნება სექსუალობას ეკარგება საკუთარი შინა-არსი<sup>27</sup>. იუნგის მითითებით, ენერგეტიკული თვალსაზრისის გატარება ანალიზურ ფსიქოლოგიაში ნიშნავს ფსიქიკური ენერგიის განთავისუფლებას ვიწრო განსაზღვრებისაგან. ყოველგვარი ფსიქიკური აქტივობისათვის დამახასიათებელია დროებითი დეპოტენცირება სხვის სასარგებლოდ. თუკი დავუშვებდით, რომ სექსუალობა ყოველთვის ის, რაც საფუძვლად ედება დეპოტენცირებას, ასეთ გაგებას შეესატყვისებოდა ფიზიკისა და ქიმიისათვის ერთ დროს არამართებულად გამოყენებული ე. წ. „ფლოგისტონის თეორია“<sup>28</sup>.

<sup>25</sup> ი კ ე ე, გვ. 34—35.

<sup>26</sup> განხეთქილება ფროიდსა და იუნგს შორის მოხდა 1912 წელს, ერთად თანამშრომლობის 5 წლის შედეგად. როცა გამოქვეყნდა იუნგის ნაშრომი «Wandlungen und Symbole der Libido», ამ ნაშრომის №-4 გამოცემის 1952 წ. ეწოდა «Symbole der Wandlung». 1913 წელს ფსიქოანალიტიკოსების მიუნხენის კონგრესზე ფროიდმა იუნგის მოძღვრება გამოაცხადა ფსიქოანალიზის არაკანონიერ ვაგარძელებად და ის დაახასიათა, როგორც წინააღმდეგობრივი, მერყევი, გაუგებარი და ა. შ. იხ. ფროიდის „ფსიქოანალიზური მოძრაობის ისტორია“. S. Freud, Gesammelte Werke, X, გვ. 105, 108 და შემდ.

ამ საკითხთან დაკავშირებით იუნგი შემდეგნაირად განმარტავს თავის პოზიციას: „მაშინ, როცა მე მუდამ ველიერბდი მისი (ფროიდის—გ. კ.) დასკვნების კემპარტებას, რამდენადაც ისინი შეეხებოდნენ ფაქტებს, არ ვფარავდი ექვს მისი თეორიული თვალსაზრისის საჩუქუნობაში. მისი სავალალო დოგმატიზმი ძირითადი საფუძველი იყო, რის გამოც ჩემი გზა მისგან უნდა გამომეყო. მეცნეირული სინდისი ნებას არ მაძლევდა ჩემი ხელშეწყობა მოხმარებოდა დარწმუნებას, რომელიც გამოცდილების ცალმხრივი ინტერპრეტაციით ქმნიდა დოგმას“. Psychol. u. Erziehung, გვ. 9.

<sup>27</sup> Symbole der Wandlung, გვ. 22.

<sup>28</sup> ი კ ე ე, გვ. 228.

იუნგმა ლიბიდოს ცნების გარკვევას მიუძღვნა სპეციალური ნაშრომი „სულის ენერგეტიკა“<sup>29</sup>, რაც მიზნად ისახავდა იმ გაუგებრობის თავიდან აცილებას, რომელიც გამოიწვია ამ ცნების ახალმა მნიშვნელობამ. ანალიზური ფსიქოლოგიის ლიბიდოს ცნება არ უარყოფს ადამიანში სექსუალური დინამიზმის არსებობას, მაგრამ ის აღარაა სექსუალური ენერჯის აღმნიშვნელი<sup>30</sup>.

იუნგის მიხედვით, ფიზიკური ფაქტი შეიძლება განხილულ იქნეს ორი თვალსაზრისით: მექანიკური და ენერგეტიკული. მექანიკური თვალსაზრისი წმინდა კაუზალურია, ის ფიზიკურ ფაქტში ხედავს შედეგს, რომელსაც მიღებულია მიზეზისაგან ისე, რომ უცვლელი სუბსტანციები მტკიცე კანონების მიხედვით ერთმანეთისადმი მიმართებას იცვლიან.

აღნიშნულის საპირისპიროდ ენერგეტიკული თვალსაზრისი არსებითად მიზნობრივია (ფინალურია). იგი ფაქტს განიხილავს შედეგადან მიზეზისაკენ იმგვარად, რომ ენერჯიას ათავსებს მოვლენათა ცვლილების საფუძველში: თვითონ ენერჯია ამ ცვლილებაში კონსტანტური რჩება. ენერგეტიკული ცნების საფუძველია არა თვითონ სუბსტანციები, არამედ მათი მიმართებანი, მექანიკური ცნების საფუძველი კი სივრცეში მოძრავი სუბსტანციებია<sup>31</sup>.

ფიზიკური მოვლენის წვდომისათვის აუცილებელია ორივე თვალსაზრისის გამოყენება. ეს იმიტომ, რომ გამოცდილებაში გვეძლევიან არა მარტო მოძრავი სუბსტანციები, არამედ მოძრაობათა მიმართებებიც. იუნგისათვის კაუზალური და ფინალური პრინციპები განხილვის ორი სხვადასხვა წესია. აღნიშნული პრინციპები აზროვნების აპრიორული პირობებია და მათი საშუალებით დადგენილის ჰიპოსტაზირება დაუშვებელია<sup>32</sup>. ყოველი მოვლენა ექვემდებარება

<sup>29</sup> «Über die Energetik der Seele» პირველად ინგლისურად გამოქვეყნდა. იგი გერმანულად ითარგმნა და გამოიცა ფსიქოლოგიური ნაშრომების მე-2 ტომში, 1928 წ., რომელსაც საერთო სათაურად ეწოდა: «Über psychische Energetik und das Wesen der Träume».

<sup>30</sup> «Mit dem Wort «Libido» verbinde ich... keine sexuelle Definition, womit aber das Vorhandensein einer sexuellen Dynamik ebensowenig geleugnet ist, so wenig wie irgend einer andern Dynamik, wie z. B. der des Hungertriebes u. a. o ქ ვ ე. 51.»

<sup>31</sup> Über psychische Energetik..., გვ. 10.

<sup>32</sup> «Wir müssen uns stets von Augen halten, daß auch trotz schönster Übereinstimmung der Tatsachen mit unserer Anschauung Erklärungsprinzipien eben nur Betrachtungsweisen, d. h. Phänomene der psychologischen Einstellung und der a prioristischen Bedingungen des Denkens überhaupt sind». o ქ ვ ე, გვ. 13.



რება როგორც მექანიკურ-კაუზალურ, ასევე ენერგეტიკულ-ფინალურ თვალსაზრისს. მხოლოდ შედეგის შესაძლებლობაა გადამწყვეტი, რომელ თვალსაზრისს მიენიჭება გამოყენების უპირატესობა. როცა წინა პლანზეა წამოწეული მოვლენის კვალიტეტური (რონელობითი) მხარე, მაშინ ენერგეტიკული თვალსაზრისი ნაკლებად გამოსადევია; ენერგეტიკული თვალსაზრისი ეხება სუბსტანციების მოძრაობათა მხოლოდ რაოდენობრივ (კვანტიტეტურ) მიმართებებს<sup>33</sup>.

კაუზალურ-მექანიკური თვალსაზრისი a, b, c, d, მოვლენათა რიგს შემდეგნაირად განიხილავს: a იწვევს b-ს, b იწვევს c-ს და ა. შ. აქ შედეგის ცნება კვალიტეტის მიმართების აღნიშვნაა. მიზნობრივ-ენერგეტიკული თვალსაზრისი მოვლენათა რიგს განიხილავს, როგორც ენერგიის გარდაქმნის საშუალებებს, სადაც ენერგია a-დან მიედინება b, c, d, მდგომარეობისაკენ ენტროპიულად. გამოცდილების მასალა ორივე შემთხვევაში ერთი და იგივე a, b, c, d რიგია. განსხვავება იმაშია, რომ მექანიკურ თვალსაზრისს დინამიზმი გამოკყავს მიზეზის მოქმედებიდან. ენერგეტიკული თვალსაზრისის მიხედვით კი, მოვლენათა რიგი გარდაქმნილ შედეგთა ეკვივალენტებია. აღნიშნული თვალსაზრისები a, b, c, d მოვლენათა რიგს განიხილავენ ერთ შემთხვევაში, როგორც კვალიტეტთა თანამიმდევრობას (მექანიკური თვალსაზრისით), მეორე შემთხვევაში, როგორც კვანტიტეტთა თანამიმდევრობას (ფინალისტური თვალსაზრისი). კაუზალური თვალსაზრისი გამოცდილების მასალიდან დინამიურის ცნების აბსტრაქციას ახდენს, ფინალური თვალსაზრისი კი ენერგიის ცნებას გამოიყენებს მოცემულობის მიმართ. მიუხედავად აღნიშნული თვალსაზრისების შემეცნებითი სხვაობისა, ზშირად ხდება მათი აღრევა ძალის ცნების გამოყენებაში. ამიტომაცაა, რომ მექანიკის მსჯელობაში ზოგჯერ ვხვდებით უმართებულო ტერმინს-„ფსიქიკური ენერგია“ და ენერგეტიკოსის მსჯელობაში კი — „ფსიქიკურ ძალას“. ზემომოყვანილი მსჯელობიდან საერთოდ ევიდენტურად გამომდინარეობს, რომ ერთი და იგივე პროცესი სხვადასხვა თვალსაზრისების შუქზე განსხვავებულად გამოიყურება.

იუნგი მიუთითებს დავაზე, რომელიც არსებობს საკითხის გარშემო, ექვემდებარებიან თუ არა ფსიქიკური მოვლენები ენერგეტიკულ თვალსაზრისს. აპრიორულად არ არსებობს საფუძველი, უარი-

<sup>33</sup> ი. ქ. ვ. ვ. გვ. 13—14.

ყოს ფსიქიკური სინამდვილისადმი ენერგეტიკული თვალსაზრისის გამოყენება. იუნგი ეთანხმება ნ. გროტის მოსაზრებას, რომელმაც პირველმა მიუთითა მეცნიერების ინტერესებოსათვის ფსიქიკური ენერგეტიკის საჭიროებაზე, რომ ფსიქიკური ენერგიის ცნება ისევე უფლებამოსილია მეცნიერებაში, როგორც ფიზიკური ენერგიის ცნება და რომ ფსიქიკური ენერგია ფლობს ისეთივე რაოდენობრივ საზომს და განსხვავებულ ფორმებს, როგორსაც ფიზიკური<sup>34</sup>. იუნგს, მისი განცხადებით, სავსებით აკმაყოფილებს ლ. ბუსეს თვალსაზრისი იმ ფილოსოფიურ საკითხში, რომელიც ეხება ფიზიკურ და ფსიქიკურ ენერგიათა ურთიერთმიმართებას<sup>35</sup>. იუნგი ეთანხმება ო. კიულ-ჰესაც, რომ ენერგიის შენახვის კანონი არ ირღვევა იმის მიუხედავად, ვალიარებთ თუ არა მატერიალურ პროცესებში სულიერი ენერგიის ჩართვას<sup>36</sup>.

ფსიქოფიზიკური პრობლემის გადაწყვეტას იუნგი მომავლის საქმედ სახავს. ფსიქოლოგია ვერ დაუცდის ამ დროს, მან ფსიქიკა უნდა განიხილოს როგორც რეალურად დახშული სისტემა. უნდა დაიმსხვრეს ფსიქიკის დახასიათებისათვის გამოყენებული ეპიფენომენოლოგიური თვალსაზრისი, როგორც მატერიალისტური მსოფლმხედველობის მემკვიდრეობა. კაუზალური ურთიერთმიმართება ფსიქიკურ მოვლენებს შორის, რომელსაც ყოველ მომენტში შეგვიძლია დავაკვირდეთ, ეწინააღმდეგება ეპიფენომენოლოგიურ შეხედულებას. ამ უკანასკნელს ფატალური მსგავსება აქვს მატერიალისტურ შეხედულებასთან, რომელიც უშვებს ფსიქიკის იმგვარ გამოყოფას ტვინიდან, როგორც ნაღველისა ლეიქლიდან. ფსიქოლოგია, რომელიც ფსიქიკურს განიხილავს ეპიფენომენის მსგავსად, უკეთ მოიქცევა, თუ თავის თავს უწოდებს ტვინის ფიზიოლოგიას. ფსიქიკური თავისთავადი ფენომენია, არ არსებობს საფუძველი, ის გამოცხადებულ იქნეს ეპიფენომენად იმის გამო, რომ იგი დაკავშირებულია ტვინთან, ასევე, სიცოცხლეს არაა ეპიფენომენი ქიმიური პროცესებისა, თუმ-

<sup>34</sup> იუნგს ნიკოლოზ გროტის აღნიშნული თვალსაზრისი მოჰყავს გერმანულ ენაზე გამოქვეყნებული შრომიდან, რომელიც მოთავსებულია ჟურნალში: „Archiv für systematische Philosophie“ 1898, IV, გვ. 290. იგივე აზრი ნ. გროტმა ადრე გამოთქვა სტატიაში «Понятие души и психической энергии в психологии», «Вопросы философии и психологии», т. 37—38, 1897.

<sup>35</sup> L. B u s s e, Geist und Körper, Seele und Leib, Leipzig, 1903.

<sup>36</sup> O. K ü l p e, Einleitung in die Philosophie, Leipzig, 1907.

ცა ამასთანაა დაკავშირებული<sup>37</sup>. ფსიქიკის განხილვა რელატიურად დახშული სისტემის სახით გამართლებულია პროვიზორულად.

ფიზიკური ენერჯიის ზუსტი რაოდენობრივი განსაზღვრა შესაძლებელს ზდის, დასაბუთდეს ენერგეტიკული თვალსაზრისის გამოყენება ფიზიკურისადმი. იმ შემთხვევაშიც იქნებოდა შესაძლებელი ფიზიკურის ენერგეტიკული კუთხით განხილვა, თუ რაოდენობრივი შეფარდება მკაცრ სიზუსტეს იქნებოდა მოკლებული. ზოლო სადაც შეფარდება საერთოდ გამორიცხულია, იქ არც აღნიშნული თვალსაზრისის გატარებაზე შეიძლება ლაპარაკი.

ფსიქოლოგიაში ენერგეტიკული თვალსაზრისის გამოყენება ეფუძნება ფსიქიკური ენერჯიის რაოდენობრივი შეფარდების შესაძლებლობას. ფსიქიკაში არის ფსიქოლოგიურ ღირებულებათა სისტემა. ღირებულებანი არიან ენერგეტიკული რაოდენობრივი შეფარდებანი<sup>38</sup>.

ფაქტიურად შესაძლებელია, ფსიქოლოგიური შინაარსების სუბიექტური ღირებულებები შეფასდეს გარკვეულ ხარისხამდე, თუმცა ძნელია მათი ობიექტურად სწორი, ე. ი. საერთოდ დადგენილ ღირებულებათა შესატყვისად შეფასება. ასევე შეგვიძლია სუბიექტური შეფასებები ერთმანეთს შევუდაროთ და მათი რელატიური ხარისხი განვსაზღვროთ (ტოლ კვალიტეტთა შორის არატოლ ღირებულებათა შეცნობა). ძნელია განსხვავებული კვალიტეტების ღირებულებების ინტენსივობათა შედარება, მაგ., მეცნიერული აზრისა ემოციურ შთაბეჭდილებასთან. აქ სუბიექტური შეფასება არასაიმედოა. სუბიექტური შეფასება შემოიფარგლება ცნობიერების შინაარსით. იგი უვარგისა ცნობიერების ფარგლებს გარეთ მდებარე ღირებულებათა მიმართ, ამიტომ საჭიროა ისეთი ობიექტური დასაყრდენი, რომელიც შესაძლებელს გახდის არაპირდაპირ ობიექტურ შეფასებას<sup>39</sup>.

არსებობენ ფსიქიკური ელემენტების დაჯგუფებები ემოციური შინაარსების გარშემო, რომელთაც კომპლექსები ეწოდებათ. კომპლექსი, ანუ ემოციური შინაარსი (gefühlbetonter Inhalt) შედგება გულისაგან (Kernelement) და დიდი რაოდენობის მეორეულად კონსტელირებული ასოციაციებისაგან. თვითონ გული ორი კომპონენტისაგან შედგება: განცდისაგან, რომელიც კაუზალურადაა დაკავ-

<sup>37</sup> Über psychische Energetik, გვ. 16.

<sup>38</sup> ი ქ ვ ე, გვ. 16—18.

<sup>39</sup> ი ქ ვ ე, გვ. 18, 20.

შირებული გარემოსთან და დისპოზიციური ბუნების ინდივიდუალური ხასიათის შინაგანი მომენტისაგან.

კომპლექსის გული ხასიათდება ე. წ. გრძნობითი ტონით, ანუ აფექტური მახვილით. ენერგეტიკულად გამოსახული ეს აფექტური მახვილი არის ღირებულების რაოდენობა. რაოდენობა შეიძლება, რამდენადაც გული-ელემენტი ცნობიერია, სუბიექტურად რელატიურად შეფასდეს. თუ გული-ელემენტი არაცნობიერია, რაც ხშირი შემთხვევაა, მაშინ ფსიქოლოგიური შეფასება ნობხსნილია. აქ არაპირდაპირი შეფასების მეთოდი უნდა შემოვიტანოთ. აღნიშნულის განხორციელება ემყარება შემდეგ ვითარებას: გული-ელემენტი ავტომატურად ქმნის აფექტურ კომპლექსს, რაც ფლობს ენერგეტიკულ ღირებულებას. გულ-ელემენტს, შესატყვისად მისი ენერგეტიკული ღირებულებისა, აქვს მაკონსტელირებელი ძალა. მისგან მიიღება ფსიქიკური შინაარსების სპეციფიკური კონსტელაცია. აქედან წარმოსდგება კომპლექსი, რომელიც არის ენერგეტიკული ღირებულების საშუალებით დინამიკურად განპირობებული ფსიქიკური შინაარსების კონსტელაცია. მიღებული კონსტელაცია აგზნების წმინდა ირადიაცია კი არაა, არამედ წარმოადგენს გული-ელემენტის კვალიტეტით გამოწვეული ფსიქიკური შინაარსების არჩევანს. ფსიქოლოგიურ ღირებულებათა ინტენსივობების ობიექტური შეფასება ემყარება კანონს: გული-ელემენტის მაკონსტელირებელი ძალა შესატყვისება მისსავე ღირებულების სიდიდეს, ანუ მის ენერგიას. საშუალებები, რომლებითაც შესაძლებელი ხდება მაკონსტელირებელი ძალის ენერგეტიკული ღირებულების დადგენა, შემდეგია: 1. კონსტელაციების შეფარდებითი რიცხვი, 2. შეცდომის, ანუ კომპლექსის ნიშნის შეფარდებითი სისშირე და ინტენსივობა, 3. თანშსლები აფექტური მოვლენების ინტენსივობა<sup>40</sup>.

თ. ლიპსს ვუმადლით, იუნგის მიხედვით, ცნებების გათიშვას: ფსიქიკური ენერგია და ფსიქიკური ძალა.ქეს გათიშვა აუცილებელია, რადგანაც ენერგია ცნებაა, რომელიც მოვლენებში თავისთავად ობიექტურად არ არსებობს, მაგრამ მოაზრებულა როგორც სპეციფიკური გამოცდილების საფუძველში მყოფი. გამოცდილებაში ენერგია „გვეძლევა“ მოძრაობისა და ძალის სახით აქტუალობისას, ხოლო მდგომარეობის სახით პოტენციურად. აქტუალური ფსიქიკური ენერგია „გვევლინება“ სპეციფიკურ დინამიკურ სულიერ ფენომენებში, როგორცაა: ლტოლვა, სურვილი, ნდომა, აფექტი, ყურად-

<sup>40</sup> ოქვ. გვ. 23—26.

ლება, მუშაობა და ა. შ., რომლებიც სწორედ რომ ფსიქიკური ძალებია. პოტენციური ფსიქიკური ენერგია „მანიფესტირდება“ როგორც სპეციფიკური მინალწვეარი (Errungenschaft), შესაძლებლობა, მზაობა, განწყობა და ა. შ.<sup>41</sup>

იუნგი არ ეთანხმება ლიპსის მოსაზრებას, რომ არსებობენ განსაკუთრებული ენერგიები: სიამოვნების, შეგრძნების, კონტრასტის და ა. შ., რადგანაც, მისი აზრით, ენერგიის სპეციფიკაცია სწორედ რომ ძალა და მდგომარეობაა. ენერგია რაოდენობრივი ცნებაა, რომელიც მოიცავს ძალებსა და მდგომარეობებს.

იუნგის აზრით, რადგანაც ჯერ კიდევ არ შეგვიძლია ვაჩვენოთ ფიზიკურსა და ფსიქიკურ ენერგიებს შორის ეკვივალენტური მიმართება, გვრჩება ორი გზა: ან ავიღოთ ხელი ენერგეტიკულ თვალსაზრისზე საერთოდ, ან დაეუშვათ განსაკუთრებული ფსიქიკური ენერგიის არსებობა, რომელიც, როგორც ჰიპოთეზური ოპერაცია, სავსებით შესაძლებელია. ფსიქოლოგიას, ისევე როგორც ფიზიკას, უფლება აქვს საკუთარი ცნებების შემუშავებისა, მით უფრო, რომ მისთვის ენერგეტიკული თვალსაზრისი სასარგებლოა. თანაც ფსიქიკურში დასტურდება რაოდენობრივი მიმართებები რომელობითის გვერდით<sup>42</sup>.

ფსიქიკა რომ შედგებოდეს მხოლოდ ცნობიერების მოვლენებისაგან, მაშინ საკმარისი იქნებოდა „ფსიქიკური ენერგიის“ დაშვება. მაგრამ რამდენადაც დააწმუნებული ვართ, რომ ფსიქიკას და არა მხოლოდ ტვინის ფიზიოლოგიას, ეკუთვნის აგრეთვე არაცნობიერი პროცესები, საჭირო ხდება ენერგიის ცნებას ფართო საფუძველს მოეძებნოს. ფსიქიკა იქ კი არ წყდება, სადაც ცნობიერების სინათლის სკალაზე სიბნელე იწყება, არამედ გრძელდება შორს სრულ არაცნობიერში. არაცნობიერის ფუნქციები ბოლოს და ბოლოს გადადიან სუბსტრატის პროცესებში, რომელთაც არ მიეწერება არავითარი ფსიქიკური კვალიტეტი<sup>43</sup>.

ფსიქიკური ენერგიის აღიარებით დგება საკითხი ფსიქიკურის ბიოლოგიურისაგან გათიშვისა. ბიოლოგიურშიაც, ფსიქიკურის მსგავსად, აუცილებელი ხდება ენერგეტიკული თვალსაზრისის გამოყენება. აქაც, სიცოცხლის პროცესში ეკვივალენტური მიმართება ფიზიკურ ენერგიასთან ზუსტად მისათითებელი არაა.

<sup>41</sup> ი ქ ვ ე, გვ. 27—28.

<sup>42</sup> ი ქ ვ ე, გვ. 29.

<sup>43</sup> ი ქ ვ ე.

იუნგის მიხედვით, მიზანშეწონილია ფსიქიკური პროცესებს გაგება სასიცოცხლო პროცესების სახით. ამ შემთხვევაში ფსიქიკური ენერჯის ცნება ფართოვდება სიცოცხლის ენერჯიამდე, რაშიც ფსიქიკური ენერჯია წარმოდგენილია, როგორც სპეციფიკაცია. ამით მიღწეულია უპირატესობა, კვანტიტეტური მიმართებები შორდება ვიწრო ფარგლებს (ფსიქიკურს) და ბიოლოგიურ ფუნქციებში გადადის<sup>44</sup>.

სიცოცხლის ენერჯის ცნებას არავითარი საერთო არა აქვს ე. წ. სიცოცხლის ძალის ცნებასთან. ეს უკანასკნელი უნივერსალური ენერჯის სპეციფიკაციაა. სწორედ ჰიპოთეზურად მიღებული ეს სიცოცხლის ენერჯია არის ის, რასაც ლიბილო უნდა ეწოდოს<sup>45</sup>.

იუნგი ასხვავებს (ლ. ბუსეს ღამოწმებით) ენერგეტიზმის ძირითად კანონში — ენერჯის შენახვის კანონში ორ მომენტს: ეკვივალენტობის პრინციპს და კონსტანტობის პრინციპს. ეკვივალენტობის პრინციპის შინაარსია: რომელიმე მდგომარეობის გამოწვევისათვის დახარჯული ენერჯია რაოდენობრივად (ენერჯის იგივე ან სხვა ფორმით) უდრის ამ გამოწვეული მდგომარეობის ენერჯიას. კონსტანტობის პრინციპი ლოგიკურად აუცილებელი განმარტავადებული შედეგია გამომდინარე ეკვივალენტობის პრინციპიდან; პირველს პრაქტიკული შინაშენლობა არა აქვს, რადგანაც ჩვენი გამოცდილების ჩფეროში მუდამ საქმე გვაქვს მხოლოდ ცალკეულ ნაწილ-სიტემებთან<sup>46</sup>.

<sup>44</sup> ი ქ ვ ე, გვ. 30.

<sup>45</sup> ი ქ ვ ე, გვ. 31. იუნგი შეგნებულად უვლის გვერდს ფსიქო-ფიზიკურ პრობლემას. სახელდობრ, რა ურთიერთობაშია ფიზიკური და ფსიქიკური ენერჯიები. „მის შესახებ ჩვენ არაფერი ვიცით“. («Meines Erachtens wissen wir darüber so gut wie nichts»). მაგრამ მას, როგორც ჰიპოთეზი, მისაღებად უფრო მიაჩნია ურთიერთშეგავლენის, თეორიის ბუსესეული ვარიანტი. იუნგი მიუთითებს: „...ფსიქოთერაპევტიკისთვის, რომლის საკუთარი სამუშაო სფერო ძვეს სწორედ სულისა და სხეულის ურთიერთშეგავლენის კრიტიკულ სფეროში, ყველაზე უფრო სააღბათოდ ჩანს, რომ ფსიქიკური და სხეულბერივი არაა ორი ერთმანეთის გვერდით მიმდინარე პროცესი, არამედ დაკავშირებულნი არიან ურთიერთშეგავლენით, თუმცა მათი ნამდვილი ბუნება ჩვენს გამოცდილებას, ასე რომ ვთქვათ, ჭერ კიდევ საესებით სცილდება. ღრმა განხილვა ამ საკითხისა ფილოსოფოსებისათვის დიახაც აუცილებელია, ამის საწინააღმდეგოდ ემპირიული ფსიქოლოგისათვის შემოსაზღვრა გამოცდილებითად მისაღწევი მასალოთ სარეკომენდაციოა. თუმცა ჩვენთვის აქამდე მიუღწეველია ფსიქიკური ენერჯის პროცესის ფიზიკურ პროცესში ჩართვა ისევე, როგორც ამგვარი შესაძლებლობის მოწინააღმდეგეებმაც ვერ მიაღწიეს ფსიქიკური პროცესის უპველ გამოყოფას ფიზიკურისაგან“, ი ქ ვ ე, გვ. 31—32.

<sup>46</sup> ი ქ ვ ე, გვ. 32—33.

იუნგმა ეკვივალენტობის პრინციპის გამოყენება ფსიქიკურის მიმართ უჩვენა შრომაში „ლიბიდოს სახეცვლილებები და სიმბოლოები“. ფროიდის გამოკვლევები სექსუალობის შესახებ, როგორც ამაზე იუნგი ამბობს, მიუთითებენ ცხადად, თუ ლიბიდოს გაქრობა როგორ იწვევს შესატყვისი ღირებულების სხვა ფორმის აღმოცენებას, მაგ., განდევნა და მისი შენაცვლება. ეს პრინციპი ევრისტულ მწიშნელობას იძენს ნევროზების მკურნალობაში<sup>47</sup>.

მოდერნა ენერჯის შესახებ ცნობს არა მარტო ინტენსივობის, არამედ ექსტენსივობის ფაქტორსაც. უკანასკნელი პრაქტიკულად აუცილებელი დანამატია წმინდა ენერჯის ცნებისა. იგი საშუალებაა წმინდა ინტენსივობის ცნების დაკავშირებისა სიმრავლის ცნებასთან (მაგ. სინათლის ინტენსივობა და სინათლის რაოდენობა — სიმრავლე). ექსტენსივობის ფაქტორი ენერჯიას აძლევს დინამიურ განსაზღვრულობას. ამისდა შესატყვისად არსებობს ფსიქოლოგიური ექსტენსივობის ფაქტორი. არ შეიძლება მოხდეს გადასვლა ახალ წარმონაქმნზე ნაწილების ან ძველი წარმონაქმნის ხასიათის გადატანის გარეშე<sup>48</sup>.

ეკვივალენტობის პრინციპი ენერგეტიკის ერთ-ერთი ძირითადი კანონია. მისი მეორე კანონია ენტროპიის პრინციპი. ენერჯიის გარდაქმნა შესაძლებელია მხოლოდ არსებულ ინტენსივობათა დიფერენციაციის შედეგად. ენტროპიის პრინციპი რელატიურად დაზუსტებული სისტემის პრინციპია. ფსიქიკა თუ განხილულია, როგორც რელატიურად დაზუსტებული სისტემა, ასეთ ვითარებაში ენერჯიის გარდაქმნას მივყავართ დიფერენცირებულთა გაწონასწორობისაკენ. ამის თვალსაჩინო მაგალითად იუნგი თვლის ხანგრძლივი და რელატიურად უცვლელი განწყობის გამომუშაებას.

ენერჯიის ცნება, მისი კორელატი — დროის ცნების მსგავსად, არის a priori მოცემული ჰერცტის ფორმა, ერთი მხრით, და კონკრეტული გამოყენებითი, ემპირიული ცნება, მეორე მხრით. ენერჯიის ემპირიული ცნება ეხება ძალების მოქმედებას, ე. ი. მოძრაე სუბსტანციებს. გამოცდილებაში ვადასტურებთ არა თვითონ ენერჯიას, არამედ მის გამოვლენას. ენერჯიის ფსიქოლოგიური ცნება არაა წმინდა, იგი გამოყენებითი ცნებაა სექსუალური, ვიტალური, სულიერი, მორალური და ა. შ. „ენერჯიების“ ფორმით მოცემული. გამო-

<sup>47</sup> ი ქ ე ე, გვ. 34.

<sup>48</sup> ი ქ ე ე, გვ. 36—37.

ცდილების მასალაზე წმინდა ცნების გამოყენება გვაძლევს ამ ცნების კონკრეტიზაციასა და თვალსაჩინობას.

სულიერი ცხოვრების მნიშვნელოვანი ენერგეტიკული ფენომენია ლიბიდოს პროგრესია და რეგრესია. პროგრესია გაგებული უნდა იქნეს, როგორც ფსიქოლოგიური შეგუების პროცესის ყოველდღიური შემდგომი ნაბიჯი. არ უნდა მოხდეს აღრევა მიღწეულ განწყობასა და ნამდვილ შეგუებას შორის. შეგუების ნაქმობა ხორციელდება ორ ეტაპად: 1. განწყობის მიღწევა, 2. შეგუების დასრულება განწყობის საშუალებით.

ლიბიდოს პროგრესია მდგომარეობს გარემო პირობების მოთხოვნათა უწყვეტ დაკმაყოფილებაში, რადგანაც ნაქმობა მხოლოდ განწყობის საშუალებით შეიძლება მიღწეულ იქნეს, განწყობისა, რომელიც სახელდობრ აუცილებლობით მიმართულებათა და ამით გარკვეულ ცალმხრივობას შეიცავს; შეიძლება ადვილად აღმოცენდეს შემთხვევა, როცა განწყობას უკვე აღარ შეუძლია შეასრულოს შეგუების მოთხოვნა, ვინაიდან გარემო პირობების ცვლილება სხვას საჭიროებს, ვიდრე არსებული განწყობათა. ასეთი ვითარების დროს ლიბიდოს პროგრესია არსებობას წუვეტს და ხდება ლიბიდოს დაგროვება, დაგუბება. დაგროვების მდგომარეობა ყოველთვის ხასიათდება მოწინააღმდეგე ნაწილთა გახლეჩით. ლიბიდოს პროგრესიის დროს მოწინააღმდეგე წევრები გაერთიანებულია ფსიქოლოგიური პროცესების კოორდინირებულ მდინარებაში. მათი შეთანხმებული მოქმედება შესაძლებელს ხდის პროცესის თანაზომიერებას, რომელიც (პროცესი) შინაგანი საპირისპირო მოქმედების გარეშე ცალმხრივი და უაზრო იქნებოდა. აქედან გამომდინარე, ყველა გადაჭარბება გაგებულ უნდა იქნეს, როგორც წონასწორობის დარღვევა, რომელშიაც საპირისპირო იმპულსის მაკოორდინირებელი მოქმედება აღკვეთილია. პროგრესიის არსი ისაა, რომ იმპულსი და საწინააღმდეგო იმპულსი, ჰოყოფა და უარყოფა, თანაზომიერ საპირისპირო შემოქმედებას აღწევენ. ლიბიდოს დაგროვებისას, სადაც პროგრესია შეუძლებელია, დაპირისპირებული მომენტები ვერ აღწევენ ერთ კოორდინირებულ აქტში გაერთიანებას. რაც უფრო დიდ ხანს გრძელდება დაგროვება, მით მაღალია საპირისპირო პოზიციების ღებრებულება, რომლებიც ამისდა შესატყვისად ასოციაციებით მდიდრდებიან და ფსიქიკური მასალის სულ ახალ-ახალ სფეროებს მოიცავენ; დაძაბულობას შივეყვართ კონფლიქტამდე, კონფლიქტს კი — ურთიერთსაპირისპირო განდევნამდე. როდესაც მიიღწევა საპირის-



პირო განდევნა, მაშინ აღმოცენდება დისოციაცია, „პიროვნების გახლეჩა“, საკუთარ თავთან გაუერთიანებლობა, ნევროზის შესაძლებლობის აღმოცენება<sup>48</sup>.

საწინააღმდეგოთა ბრძოლა გავრძელდებოდა უსარგებლოდ, რომ კონფლიქტის ამოხეიქვით რეგრესიის პროცესი არ აღმოცენებულყო, რაცაა ლიბიდოს უკანსვლითი მოძრაობა. დაპირისპირებულთა ერთმანეთთან შეჯახებით ხდება მათი თანდათანობითი გაუფასურება. ამ გარემოებაში აღმოცენდება ისეთი მოვლენების ღირებულებათა გაზრდა, რომლებიც გარემოსადმი შეგუების პროცესში მხედველობაში არ მიიღებოდნენ. ესენი ცნობიერების უკანა საფუძვლის ელემენტებია, რომელთა გავლენა ცნობიერებაზე ამ ვითარების გამო მოსალოდნელია. ცნობიერება აკავებს ასეთ გავლენას, რის გამოც არაცნობიერი არაპირდაპირი გზით აჩვენებს, ავლენს თავის თავს; ეს კარგად ჩანს ცნობიერი პროცესის შეფარება-შეშლის სახით. რეგრესია ამაღლებს ისეთი შინაარსების ღირებულებას, რომლებიც მანამდე ცნობიერი შეგუების პროცესით უკუგდებულნი არაცნობიერ სფეროში თავსდებოდნენ. რეგრესია შეგუებაა ფსიქიკური შინაამყაროსადმი<sup>50</sup>.

რეგრესია არ ნიშნავს უკანსვლას, დეგენერაციის მნიშვნელობით. იგი აუცილებელი ფაზაა განვითარებაში<sup>51</sup>. პროგრესიაც არ უნდა აირიოს განვითარებაში. ადამიანის სულიერი ცხოვრება შეიძლება იყოს პროგრესიული ევოლუციის გარეშე და რეგრესიული ევოლუციის გარეშე<sup>52</sup>.

პროგრესიისა და რეგრესიის მოვლენები ძალის პროცესებია. პროგრესია შეიძლება შევადაროთ წყლის დინებას, რომელიც მთიდან ეშვება ველზე. დაგუბება შეესატყვისება სპეციფიკურ წინააღმდეგობას მდინარების მიმართულებით, ველის წინაღობას, რომელიც დინების კინეტიკურ ენერგიას გარდაქმნის მდგომარეობის პოტენციურ ენერგიად. დაგუბებული წყალი იძულებულია სხვა გზა გაიკაფოს, როცა დაგუბების შემდეგ მიაღწია იმ სიმაღლეს, რომელიც მას ნებას აძლევს სადმე გადმოიღვაროს. ის შეიძლება გაედინოს იმ არხში, რომელსაც ვარდის ენერგია მიჰყავს ტურბინების მოწყობილობით ელექტროობად გარდაქმნისაკენ. ეს გარდაქმნა იქნებოდა

<sup>48</sup> ი ქ ვ ე, გვ. 55—56.

<sup>50</sup> ი ქ ვ ე, გვ. 61.

<sup>51</sup> ი ქ ვ ე, გვ. 62.

<sup>52</sup> ი ქ ვ ე, გვ. 63.

სურათი ახალი პროგრესიისა, რომელიც გამოწვეულია დაგროვებითა და რეგრესიით; ახალი პროგრესიის შეცვლილი ბუნება წინანდელთან შედარებით იმითაა აღნიშნული, რომ ენერჯია უკვე ახლებურად მანიფესტირდება. ამ გარდაქმნის პროცესში ეკვივალენტობის პრინციპი განსაკუთრებული ევრისტული ღირებულებასაა, პროგრესის ინტენსივობა ვლინდება ისევ რეგრესიის ინტენსივობაში<sup>63</sup>.

ენერგეტიკული მსოფლმხედველობის არსიდან არ გამოძინარეობს, რომ უნდა არსებობდეს ლიბიდოს პროგრესია და რეგრესია, არამედ გამოძინარეობს ის, რომ არსებობენ ეკვივალენტური ტრანსფორმაციები, რადგანაც ენერგეტიკა მხედველობაში ლებულობს მხოლოდ რაოდენობას და არა რომელობას. პროგრესიისა და რეგრესიის არსებობა გაიგება მხოლოდ სუბსტანციების ქვალიტეტებიდან, მაშასადამე, მექანიკურ-კაუზალურად<sup>64</sup>.

პროგრესია, როგორც უწყვეტი შეგუების პროცესი გარემო პირობებისადმი, შეგუების ვიტალურ აუცილებლობაშია მოტივირებული. საჭიროება გვაიძულებს აბსოლუტურ ორიენტაციას გარემო პირობებზე და ყველა ისეთი ტენდენციებისა და შესაძლებლობების ჯანდევნას, რომლებიც ემსახურებიან ინდივიდუაციას.

რეგრესია, საპირისპიროდ, როგორც შეგუება საკუთარი შინა-სამყაროს პირობებისადმი, მოტივირებულია ვიტალური აუცილებლობით, დააკმაყოფილოს ინდივიდუაციის მოთხოვნები. ადამიანი არაა მანქანა, რომ მას შეეძლოს მუშაობის ხანგრძლივად შესრულება. მას შეუძლია მხოლოდ მაშინ შეესატყვისოს საფასვრით გარეგანი საჭიროების მოთხოვნას იდეალურად, როცა იგი აგრეთვე შეგუებულია საკუთარ შინასამყაროსთან. და პირიქით, მას შეუძლია საკუთარ შინა სამყაროს შეეგუოს და მიაღწიოს დამთხვევას თავის თავთან, როცა იგი შეგუებულია გარემო პირობებთან.

პროგრესია და რეგრესია შეიძლება დაუკავშირდეს ლიბიდოს ექსტრავერსიასა და ინტროვერსიას. პროგრესია, როგორც შეგუება გარემო პირობებთან, შეიძლება გაგებულ იყოს, როგორც ექსტრავერსია. ხოლო რეგრესია, როგორც შეგუება შინაგან პირობებთან—როგორც ინტროვერსია. მაგრამ ასეთი დაშვება არ იქნებოდა სწორი. ექსტრავერსია და ინტროვერსია სხვა სახის დინამიზმებია, ვიდრე პროგრესია და რეგრესია. პროგრესია და რეგრესია ენერჯიის გარ-

<sup>63</sup> ი ქ ვ ე, გვ. 65.

<sup>64</sup> ი ქ ვ ე, გვ. 66.

დაქმნის კანონზომიერი ფორმებია, რომლებიც შეიძლება იყვნენ ან ინტროვერსიული ან ექსტრავერსიული ხასიათისა<sup>55</sup>.

ტერმინით „ლიბიდოს განლაგება“ აღინიშნება ენერგეტიკული გარდაქმნა. აქ იგულისხმება ფსიქიკურ ინტენსივობათა და ღირებულებათა გადატანა ერთი შინაარსიდან მეორეზე, მსგავსად სითბოს ენერგიის გარდაქმნისა მოძრაობის ენერგიად. ასევე ფსიქიკური ფენომენების ენერგია შესატყვისი საშუალებებით შეიძლება გარდაიქმნას სხვა დინამიზმად<sup>56</sup>.

§ 2. არაცნობიერი ფსიქიკის ცნება. როცა იუნგი ლაპარაკობს ანალიზურ ფსიქოლოგიაზე, როგორც ახალი ტიპის ბუნებისმეტყველურ დისციპლინაზე, მას მხედველობაში აქვს ის ობიექტი ყამირად წოდებული, რაც ახალი ფსიქოლოგიის კვლევის სფეროს უნდა წარმოადგენდეს. ეს ყამირი არაცნობიერი ფსიქიკაა, კერძოდ კი, მის მიერ წოდებული „კოლექტიური არაცნობიერი“. ნაშრომის „არაცნობიერის ფსიქოლოგიის შესახებ“ პირველი გამოცემის წინასიტყვაობაში იუნგი წერს, რომ მისი მიზანია არაცნობიერის არსის ახალი გაგების შესახებ ორიენტაციის მოცემა<sup>57</sup>. იუნგი არ უარყოფს არაცნობიერის ფსიქოლოგიის კვლევის ობიექტის სიძნელესა და სირთულეს. თვალუწვდენელ ყამირში შედწევა ძნელად თუ მიიღწევა პირდაპირი გზით<sup>58</sup>.

არაცნობიერს, როგორც თავისთავადი და ავტონომიური სისტემის შესახებ აზრი, რომელიც განსხვავდებოდა ფროიდის გაგებისაგან, იუნგს ჰქონდა ჯერ კიდევ 1902 წელს, როგორც ამის შესახებ მიუთითებს წიგნში: „მომართებანი მე-სა და არაცნობიერს შორის“ (მეორე გამოცემის წინასიტყვაობა).

იუნგის მიხედვით, ფსიქიკა ურთიერთშემავსებელი ცნობიერი და არაცნობიერი პროცესების შთლიანობაა, ერთიანობაა. ცნობიერი და არაცნობიერი ფსიქიკა არა მარტო ავსებენ ერთმანეთს, არამედ ერთმანეთისადმი კომპენსატორულ დამოკიდებულებაშიც არიან. ფსიქიკური, როგორც სისტემა, დაზუსტული და თვითრეგულირებადია. თვითრეგულირებადობის პრინციპს იუნგი უწოდებს აგრეთვე კომ-

<sup>55</sup> ი ქ ვ ე, გვ. 66—69.

<sup>56</sup> ი ქ ვ ე, გვ. 69—70.

<sup>57</sup> «Mein Absicht ist lediglich, eine gewisse Orientierung über die neuesten Auffassungen vom Wesen der unbewußten Psychologie zu geben». იხ. აღნ. ნაშრომის მე-6 გამოცემა, გვ. 8.

<sup>58</sup> Über die Psychologie des Unbewußten, 1948, გვ. 14.

ბენსაციას. კომპენსაცია მისთვის ფსიქიკური მოქმედების ძირითადი წესია. ცნობიერება წარმოადგენს მთლიანი ფსიქიკის მცირე ნაწილს<sup>59</sup>. იუნგი ფსიქიკის დახასიათებისთვის ცნობილ შედარებას მიმართავს, სადაც ცნობიერება კუნძულადაა წარმოდგენილი, ზღვა კი — მის გარშემო არა-ცნობიერის თვალწევდენელ სივრცედ, რომელიც უსასრულოდ ფართო და ღრმაა; არა-ცნობიერის შესახებ მხოლოდ ის ვიცით, რომ ის არსებობს და რომ მისი არსებობა გავლენას ახდენს ცნობიერებაზე<sup>60</sup>.

თუ კი ფსიქიკას გავუტოლებთ ცნობიერებას, მაშინ შეუცდომას დავუშვებთ, რადგანაც უნდა ვალიაოთ, რომ ადამიანი ქვეყანას ევლინება ცარიელი ფსიქიკით და ის მხოლოდ შემდეგ წლებში შეიძენს მას, რასაც მიაღწევს ინდივიდუალური გამოცდილებით. ფსიქიკა მეტია ცნობიერებაზე. ადამიანის სულში არის კოლექტიური წარმოდგენების ქარგა, რომლებიც თანშობილი და მემკვიდრეობით მოტანილია. ჩვენ გვაშოქრავებს არა მარტო გარე გამლიზიანებელი, არამედ შინაგანი ძალები. ეს შინაგანი იმპულსები აღმოცენდებიან საფუძვლებიდან, რომლებიც არ ექვემდებარება ცნობიერების კონტროლს. ამ ძალებს მითოლოგიაში აღნიშნავდნენ ვითარცა სულებს, დემონებს, ღმერთებს. ისინი დღესაც მოქმედია ჩვენში, თუმცა არ გვინდა ვალიაოთ, რომ დამოკიდებულნი ვართ ძალებზე, რომლებიც არ გვემორჩილებიან<sup>61</sup>.

ცნობიერების სუბიექტია „მე“. „მე“ არის წარმოდგენების კომპლექსი, რომელიც შეადგენს ცნობიერების ველის ცენტრს და მოჩანს როგორც უწყვეტი და იგივეობრივი<sup>62</sup>. ცნობიერება ფუნქციანა, რომელიც მე-სადმი ფსიქიკური შინაარსების მიმართებას განაპირობებს. მე-კომპლექსი ცნობიერების შინაარსია და ამასთანავე პირობაა გაცნობიერებისა, რამდენადაც ფსიქიკური ელემენტი მაშინაა

<sup>59</sup> «Die Psyche selber ist in bezug auf das Bewußtsein präexistent und transcendent. Man könnte sie mit Du Prel als das transcendente Subjekt bezeichnen». Psychologie und Erziehung, 1946, გვ. 50. «Der Nur-Bewußtseinsmensch, respektive, der Ich-Mensch, ist ein Fragment, insofern er abgesehen vom Unbewußten zu existieren scheint». Symbolik des Geistes, Zürich, 1948, გვ. 393, 394. აღნიშნული წარმოადგენს „ფსიქოლოგიური ნაშრომების“, მე-6 ტომს.

<sup>60</sup> Psychologie und Religion, Zürich, 1939, გვ. 152.

<sup>61</sup> Zugang zum Unbewußten, მოთავსებულია, კრებულში «Der Mensch und seine Symbole», Olten, 1968, გვ. 75, 76, 82.

<sup>62</sup> Psychologische Typen, Zürich, 1950, გვ. 591., პირველად გამოიცა 1921 წელს.

ცნობიერი, როცა იგი მიმართებაშია, კავშირშია მე-კომპლექსთან. რამდენადაც „მე“ არის ცნობიერების ველის ცენტრი, იგი იგივეობრივი აღარაა მთელი ფსიქიკისა, არამედ წარმოადგენს კომპლექსს სხვების გვერდით. ამიტომ, ავტორის აზრით, უნდა განსხვავდეს ერთ-მანეთისაგან „მე“ და „თვითონ“. „მე“ არის ცნობიერების სუბიექტი. „თვითონ“ არის სუბიექტი მთელი ფსიქიკისა. იუნგი ამ უკანასკნელს უწოდებს აგრეთვე ფსიქიკის შესაძლებელ ცენტრს (virtueller Mittelpunkt). მაშასადამე, „თვითონ“ მოიცავს „მე“-ს<sup>63</sup>.

სხვადასხვა კომპლექსები დაკავშირებულნი არიან ჩვეულებრივ ასოციაციურად მე-კომპლექსთან. მაგრამ ზოგიერთის შესახებ ეს არ ითქმის. ასეთი კომპლექსი შეიძლება არსებობდეს ხანგრძლივად და არ დაუკავშირდეს მე-კომპლექსს. იუნგის მიხედვით, არ არსებობს პრინციპული განსხვავება კომპლექსსა და ნაწილ-პიროვნებას (Teilpersönlichkeit) შორის<sup>64</sup>. კომპლექსის არსს ეკუთვნის — როგორც ეს სიზმარში იჩენს თავს — ის, რომ იგი პერსონიფიცირებული ფორმით ვლინდება. „მე“-ს ნებისყოფისა და მოუკიდებლად კომპლექსები ექვემდებარებიან საკუთარ კანონზომიერებას, და წარმოადგენენ ავტონომიურ ფსიქიკურ წარმონაქმნებს, რომლებიც საკუთრივ ფორმირდებიან. რამდენადაც ავტონომიური კომპლექსები არაცნობიერია, ისინი განიცდებიან არა როგორც საკუთარი მე-ს კუთვნილნი, არამედ როგორც უცხო ობიექტების, პიროვნებების კვალიტეტები, მაშასადამე, პროეცირდებიან. კომპლექსი ფსიქიკის საკუთარი ცხოვრების მოვლენაა, რომელიც მისი არაცნობიერი ნაწილის სტრუქტურაში შედის და წარმოადგენს ფსიქიკის სავესებით ნორმალურ მდგომარეობას (წინააღმდეგ ფროიდის გაგებისა, სადაც კომპლექსი ავადმყოფურ მოვლენადაა მიჩნეული).

ფსიქიკის ცნობიერი და არაცნობიერი სფეროების პროცესები განსხვავებულ პრინციპებს ექვემდებარებიან; ცნობიერების პრინციპია: არაფერია გონებაში, რაც არაა გრძნობათა ორგანოებში. არაცნობიერების პრინციპი კი ავტონომიურობაა. არაცნობიერი ფსიქიკის ზატები ასაზავენ არა სამყაროს, არამედ საკუთარ თავს, თუმცა გრძნობადი სამყაროს წარმოდგენათა შესაძლებლობებს ის მოიხმარს თავის საქმისათვის<sup>65</sup>. მეორე მხრით, ცნობიერება ლოგიკური ანა-

<sup>63</sup> ი ქ ე ე. Definition, 26.

<sup>64</sup> Über psychische Energetik, გვ. 112.

<sup>65</sup> Psychologie und Alchemie, 1952, გვ. 205—206. პირველად გამოცემა 1944 წელს, წარმოადგენს „ფსიქოლოგიური ნაშრომების“ მე-5 ტომს.

ლიზით სარგებლობს. აქ არჩევა ხდება გონებითა და ცოდნით. არა-  
ცნობიერი კი წარმართულია ინსტიქტური მიდრეკილებით, არა-  
ცნობიერი გადმოიცემა აზროვნების შესატყვისი ფორმით — არქე-  
ტიპით<sup>66</sup>.

იუნგი გამოჰყოფს ფსიქიკის ოთხ ფუნქციას. ესენია: აზროვნე-  
ბა, ინტუიცია, გრძნობა და შეგრძნება. ფსიქიკური ფუნქცია არის  
განსხვავებულ ვითარებაში იგივეობრივი ფსიქიკური მოქმედება,  
რომელიც საესებით დამოკიდებულია შესატყვისი შინაარსებისაგან.  
აზროვნება და გრძნობა რაციონალური ფუნქციებია, ვინაიდან აზ-  
როვნება აფასებს ქეშმარიტება-მცდარობის ასპექტით, გრძნობა  
კი მისაღებობა-მიუღებლობის კუთხიდან. შეგრძნებისა და ინტუ-  
იციის ფუნქციები ირაციონალურია, ისინი ეხებიან უბრალოდ აღქმას  
შეფასების გარეშე. შეგრძნების ფუნქციით საგნები აღიქმებიან ისე,  
როგორადაც ისინი სინამდვილეში არიან. ინტუიცია „შინაგანი აღქ-  
მის“ უნარით აღიქვამს შესაძლებლობებს, რომლებიც თვითონ საგ-  
ნებშია. მაგალითად, შეგრძნების ტიპი ლანდშაფტში ამჩნევს ცალ-  
კეულ ხეებს, ყვავილებს, ცის ფერს და ა. შ. ინტუიციური ტი-  
პი — საერთო კოლორიტს. ირაციონალური და რაციონალური ფუნ-  
ქციები მოქმედებისას ერთმანეთის საპირისპირო, ურთიერთგამომ-  
რიცხველნი არიან. ცნობიერების ორიენტაცია აღნიშნულ ოთხ ფუნ-  
ქციაზეა დამოკიდებული. შეგრძნება (ე. ი. გრძნობადი აღქმა) ამ-  
ბობს, რომ რაღაც არსებობს, აზროვნება ამბობს — რა არის ეს.  
გრძნობა ამბობს — ეს მისაღებია თუ მიუღებელი, ინტუიცია ამ-  
ბობს — ეს საიდან აღმოცენდა და საით მიდის<sup>67</sup>.

აღნიშნული ოთხი ფუნქციიდან ინდივიდში ჩვეულებრივ განვი-

---

<sup>66</sup> «Logische Analyse ist Vorrecht des Bewußtseins, wir wählen mit Ver-  
nunft und Wissen aus. Das Unbewußte scheint jedoch hauptsächlich von instink-  
tiven Neigungen geleitet zu werden, die durch entsprechende Gedankenformen  
dargestellt sind — das heißt durch die Archetypen». Zugang zum Unbewußten,  
გვ. 76.

<sup>67</sup> ი ქ ვ ე, გვ. 61. იუნგი ტერმინში „გრძნობა“, როგორც ირკვევა, გულისხ-  
მობს სხვა შინაარსს, ვიდრე ემოციის ფსიქიკურ მდგომარეობას. სახელობრ, მასში  
ნაგულისხმებია ღირებულებითი ასპექტი. მაშასადამე, ისაა რაციონალური, ჩვენს  
შემთხვევაში, მომწესრიგებელი ფუნქცია და არა ირაციონალური, აღქმადი ფუნქცია  
ინტუიცია, როგორც მიხედრა (Ahnung) არაა ნებელობითი აქტი, ისაა უნებლოე  
პროცესი, რომელიც იმით ემსგავსება გრძნობადი აღქმის (შეგრძნების) პროცესს,  
რომ დამოკიდებულია ობიექტურ გამლზიანებელზე და არა გონით მიზეზზე. ი ქ-  
ვ ე.

თარებულა ერთი რომელიმე, ამიტომ იგი იწოდება დიფერენცირებულ, ანუ წარმმართველ ფუნქციად, რომელიც განმსაზღვრელია ინდივიდის ტიპისა<sup>68</sup>. წარმმართველი (სუპერიორი) ფუნქციის საპირისპიროა ნაკლებღირებული (ინფერიორი) ფუნქცია, რომელიც არაცნობიერში თავსდება. დანარჩენი ფუნქციები ნახევრად ცნობიერ-არაცნობიერ მდგომარეობაშია, ეს იმას ნიშნავს, რომ ინდივიდში ძირითადის გვერდით მოქმედებენ შეფარდებითად დიფერენცირებული დამხმარე ფუნქციები. სწორედ აღნიშნულ ფუნქციათა ურთიერთმიმართებაში ჩანს საპირისპირო ფუნქციების კომპენსატორული დამოკიდებულება, რაც ფსიქიკის სტრუქტურული შინაგანი კანონია.

იუნგის მიხედვით, გავრცელებული ფსიქოლოგიური ემპირიზმი არაცნობიერ ფსიქიკას ისე წარმოიდგენს, რაზედაც ტერმინი „არაცნობიერი“ მიუთითებს პირდაპირი მნიშვნელობით, ე. ი. ცნობიერების არარსებობას მსგავსად ჩრდილისა, რომელიც სინათლის არარსებობაა. არაცნობიერის ამგვარ გაგებას ჩვენი ავტორი მცდარად მიიჩნევს, რადგანაც არაცნობიერი, მისი რწმენით, პირიქით, შემოქმედ ავტონომიურობას ფლობს, რაც ჩრდილის ბუნებას არ შეიძლება მიეწეროს. არაცნობიერი არის ცნობიერების შემოქმედი დედა<sup>69</sup>.

არაცნობიერი ფსიქიკა ორი ნაწილისაგან შედგება. ერთს იუნგი აღნიშნავს პ ი რ ო ვ ნ უ ლ ი ა რ ა ც ნ ო ბ ი ე რ ი ს ტერმინით, მეორეს — კ ო ლ ე ქ ტ ი უ რ ი ა რ ა ც ნ ო ბ ი ე რ ი ს ტერმინით. პიროვნული არაცნობიერი ფსიქიკის ზედაპირული ფენაა. ეს სფერო არაცნობიერი ფსიქიკისა მოიცავს ყველა იმ შინაარსს, რაც ინდივიდუალურ გამოცდილებას უკავშირდება. ესენია: ცნობიერების ყოფილი შინაარსები, რომლებიც გარკვეული პირობების გამო და-

---

<sup>68</sup> იუნგის ფსიქოლოგიური ტიპოლოგია ემყარება ორ პრინციპს. ერთი ტიპოლოგია დაფუძნებულია ფსიქიკური ფუნქციების რაოდენობაზე. აქედან მიიღება ე. წ. ფუნქციონალიური ტიპები (აზროვნების, გრძნობის, ინტუიციის, შეგრძნების). მეორე ტიპოლოგია ემყარება განწყობას (მიმართებას). აქედან მიიღება განწყობის ტიპები: ექსტრავერსიული (გარეთ მიმართული) და ინტროვერსიული (შიგნით მიმართული). აღნიშნული პრინციპების შეერთება გვაძლევს რვა ფსიქოლოგიურ ტიპს. მაგალითად, ექსტრავერსიული აზროვნების ტიპი, ინტროვერსიული აზროვნების ტიპი, ექსტრავერსიული გრძნობის ტიპი და ა. შ. პიროვნების მიკუთვნება რომელიმე ტიპისადმი ხდება განწყობისა და ფსიქიკური ფუნქციის უპირატესი განვითარების ნიშნით.

<sup>69</sup> «Das Unbewußte ist die schöpferische Mutter des Bewußtseins». Psychologie und Erziehung, 32. 93.

ენწყებულნი არიან; აქვე თავსდებიან ცნობიერების ქვეზღურბ-  
 ლური შთაბეჭდილებები, პერცეფციები, რომლებსაც საკმაო  
 ენერგია არ გააჩნიათ, რომ მიადწიონ ცნობიერების ზღურბლს. პი-  
 როვნული არაცნობიერი ფსიქიკის ამ ჯგუფისათვის ისაა დამახა-  
 სიათებელი, რომ მას, როგორც არაცნობიერს, ცნობიერების თვისე-  
 ბა არ მიეწერება<sup>70</sup>. პიროვნული არაცნობიერი ფსიქიკის სფერო  
 მოიცავს აგრეთვე: წარმოდგენათა კომბინაციებს, რომლებიც ჯერ  
 კიდევ სუსტი და არანათელია, ყველა იმ შინაარსს, რაც ცნობიერ  
 განწყობასთან ერთიანობაში ვერ მოდის და ამიტომ განდევნილს  
 ბუნებას ამჟღავნებს<sup>71</sup>. პიროვნული არაცნობიერის უკანასკნელი ჯგუ-  
 ფი, როგორც ჩანს, აერთიანებს ისეთ ფსიქიკურ შინაარსებს, რომ-  
 ლებიც ცნობიერების ნათელ ველში ვერ თავსდებიან, ისე კი ცნო-  
 ბიერების შინაარსებს წარმოადგენენ. საერთოდ პიროვნული არა-  
 ცნობიერი ფსიქიკისათვის ისაა დამახასიათებელი, რომ მისი შინაარ-  
 სები ცნობიერებაში წარმოდგენილი განიცდებიან საკუთარი მე-ს  
 კუთვნილებად, წინააღმდეგ კოლექტიური არაცნობიერისა, რომელიც  
 მე-ს მიერ განიცდება უცხოოდ, გარედან მოსულად<sup>72</sup>.

არაცნობიერი ფსიქიკის მეორე ნაწილი — ზეპიროვნული, ანუ  
 კოლექტიური არაცნობიერი<sup>73</sup> — წარმოადგენს ობიექტურ ფსიქი-  
 კას, საპირისპიროდ პიროვნული არაცნობიერისა, რომელიც სუბიექ-  
 ტური ფსიქიკაა. როგორც სახელწოდება გვიჩვენებს, კოლექტიური,  
 არაცნობიერი ფსიქიკის სფერო მოიცავს კოლექტიურ შინაარსებს,  
 რომლებიც ეკუთვნიან არა მხოლოდ ერთ ინდივიდს ან ინდივიდების  
 გარკვეულ ჯგუფს, არამედ მთელ ხალხს, კაცობრიობას. ეს შინაარ-  
 სები არ არიან პიროვნების ინდივიდუალური არსებობიდან მომდო-  
 ნარე, პირიქით, ისინი თანშობილ სულიერ ფორმებს წარმოადგენენ<sup>74</sup>.

იუნგის მითითებით, ტერმინი „კოლექტიური“ იმითომ იქნა გა-  
 მოყენებულ არაცნობიერი ფსიქიკის გარკვეული სფეროს აღსანიშნა-  
 ვად, რომ ამ არაცნობიერს აქვს ზოგადი ბუნება, რომ იგი ყველა ინ-  
 დივიდში ერთი და იგივეა, იდენტურია, და ამდენად ქმნის ზეპიროვნ-  
 ული ბუნების ზოგად სულიერ საფუძველს<sup>75</sup>.

<sup>70</sup> Über psychische Energetik, გვ. 191.

<sup>71</sup> იქვე, გვ. 214.

<sup>72</sup> იქვე, გვ. 216.

<sup>73</sup> ტერმინი — „კოლექტიური არაცნობიერი“ იუნგმა პირველად იხმარა 1914 წ. ნაშრომში «Die Psychologie der unbewußten Prozesse».

<sup>74</sup> Über psychische Energetik, გვ. 214.

<sup>75</sup> «Es (kollektives Unbewußte) ist mit anderen Worten, in allen Menschen



პიროვნული არაცნობიერი ფსიქიკის შინაარსებია ე. წ. გრძნობადი კომპლექსები, ხოლო კოლექტიური არაცნობიერისა — არქეტიპები<sup>76</sup>. იუნგი ერთმანეთისაგან განასხვავებს ცნებებს: თ ა ე ს-თ ა ე ვ ა დ ა რ ქ ე ტ ი პ ს, (Archetipus per se), რომელიც ფსიქიკის სტრუქტურის პოტენციური არსებობაა და ამ ფსიქიკური პოტენციური არსებობის ცნობიერებაში გამოვლენილ შინაარსს, ა რ ქ ე ტ ი პ უ ლ წ ა რ მ ო ლ გ ე ნ ა ს (archetipische Vorstellung), რომელიც ხატის ან პროცესის სახით არსებობს. არქეტიპული წარმოდგენის ცნობიერი შინაარსი ვარიაციას განიცდის და დამოკიდებულია კონსტელაციაზე<sup>77</sup>.

თავისთავადი არქეტიპი, გარკვეული აზრით, განმსაზღვრელია

mit sich selbst identisch, und bildet damit eine in jedermann vorhandene, allgemeine seelische Grundlage überpersönlicher Natur». Von den Wurzeln des Bewußtseins, 1954, გვ. 4.

გავრცელებულია აზრი, რომ არაცნობიერი ფსიქიკის სახეებიდან ფროიდმა განსაკუთრებით პიროვნული არაცნობიერი იკვლია, რომ ფსიქონალოზური თეორია არსებითად პიროვნული არაცნობიერის თეორიაა, იუნგმა კი აღმოაჩინა და იკვლია კოლექტიური არაცნობიერი. თუკი კოლექტიურა არაცნობიერი ფსიქიკა მიუთითებს საერთოზე ადამიანებში, რაც ფილოგენეზთანაა დაკავშირებული, ასეთ რამ ფსიქონალოზისათვის უცხო არაა. ფროიდის ი გ ი და ზ ე-მ ე სწორად რომ ფსიქიკის ზოგადადამიანურ გარკვეულობაზე მიანიშნებენ და ამით ემსგავსებიან არქეტიპს. კოლექტიური არაცნობიერის ცნებასთან დაკავშირებით იუნგიცა და ფროიდიც ერთმანეთზე მიუთითებენ. იუნგი წერს: «ელემენტები, რომლებიც ფროიდმა აღნიშნა როგორც „არქაული დანაშთი“, წარმოადგენენ სულიერ ფორმებს, რომლებიც, როგორც ჩანს, ადამიანის სულს თანშობილი აქვს», (Zugang zum Unbewußten, გვ. 67). ფროიდი მიუთითებს: «აღნიშნული ფილოგენეტიური მემკვიდრეობის აღიარებაში მე სავესებით ვეთანხმები იუნგს» (Gesammelte Werke, XII, 131).

დღეს სიღრმის ფსიქოლოგიაში მიუთითებენ არაცნობიერი ფსიქიკის კიდევ ერთ რომელობაზე. ესაა ე. წ. ოჯახური არაცნობიერი (familiäres Unbewußte), რომელზედაც ლ. სკონდი ლაპარაკობს. არაცნობიერი ფსიქიკის აღნიშნული რომელობა ზოგადად მისხედვით შუა ადგილს იჭერს პიროვნულ და კოლექტიურ არაცნობიერს შორის. ოჯახური არაცნობიერი საერთოა ადამიანთა შორის ყველთათვის. არაცნობიერი ფსიქიკის დასაბუთების მხრივ ლ. სკონდის თეორიაში — ბელის ანალიზში — ძალიან არაფერია. იხ. Ludwig Szondi, Ich-Analyse, Zürich, 1956.

<sup>76</sup> Bewußtes und Unbewußtes, გვ. 12. იუნგი პირველად არქეტიპის აღსანიშნავად ხმარობდა ტერმინს «Urbild» (1912), «urtümliches Bild» შემდეგ — «Dominanten des kollektiven Unbewußten» (1917). ტერმინი «Archetipus» იხმარება ნაშრომში «Instinkt und Unbewußtes» (1919).

<sup>77</sup> ეს განსხვავება მოახდინა იუნგმა 1946 წ. წიგნში «Vom Geist der Psychologie», რომელსაც შემდეგ ეწოდა «Theoretische Überlegungen zum Wesen des Psychischen».

ფსიქიკის ფორმალური ასპექტისა. ამიტომ მას იუნგი აღარებს კრისტალის ფორმის შესაძლებლობას, რაც ერთგვარად პრეფორმირებულია მატერიალური არსებობის გარეშე; აღნიშნულით განპირობებულია კრისტალის სტერეომეტრიული სტრუქტურა და არა მისი კონკრეტული ინდივიდუალობა<sup>78</sup>. არქეტიპი ფაქტორია, რომელიც ფსიქიკურ ელემენტებს აწესრიგებს გარკვეულ ხატებად. იგი ფსიქიკის სტრუქტურული დომინანტია და ბიოლოგიაში ცნობილი «pattern of behaviour»-ის ფსიქიკური ეკვივალენტია. ისევე, როგორც ცოცხალი არსების სპეციფიკური სახის მიმნიჭებლის გამოვლენა განვითარების მსვლელობაში შეიძლება შიცვალოს, ასევე ცვალებადია არქეტიპის მანიფესტაცია<sup>79</sup>. იუნგი ცდილობს არქეტიპის ბუნების ჩვენებას განსხვავებულა მხრიდან, ამიტომ მიმართავს მის შემდეგ დახასიათებას:

თავისთავადი არქეტიპი მიჩნეულია «ფსიქოიდურ» ფაქტორად, რომელიც ეკუთვნის ფსიქიკური სპექტრის არათვალსაჩინო, ულტრა-იისფერ ნაწილს<sup>80</sup>.

თავისთავადი არქეტიპი შეიძლება შეედაროს ინსტინქტს, რამდენადაც პირველი სულიერი ცხოვრების რეგულატორს წარმოადგენს. ისე, როგორადაც ინსტინქტი განაპირობებს ადამიანის სპეციფიკურ ქცევას, ასევე არქეტიპიც უბიძგებს და აიძულებს ადამიანს სპეციფიკური ფსიქიკური შინაარსების ფორმირებისაკენ. არქეტიპი თანშობილი გამფორმებელი ტენდენციაა ცნობიერი გამოსახულებებისა, რომლებიც, მართალია, დეტალებში განსხვავდებიან ერთმანეთისაგან, მაგრამ ძირითად სტრუქტურაში იგივეობრივნი არიან<sup>81</sup>. არქეტიპი ინსტინქტის კორელატური ცნებაა<sup>82</sup>; არქეტიპი წარმოადგენს «instiktual pattern»-ს<sup>83</sup>.

<sup>78</sup> Von den Wurzeln des Bewußtseins, 1954, გვ. 95.

<sup>79</sup> Symbolik des Geistes, 1953, გვ. 374.

<sup>80</sup> იქვე, გვ. 487.

<sup>81</sup> «Der Archetyp ist vielmehr eine angeborene Tendenz, solche bewußten Motivbilder zu formen — Darstellungen, die im Detail sehr von einander abweichen können, ohne jedoch ihre Grundstruktur aufzugeben». Zugang zum Unbewußten, გვ. 67.

<sup>82</sup> Über psychische Energetik, გვ. 182—198.

<sup>83</sup> Naturerklärung und Psyche, 1952, გვ. 32. იუნგი წერს: «რასაც ჩვენ ინსტინქტს ვუწოდებთ, ფიზიოლოგიური იმპულსებია, რომლებიც ალიქმებიან გრძნობის ორგანოებით „გარედან“. იმავდროულად ვლენდებიან ისინი აგრეთვე „შინაგანად“ ფანტაზიებში და ხშირად სიმბოლური ხატებით გაცემენ ხოლმე თავის არსებობას.

თავისთავადი არქეტიპი არ ვრცელდება ტრადიციით, ენითა და მიგრაციით. იგი წარმოადგენს ფსიქიკური წყობის აპრიორულ ფორმას<sup>84</sup>. ის ყველგან და ყოველთვის სპონტანურად აღმოცენდება, არ სპირრებს რა გარედან ზეგავლენას და ბიძგს. მართალია, არქეტიპი არაა ცნობიერია, მაგრამ იგი არაა ცნობიერობით ინაქტუალური არ ხდება. ის მზაობაა, მუდმივ არსებულა (ewige Präsenz).<sup>85</sup> არქეტიპული ფორმები არა უბრალო სტატიკური ნიმუშებია, არამედ დინამიკური ფაქტორები, რომლებიც სპონტანურად ვლინდებიან<sup>86</sup>.

თავისთავადი არქეტიპი ფსიქიკის ისეთი გარკვეულობაა, რომელიც დაკავშირებულია ტვინის სტრუქტურასთან. არქეტიპი ტვინის სტრუქტურის ფსიქიკური ასპექტია. ის მემკვიდრეობით გადმოეცემა ინდივიდს ტვინის სტრუქტურასთან ერთად<sup>87</sup>. კოლექტიური არაა ცნობიერი მემკვიდრეობით მიღებული ტვინის სტრუქტურის ფუნქციობაა<sup>88</sup>. ტვინში ძვეს პრეფორმირებულად ინსტინქტები და არქეტიპები<sup>89</sup>.

ცნობიერებაში გამოვლენილი და აღქმული არქეტიპი (resp. არქეტიპული წარმოდგენა) სიმბოლოს წარმოადგენს, რომელიც დე-

---

ეს „შინაგანი“ მოვლენები არიან ის, რასაც აღწინავე არქეტიპით. მათ წარმოშობას არ იცნობენ, ისინი ყოველ დროს და ყველგან აღმოცენდებიან“ Zugang z. Unb. g. 69.

<sup>84</sup> Von den Wurzeln des Bewußtseins, გვ. 95.

<sup>85</sup> Psychologie und Alchemie, გვ. 305.

<sup>86</sup> Zugang zum Unbewußten, გვ. 76.

<sup>87</sup> «Sie (Archetypen — ე. კ.) vererben sich mit der Hirnstruktur, ja sie sind deren psychischer Aspekt». Seelenprobleme der Gegenwart, გვ. 179.

<sup>88</sup> «Diese unpersönliche Seelenschicht nenne ich das kollektive Unbewußte. «Kollektiv», weil es nicht ein individuell erworbenes ist, sondern das Funkzionieren der ererbten Gehirnstruktur, die in ihren allgemeinen Umrissen die gleiche ist bei allen menschlichen Wesen...» Psychologie und Erziehung, გვ. 95.

<sup>89</sup> Über psychische Energetik, გვ. 215. იუნგმა 1952 წელს გამოცემულ შრომაში «Synchronizität als ein Prinzip akausaler Zusammenhänge», რომელიც მოთავსებულია კრებულში «Naturerklärung und Psyche», გამოთქვა განსხვავებული შეხედულება აზროვნებისა და აღქმის ნერვულ სისტემასთან კავშირის შესახებ, მას v. Frisch-ის დაკვირვებები მიანიჩა დამადასტურებლად დებულებისა, რომ არსებობენ ტრანსცერებრალური აზროვნებისა და აღქმის პროცესები. საერთოდ ფსიქიკა არაა დიდი ტვინის კონსტიტუციური თვისება, იგი სიმპათიკური ნერვული სისტემის კუთვნილებაა. შუად. «Bewußtes und Unbewußtes», 1957, გვ. 28—29. იუნგს შემოაქვს ცნება სინქრონულობისა, რომელიც ემპირიული ცნებაა და აღწინავეს მოვლენათა აზრობრივ თანადამთხვევას დროში. მისთვის სინქრონულობა აკაუზალური წყობის კერძო შემთხვევაა.

ტერმინირებულია თავისთავადი არქექტიპით. ამიტომ თავისთავადი არქექტიპი შეიძლება განიშარტოს როგორც პოტენციური სიმბოლო. იუნგი განასხვავებს ერთმანეთისაგან: სიმბოლოს, ალეგორიასა და ნიშანს. გამოსახვა, რომელიც ცნობილი საქმის ვითარების აღსანიშნავადაა მოტანილი, ნიშანია. ალეგორია ცნობილი საქმის ვითარების განზრახ გარდაქმნილის აღმნიშვნელია. ხოლო ის, რაც უცნობი საქმის ვითარების გამოსახვას წარმოადგენს და თვითონაც ამიტომ არა სავსებით ნათელი ფორმულირებაა, სიმბოლოა. სიმბოლო მანამდეა სიმბოლო, სანამ ის გამოხატავს იმას, რაც არ ვიცით. თუკი სიმბოლოს უკან ფარული ალარაფერი დარჩა, იგი კონვენციალურ ნიშნად იქცევა<sup>80</sup>.

ფროიდისა და იუნგის სიმბოლოების ცნებების განსხვავებულ შინაარსს ქმნის არაცნობიერი განსხვავებული გაგება. ფროიდის განდევნილი არაცნობიერი პიროვნული არაცნობიერია, რადგანაც ის აღმოცენდება ინდივიდის ცხოვრების ისტორიიდან. ამიტომ განდევნილის ყოველი გამოვლენა ცნობიერებაში ფაქტიურად ნიშნის სახეს იღებს. არქექტიპული წარმოდგენა კი ნამდვილ სიმბოლოდ ჩაითვლება, რადგანაც აღნიშნულით ვერ ვწვდებით თავისთავადი არქექტიპის შინაგან ბუნებას, მის შინაარსს. ამიტომაც, რომ იუნგის მიერ სიმბოლო დახასიათებულია, როგორც შუამავალი დაფარულსა და თვალსაჩინოს შორის<sup>81</sup>.

კითხვაზე — რა არის არაცნობიერი პროცესი? როგორია მისი ბუნება? — იუნგს შემდეგი პასუხი აქვს: რამდენადაც პროცესი არაცნობიერია, მისი შესახებ, ბუნებრივია, არაფრის თქმა არ შეიძლება: „მას, რაც არის, იმიტომ ვუწოდებთ ჩვენ უბრალოდ არაცნობიერს, რომ ის ჩვენთვის არაცნობიერია. რა არის ის, ისევე ნაცლებად ვიცით, როგორც ფიზიკოსმა—ნივთიერების შესახებ. ფიზიკოსს მის შესახებ აქვს მხოლოდ თეორიები, ე. ი. შეხედულებები, ერთი სიტყვით, სურათები“<sup>82</sup>. მაგრამ არაცნობიერი ვლინდება სხვადასხვა ვითარებაში: სიმპტომების, მოქმედებების, აზრების, აფექტების, ფანტაზიებისა და სიზმრების სახით. ამგვარ მასალაზე დავუ-

<sup>80</sup> Psychologische Typen, 1949, გვ. 642—643.

<sup>81</sup> Seelenprobleme der Gegenwart, გვ. 49.

<sup>82</sup> «Wir nennen das Unbewußte bloß darum so, weil es unbewußt ist, was es ist. Wir wissen es so wenig, wie der Physiker, was Stoff ist. Er hat bloß Theorien darüber, d. h. Anschauungen, Bilder mit einem Wort». Wirklichkeit der Seele, გვ. 52. ესაა „ფსიქოლოგიური ნაშრომების, მე-4 ტომი.

ირვების შედეგად შესაძლებელი ხდება არაპირდაპირი დასკვნების გამოტანა არაცნობიერი პროცესების თვისებებისა და მდგომარეობის შესახებ. მაშასადამე, არაცნობიერი პროცესის ნამდვილი ბუნების წვდომის იმედი არ უნდა გვექონდეს. ჩვენ შეგვიძლია მივალწოთ მხოლოდ შემეცნების იმ საფეხურს, რომელსაც აღნიშნავენ ტერმინით „თითქოს“ (gleichsam — als-ob). ეს იმიტომ, რომ შექმნილი გონივერ შეაღწევს ბუნების გულში, მაშ, ვერც არაცნობიერში.<sup>83</sup>

იუნგის გაგებით, აბსოლუტური არსებულისა და იმის შესახებ, რასაც არსი აქვს, ჩვენ არაფერი ვიცით. „საერთოდ შეუძლებელია ფსიქიკის არსის შესახებ გამოითქვას საბოლოო აზრი“<sup>84</sup>. ჩვენ განვიციდით ზემოქმედებას გრძნობის ორგანოების საშუალებით გარედან, ფანტაზიის საშუალებით შიგნიდან, როგორც არ დავიწყებთ მტკიცებას, რომ მწვეანე ფერი თავისთავად არსებობს, ასევე არ უნდა ვფიქრობდეთ, რომ ფანტაზიის განცდა თავისთავად არსებობდა. ეს უკანასკნელი არის გამოხატვა, მოჩვენება უცნობისა, მაგრამ ნამდვილისა<sup>85</sup>.

როგორაა წარმოდგენილი ანალიზური ფსიქოლოგიის მიერ არაცნობიერი ფსიქიკის დასაბუთება? არაცნობიერი ფსიქიკური პროცესების არსებობის დამადასტურებელ ერთ-ერთ მთავარ საბუთად იუნგი თვლის ფსიქოპათოლოგიურ გამოცდილებას. ჩვენი ავტორი მიუთითებს, რომ ისტერიული ამნეზიის შემთხვევები ამართლებენ არაცნობიერი ფსიქიკური შინაარსების დაშვების აზრს<sup>86</sup>. იუნგს აკმაყოფილებს არაცნობიერი ფსიქიკის დასაბუთების ის ცდა, რომელიც მოცემულია ფსიქონალიზში: „ფროიდმა ემპირიულად დაასაბუთა არაცნობიერი ფსიქიკის არსებობა, რომელიც მანამდე იყო მხოლოდ ფილოსოფიური პოსტულატი“<sup>87</sup>. იუნგის მიმდევრებს შორის გავრცელებულია შეხედულება, რომ მან ცნობილი „ასოციაციის მეთოდით“ არა მარტო დაადასტურა სულის არაცნობიერი სფეროს არსებობა, არამედ მოგვცა არაცნობიერი ფსიქიკის ცნობიერებაზე ზემო-

<sup>83</sup> «...wir gelangen nie weiter als bis zu einem gleichsam — als-ob. Ins Innere der Natur dringt kein erschaffener Geist, auch nicht ins Unbewußte». Die Beziehungen zwischen dem Ich und dem Unbewußten, გვ. 97.

<sup>84</sup> «Es gibt eben keine Möglichkeit über das Wesen der Psyche abschließende Aussagen zu machen». Zugang zum Unbewußten, გვ. 59.

<sup>85</sup> Die Beziehungen zwischen dem Ich und dem Unbewußten, გვ. 170.

<sup>86</sup> Psychologische Typen, Definition 57—«Unbewußte».

<sup>87</sup> Erinnerungen, Träume, Gedanken von C. G. Jung, Zürich-Stuttgart, 1963, გვ. 173.

ქმედების უშუალო დაკვირვებისა და ექსპერიმენტული გამოკვლევის შესაძლებლობა<sup>88</sup>. რას წარმოადგენს ასოციაციის მეთოდით ფსიქიკის არაცნობიერი სფეროს ექსპერიმენტული დასაბუთება?

ცდისპირს ეძლევა წასაკითხად სიტყვების რიგი. მან ყოველ წაკითხულ სიტყვაზე უნდა უპასუხოს სიტყვითვე, რომელიც მას გაუჩნდება თავისთავად, ასოციაციურად წაკითხულ სიტყვასთან დაკავშირებით. ამ დროს ყურადღება ექცევა დროის ხანგრძლივობას, რაც საჭირო იყო პასუხს სიტყვის აღმოცენებისათვის, და, ასევე, განანგრძლივებულ რეაქციასთან სიზშირეს მიწოდებული სიტყვების რიგი. არაიშვიათად ზდება ხოლმე, რომ ცდისპირები რომელიმე წაკითხულ სიტყვაზე პასუხს დაგვიანებულად იძლევიან. მაგალითად, ჩვეულებრივი პასუხისათვის თუ საჭირო იყო 3 სექუნდი, ახლა პასუხი ყოვნდება 15—20 სექუნდამდე და უფრო მეტი ხნითაც. აღნიშნული ფაქტიური ვითარებიდან ასკვნიან: მაშასადამე, პასუხის შეფერხება განაპირობა არაცნობიერად არსებულმა ფსიქიკამ, მისმა ზეგავლენამ ცნობიერ ფსიქიკურ პროცესებზე.

იუნგი კიდევ სამ მეთოდზე მიუთითებს: სიმპტომის ანალიზი, ანაპნეზური ანალიზი, არაცნობიერის ანალიზი, რომელთაც იგივე ამოცანა აკისრიათ არაცნობიერის მიგნება-გამოვლენისა. აღნიშნულ მეთოდებს არაცნობიერი ფსიქიკის დასაბუთების ერთნაირი ლოგიკური ძალა აქვს, ამიტომ მათი ამ კუთხით ცალ-ცალკე განხილვა ზედმეტიცაა.

ანალიზურ ფსიქოლოგიაში განსაკუთრებული ყურადღება ექცევა კოლექტიური არაცნობიერი ფსიქიკის, არქეტიპის ბუნების ცხადყოფის საქმეს. რა არის ის, რაც საფუძველს გვაძლევს ვილაპარაკოთ არქეტიპზე, როგორც ისეთ ფსიქიკურ გარკვეულობაზე, რომელიც ცნობიერებისაგან დამოუკიდებელია და განაპირობებს ცნობიერი ფსიქიკის შინაარსების კონკრეტული სახით ფორმირებას? იუნგის თვალსაზრისი ასეთია: ისე როგორც ადამიანის სხეული წარმოადგენს მთელ მუზეუმს ორგანოებისას, რომელთაგანაც თითოეულს გააჩნია განვითარების ხანგრძლივი ისტორია, ასევე უნდა მოველოდეთ, რომ ჩვენს ზულსაც აქვს მსგავსი ორგანიზაცია. ესეცაა ისტორიის პროდუქტი. ისტორიაში იგულისხმება ცხოველის ფსიქიკასთან ახლო მდგომი არქაული ადამიანის ფსიქიკის ბიოლოგიური წინაისტორიული და არაცნობიერი განვითარება. ეს ძველთაძველი ფსი-

<sup>88</sup> J. Jacobi, Komplex, Archetypus, Symbol... გვ. 8.

ქიკა ქმნის ჩვენი სულის საფუძველს ისევე, როგორც ჩვენი სხეულის სტრუქტურა ემყარება ძუძუმწოვართა ზოგად ანატომიურ ქარვას (Musler). ანატომის გამოცდილი თვალი ჩვენს სხეულში ნახულობს ამ პირველადი საწყისი ნიმუშის მრავალ კვალს. სულის გამოცდილი მკვლევარი ამდაგვარადვე შეიცნობს ანალოგიებს, ერთი მხრით, თანამედროვე ადამიანის სიზმრების სურათებსა და, მეორე მხრით, პრიმიტიული სულის პროდუქტებს, მის „კოლექტიურ ხატებსა“ და მითოლოგიურ მოტივებს შორის.

ისევე, როგორც ბიოლოგი საჭიროებს შედარებითი ანატომიის მეცნიერებას, ფსიქოლოგსაც არ შეუძლია „ფსიქიკის შედარებითი ანატომიის“ გარეშე. ფსიქოლოგის განკარგულებაში უნდა იყოს არა მარტოდენ მდიდარი მასალა სიზმრებისა და არაცნობიერი მოქმედების სხვა პროდუქტებისა, არამედ აგრეთვე მითოლოგიური ცოდნაც, რათა შედარებითი ანალიზის გზით დადგინდეს ის საერთო, რაც მათშია<sup>99</sup>.

ისევე, როგორც ინსტინქტების შესახებ ვერ ვიტყვით, რომ ცხოველმა ისინი ინდივიდუალურად უნდა შეიძინოს დაბადების მომენტდან, ასევე კოლექტიური წარმოდგენების ქარგაც ადამიანის სულში თანშობილი და მემკვიდრეობით მიღებულია. ვერ დავუშვებთ, რომ ადამიანი ჩაითვალოს ერთადერთ ცოცხალ არსებად, რომელსაც არ გააჩნია სპეციფიკური ინსტინქტები და მისი ფსიქიკა არ ატარებს განვითარების არავითარ კვალს<sup>100</sup>. ადამიანის სულის თანშობილი გარკვეულობაა სწორედ არქეტაპი. ეს უკანასკნელი არის „ადამიანური წარმოდგენის თანშობილი შესაძლებლობა“<sup>101</sup>.

§ 8. ადამიანის პრობლემა: რა არის ადამიანი? ადამიანი ამ კითხვაზე იმით პასუხობს, რომ მან იცის, საკუთარ თავს ვერაფერს შეადარებს. მართალია, იგი ყველა არსების მსგავსად უსასრულო ღვთაებებიდანაა გამოყოფილი, მაგრამ ეს მომენტი სპეციფიკურ ადამიანურზე არ მიუთითებს<sup>102</sup>.

ადამიანის სპეციფიკურ ნიშანს ქმნის რეფლექტორული ცნობიერება. „ადამიანი რეფლექსირებადი გონის წყალობით გამოიყოფა ცხოველთა სამყაროდან“<sup>103</sup>. ცნობიერების თვისებით ადამიანი

<sup>99</sup> Zugang zum Unbewußten, გვ. 67.

<sup>100</sup> ი ქ ვ ე, გვ. 75.

<sup>101</sup> «Die vererbten Möglichkeiten menschlichen Vorstellens». Über die Psychologie des Unbewußten, 1948, გვ. 119.

<sup>102</sup> Erinnerungen, გვ. 10.

<sup>103</sup> ი ქ ვ ე, გვ. 341.

გამოეთიშება ბუნების კანონზომიერების ტყვეობას, მისდამი დამორჩილებას<sup>104</sup>. „რეფლექსია ადამიანური თავისუფლების წინაპირობაა ბუნების კანონზომიერების იძულების საპირისპიროდ. როგორც ამას სიტყვა «reflexio» მიუთითებს, სახელდობრ, „უკანმობრუნებას“, აქ საქმე ეხება გონით აქტს, რომელიც საპირისპიროა ბუნების მიმდინარეობისა, სახელდობრ, არის შეჩერება, თვითჩაღრმავება, ხატის მოხაზვა და შინაგანი დამოწმება... რეფლექსია გაიგება როგორც გაცნობიერების აქტი“<sup>105</sup>.

კ. გ. იუნგთან ადამიანის ცნობიერების (ადამიანური კულტურის: რელიგიაში, ეთიკაში, ხელოვნებაში, ფილოსოფიაში ნაქმობების) განვითარების წინამძღვრებია: ლიბიდოს სიჭარბე და სიკვდილის ცნობიერება; აღნიშნულნი გაგებულნი უნდა იქნან, როგორც ინდივიდუაციის პრინციპი ადამიანში.

იუნგს შემდეგნაირად აქვს წარმოდგენილი ადამიანის ბუნება ჩართული სამყაროსეულ სტრუქტურაში: „ჩვენს სამყაროს სურათში არსებობს დიდი გარე და ასევე დიდი შინა, ამ პოლუსებს შორის დგას ჩემთვის ადამიანი“<sup>106</sup>.

რა არის გარესამყარო? რა არის შინასამყარო? გ ა რ ე ს ა მ ყ ა რ ო უ ს კოლექტიური ცნობიერებაა, კოლექტიური ცნობიერება მოიცავს განვითარებისა და კულტურის განსაზღვრულ საფეხურზე არსებულ ობიექტივირებად ცნობიერების შინაარსებს. ისაა ისტორიულად ქცეული სამყარო, კონკრეტული აქ და ახლას სამყარო, რომელიც დაკავშირებულია ეპოქის სულის ცნებასთან. გარესამყაროს აქვს ე. წ. ვერტიკალური და ჰორიზონტალური ქრილი; ვერტიკალურია გონითი სამყარო, კულტურა; აღნიშნული მოიცავს განვითარების განსაზღვრულ საფეხურებზე მოცემულ რელიგიურ, ეთიკურ, ესთეტიკურ და ფილოსოფიურ ღირებულებებსა და ნორმებს. ჰორიზონტალურია შეგვრძნებათა ორგანოებით მოცემული ობიექტები, ფიზიკური გარესამყარო.

<sup>104</sup> „ადამიანის რეფლექსირებული ცნობიერების გარეშე სამყარო გვიანტურა უაზრობაა, რადგანაც ადამიანი, ჩვენი გამოცდილების მიხედვით, ერთადერთი არსება, რომელსაც შეუძლია დაადგინოს საზრისი. ი ქ ვ ე, გვ. 376.

<sup>105</sup> Symbolik des Geistes, გვ. 387. პ. ვალდერი თვლის, რომ იუნგის შეხედულება რეფლექსიისა და სიციცხლის რეგრესიის შესახებ გვაგონებს მ. შელერის „განმამდილებს ასეკტურ აქტს“, რომელიც განარიდებს „ძალით სავსე რეალობის შემოქმედებას“, „მიწიერის შიშს“, იხ. Peter Walder, Mensch und Welt bei Jung, Zürich, 1951, გვ. 19.

<sup>106</sup> Seelenprobleme der Gegenwart, 1931, გვ. 80.



შ ი ნ ა ს ა მ ყ ა რ ო უკავშირდება არაცნობიერის ცნებას, ცდ-  
ცხალ-შემოქმედ სუბსტრატს, რომლიდანაც აღმოცენდება ცნობი-  
ერი ფსიქიკა და ადამიანი. ადამიანის საფეხურზე არაცნობიერი ეს  
ისეთი სფეროა, რომელიც პოტენციაში შეიცავს გონით ლმერთს,  
თვითონს. თვითონის აქტუალიზება წარმოადგენს იუნგისათვის კა-  
ცობრიობისა და ერთეულის განვითარების მიზანს. კოლექტიური  
არაცნობიერი შედგება ადამიანისათვის ფუძემდებლური დაპირის-  
პირებისაგან: ერთი მხრით, ინსტინქტისაგან, ლტოლვისაგან და მეორე  
მხრით, არქეტიპებისაგან. რამდენადაც ადამიანში არის ლტოლვითი  
მხარე, იმდენად ადამიანი ბუნების არსებაა (Naturwesen), ხოლო  
რამდენადაც ადამიანში გონია, არქეტიპია, ადამიანი უპირისპირდება  
პრინციპულად ბუნებისეულს. გონი არის «Prinzip sui generis».  
გონი და ლტოლვა ერთმანეთზე არ დაიყვანებიან, ამიტომ უფლებაც  
არა გვაქვს რომელიმე მათგანი მეორეულად გამოვაცხადოთ<sup>107</sup>. ისი-  
ნი ერთმანეთისადმი ანტაგონისტურნი კი არ არიან, არამედ ერთმა-  
ნეთს აესებენ.

მთლიან პიროვნებას (Gesamtpersönlichkeit) იუნგი უწოდებს  
თ ვ ი თ ო ნ ს. უკანასკნელი მოიცავს: ცნობიერებას, მე-ს, პიროვ-  
ნულ და კოლექტიურ არაცნობიერს. თ ვ ი თ ო ნ არის „ლმერთის  
ხატი“ და „ღვთის პრინციპი“ ადამიანში<sup>108</sup>. თ ვ ი თ ო ნ არის  
მთლიანობისა და სრულყოფის არქეტიპი. აღნიშნულთან არსობრი-  
ვად დაკავშირებული ინდივიდუალობის ცნება, რომელიც, იუნგის  
განცხადებით, „მისი ფსიქოლოგიის ცენტრალური ცნებაა“.

ინდივიდუალობის პროცესი მე-ს გაცნობიერება არაა, იგი ეგო-  
ცენტრიზმს არ უკავშირდება. იუნგის განმარტებით, „ინდივიდუალობა  
არის პროცესი, რომელიც მ თ ე ლ ს წ ა რ მ ო ქ მ ნ ი ს“<sup>109</sup>. ინდი-  
ვიდუალობა ნიშნავს ცალკეულ არსებად გახდომას, და რამდენადაც  
ჩვენ ინდივიდუალობის ქვეშ ჩვენი უშინაგნესი, უკანასკნელი და  
შეუღარებელი ერთადერთობა გვესმის, იგი ს ა კ უ თ ა რ ი თ ვ ი-  
თ ო ნ ა დ გ ა ზ ლ ო მ ა ა. ამიტომ შეგვიძლია ავრეთვე ი ნ დ ი ვ ი-

<sup>107</sup> აღნიშნულში ხედავენ იუნგის მიერ გონის რესტრუქციის, რომელიც დაუ-  
პირისპირდა ფროიდის მიერ გონითის დაყვანას ლტოლვაზე, მის ფაქტიურ ეგოულ-  
ბელყოფას.

<sup>108</sup> Aion გვ. 43. ესაა „ფსიქოლოგიური ნაშრომების“ მე-8 ტომი. ცნობიერება-  
ში თვითონის სიმბოლოს იუნგი უწოდებს მ ა ნ დ ა ლ ა ს (სრულყოფის სიმბოლო).

<sup>109</sup> Zentralblatt für Psychotherapie, 1939, 5, გვ. 257.

დ უ ა ც ი ა გვეთარგმნა როგორც გათვითონება ან თვით-  
გ ა ნ ხ ო რ ც ი ე ლ ე ბ ა<sup>110</sup>.

პიროვნებისაგან (Persönlichkeit) იუნგი განასხვავებს პერ-  
ს ო ნ ა ს (Persona). პერსონა აღმოცენდება ინდივიდის სოციალურ  
გარემოსთან ურთიერთობის პროცესში. „პერსონა არის... ფუნ-  
ქციობის კომპლექსი, რომელიც აღმოცენდება შეგუების საფუძვლე-  
ბიდან ან საჭირო მოხერხებულობიდან, მაგრამ არაა იდენტური  
ინდივიდუალობასთან. ფუნქციობის კომპლექსი განსაკუთრებით მი-  
მართულია ობიექტებთან ურთიერთობაზე“<sup>111</sup>. პერსონა განსხვავ-  
დება ინდივიდის ნამდვილი სახისაგან. ამიტომ ამბობს იუნგი, რომ  
პერსონა წარმოადგენს „მხოლოდ ნილაბს“, პიროვნების ნამდვილი  
ბუნების დამფარავს<sup>112</sup>.

იუნგის მიხედვით, „არაფრად არ ღირს ბრბოს ადამიანი. იგი  
უბრალო ნაწილაკია, რომელსაც დაკარგული აქვს ადამიანის ყოფიე-  
რების აზრი და ამით სული“. ამიტომ ეპოქის დიდი უბედურების  
განკურნება შეუძლია არა გაძლიერებას „კოლექტიური ორგანიზა-  
ციებისას, რომლებიც ერთად თავს უყარს არამზა ნახევრად ადამი-  
ანებს“, არამედ მხოლოდ ყოველი ინდივიდის „სულის შინაგანი წეს-  
რიგის“ განხორციელებას. ჩვენი „არეულობის ეპოქა“ უპირისპირ-  
დება ინდივიდუალური თვითგანხორციელების, ცალკეული ადამი-  
ანის თვითონად გახდომის, ინდივიდუალობის პროცესის იდეას. ადამი-  
ანები მხოლოდ თვითონად გახდომის გზით აღწევენ ისევ შინაგან  
„სულიერ კავშირს“. დღეს ისინი ამოვარდნილი არიან ერთიანობი-  
დან და მთლიანობიდან. სწორედ აღნიშნული სულიერი კავშირია ის,  
„რაც აკლია ჩვენს სამყაროს“ და რომელიც არ შეიძლება შენაცვ-  
ლებული იქნეს არავითარი პროფესიული კავშირებით, ინტერესთა  
ერთიანობით, პოლიტიკური პარტიითა და სახელმწიფოთი<sup>113</sup>. რა  
თქმა უნდა, იუნგს შეგნებული აქვს სოციალურის მნიშვნელობა ადამი-  
ანისათვის, რომ ადამიანი არაა მის გარეშე, რომ მისთვის ის წარ-  
მოადგენს „ეგზისტენციის უარსებითეს პირობას“ ჰაერის მსგავსად.  
„მაგრამ სასაცილო იქნებოდა გვემტკიცებინა, ადამიანი მისთვის  
ცხოვრობს, რომ მას სუნთქვა შეეძლოს. ასევე სასაცილოა ეთქვათ,

<sup>110</sup> Beziehungen, 1938, გვ. 91.

<sup>111</sup> Gestaltungen des Unbewußten, 1950, გვ. 55. აღნიშნული წარმოადგენს  
„ფსიქოლოგიური ნაშრომების“ მე-7 ტომს.

<sup>112</sup> Beziehungen, გვ. 64.

<sup>113</sup> Gesammelte Werke, XVI, გვ. 345.

ინდივიდი არსებობს სოციალურისათვის<sup>114</sup>. იუნგი კითხვაზე — რა არის სახელმწიფო — ასეთ პასუხს იძლევა: „ისაა ნულების გროვა“. „ბრბო უსათუოდ შთანთქავს ერთეულს, რომელიც თავის თავში არაა დაფუძნებული“<sup>115</sup>. არის რა ადამიანი დამკირებული სახელმწიფო მონამღე და იგი იქცევა რა „უსულო ჯოგურ ცხოველად“, მას მართავს, როგორც ცხოველს, შიში და ლტოლვა, „პანიკა და ვნება“. მხოლოდ ერთი ჯებირია „ბრბოს ფსიქიკაში გამოყეყეჩებისა და გახრწნის“ წინააღმდეგ: ესაა — „შინაგანი განმტკიცება“, „ბრბოს ფსიქიკის საწამლავის წინააღმდეგ ინდივიდის მიერ იმუნიტეტის გაღმომუშაება“. „ცალკეულის თავისუფლებისა და დამოუკიდებლობის გარეშე არ არსებობს არავითარი კეშმარტი კოლექტივი“<sup>116</sup>.

იუნგის ანალიზური ფსიქოლოგიის მიზანია, ხელი შეუწყოს „ინდივიდუალური პიროვნების განვითარებასა და მომწიფებას“, „ყოველ ინდივიდში ცხოვრების სისავსის გაშლას, რამდენადაც მხოლოდ ერთეულში შეუძლია სიცოცხლეს მისი საზრისის ასრულება“<sup>117</sup>. ამოცანა, რაც ისმის ადამიანის წინაშე, მიმართულია იქით, რომ ყოველი ღონე მოხმარდეს ცნობიერისა და არაცნობიერის ერთმანეთის მიმართ დაპირისპირების აღკვეთას, მათ შორის კონფლიქტის მოხსნას, რაც მოსპობს ცალკალკე მათი ავტონომიის შექმნის ცდას, რაც საფუძველს გამოაქლის პიროვნული დაავადების ტენდენციას. ჩვენმა დრომ წინ წამოსწია და მახვილი დაუსვა ადამიანის ამქვეყნიურ მხარეს, ამით მოხდა ადამიანის და მისი სამყაროს დემონიზირება. ადამიანზე დიქტატურამ განძარცვა ადამიანის იქეთა მხარე (Jenseitigkeit). ადამიანი არაცნობიერის მსხვერპლი გახდა. ადამიანის ამოცანა ამისდა საპირისპიროდ სწორედ ის იქნებოდა, რომ არაცნობიერიდან მოზღვავებული გაცნობიერდეს, ნაკეულად მასთან გაიგივებისა ან არაცნობიერად დარჩენისა. ორივე შემთხვევაში ადამიანი არ იქნებოდა ერთგული საკუთარი განსაზღვრულობისა — ცნობიერების შექმნისა (Bewußtsein zu schaffen). ადამიანური არსებობის ერთადერთი აზრია უბრალო ყოფიერების წყვილადში სინათლის ანთება. როგორც არაცნობიერი ჩვენზე ზემოქმედებს, ასევე აგრეთვე უნდა განიერცოს ჩვენი ცნობიერების არე არაცნობიერზე<sup>118</sup>.

<sup>114</sup> ი ქ ვ ე, გვ. 112—113.

<sup>115</sup> ი ქ ვ ე.

<sup>116</sup> ი ქ ვ ე, გვ. 115.

<sup>117</sup> ი ქ ვ ე, გვ. 117.

<sup>118</sup> Erinnerungen, გვ. 329.

პიროვნება განსაკუთრებული ცოცხალი არსების თანშობილი თავისებურებების უმაღლესი განხორციელებაა. პიროვნების განვითარების პირველი შედეგია ცალკეული არსების ცნობიერი და უცილობელი გამოყოფა ჯოგის განუსხვავებლობისა და არაცნობიერობისაგან. ესაა განმარტობა (Vereinsamung). მაგრამ პიროვნების განვითარება მეტია, ვიდრე განმარტობა. ეს მეტი საკუთარი კანონისადმი ერთგულებაა. ერთგულება ნიშნავს ნდობას, ნდობით ლოიალობას. ერთგულება საკუთარი კანონისადმი არის ნდობა ამ კანონისა, ლოიალური მოთმინებით ლოდინი და ნდობითი იმედი, განწყობა, რომელიც უნდა ჰქონდეს რელიგიურ აღაზიანს ღმერთის მიმართ. პიროვნება ვერ განვითარდება, თუკი არ მოხდა ცნობიერად საკუთარი გზის არჩევა. არა მხოლოდ კაუზალურმა მოტივმა, იძულებითმა საჭიროებამ, არამედ აგრეთვე ცნობიერმა მორალურმა გადაწყვეტილების მიღებამ თავისი ძალა უნდა მოახმაროს პიროვნების განვითარების პროცესს. საკუთარი გზის შესახებ გადაწყვეტილებას მაშინ იღებენ, როცა ის საუკეთესოაა ჩათვლილი. ის ფაქტი, რომ კონვენციები (მორალური, სოციალური, პოლიტიკური, ფილოსოფიური და რელიგიური შეთანხმებები) რომელიც სახით აყვავებულია, იმას ამტკიცებს, რომ აღაზიანთა უმრავლესობა ირჩევს არა თავის საკუთარ გზას, არამედ კონვენციებს და ამის შედეგად ის ავითარებს არა საკუთარ თავს, არამედ კოლექტიურობას საკუთარი მთლიანობის ფასად.

რა განაპირობებს საკუთარი გზის არჩევანს და ამით მასასთან არაცნობიერი გაიგივებებიდან, როგორც წყვდიადიდან, თავის დაღწევას? ეს არ შეიძლება იყოს არც იძულებითი საჭიროება (Not) და არც მორალური გადაწყვეტილების მიღება, რადგანაც ეს ვითარებანი კონვენციებთან კავშირს გულისხმობენ. საკუთარი გზის არჩევანს განაპირობებს ხვედრი, მოწოდება (Bestimmung). ეს ის ფაქტორია, რომელიც გვიბიძგებს განვითარისუფლდეთ ჯოგისაგან და მისი გაკვალული გზიდან. ხვედრი პიროვნებაში მოქმედებს ღვთის კანონის დარად, რომელმაც გადახვევა არ იცის. პიროვნებამ უნდა უსმინოს საკუთარ კანონს, თითქოს ის იყოს ღმერთი, რომელიც მას ახალი, უცხო გზის შესახებ ჩასჩურჩულებს. ვისაც ხვედრი აქვს, მას ესმის შინაგანის ხმა, ის განსაზღვრულია (ist bestimmt). ისტორიულად ასეთი იყო სოკრატი.

მხოლოდ ის, ვისაც შეუძლია ცნობიერად დაეთანხმოს შინაგანი ხვედრის ძალაუფლებას, ხდება პიროვნება. პიროვნება მსხვერპლად

ეწირება საკუთარ ხვედრს თავისუფალი ნების გადაწყვეტილებით და მას თარგმნის ცნობიერებით საკუთარ ინდივიდუალურ სინამდვილეზე. შინაგანის ხმა, die Bestimmung ძალით საფეხ ობიექტურ ფსიქიკურია. აღმოჩენილი გზა ჩვენში არის ფსიქიკურად ცოცხალის მსგავსი, რომელსაც კლასიკური ჩინური ფილოსოფია უწოდებს „ტაო-ს“. ტაო შედარებულია წყლის მდინარეებასთან, რომელიც გარდუვლად მიემართება საკუთარი „მიზნისაკენ“. ტაო-მდგომარეობაში ყოფნა ნიშნავს: დასრულებულობას, მთლიანობას, განხორციელებულ ხვედრს, დასაწყისსა და მიზანს, საგნებში თანშობილობის საზრისის სრულ განხორციელებას. პიროვნება არის ტაო<sup>110</sup>.

კ. გ. იუნგის აზრით, რაც აქ ითქვა პიროვნების შესახებ მხოლოდ ცდაა პრობლემასთან მიახლოვებისა და არა მისი გადაწყვეტის განზრახვა. ეს ცდა უფრო პიროვნების ფსიქოლოგიური პრობლემის აღწერაა.

§ 4. კრიტიკული შეფასება. იუნგის ფსიქოლოგიური კონცეფციის კრიტიკული ანალიზის დროს ყურადღება უნდა მიექცეს იმ ფილოსოფიურ წანამძღვრებს, რომლებიც საფუძვლად ედებიან და განსაზღვრავენ ანალიზური ფსიქოლოგიის თეორიას. აღნიშნულის გაცნობიერება საშუალებას მოგვცემს, ვწვდეთ ამ ფსიქოლოგიური თეორიის არსს, ცხადვყოთ მისი მეცნიერული ბუნება.

სიღრმისფსიქოლოგიური მიმდინარეობისათვის საერთოდ დამახასიათებელია დუალისტური თვალსაზრისზე დგომა, რადგანაც აქ წამოყენებულია ფსიქიკის თვითკმარობისა და დაზნული სისტემის სახით არსებობის თეზისი. სიღრმის ფსიქოლოგიის ფუნდამენტალური ცნება არაცნობიერი ფსიქიკისა ეფუძნება ონტოლოგიური დუალიზმის მსოფლმხედველობას. აქ პრინციპში უარყოფილია ცნობიერი ფსიქიკის განპირობებულობა ფიზიოლოგიური სინამდვილით, ცნობიერი ფსიქიკა ჩათვლილია არაცნობიერი ფსიქიკის პროდუქტად, მის გამოვლინებად.

ონტოლოგიური დუალიზმის საფუძვლებზე დგომა კარგად ჩანს იუნგის ფსიქოლოგიური თეორიის ანალიზიდან. ჩვენი ავტორის გაგებით, ფსიქიკა წარმოადგენს თვითკმარ სინამდვილეს და იგი დაზნულია როგორც თვითარეგულირებადი. ფსიქიკა არაა ეპიფენომენი. შემოქმედებითობა მისი არსებითი ნიშანია. ცნობიერი ფსიქიკის მრავალფეროვნება ემყარება არაცნობიერი ფსიქიკის (პიროვნ-

<sup>110</sup> Wirklichkeit der Seele, Vom Werden der Persönlichkeit, Zürich-Stuttgart, 1961, გვ. 135—151.

ნული და კოლექტიური არაცნობიერი ფსიქიკის) მოქმედებას. ფსიქოლოგიამ, როგორც ემპირიულმა მეცნიერებამ, უნდა იხელმძღვანელოს ფილოსოფიური ასპექტით ჯერ კიდევ გადაუქრელი, მაგრამ ემპირიული ძიებისათვის ერთგვარად გამართლებული წინასწარ მიღებული თვალსაზრისით — ფსიქიკის დამოუკიდებელი რეალობის სახით წარმოდგენისა. ფსიქიკა დაკავშირებულია ტვინთან, მაგრამ ფსიქიკის შემეცნება უნდა მოხდეს ტვინის გამოყენების გარეშე. აღნიშნული თვალსაზრისის მიღება ამართლებს ფსიქიკის თვითკმარის სინამდვილის სახით გააზრებას.

ანალიზური ფსიქოლოგიის ავტორი, მართალია, ზოგ მომენტში ბოლომდე განუხრელად ვერ იცავს ზემოაღნიშნულ თეორიულ პრინციპს, მაგრამ ერთი რამ უდავოა, მასთან არაცნობიერი ფსიქიკის აღიარებისა და დასაბუთების ცდის საკითხში ეს თეორიული წინამძღვარი გადამწყვეტ როლს თამაშობს.

იუნგის ონტოლოგიური დუალიზმის პოზიციაზე დგომას თან ერთვის გნოსეოლოგიური სკეპტიციზმი და ფსიქოლოგიზმი. ადამიანური შემეცნება, ავტორის რწმენით, შეუძლებელია გასცდეს საალბათო საფეხურს, პიპოთეზის სფეროს. ჩვენი ცოდნა, საერთოდ და ფსიქიკის შესახებ, კერძოდ, უნდა შეფასდეს როგორც „თითქოს“; ე. წ. მეცნიერული ცოდნა არაა თავისთავად არსებული ობიექტური საქმის ვითარების ადეკვატური ასახვა, ის ფიქციური ბუნებისაა. მეორე მხრით, „ყოველი წვდომა და ყველა ნაწვდომი ფსიქიკურია“<sup>120</sup>.

ანალიზურ ფსიქოლოგიაში ფსიქიკური ენერგიის ცნება სწორედ რომ ასეთია; იგი რეალური ფსიქიკური გარკვეულობის აღმნიშვნელი კი არაა, არამედ წარმოადგენს საშუალებას გონითი ოპერაციისათვის ფსიქიკის ფარგლებში. იუნგი წერს: „ისევე როგორც ძველ ბუნებათმეცნიერებაში მულამ იყო ლაპარაკი ბუნებაში ურთიერთკავშირებზე და შემდეგ განხილვის ეს ძველი წესი შეიცვალა ენერგიის შენახვის კანონით, ასევე ვცდილობთ ჩვენ აქ, ფსიქოლოგიის სფეროში, ერთმანეთთან კოორდინირებული სულიერი ძალების ურთიერთკავშირის შეცვლას ერთნაირად მოაზრებული ენერგიით. მკაცრად აღებული, ერთმანეთში გადადიან არა ფიზიკური ძალები, არამედ ენერგია ცვლის მათი გამოვლენის ფორმას. ძალები ფენომენალურია. რაც ძევს მათი ეკვივალენტური მიმართების ძირში, ესაა ენერგიის პიპოთეზური ცნება, რომელიც, ბუნებრივია, საკვებით

<sup>120</sup> Erinnerungen, გვ. 354.

ფსიქოლოგიურია და არაფერი ესაქმება ეგრეთ წოდებულ ობიექტურ რეალობასთან“. ფსიქიკური ენერგია წარმოადგენს „არა მხოლოდ არაკონკრეტულ ან არაცნობილ, არამედ უბრალო X-ს, ...წმინდა ჰიპოთეზას, სურათს ან საანგარიშო ნიშანს“<sup>121</sup>. „ენერგია როგორც მისი კორელატი დროის ცნება, წარმოადგენს უშუალოდ ქვრეტელ აპრიორი მოცემულ ფორმას“<sup>122</sup>. მაშასადამე, ფსიქიკური ენერგია ფსიქიკური სინამდვილის საკუთარი ბუნების მაჩვენებელი არაა და ამიტომაც ის ვერაფერს იტყვის ვერც არაცნობიერი ფსიქიკის რეალურად არსებობის შესახებ.

ანალიზურ ფსიქოლოგიაში არაცნობიერი ფსიქიკის შინაარსი სამი მნიშვნელობითაა წარმოდგენილი: ფსიქიკური ენერგია, პიროვნული არაცნობიერი ფსიქიკა და კოლექტიური არაცნობიერი ფსიქიკა. ფსიქიკური ენერგია, რომელიც ფსიქიკური მოვლენების საფუძველში მდებარედაა წარმოდგენილი და, ამდენად, ფსიქიკის არაცნობიერ სფეროს განეკუთვნება, როგორც გაირკვა, არ წარმოადგენს რეალობას<sup>123</sup>. ამიტომ მისი ონტოლოგიური დასაბუთების საკითხი არც ისმის. სამაგიეროდ ანალიზურ ფსიქოლოგიაში არის ცდა პიროვნული და კოლექტიური არაცნობიერი ფსიქიკის ფენების დასაბუთებისა.

არაცნობიერი ფსიქიკის არგუმენტაციას იუნგთან ზემოთ გავეცანით. იქ მითითებული იყო, რომ ასოციაციის მეთოდით მიღებული შედეგები, სახელდობრ, რომ პასუხებში შეფერხებათა რაოდენობა და თვითონ დროში შეფერხების გახანგრძლივება წამოყენებულია საბუთად არაცნობიერი ფსიქიკისა. ზემოაღნიშნული ფაქტიური მდგომარეობიდან იმ დასკვნის გამოტანა, რომ სწორედ არაცნობიერი ფსიქიკაა მიზეზი რეაქციის გახანგრძლივებისა, ადვილად შესამჩნევ ლოგიკურ შეცდომას *petitio principii*-ს წარმოადგენს. აქ წინასწარვე გადაჭრილადაა ნაგულისხმევი საკითხი, რისი უშუალო დადასტურებაც ემპირიულ მოცემულობას მოეთხოვება. იუნგთან ამ შემთხვევაში თავიდანვე მიღებულია დებულება: შეფერხება ცნობიერებაში შეიძლება გამოიწვიოს მხოლოდ იმ ფსიქიკამ, რომელიც არაცნობიერად არსებობს, დადასტურდა შეფერხების აქტი, მაშასადამე, იგი გამოწვეულია არაცნობიერი ფსიქიკით. იმთავითვე უარყოფილია აზრი

<sup>121</sup> Über Energetik der Seele, გვ. 48.

<sup>122</sup> «Alles Begreifen und alles Begriffene ist an sich psychisch, und insofern sind wir in einer ausschließlich psychischen Welt hoffnungslos eingeschlossen». Erinnerungen. გვ. 354.

<sup>123</sup> დასაზუსტებელია ლიბიდოს შინაარსიც. მასში იკვლისხმება იუნგთან როგორც ფსიქიკური ენერგია საერთოდ, ისე სიცოცხლის ენერჯიაც. ეს შინაარსები, რა თქმა უნდა, კვივალენტური არაა.

შეფერხების მიზეზად, არათსიქიკურის, მაგალითად, ფიზიოლოგიურის შეწყნარებისა<sup>124</sup>.

ასოციაციის მეთოდით მიღებული ფაქტიური ვითარება, როგორც ასეთი, არაფრის მთქმელია არაცნობიერი ფსიქიკის რეალობის სასარგებლოდ. ის ამ უკანასკნელს ვერ ასაბუთებს, რადგანაც საერთოდ პრინციპულადაა შეუძლებელი არაცნობიერი ფსიქიკის პიპოთეზის ფაქტობრივი, ემპირიული დასაბუთება. ამიტომაც ასოციაციის მეთოდით მიღებული შედეგები არ შეიძლება ჩაითვალოს არც „სულის არაცნობიერი სფეროს ახალ დასაბუთებად“ და არც „შესაძლებლობად, უშუალოდ ვაკვირდებოდეთ და ექსპერიმენტულად ვიკვლევდეთ სულის არაცნობიერი სფეროს ზემოქმედებას“. არაცნობიერ ფსიქიკაში, როგორც ცნობილია, იგულისხმება ისეთი რამ, რაც ცნობიერებისაგან დამოუკიდებელი არსებობაა და ცნობიერებაში თავისი უშუალობით არ შეიძლება მოგვეცეს, ამდენად საფუძველი არ გვაქვს ვილაპარაკოთ ასეთი გარკვეულობის (resp. არაცნობიერი ფსიქიკის) ცნობიერებით დადასტურებაზე პირდაპირ, ე. ი. მის ემპირიულად. ცდაში, გამოცდილებაში მოცემულობაზე, მის ფაქტობრიობაზე. აღნიშნული ვითარება შეუძლებელს ხდის როგორც თვითონ არაცნობიერ ფსიქიკაზე, ასევე მისით შედეგების გამოწვევის პროცესზე დაკვირვებას. იუნგმა ხომ თვითონ აღიარა; „უნდა გავიმეორო, რომ არაცნობიერის კვლევა არ შეგვიძლია ემპირიულად...“<sup>125</sup>.

იუნგი, მეორე მხრით, გვათავაზობს კოლექტიური არაცნობიერი ფსიქიკის დასაბუთების ცდას, რაც დაკავშირებულია არქეტაპის ცნებასთან. ავტორთან არქეტაპი გააზრებულია, როგორც ადამიანის ფსიქიკის თანშობილი გარკვეულობა, რომელიც განაპირობებს ცნობიერი ფსიქიკის შინაარსების კონკრეტული სახით ფორმირებას.

იუნგი თავისთავადი არქეტაპის შინაგანი ბუნების შესახებ,

---

<sup>124</sup> როგორც ზემოთ აღინიშნა, იუნგი ფსიქიკის დახშული და თვითმარი სინამდვილის სახით წარმოდგენას პროვიზორულად თვლის, რამდენადაც ჯერ კიდევ არაა საბოლოოდ გადაწყვეტილი ფსიქო-ფიზიკური ურთიერთობის საკითხი. თუკი ავტორის მიერ არ იქნებოდა დაიწვებული აღნიშნული მეთოდოლოგიური მრწამსი თავის შედეგებითურთ, მას უფლება არ ექნებოდა, კატეგორიულად განეცხადებინა — „ფანტაზიის სფეროს არ სცილდება არაცნობიერის გამოცხადება ფიზიოლოგიურ პროცესის სახით“. *Psychologische Typen, Definition 57.*

<sup>125</sup> «Ich muß wiederholen, daß wir das Unbewußte nicht empirisch erforschen können». *Über Grundlagen der analytischen Psychologie, გვ. 77.*



სხვადასხვა დროს განსხვავებულ შეხედულებას გამოთქვამდა. პირველად ის იცავდა აზრს, რომ არქეტიპი გამოცდილების ნიშნად მიღებული, წარმოშობილი, ამიტომაც მას უწოდებდა „კაცობრიობის გამოცდილების ნალექს“, „ტიპიური გამოცდილების ანაბექტს“, „წინაპართა ნაშის“<sup>126</sup>. მოგვიანებით იუნგი აღარ სევამს თავისთავადი არქეტიპის გენეზისის საკითხს: „წარმოშობილია თუ არა საერთოდ სულიერი სტრუქტურა და მისი ელემენტები — არქეტიპები, ეს მეტაფიზიკის საკითხია და ამიტომაც პასუხგაუცემელი“<sup>127</sup>. აღნიშნული ვითარების გათვალისწინება, რა თქმა უნდა, გარკვეული კუთხით, იუნგის თვალსაზრისის არათანამიმდევრულობაზე მეტყველებს. მაგრამ საკითხი, რაზედაც საჭიროა პასუხის გაცემა, ასე ისმის: რა არის ის საფუძველი, რომელიც გვაფიქრებინებს, რომ ცნობიერ ფსიქიკაში გამოვლენილი შინაარსები. ე. წ. არქეტიპული წარმოდგენები, სწორედ რომ არიან არაცნობიერი ფსიქიკის პროდუქტები. იუნგის მოსაზრება, რომ ფსიქიკაც ისტორიის შემოქმედია, რომ ადამიანის ფსიქიკას არ შეიძლება არ გააჩნდეს ბიოლოგიური, წინაისტორიული და არაცნობიერი (resp. გაუცნობიერებელი), შეუგნებელი განვითარება, ბუნებრივი და მისაღები ჩანს. ასევე გარკვეული თვალსაზრისით, სადავო არ შეიძლება იყოს არც თანამედროვე ადამიანის ფსიქიკაში მითოლოგიური მოტივებისა და პრიმიტიული სულის პროდუქტების ერთგვარი პარალელების ძიება და დადასტურება, მაგრამ ეს მსჯელობები არ წარმოადგენენ არგუმენტებს, რომლებსაც შეუძლიათ დაადასტურონ თავისთავადი არქეტიპის ფსიქიკურობა. იუნგის მსჯელობა — დასკვნა, რომელიც ეხება თავისთავადი არქეტიპის არსებობის ბუნების გარკვევას, წარმოადგენს დასკვნას მიზეზიდან შედეგზე. ასეთი დასკვნა ონტოლოგიური საკითხის საბოლოო გადაწყვეტის საქმეში საკმაოდ საფუძველს მოკლებულია. აქ საქმე გვაქვს არაცნობიერი ფსიქიკის არაპირდაპირ დასაბუთებასთან: ცნობიერებას ევალუება დაადასტუროს ის, რაც ცნობიერების შინაარსის უშუალო მიზეზია, მაგრამ ეს მიზეზი ცნობიერებას არ შეიძლება მიეცეს. ესაა ცნობიერების ფსიქიკური შინაარსით არაცნობიერის ფსიქიკის დასაბუთების არამართებული გზა

<sup>126</sup> «Niederchläge stets sich wiederholender Erfahrung der Menschheit»; «Einprägungen immer wiederholter Erfahrungen»; «Die Reste des Ahnenlebens». Über die Psychologie des Unbewußten, გვ. 126, 150.

<sup>127</sup> Von den Wurzeln des Bewußtseins, გვ. 112. ავტორი იგივე აზრს გამოთქვამს «ფსიქოლოგია და ალქიმიაში» (1944), გვ. 126: «Wir wissen einfach nicht, woraus der Archetyp in letzter Linie herzuleiten ist, so wenig wir den Ursprung der Seele kennen».

და მაინც იუნგი თუკი იცავს აზრს, რომ „ცნობიერება არის არაცნობიერი სულის გვიანდელი ნაშიერი“<sup>128</sup>, ეს ონტოლოგიურ დუალიზმზე მისი დგომიდან გამომდინარე შედეგია.

იუნგმა არაცნობიერი ფსიქიკის პიროვნული და კოლექტიური რომელობები დაუპირისპირა ერთმანეთს, როგორც სუბიექტური და ობიექტური ფსიქიკა. პიროვნული არაცნობიერი ფსიქიკის რომელობა ერთი ასპექტით მან დაახასიათა როგორც ცნობიერების ფსიქიკური შინაარსები, რომლებიც გარკვეული გარემოების გამო, ცნობიერების ფარგლებს გარეთ არსებობენ, მოკლებულნი არიან ცნობიერების ნიშანს<sup>129</sup>. ზოლო კოლექტიური არაცნობიერი ფსიქიკა, როცა ის უპირისპირდება პიროვნულ არაცნობიერ ფსიქიკას, ანალიზურ ფსიქოლოგიაში წარმოდგენილია გარკვეულობის ფორმით, რომლის ფსიქიკურ რომელობაში დარწმუნებულნი ვართ, მაგრამ მის ონტოლოგიურ სახეზე არაფერი ვიცით, ამგვარი დაპირისპირების დროს ისმის კითხვა: თუკი დავდგებით პრინციპულ პოზიციაზე, რომელიც გამომდინარეობს არაცნობიერი ფსიქიკის პირდაპირი ზილვის შეუძლებლობის ფაქტიური ვითარებიდან — „სანამ ისინი (არაცნობიერი პროცესები — ვ. კ.) არაცნობიერია, მათ შესახებ, ბუნებრივია, არაფრის თქმა არ შეიძლება“ — მაშინ როგორ მოხერხდებოდა პიროვნული არაცნობიერის ფსიქიკის ფენომენალური დახასიათება? საიდან ვიცით, რომ პიროვნულ ფსიქიკას მხოლოდ ცნობიერების ნიშანი აკლია, სხვა მხრივ კი იგი ჩვეულებრივია ცნობიერი ფსიქიკური შინაარსისა? იუნგის განმარტება პიროვნული არაცნობიერი ფსიქიკისა, რა თქმა უნდა, დოგმატურ პოზიციაზე დგომას ნიშნავს.

---

<sup>128</sup> «Das Bewußtsein ist ein spätgeborener Nachkomme der unbewußten Seele». Wirklichkeit der Seele, 1947, გვ. 8.

<sup>129</sup> იუნგი არაცნობიერი ფსიქიკის კონცეფტუალურებაში გულისხმობს ორ შინაარსს: იმას, რაც ცნობიერების გარეშეა, და იმას, რაც ცნობიერების ფარგლებშია. მაგრამ შეიძლება აღმოჩნდეს, რომ ის, რაც ცნობიერების გარეშეა, პრინციპულად არ განსხვავდებოდეს იმისაგან, რაც ცნობიერების ფარგლებშია. იუნგი არაცნობიერის მთელ შინაარსს შემდეგნაირად აყალიბებს: «Alles, was ich weiß, an das ich aber momentan nicht denke; alles, was mir einmal bewußt war, jetzt aber vergessen ist; alles, was von meinen Sinnen wahrgenommen, aber von meinem Bewußtsein nicht beachtet wird; alles, was ich absichts- und aufmerksamkeitslos, d. h. unbewußt fühle, denke, erinnere, will und tue; alles zukünftige, das sich in mir vorbereitet und später erst zum Bewußtsein kommen wird; all das ist Inhalt des Unbewußten». Von den Wurzeln des Bewußtseins, 1954, გვ. 536.

იუნგის მიერ არაცნობიერი ფსიქიკის გამართლებებისათვის მონარკვებულია სულის თანშობილობის იდეაც. ინდივიდს დაბადებისთანავე აქვს მემკვიდრეობით მოტანილი ფსიქიკური შესაძლებლობანი; სული სუფთა დაფა არაა და ამიტომ ის, რაც თანდაყოლილია სულისთვის, წარმოდგენს არაცნობიერი ფორმით არსებულ ფსიქიკას<sup>130</sup>. ადამიანში თავიდანვე არის კოლექტიური ფსიქიკის უნარები, არქეტები ეს „ინსტინქტური მიღრეკილებაა“. „წარმოდგენის შესაძლებლობაა“, „ფსიქიკური ფუნქციის თანშობილი მოდუსია“, „სულის ორგანოა“ და ა. შ.

იუნგის ზემოაღნიშნულ მსჯელობას ასოციაციით გადაყვავართ იმ ფილოსოფიური დისკუსიის არეში, რომელიც წარმოებდა სულის თანშობილი იდეების საკითხთან დაკავშირებით. დღეს კარგადაა ცნობილი, რომ ემპირიზმის ბრძოლა რაციონალიზმის წინააღმდეგ არ ითვალისწინებდა პრობლემის ყველა ასპექტს. ემპირიზმი მართალი იყო თეზისის არგუმენტაციაში, რომ სულს, გონებას არ გააჩნია მზამზარეული თანდაყოლილი შინაარსები. რაციონალიზმი მართალი იყო იმის მტკიცებაში, რომ სულის თანდაყოლილობა ეხება გონებისეულ უნარებს, რომ ინდივიდის გონებას აქვს მიღრეკილებების, გონებისეული შესაძლებლობების განხორციელების შანსი.

რა თქმა უნდა, იუნგი არ იზიარებს შეხედულებას ცნობიერების თანშობილი შინაარსების შესახებ. მას თანშობილად მიაჩნია ე. წ. „წარმოდგენის შესაძლებლობა“, რომელსაც შემდეგ შეუძლია ცნობიერების შინაარსების მოწესრიგება და თვითონ ამ შინაარსების წარმოშობა. იუნგი სულის ე. წ. თანშობილ მიღრეკილებებს ფსიქიკის სფეროს მიაკუთვნებს. გასარკვევი ისაა, თუ რა საფუძველი არსებობს სულის, გონის თანშობილი უნარები, შესაძლებლობები ჩაითვალოს ფსიქიკად. იუნგი საგანგებოდ არ ჩერდება ამ საკითხების გარჩევაზე. მასთან თავიდანვე დაშვებულია, რომ, ის რაც მატერიალური (ფართო მნიშვნელობით) არაა, ფსიქიკურია. იდეალური და გონითი სამყარო ჩვენი ავტორის მიერ ფსიქიკურ სინამდვილესთან არის გაიგივებული, „გონი ფსიქიკური ფენომენია“<sup>131</sup>.

მეორე მხრით, არის საფუძველი, იქ, სადაც იუნგი მსჯელობს

<sup>130</sup> „...sie (ბავშვის ფსიქიკა—გ. კ.) ist allbereits erkennbar individuell praeformiert und darüber hinaus mit allen spezifisch menschlichen Instinkten ausgerüstet, so auch mit den apriorischen Grundlagen höherer Funktionen». Erinnerungen, Träume, Gedanken von C. G. Jung, გვ. 351.

<sup>131</sup> Psychologie und Erziehung, გვ. 47.

არაცნობიერ ფსიქიკაზე, როგორც „სულის ორგანოზე“, „შესაძლებლობაზე“, „მიღრევილებაზე“, „ფუნქციონის თანშობილ მოდუსზე“ და ა. შ. ვიგულისტმით არა ფსიქიკის მასალითი შედგენილობა, არამედ ფსიქიკის კანონზომიერება, კანონი. მაგალითად, იუნგი წერს: „ისევე, როგორც ცოცხალი სხეული თავისი განსაკუთრებული თვისებებით წარმოადგენს გარემო პირობებისადმი შეგუების ფუნქციების სისტემას, ასევე სულსაც უნდა აღმოაჩინდეს ამგვარი ორგანო, ანუ ფუნქციების სისტემები, რომლებიც, შეესატყვისებიან კანონზომიერ ფიზიკურ შემთხვევებს. აღნიშნულში შე ვგულისხმობ არა ორგანოთი განპირობებულ შეგარძნებათა ფუნქციებს, არამედ, პირიქით, ფიზიკური კანონზომიერების ფსიქიკური პარალელური მოვლენების სახეს“<sup>132</sup>. ასეთი ინტერპრეტაციის შემთხვევაში სულის, გონის თანშობილი უნარები და შესაძლებლობანი ეკვივალენტური ზღვება ფსიქიკის არაცნობიერი კანონისა. აქაც უნდა გაირჩეს საკითხი, თუ რას წარმოადგენს ფსიქიკის კანონი — ფსიქიკურს თუ არაფსიქიკურს? თუ ფსიქიკის არაცნობიერი კანონი ფსიქიკურია, მაშინ რადენაღმე გამართლებული ჩანს არაცნობიერ ფსიქიკაზე მსჯელობა, როგორც ისეთ ფსიქიკურ გარკვეულობაზე, რომელიც ცნობიერების მიღმა და ცნობიერების შინაარსის ფორმა არ გააჩნია და ამასთან ცნობიერ ფსიქიკურ შინაარსებსა და პროცესებს მართავს.

ანალიზურ ფსიქოლოგიაში ნათლად არც ისაა ნაჩვენები, თუ რა უნდა იგულისხმებოდეს არაცნობიერ ფსიქიკაში, როცა ის ცნობიერი ფსიქიკის წარმომქმნელადაა დასაზული: ცნობიერი ფსიქიკის არაცნობიერი კანონი, არაცნობიერი ფსიქიკის მასალითი რეალობა, თუ არაცნობიერი ფსიქიკის მასალითი რეალობის არაცნობიერი კანონი? სხვა ასპექტით ეს ვითარება ასე შეიძლება დახასიათდეს: საერთოდ ცნობიერი ფსიქიკის პროცესებს მართავს ცნობიერი ფსიქიკის არაცნობიერი კანონი, თუ არაცნობიერი ფსიქიკის არაცნობიერი კანონი? რა კონკრეტულ სახეს მიიღებს ეპიფენომენალიზმის წინააღმდეგ ბრძოლა ცნობიერი ფსიქიკის ასპექტით: საერთოდ ფსიქიკა არაა. ტვინის ეპიფენომენი, მაგრამ ცნობიერი ფსიქიკა იქნება თუ არა არაცნობიერი ფსიქიკის ეპიფენომენი?

იუნგთან შეინიშნება წინააღმდეგობა იმ დახასიათებაში, რომელიც მოცემულია კოლექტიური არაცნობიერი ფსიქიკის კუთხით. საქმე ისაა, რომ თავისთავად არქეტიპს, როგორც ფსიქიკურ გარკვე-

<sup>132</sup> Seelenprobleme der Gegenwart, გვ. 166.

ულობას, უპირისპირდება მისი ფ ს ი ქ ი დ ა დ წარმოდგენა<sup>133</sup>, ხოლო ფსიქიკის დაზუსტულ და თვითრეგულირებად სინამდვილედ გააზრებას — არქეტიპის ტვინის ფუნქციად გამოცხადება<sup>134</sup>.

მაგრამ მთავარი მაინც ისაა, რომ იუნგი მერყევ პოზიციაზე დგას არაცნობიერი ფსიქიკის გააზრების საქმეში. იუნგი როგორც ემპირიკოსი-მკვლევარი მოიხმარს არაცნობიერი ფსიქიკის ცნებას და მისი შესატყვისი შინაარსი ნამდვილად არსებულად მიიჩნია. იუნგი როგორც თეორეტიკოსი-ფილოსოფოსი, მართალია, უშვებს არაცნობიერი პროცესების არსებობას, მაგრამ მისი ნამდვილი ბუნების ჩვენების შესაძლებლობას უარყოფს<sup>135</sup>. ამიტომ მსჯელობა არაცნობიერზე, როგორც ფსიქიკურ ვითარებაზე პირობითია, ჰიპოთეზური დაშვებაა. თუკი არაცნობიერი ფსიქიკა, მართლაც, ჰიპოთეზურის ფარგლებს პრინციპულად არ შეიძლება გასცდეს, მაშინ მთელი შენობა ანალიზური ფსიქოლოგიისა, როგორც ფსიქოლოგიურ თეორიისა, რომელიც ცდილობს არაცნობიერი ფსიქიკის ფარგლებში კვლევა-ძიების წარმართვას, რადგანაც არაცნობიერი ფსიქიკაა მისი ამოსავალი, პირობითი მსჯელობების ერთიანობად იქცევა, რადგანაც მას რეალურ სინამდვილესთან არაფერი ესაქმება. ეს კი იმთავითვე მეტყველებს მისი მეცნიერული ღირებულების შესახებ.

ანალიზური ფსიქოლოგია კონცეფციის ავტორის მიერ ბუნების-მეტყველური ტიპის მეცნიერებადაა ჩათვლილი<sup>136</sup>. ამ დებულებას ერთვის განმარტება, რომ ანალიზური ფსიქოლოგია „ახალი სახის ბუნებისმეტყველური ფსიქოლოგიაა“, რომელიც „ემყარება უშუალო გამოცდილებას“. არაცნობიერი არაა უშუალო გამოცდილების ობიექტი. უშუალო გამოცდილება ცნობიერების ფენომენებს ეხება, რომლიდანაც უნდა მოხდეს შეღწევა მათ საფუძველში მდებარის

<sup>133</sup> Von den Wurzeln des Bewußtseins, გვ. 497, 576. Natureklärung und Psyche, 20, 66, 102.

<sup>134</sup> «Diese unpersönliche Seelenschicht nenne ich das k o l l e k t i v e U n b e w u ß t e. «Kollektiv», weil es nicht ein individuell Erworbenes ist, sondern das Funktionieren der ererbten Gehirnstruktur...» Psychologie und Erziehung, გვ. 95.

<sup>135</sup> «Die Frage, in welchem Zustande sich ein unbewußter Inhalt befindet, solange er nicht aus Bewußtsein angeschlossen ist, entzieht sich jeder Erkenntnismöglichkeit». Psychologische Typen, 1930, Definition 57; შეად. Erinnerungen, Träume, Gedanken von C. G. Jung, გვ. 354, სადაც შემდეგია აღნიშნული: «Insofern sich/aber Archetypen als wirksam erweisen, sind sie w i r k l i c h, wenn ich schon nicht weiss, was ihre reale Natur ist».

<sup>136</sup> Erinnerungen, Träume, Gedanken von C. G. Jung, გვ. 204.

პროცესში, მაგრამ, როგორც ჩანს, ეს გზა შემეცნებისათვის დაბ-  
მულია. ანალიზური ფსიქოლოგია რომ ბუნებისმეტყველური თეო-  
რიაა, ამაზე მეტყველებს, იუნგის მიხედვით, ფსიქიკის შემეცნების  
მიზანი და საშუალება. ის, ფიზიკის მსგავსად, არ სვამს საკითხს ნამ-  
დვილად არსებულის შესახებ, კმაყოფილდება ემპირიული ფაქტობ-  
რიობის დადგენით და მის ჰიპოთეზურ საფუძველზე მითითებით.  
ფსიქოლოგიამ უნდა გამოიყენოს ფსიქიკური სინამდვილის განზომი-  
ლებით ის კატეგორიები, რომლებითაც საკუთარი ინტერესებისათ-  
ვის მუშაობს ფიზიკა. მექანიკური და ენერგეტიკული განზომილების  
წესით დახასიათებული ფსიქიკა არ შეიძლება არ იყოს ბუნე-  
ბისმეტყველების კომპეტენციაში. „სიახლე“ ფსიქოლოგიისა ეხება  
სწორედ ფსიქიკის ფარგლებში ახალი მონაცემების, ე. წ. „ყაშირის“,  
კოლექტიური არაცნობიერის ჰიპოთეზის დაშვებას, რაზედაც  
ვრცელდება ბუნებისმეტყველური თვალსაზრისი. ცნებები: ლიბი-  
დო, კომპენსაცია, პოლარიზმი და ა. შ. მათგან გამოშლინარე შედე-  
გებით, ფიზიციზმის ნაყოფია ფსიქოლოგიაში, რომელიც უპირის-  
პირდება ფსიქიკის რომელიმე ბუნების დახასიათებას.

მართალია, იუნგს არ განუზრახავს ფსიქიკის მთლიანი თეორიის  
მოცემა, როგორც თვითონ აცხადებს, მისი ცდა ერთგვარ წინასწარ  
მოზადებას წარმოადგენს ფსიქიკის შესახებ ერთიანი სურათის ჩა-  
მოყალიბების. საქმეში, მაგრამ ეს ვითარება ვერ გაამართლებს ავტო-  
რის წინააღმდეგობრივსა და სადავო შეხედულებებს მთელი რიგი  
პრინციპული მნიშვნელობის საკითხებზე მსჯელობის დროს.

როცა საკითხი ისმის ცხოველისაგან ადამიანის განსხვავებისა,  
უნდა დავეთანხმოთ იუნგს, რომ რეფლექტორული ცნობიერების  
თვისება ჩაითვლება ადამიანის ერთ-ერთ სპეციფიკურ ნიშნად. სავ-  
სებით მისაღები ჩანს იუნგის მოთხოვნა ადამიანის ინდივიდის შე-  
საძლებლობათა მაქსიმალურად გამოვლენისა და მისი ჰარმონიული  
განვითარების თაობაზე. სწორია იუნგის პოზიცია სოციალური  
მნიშვნელობის შესახებ ადამიანისათვის იმ ასპექტით, რომ სოცია-  
ლური ადამიანის „ეგზისტენცის უარესებითესი პირობაა“, მაგრამ  
ადამიანის არსი მასზე არ დაიყვანება. იუნგი სამართლიანად ილაშქ-  
რებს ადამიანის „უსულო ჯოჯურ ცხოველად“ გადაქცევის წინააღმ-  
დეგ, რომ ადამიანს არ უნდა წარმართავდეს შიში და ლტოლვა, „პა-  
ნიკა და ვნება“, რომ ადამიანის ნამდვილ კოლექტივს ინდივიდების  
თავისუფლებისა და შეგნების მაღალ დონეზე დამყარებული ურთი-  
ერთობა ქმნის.

მაგრამ ამასთანავე პრინციპულად მიუღებელია იუნგის მტკიცება ადამიანის უსასრულო ღვთაებისაგან გამოყოფის შესახებ, რომ მთლიანი პიროვნება წარმოადგენს „ღმერთის ხატსა“ და „ღვთის პრინციპს“ ადამიანში. საფუძველსაა მოკლებული ანალიზური ფსიქოლოგიის ცდაც, სოციალური წარმოგვიდგინოს როგორც პიროვნების ნამდვილი ბუნების დამამახინჯებელი ფაქტორი. იუნგი ადამიანის ინდივიდუალური შესაძლებლობების სისაესით გაშლას აფუძნებს სულის (ფსიქიკის) შინაგანი წესრიგის ფაქტორზე, რომელიც მას წარმოუდგენია ცნობიერი და არაცნობიერი მხარეების პარამონიული ურთიერთობის სახით. იუნგს საზოგადოებრივი განვითარების, პროგრესის პირობადაც ადამიანის ფსიქიკის „შინაგანი წესრიგის“ მომენტი მიაჩნია. ამდენად, იგი ფსიქოლოგიურ ფაქტორს გადამწყვეტ როლს ანიჭებს და, როგორც ფსიქოლოგისტი, უპირისპირდება საზოგადოების განვითარების ეკონომიკურ საფუძვლებზე აგებულ თეორიას, მარქსიზმს.

ინდივიდუალფსიქოლოგია (ალფრედ ადლერი 1870 — 1937)

§ 1. ინდივიდუალფსიქოლოგიის ზოგადი დახასიათება. ალფრედ ადლერის თეორია ინდივიდუალფსიქოლოგია, გავრცელებულია შეხედულების მიხედვით, ცნობილია როგორც სიღრმის ფსიქოლოგიის ერთ-ერთი მიმართულება. მე-20 საუკუნის დასაწყისში ა. ადლერი ზ. ფროიდის ფსიქოანალიზის მიმდევარი და დამცველია. 1911 წელს ის ეთიშება ფსიქოანალიზურ მიმდინარეობას და აარსებს „თავისუფალი ფსიქოანალიზის წრეს“, რომელსაც ერთი წლის შემდეგ ეწოდა „ინდივიდუალფსიქოლოგიის წრე“<sup>1</sup>.

ა. ადლერის ინდივიდუალფსიქოლოგია (Individualpsychologie) საპირისპიროდ ინდივიდუალური ფსიქოლოგიისა (individuelle Psychologie) სპეციფიკური საქმის ვითარების ამსახველია<sup>2</sup>. იგი განსხვავდება იმ შინაარსისაგან, რომელიც იგულისხმება ვ. ვუნ-

<sup>1</sup> ადლერი ფსიქოანალიზურ მიმდინარეობას აქტიურად დაუკავშირდა 1902 წელს. ფროიდთან განხეთქილება საბოლოოდ მოხდა ფსიქოანალიზის ძირითადი დებულების კრიტიკით, რაც ადლერმა გადმოსცა მოხსენებაში „Zur Kritik der Freudschen Sexualtheorie des Seelenlebens“, რომელიც მიზნად ისახავდა დაესაბუთებინა თეზისი — სექსუალობა არაა საწყისი ვითარება, იგი ნაწარმოები მოვლენაა. მას საფუძვლად უდევს პიროვნების სწრაფვა ღირებულებისაკენ (Geltungsstreben).

<sup>2</sup> ადლერის ტერმინი Individualpsychologie ქართულად უნდა ითარგმნოს და დაიწეროს ასე: ინდივიდუალფსიქოლოგია (ისევე, როგორც გერმანული Gestaltpsychologie ქართულად იწერება გეშტალტფსიქოლოგია) და არა ინდივიდუალური ფსიქოლოგია, მათ შორის არსებითი შინაარსობრივი განსხვავების გამო. ეს ვითარება სწორადაა გათვალისწინებული ადლერის ერთ-ერთი სტატიის ქართულ თარგმანში, რომელიც დაიბეჭდა დ. უზნაძის რედაქტორობით გამოსულ „დასავლეთ ევროპის ფსიქოლოგიის თანამედროვე მიმდინარეობაში“, თბლისი, 1935 წელი, და ეკუთვნის ერ. აბაშიძეს. რუსულ ლიტერატურაში ყველგანა ნახშიარი არასწორად Индивидуальная психология, უნდა იყოს კი Индивидуальная психология.



დტის ცნებაში — ინდივიდუალური ფსიქოლოგია<sup>3</sup>; ის არც ა. ბინესა და ვ. ანრის ინდივიდუალური ფსიქოლოგიის (ასევე ვ. შტერნის დიფერენციალური ფსიქოლოგიის) ეკვივალენტურია<sup>4</sup>. ინდივიდუალ-ფსიქოლოგიის ცხადსაყოფად არ გამოდგება არც ის მნიშვნელობა, როცა „ინდივიდის“ ცნება გაგებულია როგორც სოციალურის საპირისპირო და მისი გამომრიცხველი. ა. ადლერის ინდივიდუალ-ფსიქოლოგია ეხება პ ი რ ო ვ ე ბ ი ს ბუნების ცხადყოფის პრობლემას. პიროვნება, ადლერის მიხედვით, მთლიანია, განუყოფელია, in-dividuum-ია. სწორედ აღნიშნული ვითარებაა ასახული ტერმინში — ინდივიდუალ-ფსიქოლოგია. მაშასადამე, ადლერის ინდივიდუალ-ფსიქოლოგია შინაარსობრივად არის მთლიანის, დაუნაწევრებლის ფსიქოლოგია. პიროვნება რომ მთლიანია, ინდივიდუუმია, ეს იმასაც ნიშნავს, რომ იგი, როგორც ასეთი, განუმეორებელია და, ამ აზრით, ინდივიდუალური<sup>5</sup>.

ა. ადლერის პერსონალისტური კონცეფციის — ინდივიდუალ-ფსიქოლოგიის — ძირითადი ცნებებია: ნ ა კ ლ ო ვ ა ნ ე ბ ი ს გ რ ძ ნ ო ბ ა, კ ო ლ ე ქ ტ ი უ რ ო ბ ი ს გ რ ძ ნ ო ბ ა, ც ხ ო ვ რ ე ბ ი ს ს ტ ი ლ ი, ს რ უ ლ ყ ო ფ ი ს ა კ ე ნ ს წ რ ა ფ ვ ა, კ ო მ-პ ე ნ ს ა ც ი ა. აღნიშნული ცნებებით ავტორი ცდილობს პიროვნების იმ ასპექტით დახასიათებასა და ცხადყოფას, რომელიც, მისი რწმენით, მეცნიერებისათვის ჭერ კიდევ ხელუხლებელი იყო. ა. ადლერმა ინდივიდუალ-ფსიქოლოგიას მიზნად დაუსახა პიროვნების რაობის ამოცანის გადაჭრა.

ა. ადლერის მიხედვით, სული შინაგან კავშირშია თავისუფალ მოძრაობასთან. ეს კავშირი არსებითი ბუნებისაა და ამიტომ შეიძლება ითქვას, რომ სულიერი ცხოვრების განვითარება მოძრაობას უკავშირდება. სულის ყოველი წარმატება—წინსვლა განპირობებულია ორგანიზმის თავისუფალი მოძრაობით (Beweglichkeit), ვი-

<sup>3</sup> ვილჰელმ ვუნდტის „ინდივიდუალური ფსიქოლოგია“ თანამედროვე ტერმინოლოგიით „ადამიანის ზოგადი ფსიქოლოგიაა“.

<sup>4</sup> აღფრედ ბინესა და ვიქტორ ანრის მიხედვით, ინდივიდუალური ფსიქოლოგია, როგორც ფსიქოლოგიის ერთ-ერთი დარგი, სწავლობს ადამიანებში ფსიქიკური პროცესების ინდივიდუალურ განსხვავებულობას.

<sup>5</sup> უკანასკნელ დროს individuum-ის ცნების სამ მომენტზე მიუთითებენ, ერთი ე. წ. კვანტიტეტური მხარე—დაუნაწევრებადობა, მეორეა კვალიტეტური მხარე—ერთხელობა, მესამეა—არსებობის თვითმყოფობა. იხ. H. R e m p l e i n. Psychologie der Persönlichkeit, München-Basel, 1956, გვ. 30—32.

ნაიდან ეს უკანასკნელი ხელს უწყობს სულიერი ცხოვრების მუდამ მზარდ ინტენსივობას. მოძრაობათა აღკვეთა მასთან ურთიერთობაში მყოფი სულიერი ცხოვრების კედომის მომასწავებელი იქნებოდა.

ცოცხალი ორგანიზმი ჰიტუაციის მოთხოვნის შესატყვისად წინ წამოსწევს თავდაცვის ან თავდასხმის ორგანოს. სულიერი ცხოვრება განხილული აღნიშნული ფუნქციის თვალსაზრისით შეიძლება წარმოვიდგინოთ როგორც თავდაცვისა და თავდასხმის მზაობის კომპლექსი. სულიერ ცხოვრებას შეუძლია გარემოზე უკუმოქმედება, რითაც უკეთეს პირობებს ქმნის ორგანიზმის განვითარებისათვის. მის განკარგულებაშია შესაძლებლობები და ძალები, რომლებიც საკმარისა ორგანიზმის სიცოცხლის უზრუნველსაყოფად<sup>6</sup>.

ა. აღლერის გაგებით, სულის ბუნებას ქმნის მამოძრავებელი ძალები, რომლებიც წარმოშობილი არიან ერთიანი საფუძვლიდან და მიისწრაფვიან ერთიანი მიზნისაკენ. სული მოძრაობაა. მოძრაობა არ შეიძლება არსებობდეს მიზნის გარეშე. შეგუების ცნებაში უკვე იგულისხმება მიზანსწრაფვის (Zielstrebige) მომენტი. მიზანი სულიერი ცხოვრების დინამიკას განაპირობებს<sup>7</sup>. სული სიცოცხლის ნაწილია, ამიტომ ის თავის თავში ატარებს სიცოცხლის ყველა მოძრავე სტრუქტურას<sup>8</sup>.

აღამიანის სულიერი ცხოვრება განსაზღვრულია მიზნით. ეს ზოგადი დებულება გადამწყვეტი მნიშვნელობის მქონეა ყოველი კონკრეტული მოვლენის მიმართ. სულში არ შეიძლება მოხდეს რაიმე, რაც ამ ზოგად კანონს არ დაექვემდებარება. ყოველი აქტი აზროვნებისა, გრძნობისა და ნებელობის პროცესები, სიზმარი და ა. შ. განპირობებულია და წარმართული მიზნით. ა. აღლერი წერს „ინდივიდუალფსიქოლოგიის აქსიომა აცხადებს: „სულიერი ცხოვრების ყველა მოვლენა გაიგება, ვითარცა მიზნისათვის წინასწარი მომზადე-

<sup>6</sup> A. Adler, Menschenkenntnis, Zürich, 1947, გვ. 11—12. პირველად გამოცემა 1921 წელს.

<sup>7</sup> «Wir können uns ein Seelenleben nicht vorstellen ohne ein Ziel, zu dem hin die Bewegung, die Dynamik, die im Seelenleben enthalten ist, abrollt». Persönlichkeit als geschlossene Einheit, მოთავსებულია ეურნალში: «Internationale Zeitschrift für Individualpsychologie», 1932, H. 2, 82. შემდეგ შემოკლებით Persönlichkeit, Int. Z. f. Indps.

<sup>8</sup> Die Systematik der Individualpsychologie. Int. Z. f. Indps. 1932, H. 4, გვ. 124. შემოკლებით, Systematik.

ბა<sup>9</sup>. სულიერი ცხოვრების განვითარებას მიზანი წარმართავს. მიზანი, როგორც სულის განვითარების პრინციპი, არ უპირისპირდება და არ გამორიცხავს შინაარსის მრავალნაირობის მომენტს.

სულიერი ცხოვრების მიზნობრივი ნიშნით დახასიათება არა მარტო ფაქტობრივი ვითარების გადმოცემა და ასახეა, არამედ მას მეთოდოლოგიური თვალსაზრისის შემუშავებასა და გატარებაში გადამწყვეტი მნიშვნელობა ენიჭება. ჩვენი ავტორის რწმენით, სულიერი მოქმედებისა და გამოვლენის წედომა მხოლოდ ტელეოლოგიურ განზომილებაში მათი მოთავსებისა და განხილვის გზით შეიძლება განხორციელდეს. „ფსიქიკის მიზანსწრაფვა არა მხოლოდ ჩვენი ქვრეტის ფორმაა, არამედ ავრეთვე ძირითადი ფაქტიც“<sup>10</sup>. ა. აღლერი ამ თეზისით საგნისადმი შესატყვისი მეთოდის მოთხოვნის აზრს იცავს. იგი თვლის, რომ ე. წ. ახალ ფსიქოლოგიაში სულიერი (ფსიქიკური) სინამდვილის მიმართ ტელეოლოგიური თვალსაზრისის გატარება მისი დამსახურებაა. და ეს დამსახურება მით უფრო მნიშვნელოვანია, რომ არ არსებობს სხვა ფსიქოლოგიური მიმართულება, რომელსაც მეტი და არსებითი ეთქვას სულიერი ცხოვრების შესახებ, ვიდრე ინდივიდუალფსიქოლოგიას აქვს გამოთქმული ლაპიდარული ფორმით — სულიერი ცხოვრების ნიშანია მიზანსწრაფვა<sup>11</sup>. ჩვენი ავტორის მიხედვით, ეს ქმნის მყარ საფუძველს სისტემის აგებისათვის და ამდენად საკუთარ კონცეფციას — ინდივიდუალფსიქოლოგიას აღნიშნული საფუძელიდან აღმოცენებულად თვლის.

სულიერი ცხოვრების მიმართ ადეკვატური თვალსაზრისის გატარებამ, ა. აღლერის შეხედულებით, ახალი პერსპექტივები გადაშალა მეცნიერების წინაშე. როგორც ის აღნიშნავს, ინდივიდუალფსიქოლოგია გასცილდა „აღწერითი სულისმეტყველების მკვდარ წერტილს“. სხვადასხვა მიმართულების ფსიქოლოგიები შემეცნებით ინტერესებს მიმართავენ და მიმართავენ სულიერი ცხოვრების ცალკეული ფუნქციებისაკენ. ესენია: პერცეფცია, მეხსიერება, აზროვნება, ინსტინქტი, ლტოლვა, რეფლექსი, მთლიანობები და ა. შ. ინდივიდუალფსიქოლოგიის პრინციპული ხასიათის მოთხოვნებს ვერ

<sup>9</sup> Menschenkenntnis, გვ. 71.

<sup>10</sup> «Diese heuristische Methode mehr als ein Hilfsmittel der Vorschung vorstellt, daß sie sich in ihren Grundlagen im weitesten Ausmas mit wirklichen Vorgängen der seelischen Entwicklung deckt... Die Zielstrebigkeit der Psyche ist... nicht bloß unsere Anschauungsform, sondern auch eine Grundtatsache».  
ქვე, გვ. 57.

<sup>11</sup> Systematik, გვ. 241.

აკმაყოფილებს ცალკეული სულიერი ფუნქციების არსის ცოდნა. ეს უკანასკნელი ამიტომ არც შემოდინან ინდივიდუალფსიქოლოგიის კვლევა-ძიების სფეროში. სხვასთან კავშირის გარეშე თავისი თავიდან შემეცნებული სულის შინაარსები არ იძლევიან საშუალებას, ვწვდეთ ინდივიდუალური, განუმეორებელი პიროვნების გამოცანას<sup>12</sup>. პიროვნების არსის წვდომისათვის სხვა გზა უნდა იქნეს დასახული. ინდივიდუალფსიქოლოგიაში, ფიქრობენ, ნაჩვენებია სწორედ ეს. სხვა გზა და იგი წარმოადგენს ცხოვრების პრობლემებისადმი პიროვნების მიმართების გათვალისწინებას. ინდივიდუალფსიქოლოგიის თემაა თავისებურად სტილიზებული ინდივიდის გარემოსადმი მიმართულ აქტებში განხორციელებული დამოკიდებულება<sup>13</sup>.

როგორც აღინიშნა, ინდივიდუალფსიქოლოგიას საქმე აქვს პიროვნებასთან. პიროვნება მთლიანობაა. მთლიანისა და დაუნაწევრებლის წინ წამოწევას სულიერ ცხოვრებაში ა. ადლერი საკუთარ დამსახურებად თვლის<sup>14</sup>. სულიერ ცხოვრებას აქვს მიზანდასახულობა (Zielsetzung). მიზანდასახულება წარმოადგენს მთელი სულიერი ცხოვრების ერთიანობაში მოყვანას. სულიერი მოძრაობის ყოველი მომენტი მთლიანობის მომენტია და იგი მხოლოდ მაშინ გაიგება და საზრისიანობის ნიშანს მიიღებს, როცა დადგინდება, რომ ის ერთიანობის ნაწილია<sup>15</sup>. ა. ადლერი ხაზს უსვამს იმ გარემოებას, რომ ადამიანის სულიერ ცხოვრებაში არსებული მოძრაობის კანონი, ანუ წამყვანი ხაზი (Leitlinie) ადამიანის თავისებურების განმაპირობებელი ფაქტია. სწორედ აღნიშნული განუმეორებელი ინდივიდი წარმოადგენს ინდივიდუალფსიქოლოგიის ინტერესის საგანს. ინდივიდის სელა სოციალური ამოცანის მიმართულებით ინდივიდუალფსიქოლოგიის დაკვირვების ობიექტია<sup>16</sup>. პიროვნების შემეცნების დროს განსაკუთრებული ყურადღება ექცევა პიროვნების იმ პოზიციას, რაც ვლინდება ცხოვრების ამოცანებისადმი მისი მიმართების ფაქტში. ინდივიდის მიმართება ცხოვრების ამოცანებისადმი განსა-

<sup>12</sup> Das Todesproblem in der Neurose, Int. Z. f. Indps, 1936, H. 1, გვ. 4.

<sup>13</sup> «Das Untersuchungsfeld der Individualpsychologie ist, im Gegensatz zum Untersuchungsmaterial anderer Schulen, die in Akten vollzogene Beziehung eines eigenartig stilisierten Individuums zu Fragen der Außenwelt», იქვე, გვ. 4.

<sup>14</sup> Weiteres zur Zwangsneurose, Int. Z. f. Indps. 1936, H. 4, გვ. 193.

<sup>15</sup> Aufbau der Neurose, Int. Z. f. Inds. 1932, H. 5, გვ. 322.

<sup>16</sup> იქვე.

ზღვრულია იმ მიზნით, რომლის განხორციელებასაც ეს ინდივიდი ესწრაფვის<sup>17</sup>.

ა. ადღერის განცხადება, რომ სულში არაა ბუნების კანონი, ადამიანი თვითონ კარნახობს სულს კანონებს<sup>18</sup>, სპეციფიკური საქმის ვითარების გათვალისწინებას გულისხმობს. მისი აზრით, ჩვეულებრივ, ჩვენ გვეჩვენება, თითქოს სულში მკაცრი დეტერმინაცია სუფევდეს. ეს ყველაფერი შემეცნების ილუზიაა. უცვლელი და აჩიორი ისაა, რომ სულს აქვს მიზანი. ხოლო მიზნის კონკრეტული შინაარსი სულში არაა იმთავითვე ერთხელ და სამუდამოდ მოცემული, იგი ცვალებადია. ის გარემოება, თუ ყოველ კონკრეტულ შემთხვევაში რა მიზანი (მიზანი — შინაარსი) წამოიწევა წინა პლანზე, ეს სხვადასხვა შინაგან და გარეგან ფაქტორებზეა დამოკიდებული. მაშასადამე, არსებითი მნიშვნელობა აქვს იმას, რომ არსებობს მიზანი, ხოლო რა შინაარსის შემცველია იგი, ეს ამ შემთხვევაში არარსებითია. ა. ადღერს სწორედ აღნიშნული გარემოება უნდა ჰქონდეს მხედველობაში, როცა ბუნების კანონის არარსებობის დებულების შესახებ ლაპარაკობს ფსიქიკურ ცხოვრებაში (სულში). ბუნების კანონი აქ გაგებულია, როგორც ორ მოვლენას შორის კაუზალური ფორმით მოცემული მყარი და აუცილებელი კავშირი. რადგანაც სულში ყოველ კონკრეტულ შემთხვევაში არ დასტურდება ერთი იგივეობრივი მიზანი-შინაარსი, ამიტომ ავტორი უფლებას იტოვებს ამტკიცოს, რომ სულში არაა კაუზალური კავშირი (ბუნების კანონი): სხვა შემთხვევაში ა. ადღერი აცხადებს, რომ მიზანი სულიერი მოძრაობის იძულებითობას განაპირობებს. მიზანი-შინაარსი თვითონ პიროვნების შემოქმედებითი ძალის პროდუქტია. შინაარსობრივად ჩამოყალიბებული მიზანი შემდგომში აუცილებლობით იწვევს მისი განხორციელების საშუალებებს. საშუალება მრავალფეროვანია და არაერთმნიშვნელოვნადაა დაკავშირებული მიზანთან. ა. ადღერი აღიარებს, რომ სულიერი ცხოვრების მოძრაობის სპეციფიკას ქმნის ადამიანის ნების თავისუფლება. ადამიანის თავისუფალი ნება მაშინ იქცევა არათავისუფლად, როცა იგი მი-

<sup>17</sup> «Individualpsychologie ist Persönlichkeitsforschung, das heißt, wir beschäftigen uns damit, die Stellungnahme, die Beziehung des Individuums zu den Aufgaben des Lebens ins Auge zu fassen». Komplexzwang... Int Z. f. Indps. 1935, H. I, გვ. 1.

<sup>18</sup> «...es im Seelenleben kein Naturgesetz gibt, sondern daß sich der Mensch auf diesem Gebiet seine Gesetze selbst macht». Menschenkenntnis, გვ. 14.

ზანს დაუკავშირდება. მიზნის წამოყენებით მოძრაობა სულიერ ცხოვრებაში აუცილებლობის მომენტს იძენს<sup>19</sup>.

ინდივიდუალფსიქოლოგიის ავტორი სულის პრობლემას მეტაფიზიკურ პრობლემად თვლის, რადგანაც სულის შესახებ მსჯელობას გადაყვავართ ტრანსცენდენტურის სფეროში<sup>20</sup>. ა. ადლერის მიხედვით, ჩვენ ცოდნა გვაქვს იმის შესახებ, რაც გამოცდილებაში უშუალოდ გვეძლევა. გამოცდილებაში უშუალოდ გვეძლევიან: შედეგები (Ergebnisse), მიმართებები (Beziehungen), მოქმედებები (Wirkungen), მაგრამ ჩვენ ამავე დროს თავისუფალი არა ვართ დაშვებისაგან (Annahmen). ერთ-ერთი ასეთი დაშვებათაგანია „სულიერი ცხოვრების“ ცნება. ბიპევიორიზმის საწინააღმდეგოდ ხაზი უნდა გაესვას სულიერი მოძრაობების არსებობას. სულიერი მოძრაობების მისამართით უნდა ითქვას, რომ ჩვენ ისეთივე პოზიცია გვჭირავს. მისდამი, როგორც ფიზიკოსს, როდესაც ის მსჯელობს ელექტროობის შესახებ<sup>21</sup>. მეცნიერების საერთო ხედურია მეტაფიზიკაში შექრა, გასაკვირი არ უნდა იყოს, თუ ინდივიდუალფსიქოლოგიაც ამ გზას ვერ ასცდება. აქ ლაპარაკია იმ სფეროზე, რომელიც დაშვებული უნდა იქნეს როგორც აპრიორი, წინააღმდეგ შემთხვევაში მოკლებული ვიქნებით საშუალებას, მოვაწესრიგოთ გამოცდილება და ის ერთიანი შუქის ქვეშ მოვათავსოთ<sup>22</sup>.

ფსიქოლოგიის გზა არაა ბიპევიორიზმისა და მექანიციკურია მსოფლმხედველობის თვალსაზრისი. სულიერი ცხოვრების იდეა ის ცნებაა, რომელიც სულიერ მოვლენებს აკავშირებს და განსაზღვრული მიმართულებით აწესრიგებს ვითარცა მფუძვნელი. არ არსებობს არგუმენტი სულიერი ცხოვრების დაშვების საწინააღმდეგოდ. არსებობს საჭიროება იმ კავშირების წვდომისა, რომლებსაც მივყევართ, გამოცდილების სფეროს გარეთ<sup>23</sup>.

<sup>19</sup> ი ქ ვ ე, გვ. 14.

<sup>20</sup> Systematik, გვ. 241.

<sup>21</sup> Persönlichkeit, გვ. 81

<sup>22</sup> «So wie jede Wissenschaft, mündet die Individualpsychologie in die Metaphysik ein... Hier handelt es sich um ein Gebiet unserer Erkenntnis, das wir voraussetzen müssen, weil wir anderseits nicht arbeiten können, weil wir Eindrücke, die vor uns liegen, ordnen und sie als seelische bezeichnen wollen. Es ist eine Auffassung a priori, die wir machen müssen, die uns dazu dient Geschehnisse zu ordnen und sie unter ein gemeinsames Licht zu stellen». ი ქ ვ ე, გვ. 81—82.

<sup>23</sup> Der Aufbau der Neurose, გვ. 321.

ა. ადღერის კონცეფციის მიხედვით, სულიერი სიცოცხლის ნაწილია. სულიერი ცხოვრება არის მიზანდაქვემდებარებული მოძრაობა. სულიერი ცხოვრების გამოვლენის ყოველი ფორმა მიზნისაკენ სწრაფვის მომენტს ასახავს. მიზანი, როგორც ასეთი, შეიძლება ცნობიერებას მოკლებული იყოს. სულიერ ცხოვრებაში შემოქმედი ძალაა, რომელიც თვითონ სიცოცხლის ძალის იდენტურია. „სიცოცხლე — ეს არის თვითგანვითარება“<sup>24</sup>. ადამიანის მიზანი აღმოცენდება შემოქმედი ძალისაგან, ანუ მე-საგან<sup>25</sup> და ემსახურება სოციალური სიძნელეების დაძლევის, გადალახვის საქმეს. პიროვნების მიზანი საერთოდ სრულქმნის იდეალს ეთანხმება და მისითაა პირობადებული.

ინდივიდუალფსიქოლოგიის მიხედვით, ადამიანის სულიერი ცხოვრებისათვის არსებითია ის, რომ იგი მუდამ დგას ამოცანის წინაშე. ეს ამოცანა პრინციპულ კავშირშია „ადამიანთა თანაცხოვრების ლოგიკასთან“<sup>26</sup>. ა. ადღერის აზრით, სულის კვლევა ინდივიდუალფსიქოლოგიაში იმ სფეროში მიმდინარეობს, სადაც ერთმანეთს ერწყმის სამი მომენტი: ნ ა კ ლ ო ვ ა ნ ე ბ ი ს გ რ ძ ნ ო ბ ა, ძ ა ლ ა უ ფ ლ ე ბ ო ს ა კ ე ნ ს წ რ ა ფ ვ ა და კ ო ლ ე კ ტ ი უ რ ო ბ ი ს გ რ ძ ნ ო ბ ა<sup>27</sup>. ძალაუფლებისაკენ სწრაფვისა (სრულყოფობისაკენ მისწრაფების ერთ-ერთი სახე) და კოლექტიურობის გრძნობის პრობლემის გადაჭრის ცდაში ავტორი ხედავს საკუთარი თეორიის მთელ მნიშვნელობასა და ღირებულებას<sup>28</sup>.

§ 2. პიროვნების პრობლემა. ინდივიდუალფსიქოლოგიური კონცეფციის მიხედვით, პიროვნების სტრუქტურაში ნაკლოვანების გრძნობას (Minderwertigkeitsgefühl) იმდენად ცენტრალური ადგი-

<sup>24</sup> Über den Ursprung des Strebens nach Überlegenheit und das Gemeinschaftsgefühl, Int. Z. f. Indps. 1933, H. 4, გვ. 258. შემოკლებით. Ursprung.

<sup>25</sup> «Es ist das Ich, das ins Leben hineinwächst, das wir später als schöpferische Kraft ersehen». ა. ადღერი თვლის, რომ არაა სწორი, როდესაც ლტოლვას მიეწერება ის, რაც ნამდვილად მე-ს ეკუთვნის: ძეგბა, ეკვი, აზროვნება, ნება, მიზანსწრაფვა და ა. შ. «Die Frage ist die wichtigste: wer bewegt das Seelenleben und in welche Richtung bewegt er? Immer handelt es sich um das Ich». Persönlichkeit, გვ. 85.

<sup>26</sup> Menschenkenntnis, გვ. 18—19.

<sup>27</sup> Über den nervösen Charakter, München, 1928, გვ. IV, პირველად გამოიცა 1912 წელს.

<sup>28</sup> Ursprung, გვ. 257.

ლი უჭირავს, რომ ა. ადლერის განცხადებით, „ადამიანად ყოფნა ნიშნავს ნაკლოვანების გრძნობის ფლობას“<sup>29</sup>.

ა. ადლერი თვლის, რომ ორგანოთა ნაკლოვანების შესახებ მოძღვრება ინდივიდუალფსიქოლოგიის ბიოლოგიური და ანატომიური საფუძველია. იგი ნაკლოვანი ორგანოს ცნებაში შემდეგ შინაარსს ღებს: „ნაკლოვანება ეზება არამზა, განვითარებაში ჩამორჩენილ, მთლიანად ან ცალკეულ ნაწილში ზრდაშეჩერებულ ან შეცვლილ ორგანოს“<sup>30</sup>. როცა მსჯელობაა ნაკლოვან ორგანოზე, ცნება ორგანოში არ იგულისხმება მხოლოდ შეგრძნების ორგანო. ამ ცნების ქვეშ ერთიანდება ორგანიზმის ყველა მეტად თუ ნაკლებად ავტონომიური ანატომიურ-ფიზიოლოგიური ერთეული. ორგანოთა ნაკლოვანების სამი სახეა: მორფოლოგიური, ფუნქციონალური და ე. წ. რელატიური. ორგანოს მორფოლოგიური ნაკლოვანება გამოიხატება ორგანოს ფორმის, ჰიდიდის, მთელი აპარატის ან მისი ზოგიერთი ნაწილის არანორმალურ განვითარებაში. ორგანოს ფუნქციონალური ნაკლოვანება ხასიათდება ნორმად მიჩნეული შედეგის მიუღწევლობით, გარე მოთხოვნათა შესატყვისი ნაქმობის განუზორციელებლობით. ორგანოს რელატიური ნაკლოვანება ვლინდება დაავადების შემთხვევაში<sup>31</sup>.

ორგანოს ნაკლოვანებასთან, ა. ადლერის მიხედვით, დაკავშირებულია ნაკლოვანების გრძნობა<sup>32</sup>. მაგრამ ნაკლოვანების გრძნობა განპირობებულია არა მხოლოდ ორგანიზმის რომელიმე შემადგენელი ნაწილის ნაკლოვანებით, იგი საერთოდ შეიძლება განპირობებული იყოს პიროვნების გარემოსადმი (ფიზიკური და სოციალური) შეგუების სუბიექტური და ობიექტური ხელისშემშლელი ფაქტორებით<sup>33</sup>.

<sup>29</sup> «Menschsein heißt ein Minderwertigkeitsgefühl zu besitzen...», Zum Leib-Seele-Problem, Int.. Z. f. Indps. 1933, H. 5, გვ. 339.

<sup>30</sup> A. Adler-K. Furtmüller, Heilen und Bilden, München, 1928, გვ. 24.

<sup>31</sup> Studie über Minderwertigkeit von Organen und ihre seelische Kompensation, München, 1927, გვ. 8—10. პირველად გამოიცა 1907 წ. შემოკლებით—Studie.

<sup>32</sup> ნაკლოვანების გრძნობის სინონიმად ა. ადლერი ზოგჯერ სხვა ტერმინებსაც იყენებს, ასე, მაგალითად, უკმარობის გრძნობა (Gefühl der Unzulänglichkeit), არასაიმედობის გრძნობა (Unsicherheitsgefühl), უუნარობის გრძნობა (Gefühl der Unfähigkeit).

<sup>33</sup> Über den nervösen Charakter, 13. შუად. Menschenkenntnis გვ. 26. ერეკვექსბერგი ნაკლოვანების გრძნობის განმაპირობებელ მოვლენათა ხუთ ჯგუფს ასახელებს. ესენია: 1. სხეულბრძივი თვისებები, 2. სოციალური და ეკონომიური მდგო-



ა. აღლერი ადასტურებს კავშირს, რომელიც არსებობს ნაკლოვან ორგანოსა და ფსიქიკის განვითარებას შორის, და იცავს აზრს, რომ ორგანოს ნაკლოვანების განცდა არის ინდივიდის ფსიქიკის განვითარების სტიმული. ინდივიდში მუდამა ბიძგი მიმართული ნაკლოვანების დაძლევისაქენ, გადალახვისაქენ, რაც სიცოცხლს ძირითადი კანონის გამოვლენაა<sup>34</sup>.

ა. აღლერი კანონზომიერების სახით წარმოგვიდგენს ურთიერთობას, რომელიც არსებობს ნაკლოვანების გრძნობასა და მის გადალახვას შორის: რაც უფრო ინტენსიურია ნაკლოვანების გრძნობა, მით უფრო ძლიერია მისწრაფება ნაკლოვანების დაძლევისა. აღნიშნული დაძლევა გამოიხატება კომპენსაციაში ან ზეკომპენსაციაში, რაც ხორციელდება ნაკლოვანების იმავე ან სხვა მოდალობაში<sup>35</sup>.

ა. აღლერის დამსახურებად თელიან იმას, რომ მან პირველმა მიუთითა ნაკლოვანი ორგანოს ფსიქიკურ კომპენსაციაზე. ა. აღლერს მხედველობაში აქვს შემდეგი ფაქტიური ვითარება — ბავშვობაში ენაბლუ დემოსთენი ცნობილი ორატორი ხდება — და აღნიშნული

---

მარეობა, 3. სქესი, 4. ოჯახური კონსტელაცია, 5. აღზრდა. იხ. Erwin Wexberg, Individualpsychologie. Eine systematische Darstellung, Leipzig, 1931, გვ. 90. ვექსბერგის მიხედვით, ნაკლოვანების გრძნობა შედგება განცდათა სამი ჯგუფისაგან: უმწეობის გრძნობა, სისუსტის გრძნობა, შენ-სადმი მიმართებაში, შენზე დამოკიდებულების გრძნობა. იქვე, გვ. 68. ფსიქოლოგიაში დღეს ერთმანეთისაგან განასხვავებენ ნაკლოვანების გრძნობასა და ნაკლოვანების განცდას. ფ. ლერშის მითითებით, ნაკლოვანების გრძნობა არის თვითღირებულების გრძნობის მუდმივი მომართულობა (Gestimmtheit), რომლის ფონზე აქტუალური განცდა იშლება. ნაკლოვანების განცდა არის გრძნობის აღძვრა (Gefühlsregung), რომელიც აქტუალური ხდება გარკვეული მდგომარეობის დროს. იხ. Philip Lersch, Aufbau der Person, München, 1956, გვ. 213. მაგ., ა მესერს ნაკლოვანების გრძნობა აღლერთან გაკებული აქვს, როგორც „კოლექტივისათვის ნაკლოვანი ღირებულების გრძნობა“. იხ. A. Messer, Einführung in die Psychologie, Leipzig, 1931, გვ. 128.

<sup>34</sup> «Minderwertigkeitsgefühl ständig nach seiner Überwindung drängt», Zum Leib-Seele-Problem, გვ. 339.

<sup>35</sup> ა. აღლერი ტერმინში კომპენსაცია სხვადასხვა შინაარსს გულისხმობს. პირველად იგი იყო ორგანიზმის წმინდა ბიოლოგიური თავისებურება: ერთი ნაკლოვანი ორგანოს ფუნქციის თავზე აღება მეორის მეორ; შემდეგ მასში იგულისხმებოდა ორგანოს ფსიქიკით შეცვლის ღირებულება; ბოლოს კი ავტორი მიუთითებს საერთოდ ინდივიდის საკუთრივი ნაკლოვანების კომპენსაციაზე, როგორც შინაფსიქიკურ მექანიზმზე. D. Hart, Der Tiefenpsychologische Begriff der Kompensation, Zürich, 1956.

ვითარების გაგების შემდეგ გზას გვთავაზობს: ნაკლოვანების გრძნობა ბავშვის ფსიქიკაში იწვევს ე. წ. ძირითადი მელოდიის, ანუ ცხოვრების სტილის შექმნას, რაც კომპენსაციის ტენდენციის საფუძველზე საესებით გარკვეული მიმართულებით პიროვნების განვითარებას იძლევა. ნაკლოვანების გრძნობა თავიდანვე ბავშვის არაცნობიერი მიზნის დასახვის ამოსავალია, იგი იმავე დროს იმ გზის მაჩვენებელიცაა, რომელიც აღნიშნული მიზნის განხორციელების მიღწევას ემსახურება<sup>36</sup>. ადამიანის ყოველი წარმატება ემყარება ნაკლოვანების გრძნობის გადალახვას. ადამიანი იძულებულია საკუთარი ძალებით მოიპოვოს არსებობისათვის საჭირო საშუალებები, რადგანაც ბუნებამ იგი მათ გარეშე დატოვა. ადამიანის გონი მუდამ მიმართულია იქით, რომ მისი არსებობა სრულყოფილი გახადოს<sup>37</sup>.

ინდივიდუალფსიქოლოგიაში ნაკლოვანების გრძნობის გარდა მიუთითებენ ნაკლოვანების კომპლექსზე. ნაკლოვანების გრძნობა შეიძლება გადაიქცეს კომპლექსად იმ შემთხვევაში, როცა გრძნობა ინტენსიური ხდება. ნაკლოვანების გრძნობის გაღრმავების ერთ-ერთი უპირველესი ფაქტორია მკდარ საფუძვლებზე დამყარებული აღზრდა. ა. ადლერი ნაკლოვანების კომპლექსს შემდეგნაირად განმარტავს: უუნარობა გადაიქრას ცხოვრების პრობლემები სოციალურად. ა. ადლერი ნაკლოვანების კომპლექსებს „მოქმედ ორგანოებს“ უწოდებს, თანაც აღნიშნავს, რომ ეს „სულიერი ორგანოები“ შაბლონის ბუნებისანი არიან<sup>38</sup>.

ნაკლოვანების გრძნობა ორი მიმართულებით შეიძლება წარი-

<sup>36</sup> Menschenkenntnis, გვ. 54.

ფ. ლერში მიუთითებს კომპენსაციის სამ სახეზე: პირველი, მეორე და მესამე რიგისა. პირველი რიგის კომპენსაციას ის უწოდებს „პირდაპირ კომპენსაციას“, რადგანაც ნაკლოვანების კომპენსაცია იმავე რომელიაში ხდება (დემოსტენის შემთხვევა). მეორე რიგის კომპენსაციას ავტორი უწოდებს „უახლოესი შესაძლებლობის კომპენსაციას“ (ფიზიკურად სუსტი თავს გამოიჩენს სწავლაში). მესამე რიგის კომპენსაციას ეწოდება „თითქმის კომპენსაცია“. ამ შემთხვევაში ნაკლოვანების გრძნობა დაუძლეველია, იგი აღმოფხვრილი კი არაა, არამედ განდევნილი და ჩახშობილი. პიროვნება ასეთ ვითარებაში ისეთი როლის შესრულებას იღებს თავზე, რისთვისაც მას ძალები არ გააჩნია, ამიტომაცაა ის ილუზიის მსხვერპლი (ბაქობა, ტრაბახი, დიდი წაქაშობა და სხვა). იხ. Aufbau der Person, გვ. 293.

<sup>37</sup> Der Sinn des Lebens, Wien-Innsbruck, 1956, გვ. 66. პირველად გამოქვეყნდა 1933 წელს.

<sup>38</sup> Komplexzwang als Teil der Persönlichkeit und Neurose, Int. Z. f. Indps. 1935, I, გვ. 1.

მართოს: იგი ნაკლოვანების კომპლექსად იქცევა ან კომპენსაციის (ზეკომპენსაციის) საფუძველი ხდება. აღნიშნული გზების განხორციელება დამოკიდებულია სოციალური ინტერესის, სოციალურობის გრძნობის ხარისხზე. ვისაც ადრეული ბავშვობიდანვე არ განვითარებია ინტერესები შენ-ისადმი, არსებობს საფუძველი ვარაუდისა, რომ მას ნაკლოვანების გრძნობა კომპლექსის მიმართულებით გადაზრდება<sup>29</sup>.

ინდივიდუალფსიქოლოგიის პრაქტიკული მოღვაწეობა მიმართულია იქითკენ, რომ ადამიანში აღმოცენებული კომპლექსები. დაარღვიოს და პიროვნება შეძლებისდაგვარად რეალური ცხოვრების ვითარებას დაუახლოვოს. ამ მიზნის განხორციელებისათვის, ჭერ ერთი, საჭიროა ნაკლოვანების კომპლექსის საფუძვლის მიგნება, იმის გაცნობიერება, თუ რომელმა სიტუაციამ შეუწყო ხელი აღნიშნული მიმართულებით პიროვნების ზედას. შემდეგ, საჭიროა სპეციალური საწულებებით — ესენია: ვარჯიში, გამხნეებება, საკუთარი ძალებისადმი რწმენის განმტკიცება, მოყვასობის განვითარება — პიროვნების სხვა გზით წაყვანა. ესაა მისი (პიროვნების) რეალობასთან მიახლოება.

ნაკლოვანების გრძნობა ინდივიდუალფსიქოლოგიის ძირითადი ცნებათაგანია. აქამდე ლაპარაკი იყო არსებითად ნაკლოვანების გრძნობის ფუნქციონალურ დახასიათებაზე. უნდა გიარკვევს, რას წარმოადგენს ის, როგორც ონტოლოგიური გარკვეულობა, როგორია მისი არსებობის ფორმა და, შემდეგ, მისი დადასტურების რა საშუალება არსებობს ინდივიდუალფსიქოლოგიაში.

ა. აღლერს ჰპეციალურად არ უზრუნია ნაკლოვანების გრძნობის ანალიზზე. ამიტომაც ჰირს მისი ზუსტი მნიშვნელობის დადგენა. ავტორის ნაწერებიდან მაინც ის შთაბეჭდილება გვრჩება, რომ, მართალია, აქ გამოყენებულია ტერმინი — „გრძნობა“, მაგრამ ამ ტერმინში ნაგულისხმები ფაქტიური ვითარება არ უნდა წარმოადგენდეს გრძნობის ან ემოციის წმინდა ფსიქიკურ მდგომარეობას. ტერმინი — „ნაკლოვანების გრძნობა“ აღლერთან იმ მიმართების ამსახველია, როცა ემოციური პროცესი ერწყმის შეფასების, ღირე-

<sup>29</sup> ი ქ ე ე, გვ. 2—3. ფ. ლერში ნაკლოვანების გრძნობის ს ა მ ფორმაზე მიუთითებს: შერიგებადი (resignierende), კომპენსირებადი (მასვე უწოდებს აგრეთვე protestierende), და სენტემენტალური (sentimentale). უკანასკნელ შემთხვევაში ლაპარაკია ნაკლოვანების გრძნობასთან დაკავშირებულ არაბუნებრივ ტებობაზე (მაზოხისტურა). Aufbau der Persin გვ. 293.

ბულების წვდომისა და სხვა გონითი აქტების განხორციელებას<sup>40</sup>. როგორც პიროვნულ მიმართებასა და დამოკიდებულებაზე მიმნიშნებელი, ნაკლოვანების გრძნობა, შინაარსებრივად არაა ერთგვაროვანი სინამდვილე, იგი ემოციის, შეფასების, ღირებულების წვდომისა და სხვა აქტების ერთად დაკავშირებაა. ა. ადლერის აზრით, ნაკლოვანების გრძნობას არა ცნობიერი არსებობა აქვს, არა ცნობიერადვე შესწევს მას ძალა პიროვნებაში გამოიწვიოს ცნობილი შედეგები. მაგრამ გარკვეულ პირობებში შეიძლება ნაკლოვანების გრძნობა ცნობიერი გახდეს. ამ შემთხვევაში ვლაპარაკობთ ამ მოვლენის განცდის შესახებ.

ინდივიდუალფსიქოლოგიის სკოლის წარმომადგენლებიდან ზოგი ფიქრობს<sup>41</sup>, რომ ნაკლოვანების გრძნობის, როგორც ასეთის, არსებობა ბავშვობაში განცდის ფორმით, ცნობიერად არ დასტურდება და ამდენად არც გვაქვს უფლება, ვილაპარაკოთ პატარებში მის ფაქტიურ არსებობაზე, ის აქ ჰიპოთეზური დაშვებაა მხოლოდ, რითაც განსაგები ზდება ქცევა, როგორც პიროვნების ერთიანი მიზნობრიობის მომენტი.

თუ გათვალისწინებული იქნება ის, რომ ა. ადლერი იცავს თეზისს ნაკლოვანების გრძნობის არა ცნობიერად არსებობის შესახებ, მაშინ იარსებებს ბავშვებში ამ გრძნობის რეალური არსებობის დებულების წამოყენების საფუძველი. სხვა საკითხია, როგორ საბუთდება ა. ადლერთან ნაკლოვანების გრძნობის ცნობიერების გარეშე არსებობა იმ შემთხვევაში, როცა ნაკლოვანების გრძნობა გაგებულა, როგორც ფსიქიკური მოვლენა, და, შემდეგ, ჰქონდა თუ არა მას საერთოდ უფლება ფსიქიკური შინაარსის მქონე ტერმინით — „გრძნობა“ აღენიშნა ისეთი რამ, რაც ფსიქიკურის ფარგლებს შორდება (ნაკლოვანებში გრძნობაში, როგორც ზემოთ იყო მითითებული, გონითი აქტების მონაწილეობაც იგულისხმება).

ნაკლოვანების გრძნობას იმიტომ ენიჭება მნიშვნელობა ინდივიდუალფსიქოლოგიურ კონცეფციაში, რომ იგი იქ წარმოდგენილია არა პასიური მდგომარეობის სახით, არამედ როგორც პირობა და

<sup>40</sup> ჰანს კუნცის მიხედვით, ნაკლოვანების გრძნობა ესაა განსაზღვრული სახის მრავალი ფსიქიკური პროცესის კრებითი სახელი, რომელიც განასახიერებს, ასე რომ ვთქვათ, თვითცნობიერების ან თვითღირებულების გრძნობის „ნეგატიურ ნაწილს.“ H. K u n z, Zur grundsätzlichen Kritik der Individualpsychologie Adlers, Z. f. d. ges. Neurol. u. Psych., 1928, Bd. 116. H. 5, გვ. 709.

<sup>41</sup> E. W e x b e r g, Individualpsychologie, გვ. 68—69.

ბიძგის მიმცემი კომპენსაციისათვის. ა. ადლერი მიუთითებს პრინციპულ ურთიერთობაზე, რომელიც არსებობს ნაკლოვან ორგანოსა და ფსიქიკურ კომპენსაციას შორის, სადაც კომპენსაცია ხორციელდება ცენტრალური ნერვული სისტემის საშუალებით. „კომპენსაციის ამოცანაა ნაკლის შევსება, ქვევით-იდან ზევით-ის მიღწევა“<sup>42</sup>. კომპენსაციის მნიშვნელობა ა. ადლერის შემდეგი სიტყვებიდან ჩანს: „ეს კომპენსატორული მოძრაობა ადამიანის ცხოვრების უღრმესი აზრი, შემოქმედებითი ძალაა. მან შექმნა კულტურა კაცობრიობის უზრუნველსაყოფად ისევე, როგორც ქმნის იგი ცალკეული ადამიანის გამოვლენის ყველა ფორმასა და მისი ცხოვრების სტილს, როგორც გარე სამყაროს მიერ გამოწვეულ დაძაბვათა პასუხს ან როგორც დაულალავ ცდას და ზრუნვას, რომ ადამიანში, ბუნება-საზოგადოების ძალათა თამაშში წონასწორობის მდგომარეობა იქნეს დაცული“<sup>43</sup>.

ა. ადლერი ხაზს უსვამს იმ გარემოებას, რომ ყოველი ინდივიდის მისწრაფების მიმართულება ესაა დაძლევისაკენ სვლა. დაძლევა, გადალახვა (Überwindung) სიცოცხლის ძირითადი კანონია. დაძლევისაკენ მისწრაფება ვლინდება სრულყოფისაკენ (Vollkommenheit) და დასრულებისაკენ (Vollendung) სწრაფვაში<sup>44</sup>. ძალაუფლებისაკენ სწრაფვა (Streben nach Macht), უფრო ზუსტად, პიროვნული ძალაუფლებისაკენ სწრაფვა, წარმოადგენს პიროვნების სრულყოფობისაკენ მიმართულების ერთ-ერთ გამოვლენას. იგი, ა. ადლერის მიხედვით, დადებითი სიტუაციაა<sup>45</sup>. ადამიანის სწრაფვა სათავეს ღებულობს იმ ვითარებიდან, რომ არსებული სიტუაცია მას ევლინება, როგორც უარყოფითი და ის ცდილობს აღნიშნულიდან თავის დაღწევას პარმონიისაკენ მისწრაფებით, რაც იგივე დადებითი სიტუაციაა. მაგრამ ფაქტიურად ხშირ შემთხვევაში არ ხდება იდეალური სრულყოფის მიღწევა. ამის მაჩვენებელია პიროვნების ცნობიერების სტილი უსასრულოდ მრავალფეროვანი შინაარსით, „ინდივიდუალური აღნაგობით“.

ა. ადლერის მიხედვით, პიროვნების ჩამოყალიბებისა და მისი

<sup>42</sup> ა. ადლერი. ინდივიდუალური ფსიქოლოგია, სტატია დაბეჭდილია დ. უზნაძის რედაქტორობით გამოსულ კრებულში „დასავლეთი ევროპის ფსიქოლოგიის თანამედროვე მიმდინარეობანი“, თბ., 1935, გვ. 139.

<sup>43</sup> იქვე.

<sup>44</sup> Der Sinn des Lebens, 47.

<sup>45</sup> E. Jahn und A. Adler, Religion und Individualpsychologie, Wien-Leipzig, 1933, გვ. 58.

ცხოვრების მთელი ისტორია გადაშლილია ორ პოლუსს შორის. ამთ-  
გან ერთია: ნ ა კ ლ ო ვ ა ნ ე ბ ი ს გ რ ძ ნ ო ბ ა (ეს იგივეა, რაც, ავ-  
ტორის ტერმინებით რომ ითქვას, არასაიმედობის, ქვეყოფის, მდედ-  
რობითობის<sup>46</sup> მდგომარეობა), მეორე კი—პიროვნების იდეალი (საი-  
მედობა, ზეყოფა, მამაკაცობა). ადამიანის ცხოვრების გზა—ესაა  
სვლა ქვევიდან ზევით. იმ განწყობას, რომელიც აღმოცენებულია პი-  
როვნებაში საკუთარი თავის ნაკლოვანი მდგომარეობიდან, ინდივი-  
დუალ-ფსიქოლოგიაში ეწოდება „მამაკაცის პროექტი“, რომელიც  
პიროვნული ძლიერების მოთხოვნას უკავშირდება.

ზემოთ უკვე აღინიშნა, რომ ინდივიდუალფსიქოლოგიის ამოცა-  
ნა ა. ადლერმა განმარტა, როგორც პიროვნების ცხოვრების სტილის  
წვდომა: „ცხოვრების სტილი არის ფსიქოლოგიის საკუთარი საგანი  
და მისი კვლევის მასალა“. გარკვეული მუშაობა ჩატარდა ინდივიდუ-  
ალფსიქოლოგიაში, ჯერ ერთი, იმ მიმართულებით, რომ მონახულიყო  
ცხოვრების სტილის წვდომის გზა, მეთოდი და, შემდეგ, აღმოჩენი-  
ლიყო საშუალებანი, რითაც მოხერხდებოდა პიროვნებაში უკვე ჩა-  
მოყალიბებული ცხოვრების სტილის შეცვლა საჭირო და ღირებუ-  
ლი მიმართულებით.

ინდივიდუალფსიქოლოგიის ფუძემდებლური დებულებაა სულ-  
ერი ცხოვრების ტელეოლოგიური ნიშნით დახასიათება. ადამიანის  
ფსიქიკური ცხოვრების ძირითადი მამოძრავებელია მიზანი. ფსიქი-  
კურ ცხოვრებაში გარკვეული კონკრეტული მიზნის აღმოცენება და-  
კავშირებულია პიროვნების შემოქმედ ძალასთან, მეს-თან. ის მიზა-  
ნი, რომელიც აუცილებლობით ყალიბდება ადრეული ბავშვობის  
წლებში და შემდგომ მთელი პიროვნული ცხოვრების მამოძრავებე-  
ლი ბირთვი ხდება, ა. ადლერის მიერ წოდებულია ც ხ ო ვ რ ე ბ ი ს  
ს ტ ი ლ ა დ. „ცხოვრების სტილი არის ფორმალური მოძრაობის ხა-  
ზი“<sup>47</sup>. ჩვენი ავტორი ცხოვრების სტილის ეკვივალენტად მრავალ  
ტერმინს იყენებს. ესენია: ფ ი ქ ი ა, წ ა მ ყ ვ ა ნ ი ფ ი ქ ი ა,  
ი დ ე ა ლ ი, პ ი რ ო ვ ნ ე ბ ი ს ი დ ე ა ლ ი, წ ა მ ყ ვ ა ნ ი ხ ა ტ ი,  
წ ა მ ყ ვ ა ნ ი ხ ა ზ ი, ც ხ ო ვ რ ე ბ ი ს ხ ა ზ ი, გა ნ ვ ი თ ა რ ე-  
ბ ი ს ხ ა ზ ი, მო ძ რ ა ო ბ ი ს ხ ა ზ ი, პ რ ი ნ ც ი პ ე ბ ი, ძ ი-  
რ ი თ ა დ ი მ ე ლ ო დ ი ა, ი ნ დ ი ვ ი დ ი ს მ ე ლ ო დ ი ა, ფ ს ი-  
ქ ი კ უ რ ი დ ე რ ძ ი, ი ნ დ ი ვ ი დ უ ა ლ უ რ ი შ ა ბ ლ ო ნ ი,

<sup>46</sup> Unsicherheit, Untensein, Weiblichkeit— ამათი საპირისპირო: Sicherhel  
Obensein, Männlichkeit.

<sup>47</sup> Handbuch der Individualpsychologie, Bd. I, München, 1926, გვ. 1V.

ცხოვრების გეგმა, ფსიქიკური კონსტიტუცია. აღნიშნულ ტერმინებში რამდენადმე ასახულია მოვლენის სხვადასხვა ასპექტი: მაგალითად, ფიქცია და შაბლონი იმაზე მიუთითებენ, რომ ცხოვრების სტილი ზოგჯერ რეალურ სინამდვილეს შორდება და წარმოსახულ სამყაროში შეიქრება ხოლმე. იგი განვითარების ხაზადაა წოდებული იმიტომ, რომ პიროვნების ისტორიის წარმართვის გზის მაჩვენებელია. ის პიროვნების იდეალია იმდენად, რამდენადაც პიროვნების არსებით პროსპექტულ მომენტსა და მის ღირებულებით მხარეს უხება და ა. შ.

ა. აღლერს ცხოვრების სტილი მიაჩნია ხერხად (Kunstgriff) პიროვნების მიზნის განხორციელების საქმეში. ადამიანში ცხოვრების სტილი თავიდანვე, მისი ჩასახვის მომენტიდან არა ცნობიერია და მას შესწევს უნარი არა ცნობიერი ზემოქმედებისა<sup>48</sup>. ცხოვრების სტილი, ანუ ფსიქიკური კონსტიტუციაა ის, რაც აღიქვამს, პასუხობს და ასიმილაციას ახდენს<sup>49</sup>. ა. აღლერი პიროვნების განვითარების წარმართველ ფაქტორს — ცხოვრების სტილს — ფიქციას უწოდებს: საქმე იმაშია, რომ ჩვენი ავტორის მიხედვით, ცხოვრებისეული სიძნელეების დაძლევა ბევრ შემთხვევაში ვერ ხორციელდება და პიროვნების იდეალი, ასე რომ ვთქვათ, რეალიზდება სურვილისა და ფანტაზიის სამყაროში. ეს იმის საფუძველია, რომ ადამიანი ცხოვრობს ნამდვილად არა რეალურ, არამედ წარმოსახულ სამყაროში. „ბავშვის ნაკლოვანების გრძნობიდან აღმოცენდება ძლიერებისაკენ მისწრაფება, რომელიც ზღვარს პოულობს კოლექტივში მოთხოვნებთან, ფიზიოლოგიურად და სოციალურად დაფუძნებულ კოლექტიურობის გრძნობასთან და მიემართება ილუზიაში“<sup>50</sup>. გარკვეული მნიშვნელობისაა ის ვითარება, რომ ა. აღლერისათვის სავსებით მისაღები ჩანს ჰ. ფაიჰინგერის ფილოსოფიური კონცეფცია — „თითქოს -ის ფილოსოფია“. იგი გენიალურს უწოდებს აღნიშნულ კონცეფციას და მიუთითებს, რომ ფაიჰინგერის ფილოსოფიურ ნააზრევში დაინახა პრაქტიკიდან (ნევროზი) მიღებული შეზღუდულების დადასტურება<sup>51</sup>.

ა. აღლერმა პიროვნების წამყვანი იდეალი ფიქციის კვალიფი-

<sup>48</sup> «Das Unbewusste, das ist der Lebensstil», Nochmals — die Einheit der Neurose Int. Z. f. Indps. 1930, H. 2, გვ. 213.

<sup>49</sup> Symptomwahl, Int. Z. f. Indps. 1936, H. 2, გვ. 76.

<sup>50</sup> Praxis und Theorie der Individualpsychologie, München, 1930, გვ. 3.

<sup>51</sup> Über den nervösen Charakter, გვ. 22.

კაცით წარმოადგინა. მაგრამ ამით არ ყოფილა უარყოფილი იდეალის მნიშვნელობა ფსიქიკის განვითარებისათვის საერთოდ. ა. ადლერის განცხადებით, ფაიჰინგერმა თავის თითქოს-ის ფილოსოფიაში ფიქცია განმარტა, როგორც რეალური სინამდვილისადმი წინააღმდეგობრივი, მაგრამ მეცნიერების განვითარებისათვის აუცილებელი. ნევროზის ფსიქოლოგიაში პირველად ინდივიდუალფსიქოლოგიამ მიუთითა აღნიშნულ ვითარებაზე, ხოლო ფაიჰინგერის ნაშრომმა ა. ადლერს მნიშვნელოვნად შეუწყო ხელი საკუთარი შეხედულების სისწორეში დასაარწმუნებლად<sup>52</sup>.

ა. ადლერი ცხოვრების სტილზე მსჯელობს, როგორც პიროვნების საწყის ფორმაზე (Urform), გულზე (Kern), რომელიც 4 — 5 წლის ასაკში შეინიშნება, მაგრამ უფრო ადრე იქმნება. ცხოვრების სტილი თავის თავში ატარებს ყველა ფუნქციის შესაძლებლობას მთელი შემდგომი ცხოვრებისათვის, ყველა უნარს, რაც საჭიროა ცხოვრების საკითხების ასე თუ ისე მოგვარებისათვის, საწყისი ფორმა მოიცავს იმპლიციტურად იმ არეს, სადაც უნდა გაიშალოს მისი მოქმედება (Aktion). აღნიშნული საწყისი ფორმის, ანუ ფსიქიკური კონსტიტუციის დაპირისპირება სოციალური გარემოს მოთხოვნებთან განაპირობებს ადამიანში დაძაბულობის აღმოცენებას. ფსიქიკური კონსტიტუციის სტრუქტურა შეიძლება გაგებული იქნეს, როგორც ნაკლოვანების განწყობილება და პოზიცია<sup>53</sup>.

ინდივიდი, რომელიც ცხოვრების ამოცანების მიმართ არასწორადაა მომზადებული, ჩაითვლება არანორმალურად. რას ნიშნავს ცხოვრების ამოცანებისადმი სწორი მომზადება? ეს ნიშნავს იმას, რომ შეგვიძლია გადავწყვიტოთ საკითხი მე-ს ურთიერთობისა შენთან. თუკი არ არსებობს პირველადი ფორმით ინტერესი ცხოვრების პრობლემისადმი, მაშინ არც ხდება საჭირო მიმართულებით მისი გადაჭრა. როცა ჩემი მე შორდება კოლექტივს, სოციალურს, ამაში გადამწყვეტ როლს თამაშობს პირველადი ფორმა, რადგანაც იგი განაპირობებს ინტერესსა და მიდრეკილებას კოლექტივისადმი, სოციალისტურისადმი; გასაგებიცაა, რატომ ვერ წყდება ცხოვრების ძირითადი საკითხები. მაშასადამე, არსებითი მნიშვნელობისაა პრობლემისადმი ინტერესის ხარისხი. ცხოვრების პრობლემა მით უფრო ადვი-

<sup>52</sup> Über den nervösen Charakter. გვ. 45—46.

<sup>53</sup> Rauschgift, Int Z. f. Indps, 1932, 1, გვ. 3.



ლად წყდება, რაც მეტია პიროვნების ინტერესის ხარისხი ამ პრობლემისადმი<sup>54</sup>.

ა. ადღერის მიხედვით, პიროვნებაზე უშუალო ზემოქმედების უნარი შესწევს არა განცდებს, არამედ ცხოვრების სტილს. ზოგიერთნი „სიღრმის ფსიქოლოგიის“ კვალიფიკაციას აძლევენ გარკვეულ განცდათა ჭკუფის შესწავლას, რაოდენ მეტ სიღრმეში მიდის ინდივიდუალფსიქოლოგია, დასძენს ჩვენი ავტორი, რომელაც მიუთითებს განცდის მიღმა მდებარე ცხოვრების სტილზე<sup>55</sup>. სიღრმე — ეს პიროვნების ცხოვრების სტილია.

ა. ადღერის განცხადებით, სრულყოფისაკენ სწრაფვისა და კოლექტიურობის გრძნობის (Gemeinschaftsgefühl) პრობლემის წინა პლანზე წამოწევისა და გადაჭრაში მდგომარეობს ინდივიდუალფსიქოლოგიური კონცეფციის მნიშვნელობა. კოლექტიურობის გრძნობაც არ წარმოადგენს წმინდა გრძნობით რომელობას; როგორც ამას ავტორი აღნიშნავს, ის ცხოვრების ფორმა (Lebensform)<sup>56</sup>. ცხოვრების ფორმა გაგებული არ უნდა იქნეს არც როგორც არასოციალური და არც ისე, თითქოს აქ ლაპარაკი იყოს ცხოვრების მხოლოდ სწავლის გზით შეთვისებულ ფორმაზე. მის ცხადსაყოფად შემდეგი დახასიათებისათვის შეიძლებოდა მიგვემართა: „სხვისი თვალთ ხედვა, სხვისი ყურით მოსმენა, სხვისი გულით გრძნობა“<sup>57</sup>. იდენტიფიკაცია ხორციელდება კოლექტიურობის გრძნობის ხარისხის შესაბამისად. ასევე, იდენტიფიკაცია აუცილებელი პირობაა კოლექტივის ცხოვრებასთან მისასვლელად. თანამშუხარება (Mitleid) იდენტიფიკაციის ნაწილობრივი გამოხატვაა. იდენტიფიკაცია კოლექტიურობის გრძნობის ერთი ასპექტი და გაგების აუცილებელი პირობა<sup>58</sup>. გაგება და შთაგრძნობა კოლექტიურობის გრძნობის ფაქტები<sup>59</sup>.

<sup>54</sup> ი ქ ე ე, გვ. 4. ა. ადღერი მიუთითებს: «Alle Probleme unseres Lebens sind soziale Probleme und verlangen zu ihrer Lösung einen bestimmten Grad eines trainierten Gemeinschaftsgeföhls». Nochmals — die Einheit der Neurosen; გვ. 206.

<sup>55</sup> Rauschgift, გვ. 5.

<sup>56</sup> Kurze Bemerkungen über Vernunft, Intelligenz und Schwachsinn. Int. Z. f. Indps. 1928, H. 4, გვ. 267. ადღერთან კოლექტიურობის გრძნობის სინონიმებია: „მიდრეკილება თანაცხოვრებისაკენ“, „სოციალური ინტერესი“, „კომპეარაცია“, „ურთიერთკეთვნილების გრძნობა“.

<sup>57</sup> ი ქ ე ე.

<sup>58</sup> «Wir können nur verstehen, wenn wir identifizieren», იქვე.

<sup>59</sup> ი ქ ე ე, გვ. 271.

კოლექტიურობის გრძნობა, ა. აღლერის განცხადებით, იმასაც ნიშნავს, რომ იგი მარადი მისწრაფებაა კოლექტიურობის ფორმისაკენ<sup>60</sup>. აქ არაა ლაპარაკი აწმყო კოლექტივზე ან საზოგადოებაზე, არც მის პოლიტიკურ და რელიგიურ ფორმებზე, არამედ ყურადღება ექცევა იმ მიზნებს, რომლებიც ვარგისი და ღირებულია პიროვნების სრულყოფისათვის. აქ ნაგულისხმეია კაცობრიობის იდეალური კოლექტივი, რევოლუციის იდეის უკანასკნელი განხორციელება. კოლექტიურობის გრძნობა, ვითარცა იდეა კაცობრიობის უკანასკნელი ფორმისა, მდგომარეობისა, რომელშიაც ცხოვრების ყველა საკითხი, ყოველგვარი მიმართება გარე სამყაროსადმი. გადაწყვეტილად წარმოიდგინება, არის მიმართულების მიმცემი მიზანი. სრულყოფის მიზანი თავის თავში უნდა ატარებდეს იდეალური კოლექტივის იდეას. ყველაფერიც, რაც ცხოვრებაში ჩათვლილი და მიჩნეულია ღირებულების მქონედ, კოლექტიურობის გრძნობის პროდუქტია<sup>61</sup>.

კაცობრიობის ისტორია არ იცნობს იზოლირებულ ადამიანს. კაცობრიობის განვითარება შესაძლებელი იყო მხოლოდ იმდენად, რამდენადაც იგი წარმოადგენდა კოლექტივს და სრულყოფისაკენ საკუთარ მისწრაფებაში ილტვოდა იდეალური კოლექტივისაკენ. ინდივიდუალფსიქოლოგია პრეტენზიას აცხადებს იმაზე, რომ მან ერთ-ერთმა პირველმა მახვილი დაუსვა კოლექტიურობის გრძნობის ფუძემდებლურ მნიშვნელობას, მან მიუთითა კოლექტივისა და კოლექტიურობის გრძნობის ევოლუციურ მომენტზე და პრაქტიკული მნიშვნელობა მოიპოვა იმით, რომ ნათელი გახადა განვითარების საქმეში კოლექტიურობის გრძნობის დიდი წვლილი<sup>62</sup>.

ადამიანი მუდამ დგას ამოცანის წინაშე. ეს ამოცანა დაკავშირებულია ადამიანური ერთად ცხოვრების ლოგიკასთან. მასების სულის ყველა დიდი ნაქმობა წარმოსდგება ადამიანთა ერთად ცხოვრების აბსოლუტური ლოგიკისაგან. ეს ნაქმობები გამიზნული იყო ყოველთვის თავდაცვის შესაქმნელად, ბუნების შემოტევის ასალაგმავად და ერთად ცხოვრებისათვის ხელის შესაწყობად<sup>63</sup>.

როგორც მითითებული იყო, აღლერმა ინდივიდუალფსიქოლოგიის პრაქტიკულ ამოცანად დასახა პიროვნული შაბლონის, ფიქცი-

<sup>60</sup> Ursprung, გვ. 261.

<sup>61</sup> იქვე.

<sup>62</sup> იქვე, გვ. 262—263.

<sup>63</sup> Individualpsychologie, Scientia, 1926, vol. 39, № 6; გვ. 148.

ის დარღვევა ინდივიდში. რამდენადაც იგი უვარგისია ადამიანის წინაშე მდგარი ცხოვრებისეული საკითხების გადასაწყვეტად; ინდივიდს უნდა ჩამოშორდეს მცდარი პერსპექტივა და მის ნაცვლად მას უნდა მიეცეს ისეთი, რომელიც ხელს შეუწყობს ერთად ცხოვრების უკეთ განხორციელებას; პიროვნებას კვლავ ეძლევა ფაქტია, მაგრამ ისეთი, რომელშიაც ამიერიდან კოლექტიურობის გრძნობას გადაწყვეტი მნიშვნელობა ენიჭება. რა თქმა უნდა, ეს არაა სულიერი განვითარების იდეალური ჩამოყალიბების განზრახვის სრულყოფილი ცდა, მაგრამ იგი მაინც უკეთესი საშუალებაა ცხოვრებისეული პროცესების გადაჭრისათვის<sup>64</sup>.

ადამიანთა ერთად ცხოვრება ის ძირითადი მდგომარეობაა, რომელიც ცალკეულ ინდივიდზე ახდენს განუწყვეტელ ზემოქმედებას. ადამიანი თანდათანობით უახლოვდება „აბსოლუტურ კემპარიტუბას“ (ადამიანთა თანაცხოვრების ლოგიკა). ა. აღლერი თვლის, რომ კარლ მარქსისა და ფრიდრიხ ენგელსის მიერ ჩამოყალიბებული ისტორიის მატერიალისტურ გაგებაში დადგენილია აღნიშნული ძირითადი ფაქტის მნიშვნელოვანი მომენტი. ამ მოძღვრების მიხედვით, ეკონომიური საფუძველია ის, რითაც ხალხი აღწევს არსებობას (Lebensunterhalten), რაც განაპირობებს „იდეოლოგიურ ზედნაშენს“, ადამიანის აზროვნებასა და ქცევას. ა. აღლერი დასძენს, რომ მარქსისა და ენგელსის აღნიშნული თეზისი ეთანხმება ინდივიდუალფსიქოლოგიურ გაგებას „ადამიანთა თანაცხოვრების ლოგიკას“ შესახებ<sup>65</sup>.

საზოგადოებრივი მოთხოვნები აწესრიგებენ ადამიანთა ურთიერთობას. ადამიანი საზოგადოებრივი არსებია. ადამიანური კულტურა საზოგადოებრივია. ინდივიდის შესახებ მხოლოდ მაშინ შეგვიძლია მივიღოთ ახსნა-განმარტება, როცა იგი შეფასებულია საკუთარ სიტუაციაში. სიტუაცია არის ადამიანის პოზიცია სამყაროში და თავის უახლოეს გარემოში, — პოზიცია საკითხებისადმი, რომლებიც მის წინაშე დგანან მუდამ. ეს საკითხებია: მოღვაწეობა (Betätigung), კავშირი (Anschluß) და სიყვარული, მოყვასთან ურთიერთობა<sup>66</sup>. ინდივიდის მოღვაწეობა (პროფესია, პროდუქტული საქმიანობა) აყენებს კითხვას: როგორ შემიძლია სასარგებლო გავხდე, რა გზით შემიძლია ხელი შევეწყუო საყოველთაო სიკეთეს. კ ა ვ შ ი -

<sup>64</sup> Menschenkenntnis, გვ. 10.

<sup>65</sup> ი ქ ვ ე, გვ. 19.

<sup>66</sup> ი ქ ვ ე, გვ. 32.

რ ი ს (საზოგადოებრივი ურთიერთობა) საკითხი ეხება მე-ს მიმართებას შენ-თან. მ ო ყ ვ ა ს თ ა ნ უ რ თ ი ე რ თ ო ბ ი ს (ოჯახური ურთიერთობა) საკითხი დაკავშირებულია სიყვარულთან, სხვა სქესის პიროვნებისადმი ინტერესთან, სხვისთვის ცხოვრების გზის შემსუბუქებასა და მემკვიდრეობის, შთამომავლობის მომენტებთან<sup>67</sup>.

ცხოვრების აზრი კოლექტიურობის გრძნობაა, შემოქმედება და წვლილის შეტანაა კაცობრიობის სამსახურში<sup>68</sup>.

ა. აღლერის მიხედვით, სოციალური ინტერესი, ანუ კოლექტიურობის გრძნობა თანშობილი შესაძლებლობაა<sup>69</sup>. კოლექტიურობის გრძნობა ცოცხლდება სოციალურ კავშირში; როგორც ცნობილია, არსებობენ თანშობილი უნარები და ფუნქციები, რომლებიც თვითონვე, გარეგანი ბიძგის გარეშე, ამოქმედდებიან. ასეთია, მაგალითად, სუნთქვის ფაქტი. იგივე ბუნება, მართალია, ამჟამად არ მიეწერება სოციალურ ინტერესს, მაგრამ პრინციპში არსებობს კოლექტიურობის გრძნობის სრულყოფის პერსპექტივის საფუძველი, მომავალში კაცობრიობის კოლექტიურობის გრძნობა სუნთქვის ფუნქციის შესატყვისად აღმოცენდება<sup>70</sup>. ა. აღლერი იცავს აზრს კოლექტიურობის გრძნობის კოსმიური ბუნების შესახებ. კოლექტიურობის გრძნობა მას წარმოდგენილი აქვს კოსმიური კავშირის ასახვად ადამიანში<sup>71</sup>.

ჩვენი ცხოვრების ყველა პრობლემა სოციალურია და ამიტომ მათი გადაჭრა მოითხოვს კოლექტიურობის გრძნობის მაღალ დონეს: სოციალური ინტერესი არ აქვს მას, ვინც საკუთარ თავზე უფრო მეტად ფიქრობს და ზრუნავს ვიდრე სხვაზე, ვისაც მიზნად დაუსახავს ისე იცხოვროს, თითქოს ამოცანა მხოლოდ მისი კეთილდღეობის უზრუნველყოფაში მდგომარეობს, ვისაც არ გააჩნია საერთო ინტერესებისათვის მოღვაწეობის სურვილი და უნარი. ინდივიდუალფსიქოლოგია დიდ ყურადღებას აქცევს ინდივიდთა შორის თანაშრომლობითი ნაქმობის გაზომვის შესაძლებლობას. აქ ინდივიდის „ცხოვრების ფორმის“ დახასიათებისათვის აღებულია მასშტაბი —

<sup>67</sup> Der Sinn des Lebens, გვ. 169—170.

<sup>68</sup> «...der Sinn des Lebens das Gemeinschaftsgefühl ist, die Betragsleistung, Schöpfung im Dienste der Allgemeinheit», იქვე, გვ. 170.

<sup>69</sup> Symptomwahl, გვ. 73.

<sup>70</sup> Über den Ursprung, გვ. 263.

<sup>71</sup> Menschenkenntnis, გვ. 47.

კოლექტიურობის გრძნობის გავრცელების არე, უნდა გაირკვეს, სად იწყება და მთავრდება პიროვნების ქცევაში სოციალური ინტერესის მამოძრავებელი აქტი. ინდივიდუალფსიქოლოგიის მოთხოვნაა: ყველა უნარი შეიძლება განვითარდეს და უნდა განვითარდეს კიდევაც კოლექტიურობის გრძნობის საფუძველზე. ეს, რა თქმა უნდა, არ გამორიცხავს, თავის მხრივ კოლექტიურობის გრძნობის განვითარების საპირობებს<sup>72</sup>, პიროვნების აღზრდა არსებითად უნდა დაუკავშირდეს კულტურის საკითხებსა და მოთხოვნებს. აღზრდის წყალობით ადამიანი უნდა გახდეს ნამდვილი მოყვასი<sup>73</sup>.

ჩვენი ამოცანათაგანია, როგორც აღნიშნული იყო, სიღრმის ფსიქოლოგიური თეორიების ფუძემდებლური მნიშვნელობის მქონე ცნებების ანალიზი, მათი შინაარსის ჩვენება. ამ მიზნის მიღწევა ინდივიდუალფსიქოლოგიის ფარგლებში სიძნელეს აწუხდება იმ მხრივ, რომ ამ კონცეფციის ავტორი ა. ადლერი არ ზრუნავს ცნებების შინაარსის ერთმნიშვნელოვან დადგენაზე. სწორედ ამით აიხსნება ის გარემოება, რომ ა. ადლერის კონცეფციის ძირითადი ცნებები განსხვავებულადაა გაგებულნი მისი თეორიის მომხრე და მოწინააღმდეგე ბანაკებს შიგნითაც კი. ამის ერთ-ერთ მაგალითად შეიძლება დავასახელოთ კოლექტიურობის გრძნობის ცნება. კითხვაზე—რა არის კოლექტიურობის გრძნობა? — სხვადასხვა პასუხი ამოიკითხეს ა. ადლერის ნაწერებიდან. იგი გაიგეს, როგორც შემეცნების და არა როგორც ლტოლვის ძალა. კოლექტიურობის გრძნობა მიღრეკილება, რომელიც გარკვეულ პირობებში შეიძლება მზაობად განვითარდეს<sup>74</sup>. იგი ნიშნავს ობიექტურობას, მოვლენათა და მიმართებათა ისეთ ხედვას, როგორადაც ისინი თავისთავად არიან; იგია აზროვნებაში ლოგიკა, ნაჭმობისათვის, ბუნებისა და ხელოვნების განცლისათვის მზაობა, ყველა მოქმედების, წარმოდგენისა და აზროვნების პასუხისმგებლობისათვის მზაობა<sup>75</sup>. ამასთანავე იგი ბ ი ო ლ ო გ ი უ რ ი მიზნობრიობის ფაქტიცაა<sup>76</sup>. კოლექტიურობის გრძნობა არის კოლექტივის, როგორც იდეის, მიზნისაკენ სწრაფვის თანშობილი პიროვნული პოტენცია. ესაა პიროვნული განცდა ურთიერთობისა, დაკავშირე-

<sup>72</sup> Persönlichkeit, გვ. 86.

<sup>73</sup> Symptomwahl, გვ. 69.

<sup>74</sup> Heinz L. Ansbacher. Der Wandlung der Adlerschen Individualpsychologie, Psychologische Rundschau, 1961, H. 4, გვ. 266.

<sup>75</sup> E. Wexberg, Individualpsychologie, გვ. 83—84.

<sup>76</sup> ი ქ ვ ე.

ბისა, მოვალეობისა, პასუხისმგებლობისა. იგია ადამიანთა თანაცხოვრების იმანენტური ლოგიკის პიროვნული კონკრეტიზაცია<sup>77</sup>. კოლექტიურობის გრძობა არის ლტოლვა, ლოგიკა და ეთიკა<sup>78</sup>. იგი საყოველთაო ღირებულების გამაერთიანებელი ცნებაა<sup>79</sup>. კოლექტიურობის გრძობა მორალურ-ნორმატიული იდეაა<sup>80</sup>.

ადამიანის სტრუქტურული მომენტების — ნაკლოვანებისა და კოლექტიურობის გრძობების, სრულყოფისაჲკენ სწრაფვის, ცხოვრების სტილის, კომპენსაციის — ურთიერთმიმართება, რომელთა ფარგლებში იშლება ადამიანური ბუნება, აღლერთან შემდეგნაირად ხასიათდება: ნაკლოვანების გრძობა განაპირობებს სრულყოფისაჲკენ სწრაფვას, რატა ე. წ. უარყოფითი სიტუაციიდან დადებით სიტუაციაში გადასვლა, სხვაგვარად, პიროვნების არასაიმედობის, სისუსტის დაძლევისაჲკენ მიმართული აქტივობა. მე-ს მიერ შექმნილი ცხოვრების სტილი პიროვნული სისუსტის გადალახვისაჲკენ მიმართული კონკრეტული კომპენსატორული აქტია. ცხოვრების სტილის კონკრეტული შინაარსი ზოგიერთ შემთხვევაში რეალობისაგან შეტისმეტად დაშორებულია და ფიქცია ხდება. კოლექტიურობის გრძობა ზღვარს უდებს მე-ს სუბიექტივისტურ განზრახვას, იგი ინდივიდს ჩართავს სოციალურ ურთიერთობაში, გარემოში და ამით ადამიანს ქეშმარიტ საყოფელს მიუჩინს, სადაც უნდა გაიშალოს მისი ადამიანური შემოქმედება, მოღვაწეობა..

რა არის პიროვნება? როგორ შეიძლება პიროვნების წვდომა, შემეცნება? ინდივიდუალფსიქოლოგიას, აღლერის მიხედვით, ცნობიერად მიღებული აქვს წანამძღვარი, რის საფუძველზედაც იგი ცდილობს ააგოს მეცნიერული შენობა. ეს წანამძღვარია კონცეფცია სიცოცხლის შესახებ, რომელიც უმაღლეს განსახიერებას პოულობს პიროვნების სახით. ინდივიდუალფსიქოლოგიის ამოსავალი დებულებაა პ ი რ ო ვ ნ ე ბ ი ს ე რ თ ი ა ნ ო ბ ა<sup>81</sup>. პიროვნების მთლიანობაში განსაკუთრებული ყურადღება ექცევა და წინა პლანზე წამო-

<sup>77</sup> Oskar Spiel, Die Individualpsychologie als Beziehungslehre წიგნში «Alfred Adler. Zum Gedenken», Wien, 1957, გვ. 142.

<sup>78</sup> M. Adler, Erkenntniskritische Bemerkungen zur Individualpsychologie, Int. Z. f. Indps. 1925, H. 5.

<sup>79</sup> E. Ringel, Der Wertbegriff in der Individualpsychologie, Int. Z. f. Indps. 1950, H. 3, გვ. 126.

<sup>80</sup> H. Kunz, Zur grundsätzlichen Kritik der Individualpsychologie Adlers, გვ. 765.

<sup>81</sup> Ist der Fortschritt der Menschheit möglich? Int. Z. f. Indps. 1937, H. I, გვ. 1.

იწვევს პიროვნების მიმართება ცხოვრებისეული საკითხებისადმი, საერთოდ, სოციალურისადმი. პიროვნებაში ძვეს საზრისი. პიროვნება თვითონ საზრისის განხორციელებაა, რამდენადაც ის მიზნობრივ ერთიანობას წარმოადგენს. აღნიშნული მიზნობრიობა იმანენტურია პიროვნებისათვის. პიროვნების არსი იმანენტური ტელეოლოგიაა. პიროვნების გაგება ნიშნავს პიროვნების წვდომას იმანენტურ მიზანმიმართულ ერთიანობაში; აღნიშნულს ეწოდება ინდივიდუალფსიქოლოგიის უმაღლესი თეზისი.

პიროვნებას საფუძველი აქვს ბუნებაში, მაგრამ იგი აღიმართება იმავდროულად ღირებულებათა სამყაროში. პიროვნებაში სხეულისული-გონი სტრუქტურული ნაწილებია; ადღერის პასუხი კითხვაზე ინდივიდუალფსიქოლოგიაში ითქვა თუ არა რაიმე ახალი სულიერი მთლიანობის შესახებ? — ასეთია: სულიერი მთლიანობის შესახებ არაფერი ვიცი იმაზე მეტი, რაც მოპოვებულია ღრმა ინტუიციით ადამიანის შესახებ ესკილესთან, სოფოკლესთან, ევრიპიდესთან, მოლიერთან, შექსპირთან, შილერთან, გოეთესთან, ტოლსტოისთან და დოსტოევსკისთან. თუკი ვინმეს სურს უფრო მეტი ცოდნის მიღება ადამიანის სულს მთლიანობის შესახებ, ის უნდა დაელოდოს ახალი შექსპირისა და დოსტოევსკის გამოჩენას. ის, რაც მათ დასრულებული ენობრივი ხელოვნებით წარმოადგინეს, მან, ა. ადლერმა, მარტივი და გასაგები გახადა, უფრო ზუსტად თქვა მეცნიერულ ენაზე<sup>82</sup>.

ინდივიდუალფსიქოლოგიის მიზანია მთლიანი პიროვნების შექმნება. მთლიანი პიროვნების წვდომის გზა იწყება ცალკეული მოვლენების აღქმით, რომელმაც შემდეგ უნდა მოგვიყვანოს პიროვნების მთლიანობამდე. პიროვნების მიზნის მოცემულობით მოცემულია ცხოვრების ფორმაც. ცხოვრების სტილში ჩართულია სულიერი სამყაროს ყოველი ნაწილი. ადღერის სიტყვებით რომ ვთქვათ, ყოველი ნაწილი მთლიანის „ნატეხს“ წარმოადგენს. ინდივიდუალური მოძრაობის კანონი ჩვენ უშუალოდ არ გვეძლევა. მისი წვდომა შეიძლება გამოსახვის ფორმებში. ადამიანის მიზანი მის მოქმედებაში, ნაქმობაში ჩანს და იგი მასშივე უნდა იქნეს ამოკითხული. სულიერი ცხოვრების ცალკეული მოვლენის წვდომა მხოლოდ მაშინ შეიძლება, როცა იგი გაგებულია, როგორც ნაწილი განუყოფელი მთელია. როცა ვიცი ადამიანის მიზანი, მაშინ ჩვენთვის ისიც გასაგებია, თუ რას ნიშნავს მისი გამოსახულებითი მოძრაობები. შემეცნების გარან-

<sup>82</sup> Ist der Fortschritt der Menschheit möglich? Int. z. f. Indps, 1937, H. 1, z. 1.

ტიის პირობაა ის, რომ ინდივიდში მიზნის არსებობა აუცილებლობით განაპირობებს სულის მოძრაობას ამ მიზნის მიმართულებით. იმის გასაგებად, რაც ხდება კონკრეტულ ადამიანში, საჭიროა მხედველობაში მივიღოთ მოყვასთან მისი ურთიერთობა. პიროვნების გასაგებად გათვალისწინებული უნდა იქნეს სიტუაცია. სიტუაცია არის ადამიანის ადგილი სამყაროში და მის უახლოეს გარემოში, მისი პოზიცია საკითხებისადმი, რაც მის წინაშე აუცილებლობით წამოიჭრება<sup>83</sup>.

გარეგანი მსგავსება სიმპტომებისა ჰაქმაო საფუძველს არ იძლევა გამოვლენათ დანასკვი, რომ ისინი ერთი და იგივე შინაგანი საქმის ვითარების გამოვლინებაა. ორი პიროვნების მიერ ერთნაირი საქმის კეთება არ ნიშნავს ერთსა და იმავეს. რადგანაც სულიერი კავშირები ინდივიდში იქმნება შემოქმედი მე-ს მიერ, არ არსებობს იმის გარანტია, რომ სიმპტომის უკან არსებული სულიერი რეალობა ერთნაირ შინაარსს წარმოადგენს. საჭირო ხდება „პიროვნების გულში“ შეღწევა და იქ „ფისიქური კონსტიტუციის“ ხილვა<sup>84</sup>.

პიროვნება, როგორც ითქვა, გაგებული უნდა იქნეს. პიროვნების გაგების საქმეში არსებითი როლი ენიჭება შთაგრძნობას, იდენტიფიკაციას<sup>85</sup>. იდენტიფიკაციით ხერხდება ადამიანის სიმპტომის არჩევანის თავისებურების წედრომა. იდენტიფიკაცია აღლერთან ამ შემთხვევაში გაგებულია, როგორც სხვისი სულიერი ვითარების მიმდინარეობის გადმოტანა შემმეცნებელ სუბიექტში იმ აზრით, რომ შემმეცნებელი თუკი აღმოჩნდებოდა იმავე პირობებში და სიტუაციაში, მას თუკი ექნებოდა იგივე სულიერი მოტივაცია, იმავეს ჩაიდენდა, რაც შესამეცნებელმა პიროვნებამ განახორციელა<sup>86</sup>. იდენტიფიკაცია არის სხვისი თვალთ ყურება, ე. ი. ისეთი სულიერი ცხოვრების ქონა, როგორც სხვას აქვს. აღლერისათვის; მაგ., თანამწუხარება (Mitleid) იდენტიფიკაციის ფაქტადაა ჩათვლილი. აქ საქმე გვაქვს იმის სრულიად საპირისპიროსთან, რასაც ეხება შთაგრძნობის გავრცელებული გაგება — ჩვენი სულიერი მდგომარეობის გადატანა სხვაში, საკუთარის შეტანა ჩემს გარეთ არსებულში (მეორე სუბიექტში ან ობიექტში); თუმცა აღლერი მიუთითებს,

<sup>83</sup> Menschenkenntnis, გვ. 3—32.

<sup>84</sup> Symptomwahl, გვ. 76.

<sup>85</sup> «Wir können nur verstehen, wenn wir identifizieren», Kurze Bemerkungen, გვ. 270.

<sup>86</sup> Symptomwahl, გვ. 65.



რომ იდენტიფიკაციის საკუთარი ცნება და შთაგრძნობის თ. ლიპსის-  
 ეული ცნება იგივეობრივია<sup>87</sup>. ადლერი იყენებს შთაგრძნობის  
 ცნებას, მაგრამ მასში იდენტიფიკაციის გარდა სხვა შინაარსსაც დებს.  
 სახელდობრ აქ იგი გულისხმობს იმის წინასწარ გრძნობას და მიხ-  
 ვედრას, რაც მომავალში იქნება<sup>88</sup>. ინდივიდის გაგების საქმეს ინდი-  
 ვიდუალფსიქოლოგიაში ემსახურება აგრეთვე მიხვედრა ც  
 (Erraten), რაც ადლერისათვის იგივე ინტუიციას<sup>89</sup>. მაგრამ მიხვე-  
 დრის (ინტუიციის) ცნების შინაარსის განმარტებას ადლერის ნაწე-  
 რებში ვერ ვნახულობთ, ეს კი აუცილებელი იყო, რადგანაც ინტუ-  
 იციის ცნება საერთოდ მრავალი შინაარსითაა წარმოდგენილი.

კლასიკური სიღრმის თეორიების ავტორები ერთმანეთისადმი  
 უარყოფით დამოკიდებულებაში არიან, მათ არ აკმაყოფილებთ ე. წ.  
 მოწინააღმდეგის თეორიული წანაშდღვარი, და მის შეფასებას ზოგ-  
 ჯერ უსიამოვნო ეპითეტებითაც გვთავაზობენ. ბურჟუაზიულ სამყა-  
 როში ცალკეულ სიღრმისფსიქოლოგიურ თეორიას თავის ქომაგი  
 ჰყავს. მაგალითად, ადლერის ინდივიდუალფსიქოლოგიას ვილიამ  
 შტერნი სიმპათიით ეკიდება. ვ. შტერნმა პერსონალისტური ფსიქო-  
 ლოგიის პრობლემაზე მსჯელობის დროს თავისი დამოკიდებულება  
 გამოთქვა საერთოდ სიღრმის ფსიქოლოგიაზე და მის ცალკეულ მიმ-  
 დინარეობებზეც. ვ. შტერნი თვლის, რომ სიღრმის ფსიქოლოგიამ  
 სწორი ნაბიჯი გადადგა პიროვნების ბუნების დადგენის საქმეში, რო-  
 ცა მან პიროვნების არსი არაცნობიერში, პიროვნების სიღრმეში მო-  
 ათავსა და ცნობიერებას სიმბოლურობის ნიშანი დაუტოვა. ეს იმი-  
 ტომ მოხდა, რომ ცნობიერებას არ შესწევს უნარი, ზუსტად და სან-  
 დოდ ასახოს „მე“. მაგრამ, მეორე მხრივ, იმავე სიღრმის ფსიქო-  
 ლოგიამ (ფსიქოანალიზმა) მნიშვნელობა დაუკარგა თავისსავე თე-  
 ზისს იმით, რომ მან სიღრმის ცალმხრივი გაგებით დაამახინჯა  
 პიროვნების მთლიანი სურათი. ფსიქოანალიზმა პიროვნების სიღრმე  
 ფსიქიკად ჩათვალა და ის ბიოლოგიურზე (ლტოლვაზე) დაი-  
 ყვანა<sup>90</sup>. ფსიქოანალიზის ამ გაგებას ვ. შტერნმა დაუპირისპირა პერ-

<sup>87</sup> Kurze Bemerkungen, გვ. 267.

<sup>88</sup> «...zu fühlen, zu erraten, was etwa in der Zukunft wird». Menschenkenn-  
 nis, გვ. 46.

<sup>89</sup> Der Sinn des Lebens, გვ. 164.

<sup>90</sup> ვ. შტერნმა ფსიქოანალიზის მიმართ ის საყვედურიც გამოთქვა, რომ ადამი-  
 ანის პერსონის დაყოფას გულად და ნაჭუქად, ე. ი. საწყისისეულად და იქიდან გამო-  
 ყვანილად, მოჰყვა დუალიზმის მკაცრი გატარება იმ მნიშვნელობით, რომ არაცნობი-  
 ერისა და ცნობიერის განსხვავებას არა მარტო ხარისხობრივი, რანგობრივი კარგი მი-

სონალისტური თეზისი: „სიღრმე აქვს ფსიქიკას კი არა, პერსონს“<sup>91</sup>. ფსიქოანალიზმა, ვ. შტერნის მიხედვით და ამაში მას დაეთანხმებიან, მოგვცა პიროვნების მექანიკური გაგება, რომელიც გვაგონებს მე-16 საუკუნის ასტროლოგიას. ასტროლოგიიდან ისტორიულად თანდათანობით აღმოცენდა ნამდვილი მეცნიერება — ასტრონომია. ვ. შტერნი ფიქრობს, რომ შესაძლებელია ფსიქოანალიზსაც იგივე გზა ჰქონდეს გასაუღელი. ფსიქოანალიზის წიაღიდან გამოსული ა. ადლერის ინდივიდუალფსიქოლოგია ჩვენს ავტორს მიაჩნია არამეცნიერებიდან მეცნიერების დაბადებად. ვ. შტერნისთვის ინდივიდუალფსიქოლოგიაში მიზნადღველი და მისაღები ჩანს ის, რომ აქ ლაპარაკია პიროვნებაზე, როგორც ტელეოლოგიურ არსებაზე, ცნობიერების პროცესების გაგების შესაძლებლობაზე პიროვნულ მიზანთა სისტემიდან, პიროვნების ფსიქო-ფიზიკურ ნეიტრალობაზე, ცნობიერების გააბსოლუტურების წინააღმდეგ ბრძოლაზე და სხვ<sup>92</sup>. განსხვავებაც დილია ა. ადლერისა და ვ. შტერნის პერსონალისტურ კონცეფციებს შორის. მაგ., შტერნთან პერსონი სუბსტანციურია, ამიტომ არ დაიშის საკითხი მისი გენეზისის შესახებ. ა. ადლერთან პიროვნება უნდა გაჩნდეს, წარმოიშვას, რადგანაც იგი სიცოცხლის კონკრეტული გამოვლენაა და სხვ.

§ 8. არაცნობიერის პრობლემა. სიღრმის ფსიქოლოგიას განმარტავენ, როგორც ფსიქოლოგიას არაცნობიერის შესახებ. ზ. ფროიდის ფსიქოანალიზსა და კ. გ. იუნგის ანალიზურ ფსიქოლოგიაში პრინციპულადაა დასმული და გადაწყვეტილი არაცნობიერი ფსიქიკის საკითხი. ამიტომ ამ კონცეფციების მიკუთვნება სიღრმის ფსიქოლოგიური მიმართულებებისადმი ბუნებრივი და გასაგები ჩანს. სხვაგვარი დამოკიდებულებაა ა. ადლერის ინდივიდუალფსიქოლოგიის მიმართ. ზოგიერთის შეხედულებით, აღნიშნული კონცეფციის მოთავსება სიღრმისფსიქოლოგიურ მიმდინარეობაში დამოკიდებული უნდა იყოს იმაზე, თუ როგორ გადაწყდება საკითხი ინდივიდუალ-

ვცა, არამედ პიროვნების შიგნით მათ შორის დაპირისპირება, ოდითგანვე მტრობადააკანონა.

<sup>91</sup> W. Stern, Person und Sache, 1923, გვ. 240.

<sup>92</sup> ვ. შტერნის ფსიქოლოგიისა და ფილოსოფიის შესახებ ქართულ ენაზე იხ. ერ. აბაშიძე, პერსონალისტური ფსიქოლოგია, თბილისი, 1962; გ. ციციუაძე, აღმზინის პრობლემა პერსონალისტურ ფილოსოფიაში (ვ. შტერნი), მოთავსებულია კრებულში „ფილოსოფიური ანთროპოლოგიის საკითხები“, ნაწ. II, თბ., 1971.

ფსიქოლოგიის ფარგლებში არაცნობიერი ფსიქიკის მნიშვნელობისა და ადგილს შესახებ<sup>83</sup>.

ა. ადლერი მოიხმარს არაცნობიერის ცნებას, მაგარმ გასარკვევია მისი შინაარსი, არსებობის რა ფორმაზეა აქ ლაპარაკი: ფსიქიკურ არაცნობიერზე თუ სხვა სახის არაცნობიერზე. ავტორს საკუთარი შეხედულება აღნიშნულ საკითხზე შეეძლო გამოეთქვა შრომაში «Menschenkenntnis», რომლის ერთ-ერთ პარაგრაფს ეწოდება „არაცნობიერი“, მაგრამ აქ არაფერი ითქვა ამომწურავი ამ საკითხთან დაკავშირებით. მიუხედავად ამისა, მანც შეიძლება სავსებით გარკვეული აზრი შევიძუშაოთ არაცნობიერის ცნების შესახებ, თუ გათვალისწინებული იქნება ა. ადლერის მიერ სხვადასხვა დროს გამოთქმული მსჯელობები აღნიშნულ ცნებასთან დაკავშირებით.

ა. ადლერი გარკვევით ამბობს, რომ ცნობიერება არ შეიძლება გაიგივდეს ცნებით ასახვასთან. ცნობიერად ვერ ჩაითვლება მხოლოდ ის, რაც ცნებაშია გამოხატული, ცნებითაა ხორცშესხმული<sup>84</sup>. ჩვენი ავტორი იცავს აზრს ცხოველებში ცნობიერების არსებობის შესახებ, თუმცა მათ არ მიაწერს ცნებითი აზროვნების უნარს. ცნობიერებაში ამ შემთხვევაში იგულისხმება უშუალო, ე. წ. პირველადი ცნობიერება, ცნობიერების შინაარსების უბრალო დადასტურება, განცდა. ეს რომ ასეა, ამას მოწმობს მისივე სიტყვები: „არაცნობითი აზროვნება, რომლითაც ჩვენ აღვიღნი ვართ ცხოვრების ყოველ მომენტში, ცნობიერია ცნობიერების აზრით, რადგანაც ის ყოველთვის დასტურდება, არასოდეს არ ქრება“<sup>85</sup>. მაშასადამე, ა. ადლერის გაგებით, ურეფლექსიო ფსიქიკური შინაარსი, როგორც ასეთი, არაცნობიერ ფსიქიკად არ ჩაითვლება, იგი ცნობიერი ფსიქიკაა. აღნიშნულის გარკვევა ჭერ კიდევ არაფერს ამბობს, არის თუ არა ადლერი არაცნობიერი ფსიქიკის (ცნობიერებისაგან დამოუკიდებელი ფსიქიკის) არსებობის დამცველი ან მოწინააღმდეგე.

ა. ადლერის შრომებში ვხვდებით მსჯელობებს, სადაც იგი არაცნობიერი ფსიქიკის, ე. ი. ცნობიერებაში დადასტურებული ფსიქიკური შინაარსების ცნობიერების გარეთ არსებობის თეზისის დამც-

<sup>83</sup> E. Ringel und W. Spiel, Zur Problematik des Unbewußten vom Standpunkt der Individualpsychologie, Psyche, 1952, H. 6, გვ. 378.

<sup>84</sup> Persönlichkeit, გვ. 85. შეად: Der Aufbau der Neurose, გვ. 322, სადაც ავტორი ლაპარაკობს გაუაზრებელ (unbegriffene) ფაქტებზე, რომელთა სიტყვებში მოთავსებით არ ხდება არაცნობიერიდან ცნობიერებაში რაიმეს ამოტანა.

<sup>85</sup> Persönlichkeit, გვ. 85.

ველად გვევლინება, გადაჭრით, მაგრამ ყოველგვარი დასაბუთების გარეშე მსჯელობს აზრებისა და სურვილების არააღნობიერ არსებობაზე<sup>96</sup>. ნაკლოვანების გრძნობაც ხომ, გარკვეული აზრით, ფსიქიკის არააღნობიერი რომელიმე აღიარებაა.

ზ. ფროიდმა და კ. გ. იუნგმა ადამიანის ბუნების არსებით და ღირებულ მომენტად ირაციონალური სინამდვილე ჩათვალეს. კვლევა-ძიება ამ მიმართულებით წარიმართა და მათ ფსიქიკისა და პიროვნების სიღრმედ არააღნობიერი ფსიქიკა გამოაცხადეს. არააღნობიერი ფსიქიკა გახდა ახსნისა და გაგების საფუძველი. ა. ადლერს არ აკმაყოფილებს პიროვნების შინაგანი მამოძრავებელი ძალების წარმოდგენა ირაციონალური ბუნების მქონედ. „ინდივიდუალფსიქოლოგიაში, პირველმა ფსიქოლოგიურმა სკოლამ, გაწყვიტა კავშირი შინაგანი ძალების (ინსტინქტები, ლტოლვები, არააღნობიერი და ა. შ.), როგორც ირაციონალური მასალის დაშვებასთან“<sup>97</sup>. ა. ადლერი თვლის, რომ ინდივიდუალფსიქოლოგია ნამდვილად მიუთითებს პიროვნების სიღრმეზე, როცა ცხოვრების სტილს ათავსებს პიროვნების ცენტრში და მისით ხდის გასაგებს განცდებლაც და სხვა მიმართებებსაც. „არააღნობიერი ესაა ცხოვრების სტილი“<sup>98</sup>. არააღნობიერში თავსდება ძალები, რომლებიც აფორმებენ, აყალიბებენ ადამიანის მოძრაობის ხაზს, მისი ცხოვრების გეგმას, ინდივიდუალურ აღნაგობას. ცნობიერებაში ასახულია ე. წ. ცხოვრების გეგმის მხოლოდ ანარეკლი, ზოგჯერ საწინააღმდეგოდაც კი<sup>99</sup>.

როგორც ჩანს, ა. ადლერის არააღნობიერის ცნებას მეორე გაგებაში თავსდება: მ ე, როგორც ცხოვრების სტილის შემოქმედი ძალა, თვითონ ცხოვრების სტილი, რაც წარმოადგენს პიროვნების გულს და პიროვნების განვითარების წარმმართველს, მ ი ზ ა ნ ი, რაც განხორციელებული უნდა იქნეს ცხოვრების სტილის საშუალებით. ერთი სიტყვით, აქ არააღნობიერში იგულისხმება პიროვნება თავისი სტრუქტურით, რაც ონტიური გარკვეულობით ფსიქიკას არ უნდა წარმოადგენდეს.

ა. ადლერის კონცეფციაში არააღნობიერის ცნებას უკავშირდება კიდევ ერთი, გნოსეოლოგიური ასპექტი. ესაა ის მომენტი, როცა ავტორი მსჯელობს არააღნობიერზე, როგორც ისეთ რაიმეზე, რაც

<sup>96</sup> Menschenkenntnis, გვ. 83. Heilen und Bilden, გვ. 56.

<sup>97</sup> Ist Fortschritt der Menschheit möglich? გვ. 1.

<sup>98</sup> Heilen und Bilden, გვ. 130, 133.

<sup>99</sup> Menschenkenntnis, გვ. 76, 78.

გაგებული არაა, რაც შემეცნებას მოკლებულია (Unverstandenes). ზოგი ავტორი განსაკუთრებულ ყურადღებას აქცევს არაცნობიერის ცნების ამ შინაარსს და იცავს შეხედულებას, რომ ა. ადლერთან არაცნობიერის ცნება იგივეობრივია არცოდნის (Ungewußt) ცნებასა<sup>100</sup>. ა. ადლერი მიუთითებს: „არაცნობიერი ნიშნავს იმას, რაც ჩვენ ვერ გავიგია, რაც არ გვესმის (Unverstandenes)“<sup>101</sup>, რისი ცოდნაც არა გვაქვს<sup>102</sup>, რაც ქმნის ადამიანის ძირითადი განწყობილების გაუგებარ ნაწილს<sup>103</sup>. აქ მოტანილი მსჯელობები არსებითად გულისხმობს პიროვნების მიზნისა და ცხოვრების სტილის შესახებ მითითებას, რომ თვითონ ეს მომენტები, ერთი მხრივ, მისი მატარებელი და, მეორე მხრივ, დამკვირვებელი პირისათვის შეიძლება მიუწვდომელი, გაუგებარი იყოს, მაშასადამე, ადლერი ამ შემთხვევაში იცავს აზრს, რომლის მიხედვით, არაცნობიერი წარმოა-

<sup>100</sup> იხ. რინგელისა და შპილის დასახელებული ნაშრომი, გვ. 365. შეად. ნომანის მსჯელობა კრებულში «*Alfred Adler. Zum Gedankens*», გვ. 8, აგრეთვე A. Farau, *Die Entwicklung der Individualpsychologie und ihre Stellung in heutigen Amerika. Psyche*, XIII Jahrgang, 1960, H. 12, გვ. 862. ცნება Ungewußt-Unbewußte განსხვავებული შინაარსის შემეცნელია ფ. ლერმთან. იგი ამ ტერმინში გულისხმობს ნოეტური აპერცეფციის განუხორციელებლობის ფაქტს. ფ. ლერში განცდის აქტუალობის შემდეგ სამ საფეხურზე მიუთითებს: უ ბ რ ა ლ ო გ ა ნ ც დ ა (schlichtes Erleben), ეს იგივეა, რაც განცდა შინაყოფის მოღუსში, ც ნ ო ბ ი ე რ ე ბ ა (Bewußtsein), რაც ნიშნავს სუბიექტსა და ობიექტის გათიშვას, შესაბამისად არა - მე-ს დაპირისპირებას და აღნიშნული პოლუსების ცნობიერების ქონას. ესაა მე-ს შაკონსტრუირებული ფუნქცია, ც ნ ო ბ ი ე რ ო ბ ა (Bewußtheit), აღნიშნული მე-ს ისეთი ფუნქციაა, რომელიც გამოიხატება პოზიციის დაქვრამში საკუთარი განცდების მიმართ. იგი რეფლექტირებული განცდაა. ფ. ლერში განცდის აქტუალობის საფეხურებისა და შესატყვისად არაცნობიერის სამ სახეს ასახელებს. ესენია: შეუცნობელი-არაცნობიერი (Ungewußt-Unbewußte), ურეფლექსიო-არაცნობიერი (Unreflektiert-Unbewußte), და ცნობიერების გარეშე - არაცნობიერი (Bewußtlos-Unbewußte). შეუცნობელი - არაცნობიერი ესაა უარყოფითი ფორმით გამოთქმული უბრალო განცდის საფეხური, აქ უარყოფილია ცნობიერების დამდგენი ფუნქცია, სამაგიეროდ ამით მითითებულია პირველადი, ანუ უბრალო ცნობიერების არსებობაზე. ურეფლექსიო-არაცნობიერი უარყოფით ფორმამი გამოთქვამს განცდის ცნობიერების საფეხურს, უარყოფს რა რეფლექსირებული განცდის, ცნობიერების დონეს. ცნობიერების გარეშე - არაცნობიერი უარყოფთა უბრალო ცნობიერებისა და მიუთითებს სიცოცხლის აქტუალობის საფეხურზე, იგია სიცოცხლესაფუძველი (ფიზიოლოგიური), იხ. *Aufbau der Person*, გვ. 529—556.

<sup>101</sup> *Neurotisches Weltbild, Int. Z. f. Indps.* 1936, H 3. გვ. 133. აქ ასეთი ფრაზა გვხვდება «*unbewußt — besser unverständlich*».

<sup>102</sup> *Heilen und Bilden* გვ. 89.

<sup>103</sup> *Individualpsychologie*, გვ. 413.

დგენს პიროვნებისეული მომენტების — მიზანი, მიზნის აღმოცენება, მიზნის გადაჭრის მიმართულება — არცოდნას, შეუმეცნებლობას, ისეთ ვითარებას, რომლის საზრისი შეიძლება გარკვეულ პირობებში გაგებული, გაცნობიერებული იქნეს.

ზემოაღნიშნულიდან ცხადი უნდა იყოს, რომ ა. ადლერთან განსაკუთრებული მნიშვნელობა მიეწერება არაცნობიერის იმ შინაარსს, რომელიც ფსიქიკურის ფარგლებს სცილდება. ეს ასედაც უნდა იყოს, რადგანაც მისი ე. წ. „ფსიქოლოგიური თეორიის“ ამოცანა ადამიანის, პიროვნების, ინდივიდის წევდომაა<sup>104</sup>. პიროვნების არსს, ა. ადლერს კონცეფციის მიხედვით, არ ქმნის ფსიქიკა, პიროვნების გულია ცხოვრების სტილი, რომელიც წარმოადგენს პიროვნების ინტენციას სოციალურ გარემოზე.

როგორც აღინიშნა, ა. ადლერთან არაცნობიერის სამი შინაარსი დასტურდება. პირველი: არაცნობიერი ფსიქიკა როგორც ცნობიერების ფსიქიკური შინაარსების არსებობა ცნობიერების გარეშე; მეორე: პერსონის სტრუქტურის არაცნობიერად არსებობა. (პერსონი, როგორც ასეთი, ფსიქიკას არ წარმოადგენს, აქ ლაპარაკია, მაშასადამე, ე. წ. პერსონულ არაცნობიერზე, რაც სავსებით კანონიერი ცნებაა); მესამე ცნება არაცნობიერისა გნოსეოლოგიური შინაარსისაა, რომელიც პირველი ორი (ონტოლოგიური შინაარსის) ცნებისაგან განსხვავებულია და საერთოდ ონტოლოგიურს მიმართ გარკვეულ დამოკიდებულებას გამოთქვამს, სახელდობრ, რომ ონტიური საქმის ვითარება შემეცნებული არაა.

არაა სწორი გაგება, როცა ადლერის არაცნობიერის ცნებას აიგოვენ კ. იასპერსის „შეუმჩნევლას“ ცნებასთან<sup>105</sup>. ამ შემთხვევაში ადლერის არაცნობიერის ცნება გაგებულია გნოსეოლოგიური მნიშვნელობით, როგორც უ ც ო დ ი ნ ა რ ი (Ungewußte), რომელიც პირინციპულად ც ო დ ნ ა დ ი ა (wissbar). ერთმანეთში არ უნდა აირიოს იასპერსის ონტოლოგიური ცნება-შეუმჩნევლისა; ადლერის გნოსეოლოგიურ ცნება-არაცნობიერთან. იასპერსის შეუმჩნევლის (Unbemerkte) ცნება ფსიქოლოგიურია, მასში იგულისხმება ისეთი ფსიქიკური გარკვეულობა, რომელიც დაკავშირებულია ცნობიერ-

<sup>104</sup> ა. ადლერთან ერთმანეთისაგან არაა გათიშული ცნებები: ინდივიდი, ადამიანი, პერსონი, პიროვნება, ისინი სინონიმებად იგულისხმებიან, ეს კი გაუგებრობის წყაროდ შეიძლება იქცეს.

<sup>105</sup> Hans Seelbach, Verstehende Psychologie und Individualpsychologie, Int. Z. f. Indps. 1932, H. 5, გვ. 375.

ზასთან. იგი განცდილი სულიერი პროცესია, ხელსაყრელ ვითარებაში მას შეუძლია ცნობიერების საგნობრივ დონესაც მიაღწიოს, მაგრამ გარკვეულ გარემოებათა გამო ცნობიერების პერიფერიაშია. იასპერსი შეუძმჩნეველ ფსიქიკურ პროცესს უპირისპირებს ცნობიერების გარეშე (Außerbewußte) პროცესებს, როგორც პრინციპულად ცნობიერებისაგან დამოუკიდებელ გარკვეულობას, რომლებიც ფსიქიკური არაა და ამიტომ არც განიცდებიან<sup>108</sup>.

თუკი იასპერსის შეუძმჩნევლის ცნებას (რაც იგივე ცნობიერი ფსიქიკურის აღმნიშვნელია) შევეუპირისპირებთ ადღერის არაცნობიერის ცნებას, რომელიც სამ სხვადასხვა მნიშვნელობას მოიცავს, აღმოჩნდება, რომ მათ შორის დიდი განსხვავებაა. სახელდობრ: შეუძმჩნევლის ცნება (ცნობიერი ფსიქიკა) არ შეიძლება გაიგივდეს ადღერის არც არაცნობიერ ფსიქიკასთან (ცნობიერის გარეთ არსებული ფსიქიკური შინაარსი), არც პერსონულ არაცნობიერთან (არაფსიქიკური გარკვეულობა), და არც გნოსეოლოგიურ ცნება უტოდინართან (რომელიც ეხება როგორც ფსიქიკურ და ცნობიერ, ისე არაფსიქიკურ და არაცნობიერ სინამდვილეებს).

§ 4. კრიტიკული ანალიზი. გავრცელებული შეხედულების მიხედვით, ადღერის ინდივიდუალფსიქოლოგიური თეორია მოთავეებულია ფროიდის ფსიქოანალიზისა და იუნგის ანალიზური ფსიქოლოგიის გვერდით, როგორც ერთ-ერთი კლასიკური სიღრმისფსიქოლოგიური თეორია. მაგრამ გამოთქმულია ექვიცი იმის თაობაზე, რომ ინდივიდუალფსიქოლოგია ვერ ჩაითვლება საკუთრივ სიღრმისფსიქოლოგიურ თეორიად, რადგანაც აქ ძიება სწარმოებს არა არაცნობიერი ფსიქიკის ცხადყოფისაკენ, არამედ სჭვა მიმართულებით — პიროვნების შემეცნებისაკენ. ადღერის თეორიის სხვადასხვა მომენტის წინ წამოწევით ნაცადი იყო მისი დაკავშირება განსხვავებულ მიმდინარეობებთან. მაგალითად, ინდივიდუალფსიქოლოგიას ათავსებენ 3. დრიშის მთლიანობითი ფსიქოლოგიისა და გეშტალტფსიქოლოგიის გვერდით და მათ ყველას ერთად აღნიშნავენ სახელწოდებით „საზრისის მაინტერპრეტირებელი ფსიქოლოგია“ (ა. კრონფელდი). ის ჩათვლილია ვ. შტერნის პერსონალისტური ფსიქოლოგიის პარალელურ მოვლენად (ა. მესერი), ან მიიჩნევენ ვაგებით ფსიქოლოგიად (3. ზეელბახი), ან წარმოიდგენენ განცდის ფსიქოლოგიაზე დაფუძნებულ ქარაქტეროლოგიად (კ. ბიულერი). ზოგი უფრო შორ-

<sup>108</sup> Karl Jaspers, Allgemeine Psychopathologie, 1959, გვ. 9—10.

საც მიდის და საკითხს ასე აყენებს: ინდივიდუალფსიქოლოგია კი არ უნდა მოთავსდეს ფსიქოლოგიის რომელიმე სისტემის ჩარჩოში, არამედ, პირაქით, სხვა ფსიქოლოგიებმა უნდა მონახონ ლოგიკური ადგილი ინდივიდუალფსიქოლოგიაში (ფ. ბირნბაუმი).

ინდივიდუალფსიქოლოგიის ცალკეული მომენტების გათვალისწინებით და მათი წინ წამოწევით, მართლაც, შეიძლება ადღერის თეორიის დაკავშირება ზემოაღნიშნულ მიმდინარეობებთან, მაგრამ ისტორიული ვითარების მხედველობაში მიღება და ინდივიდუალფსიქოლოგიისათვის ამოსავალ მიზანდასახულებახე მითითება გამართლებას აძლევს ტრადიციულ შეხედულებას, ადღერის თეორია მიჩნეულ იქნეს კლასიკური სიღრმის ფსიქოლოგიურ თეორიად.

ადღერი ადრეულ პერიოდში ფსიქოანალიზური წრის ერთ-ერთ თვალსაჩინო წევრად ითვლებოდა. თვითონ ფროიდი მასზე დიდ იმედებს ამყარებდა, როგორც მომავალში ფსიქოანალიზური საქმის შემდგომ გამგრძელებელზე. ადღერსაც იმ პრობლემის გადაწყვეტა ამოძრავებდა, რაც ფროიდს — როგორ განიკურნოს ადამიანი ე. წ. ფუნქციონალურ ფსიქიკურ დაავადებათაგან. აღნიშნულმა პრობლემამ ადღერის წინაშეც დააყენა საკითხები ფსიქიკისა და ადამიანის რაობის შესახებ. ფროიდმა ადამიანის არსად არაცნობიერი ფსიქიკის ლტოლვითი მხარე გამოაცხადა და აღნიშნულით შეეცადა ადამიანის ქცევის გაგებას. ადღერმა არასაკმარისად ჩათვალა ადამიანის ქცევის ახსნა არაცნობიერი ფსიქიკური ლტოლვებით (resp. არაცნობიერი ლიბიდოთი) და მის ნაცვლად ადამიანის მოქმედება დააფუძნა ე. წ. ცხოვრების სტილზე (და მის განმაპირობებელ სრულყოფისაკენ სწრაფვისა და კოლექტიურობის გრძობის გარკვეულობებზე), რაც მან წარმოადგინა ადამიანში ღრმად მდებარე არსობრივი საქმის ვითარებად. ცხოვრების სტილს ადღერი არაცნობიერ ფსიქიკად თვლიდა და თავისი თეორიაც მას ფსიქოლოგიურ თეორიად მიიჩნდა. მართალია, ადღერმა პრობლემის გადაწყვეტის სხვა, ფსიქოანალიზისა და ანალიზური ფსიქოლოგიისაგან განსხვავებული გზა აირჩია, ფსიქიკისა და ადამიანის (პიროვნების) თავისებური გაგება მოგვცა, მაგრამ ეს ვითარება არ უნდა აუქმებდეს სიღრმის ფსიქოლოგიის ფარგლებში ინდივიდუალფსიქოლოგიის მოთავსებას.

როცა მსჯელობენ ადღერის ინდივიდუალფსიქოლოგიური თეორიის შესახებ, მიუთითებენ ხოლმე ფრ. ნიკშესა და პ. ფაიპინგერზე, როგორც მოაზროვნეებზე, რომელთა ფილოსოფიურმა იდეებმა გავლენა მოახდინეს ადღერის კონცეფციის საბოლოო ჩამოყალი-



ბებაზე. ფრ. ნიცშე ზოგიერთის მიერ ჩათვლილია ინდივიდუალფ-ფსიქოლოგიის წინამორბედად იმ აზრით, რომ ნიცშეს ცნება და პრინციპი „ძალაუფლებისაკენ ნება“ (Wille zur Macht) წარმოდგენილია დებულებად, რომელიც ამოსავალი გახდა ინდივიდუალფსიქოლოგიური თეორიის შენობისა, რომ აღლერის „ძალაუფლებისაკენ სწრაფვა“ ეს იგივე ნიცშეს „ძალაუფლებისაკენ ნებაა“; აქ იგივეობასთან გვაქვს საქმე.

ნიცშეს „ძალაუფლებისაკენ ნებისა“ და აღლერის „ძალაუფლებისაკენ სწრაფვის“ ცნებების შინაარსების ანალიზი გვიჩვენებს, რომ აქ იდენტობაზე ლაპარაკი გაუმართლებელია, რადგანაც მათში განსხვავებული საქმის ვითარებანი ივლისსწმება. ცნობილია, რომ ფრ. ნიცშეს მეტაფიზიკური მსოფლმხედველობის ამოსავალია აგნოსტიკური თვალსაზრისი: თავისთავად არსებული ყოფიერების რაობის შესახებ ჭეშმარიტი ცოდნა მიუწვდომელია ადამიანური შემეცნებისათვის. ადამიანებს შეუძლიათ ყოფიერების მხოლოდ ინტერპრეტაცია, საზრისის შეტანა ყოფიერებაში გარედან. ამიტომაც, რომ ნიგთებში ვერაფერს სხვას ვერ ვნახულობთ, თუ არა მათში ჩვენ მიერ შეტანილისა, ჩადებულისა. სამყაროს მთლიანობის ინტერპრეტაცია ნიცშესთან შემდეგ სურათს იძლევა: მას, რაც ყველაფერს მოიცავს და ნამდვილია, ეწოდება ღიკოცხლე, ხოლო სადაცაა ღიკოცხლე, იქაა ძალაუფლებისაკენ ნება. ძალაუფლებისაკენ ნება „ყოფიერების უშინაგნესი არსია“, სამყაროს ესენციაა. ამიტომაც აბსურდია კითხვის დასმა — ვის ნებაეს ძალაუფლება? ძალაუფლებისაკენ ნება უკანასკნელი ფაქტია. მთელი სამყაროს პროცესი სხვა არაფერია, ვიდრე ეს ნება თავისი გეშტალტების მრავალფეროვნებაში. ადამიანიც, მამსაადამე, ძალაუფლებისაკენ ნებას გამოვლენაა და მისი ქცევაც ამ შინაარსით უნდა იქნეს ინტერპრეტირებული<sup>107</sup>.

აღლერის ადრეულ ნაწერებში გამოყენებულია ტერმინი „ძალაუფლებისაკენ ნება“ (იხ. წიგნი „ნერვოზული ხასიათის შესახებ“), რომელიც ინდივიდუალფსიქოლოგიური თეორიის ჩამოყალიბების ადრეულ ეტაპზე ნიშნავდა ადამიანის ძირითად ლტოლვას, რაც უპირისპირდებოდა და იჭერდა ამ ადგილს, რომელიც ზ. ფროიდის და ხასიათებით ეკავა სექსუალურ ლტოლვას ადამიანის სტრუქტურაში და რასაც მინიჭებული ჰქონდა ამხსნელის მნიშვნელობა. მოგვიანებით აღლერი ძალაუფლებისაკენ ნების მაგივრად ხმარობს ტერ-

<sup>107</sup> იხ. Karl Jaspers, Nietzsche, Berlin, 1950.

შინს „ძალაუფლებისაკენ მისწრაფება“ (Machtstreben). 1933 წლიდან კი, როცა გამოქვეყნდა მისი შრომა „ცხოვრების აზრი“, აღლერს შემოაქვს ტერმინი „სწრაფვა სრულყოფისაკენ, დასრულუბულობისაკენ“ (Streben nach Vollkommenheit, Vollendung). ტერმინოლოგიურ ცვლილებას საფუძვლად დაედო თეორიული ხასიათის მოსაზრება. ძალაუფლებისაკენ სწრაფვა ახლა მოგვევლინა, როგორც სრულყოფისაკენ სწრაფვის ერთ-ერთი რომელიცაა.

ვიცი, რომ ნაკლოვანების გრძნობა, აღლერის გაგებით, ადამიანში ის ვითარებაა, რომელიც დაძლეული უნდა იქნეს. აქტივობა, რომელიც განაპირობებს არსებული ნაკლოვანების გადალახვას; აღკვეთას; ეს საერთოდ პიროვნების სრულყოფისაკენ მისწრაფებაა. ცხოვრების სტილი სრულყოფისაკენ მისწრაფების განხორციელების პიროვნული და ინდივიდუალური წარმმართველია. ამიტომ, რომ ყოველ კონკრეტულ შემთხვევაში პიროვნების სრულყოფისაკენ მისწრაფება სპეციალური შინაარსით ხორციელდება, მიიღწევა. ერთ-ერთ ასეთ შინაარსს (ცხოვრების სტილის შინაარსს) აღლერისათვის წარმოადგენს სწორედ „ძალაუფლებისაკენ სწრაფვა“.

დამოკიდებულებაც განსხვავებულია ნიკშესთან და აღლერთან ძალაუფლებისაკენ ნებისადმი. ნიკშეს კონცეფციის მიხედვით, ძალაუფლებისაკენ ნება ადამიანში მაქსიმალურად უნდა გამოვლინდეს, ამისთვის მას ყოველგვარი პირობა უნდა შეექმნას, იგი ზრუნვის საგანი უნდა გახდეს, იდეალი — ზე ადამიანი ძალაუფლებისაკენ ნების განხორციელების მაღალი საფეხურია.

აღლერთან ძალაუფლებისაკენ სწრაფვა, როგორც პიროვნული ფიქცია და არანორმალური ინდივიდუალური მდგომარეობა, სპეციალური მზრუნველობის ობიექტი ხდება იმ აზრით, რომ ის მრავალი სხვა დაავადების მსგავსად უნდა განიღვინოს, მოისპოს. ინდივიდუალური ფიქცია ამ მიზნის მიღწევის საკუთარ საშუალებებს გთავაზობს.

ნიკშესთან ძალაუფლებისაკენ ნება უმაღლესად ღირებულის — ინდივიდუალური განდომის — საფუძველია, რითაც ადამიანი ჩამოიშორებს ჯოჯურ ინსტიქტს, კოლექტივს და ამით ის მაღლა დგება ჯოჯურ ცხოველზე, საზოგადოებრივ არსებაზე.

აღლერთან, პირიქით, უმაღლესად ღირებულებული კოლექტიურობის გრძნობაა, სოციალურია. პიროვნების ჩართვა კოლექტივში ეს მისი ნამდვილ სამყაროში, გარემოში მოთავსებაა. ადამიანი მოყვასია (Mitmensch) და ამიტომ ხელი უნდა შეეწყოს მასში კოლე-

ქტიურობის გრძნობის მაქსიმალურად განვითარებასა და გამოვლენას, მის კოლექტიურ არსებად გახდომას.

ადღერის კონცეფციაში სრულყოფისაკენ სწრაფვის სტრუქტურული ადგილიც გასარკვევი ჩანს, რადგანაც არაა საბოლოო პასუხი გაცემული ნაკლოვანების გრძნობისა და სრულყოფისაკენ სწრაფვის ურთიერთმიმართებაზე: ნაკლოვანების გრძნობა რომ არსებობს, ესაა საფუძველი და განმაპირობებელი სრულყოფისაკენ სწრაფვისა, თუ პირიქით — სრულყოფისაკენ სწრაფვა რომ არის, ამიტომ ეჩვენება ინდივიდს თავისი თავი არასრულფასოვანი, ის აპირობებს ნაკლოვანების გრძნობას? ერთი სიტყვით, რომელია ამ ურთიერთმიმართებაში მფუძვნელი?

ადღერმა აღნიშნულ საკითხთან დაკავშირებით განსხვავებული შეხედულება გამოთქვა. პირველად ის იცაედა აზრს ნაკლოვანების გრძნობის მფუძვნელი მნიშვნელობის შესახებ, რომ ნაკლოვანების გრძნობა განაპირობებს სრულყოფისაკენ სწრაფვას, ხოლო ბოლო პერიოდში სრულყოფისაკენ სწრაფვა ჩათვალა ამოსავლად და მასთან მიმართებაში განხილვით არსებული ვითარება წარმოადგინა ნაკლოვან მდგომარეობად: „ინდივიდუალში მიუღწევველ იდეალურ სრულყოფასთან მარად შედარებაში მუდამ აღსავესა ნაკლოვანების გრძნობით და მისით ამოქმედებულნი“<sup>108</sup>.

აღსანიშნავია ისიც, რომ თვითონ სრულყოფისაკენ სწრაფვის ცნება ადღერთან ერთი მნიშვნელობით არ იხმარება. მასში იგულისხმება როგორც ობიექტური, ისე სუბიექტური მომენტები. სრულყოფისაკენ სწრაფვა ზოგჯერ რეალურ ობიექტურ საქმის ვითარებას აღნიშნავს, ზოგჯერ კი მასში ინდივიდის მიერ სრულყოფილად განცდილი მდგომარეობა გაიაზრება. მაგალითად, ცხოვრების სტილი: ინდივიდის მიერ სრულყოფისაკენ მიმართულ მოძრაობად განიცდება, მაგრამ იგი სინამდვილეში ფიქციაა, ობიექტურ-რეალურისაგან გადახვევაა.

ზაზი უნდა გაეცვას იმ გარემოებასაც, რომ ბურჟუაზიულ მეცნიერებაში ზშირად ანგარიში არ ეწევა ადღერის კონცეფციის ევოლუციას. მისი თეორიის ანალიზისა და შეფასების დროს მხედველობაში აქვთ მისი მხოლოდ აღრინდელი შეხედულებები, თითქოს ინდივიდუალფსიქოლოგია განსხვავდებოდეს ფსიქოანალიზისაგან მხო-

ლოდ იმით, რომ ძალაუფლებისაკენ ლტოლვამ დაიკავა ლიბიდოს ადგილი.

მითითებული იყო, რომ ა. ადლერმა პ. ფაიჰინგერის კრიტიკული პოზიტივიზმის მოძღვრება ფიქციის შესახებ იმის თეორიულ დამოწმებად ჩათვალა, რაშიც ის ემპირიულად გამოცდილებით დარწმუნდა და თეორიაც შეიმუშავა, რომელიც საბოლოოდ პრაქტიკულ საქმიანობას ემსახურება. ადლერი წერს: „ნევროტული ფენომენების ფაქტებიდან ამოზიდული აღნიშნული შედეგები ნახულობენ თეორიულ დამოწმებას დასკვნაში, რომელიც... გამომდინარეობს ფაიჰინგერის ფუნდამენტური მოძღვრებიდან ფიქციის არსის შესახებ. ეს გენიალური მკვლევარი გრანდიოზულ სინთეზში წვდება აზროვნების არსს, როგორც ცხოვრების დაძლევის საშუალებას, რომელიც ფიქციის ხერხით, თეორიულად არაღიარებულ, მაგრამ პრაქტიკულად საჭირო იდრით ცდილობს მიაღწიოს მის მიზნებს“<sup>109</sup>.

ბურჟუაზიულ მეცნიერებაში ადლერისა და ფაიჰინგერის ფიქციის ცნების შესახებ გამოთქმულია საწინააღმდეგო თვალსაზრისები. ზოგი მათ იგივეობრივად თვლის, ზოგი კი — განსხვავებული შინაარსების მქონედ<sup>110</sup>.

როგორია ის ფაქტიური ვითარება, რომელიც ადლერთან წოდებულია ფიქციად, და რა როლი ეკისრება მას ადამიანის სამყაროში? ვიცით, რომ პიროვნების სრულყოფისაკენ ჰწრაფვა დაკავშირებულია ნაკლოვანების გრძნობასთან. ნაკლოვანების გრძნობის დაძლევა მრავალი მიმართულებით შეიძლება წარმოართოს, მაგრამ კონკრეტულად რა გეზი მიეცემა მას, ეს არსებითად დამოკიდებულია მეზე. „მე“ პიროვნების არასაიმედობის, სისუსტის დაძლევის ახორციელებს სუბიექტურად. „მე“ ქმნის ცხოვრების სტილს, ანუ გეგმას, რომელიც წარმოადგენს მთლიანი პიროვნების ქცევის წარმართველს (მოტივს). ზოგჯერ ხდება ხოლმე, რომ მე-ს მიერ შექმნილი ცხოვრების სტილი და მისით განპირობებული პიროვნული აქტივობა საგრძნობლად შორდება რეალურ ცხოვრებას, ობიექტურ სინამდვილეს და მასთან წინააღმდეგობრივიც აღმოჩნდება. ეს ვითარება ადლერთან წოდებულია ფიქციად. ადლერის მიზანია ადამიანის

<sup>109</sup> Praxis und Theorie... გვ. 157.

<sup>110</sup> A. Kronfeld, Individualpsychologie als Wissenschaft, Handbuch der Individualpsychologie, I. J. Wandler, Die Individualpsychologie A. Adlers in ihrer Beziehung zur Philosophie des Als-Ob Hans Vaihingers, Dissertation, 1932.

ამგვარი, რეალობას დაშორებული და ამიტომ ფიქციად წოდებული, მდგომარეობის (რაც არანორმალური ვითარებაა, ნევროზია) აღკვეთა. ინდივიდუალფსიქოლოგია არის ადამიანში ამ არანორმალური მდგომარეობის გენეზისისა და აღკვეთის თეორია.

ფაიპინგერის პრობლემა გნოსეოლოგიურია: როგორ ხდება, რომ ჩვენ ცნობიერად ყალბი წარმოდგენებით მაინც სისწორეს ვაღწევთ? ავტორის ამოსავალი დებულებაა — თეორიულად გაუმართლებელი ცნებები არიან არა მარტო პრაქტიკულ, არამედ თეორიულ სფეროშიც; გაცნობიერებული ფიქციები აუცილებელი საფუძველია როგორც მეცნიერული კვლევის, ასევე პრაქტიკული მოქმედებისაც.

ფაიპინგერი ერთმანეთისაგან თიშავს ფიქციას და ჰიპოთეზს. მართალია, ჰიპოთეზიცა და ფიქციაც შეუცნობელი სინამდვილს მიმართ გამოიყენებიან, მაგრამ შემეცნების თეორიულად მათ შორის პრინციპული განსხვავებაა. ჰიპოთეზას ევალეზა სინამდვილის ასახვა, შენეცნება აქ თვითმიზნადაა ქეული. გამართლებულ ჰიპოთეზას პრეტენზია აქვს მუღმივობაზე. ფიქციას შემეცნება არ ევალეზა, მისი ღირებულება მიზანშეწონილობაში, პრაქტიკულ ვარგისობაშია; გამოყენების შემდეგ იგი ვადასაგდები ხდება. თეორიულად ის არაფერს იძლევა. ფაიპინგერისათვის ფიქცია აზროვნების ფორმაა, სადაც იგულისხმება ნებისმიერი დებულების დაშვება, რომელიც პრაქტიკულ შედეგს იძლევა და მას თან ახლავს ცნობიერება, რომ იგი ან შინაგან წინააღმდეგობაშია საკუთარ თავთან, ან შეუსაბამოა სინამდვილესთან<sup>111</sup>.

აღლერის კონცეფციის ვაცნობა ვვარწმუნებს, რომ აქ ერთმანეთისაგან მკაცრად არაა გათიშული ფიქცია და ჰიპოთეზი. აღლერთან უნდა განსხვავდეს ორი მომენტი: ემპირიულად არსებული ვითარება და თეორიული თვალსაზრისი, რომლითაც ვუდგებით ემპირიულ სინამდვილეს. თვითონ ობიექტურ ვითარებას, რომ ადამიანის ცხოვრების სტილით არაცნობიერად წარმართული მოქმედება და საერთოდ ადამიანის მიზანდასახულება არაშესატყვისი ხდება ცხოვრებისეული მოთხოვნილებისა, ფიქცია ვერ ეწოდება იმის გამო, რომ ფიქცია გაცნობიერებული მეთოდოლოგიური გზაა და არა ვაუცნობიერებელი ობიექტურ-რეალური არსებობა. რაც შეეხება მოვლენათა ინდივიდუალფსიქოლოგიური განზიღვის წესს, უნდა აღინიშნოს

<sup>111</sup> ფაიპინგერის კონცეფციის დაწერილებითი ანალიზი იხ. წიგნი, გ. თევზაძე, გერმანული ნეოკანტიანელობის შემეცნების თეორია, თბ., 1963, ნაწ. V, პანს ფაიპინგერის ფიქციონალიზმი და მისი კრიტიკა.

ნოს შემდეგი: პიროვნების არსებითი მომენტის — ცხოვრების სტილის — წვდომისათვის და ამ გზით პიროვნების გაგებისათვის აღლერი ვეთავაზობს ასეთ ვარიანტს: — თუკი პიროვნებას განვიხილავთ კონკრეტული მიზნისაკენ სწრაფვად არსებად, ამით გასაგები გახდება მისი ქცევა, ვინაიდან ეს უკანასკნელი მოგვევლინება საშუალებად ცხოვრების სტილით წარმართული აქტივობის განხორციელებისაკენ. წინასწარი დაშვებაა პიროვნებისადმი მიზნობრიობის მომენტის მიწერა (ტელოსის განზომილებაში პიროვნების მოთავსება) და რეალობიდან ცხოვრების სტილის გადახრის მასშტაბიც. ამ ასპექტით განხილული აღლერის ნააზრევი ფიქციად ჩაითვლება, ვინაიდან ის ამ დაშვებით პრაქტიკულად სასარგებლო შედეგების (განკურნება) მიღებას ვარაუდობს; ამით მითითებულია შეგნებულ მიზანშეწონილობის მომენტი. მაგრამ მაინც, როცა აღლერის „ითქოს-განხილვის“ მეთოდი თეორიული დოქტრინის როლს კისრულობს, როცა ის პიროვნების შემეცნების პრეტენზიის შქონედ წარმოვიდგება, აქ ის პიპოთეზის ფარგლებში უნდა მოთავსდეს.

ჩვენი ავტორი არათანმიმდევრულ პოზიციებზე დგას, როცა საკითხი ისმის საგნობრივი და მეთოდოლოგიური თვალსაზრისების გატარების თაობაზე. იგი ფსიქიკას, პიროვნებას ხან მიზნობრიობას მიაწერს, ე. ი. მიზნობრიობას თვლის ფსიქიკის, პიროვნების ონტოლოგიურ ნიშნად, ხან კი მას — ტელეოლოგიურ პრინციპს — გონების ქერეტის ფორმად აცხადებს. უკანასკნელმა განაპირობა აღლერის მიერ ფიქციონალიზმის განსეოლოგიური კონცეფციისადმი დადებითი გამოხმაურება.

სიღრმის ფსიქოლოგია არის ფსიქოლოგია, ე. ი. კერძო მეცნიერება არაცნობიერად წარმოდგენილი ფსიქიკური გარკვეულობის შესახებ. ფსიქონალიზი და ანალიზური ფსიქოლოგია რომ სიღრმისფსიქოლოგიური თეორიებია, ამას ამართლებს ის, რომ მათი შესწავლის საგანი არაცნობიერი ფსიქიკის სფეროს განეკუთვნება, ე. წ. „პიროვნული არაცნობიერი ფსიქიკა“ და „კოლექტიური არაცნობიერი ფსიქიკა“ ფსიქიკურ სინამდვილედაა წარმოდგენილი და მათი ბუნების ცხადყოფისა და შემეცნების ამოცანა ფსიქოლოგიურმა თეორიებმა: ფსიქონალიზმა და ანალიზურმა ფსიქოლოგიამ უნდა იკისრონ. აქ ფორმალური სისწორე დაცულია და ამ მხრივ გასარკვევეც არაფერია: ფსიქიკას შეისწავლის ფსიქოლოგიური დისციპლინა. სხვაგვარი ვითარებაა ინდივიდუალფსიქოლოგიის შემთხვევაში. აღლერმა თავის კონცეფციას უწოდა „ინდივიდუალფსიქოლოგია“, მაგ-

რამ მიზნები, რაც მან დაუსახა თეორიას, რეალურად სცილდება ფსიქოლოგიის ფარგლებს. საქმე იმაშია, რომ ის, რასაც ავტორი ფსიქიკად სხაავს (პიროვნება), ნამდვილად ფსიქიკას არ წარმოადგენს, ამიტომ ამ არაფსიქიკური გარკვეულობის შემსწავლელ დისციპლინას გაუმართლებელია ეწოდოს ფსიქოლოგია, ინდივიდუალ-ფსიქოლოგია. აღღერის განზრახვაა მთლიანი პიროვნების შემეცნება, ამდენად ინდივიდუალ-ფსიქოლოგია წარმოადგენს მოძღვრებას პიროვნების შესახებ. აღღერის მიხედვით, პიროვნების საწყისს, გულს ქმნის ცხოვრების სტილი. ცხოვრების სტილი, ანუ პიროვნების „მამოძრავებელი კანონი“ ინდივიდუალ-ფსიქოლოგიური კვლევაძიების ობიექტია. ცხოვრების სტილი ინდივიდის პოზიციაა, დამოკიდებულებაა ცხოვრების ამოცანებისადმი (საზოგადოება, პროფესია სიყვარული). ეს ისეთი პოზიციაა, რომელშიც გამოვლენილია ერთეული პიროვნება და წარმოადგენს სოციალური ამოცანებისადმი კონკრეტული ინდივიდის მიმართების, დამოკიდებულების ბუნების ცხადყოფას. ცხოვრების სტილი, მართალია, წარმოადგენს პიროვნების ე. წ. სიღრმისეულ ფენას, მაგრამ აღნიშნული არაცნობიერი სიღრმე არაა ფსიქიკა (resp. არაცნობიერი ფსიქიკა). იგი სოციალური განზომილებაა. აღღერის მიხედვით, მართალია, ცხოვრების სტილის აღმოცენება-ჩამოყალიბებისა და მისი პიროვნული მიზნების განხორციელების პროცესში მონაწილეობას ღებულობენ რთული გარკვეულობანი, რომლებიც ფსიქიკურ მომენტებსაც შეიცავენ, მაგრამ ეს გარემოება ცხოვრების სტილს ონტიურ ბუნებას ვერ ცვლის, მას ფსიქიკად ვერ აქცევს.

ეს ვითარება გვიკარნახებს, შეუსაბამობა დაეინახოთ ინდივიდუალ-ფსიქოლოგიის ფარგლებში შესასწავლ საგანსა და მის შესახებ თეორიის კვალიფიკაციაში. არაფსიქიკურის (პიროვნების) შესახებ გაუმართლებელია ფსიქოლოგიური თეორიის მოცემა. „ინდივიდუალ-ფსიქოლოგია“ ამიტომ არაადეკვატური ტერმინია აღღერის პერსონალისტური კონცეპტის აღსანიშნავად.

აღღერის კონცეფციაში წინა პლანზეა წამოწეული ინდივიდუალურის შემეცნება. პიროვნება, მართალია, მთლიანია, დაუნაწევრებელი გარკვეულობაა, მაგრამ ეს არ გამორიცხავს ყოველ ცალკეულ შემთხვევაში მის განუმეორებლობას, ინდივიდუალობას. ინდივიდუალ-ფსიქოლოგიის თემა არის: „თავისებურად სტილიზებული ინდივიდის გარემოსადმი მიმართულ აქტებში განხორციელებული დამოკიდებულება“. ინდივიდის გარემოსადმი ორიგინალურ დამოკიდებუ-

ლებას განსაზღვრავს ცხოვრების სტილი, ანუ წამყვანი ხაზი, რაც ხასიათდება როგორც „ინდივიდუალური ზღნაგობა“. როგორ ვწვდეთ ცხოვრების სტილის კონკრეტულ შინაარსს? რა გზით უნდა მოხდეს მისი ერთხელადი შინაარსის შემეცნება-გაგება?

ა. ადლერი პიროვნების გულში შეღწევასა და იქ ე. წ. ფსიქიკური კონსტიტუციის ხილვას აკისრებს იდენტიფიკაციას (შთაგრძნობას) და მიხვედრას (ინტუიციას). ჩვენს ავტორს დაეთანხმებიან მასში, რომ თუკი ცნობილია პიროვნების მიზანი, მაშინ ისიც ცხადია, თუ რას ნიშნავს მისი გამოსახულებითი ფორმები, მიზნით გასაგები ხდება ქცევა; მაგრამ საკითხი ეხება სწორედ მიზნის შინაარსის წვდომას. შეუძლია თუ არა აღნიშნულის განხორციელება იდენტიფიკაციის (შთაგრძნობის) აქტს? ავტორმა იდენტიფიკაციის ფაქტად მოიყვანა თანამწუხარების ვითარება და მსგავს პროცესად წარმოიდგინა სხვისი პიროვნების ცხოვრების სტილის არაცნობიერ შინაარსთან თანაზიარება. იდენტიფიკაციას, ადლერის მიხედვით, შემეცნებელში გადმოაქვს სხვისი სულიერი ვითარების მიმდინარეობა. სხვაგვარად, ეს იმას ნიშნავს, რომ შემეცნებელი თუკი აღმოჩნდებოდა იმავე პირობებში და სიტუაციაში, ამავე დროს მას თუ ექნებოდა იგივე სულიერი მოტივაცია, იმავეს მოიმოქმედებდა, რაც შესამეცნებელმა პიროვნებამ განაზორციელა. მაგრამ აღნიშნული განმარტება არაა პასუხი იმაზე, რეალურად როგორ განხორციელდა არაცნობიერი ერთხელადი შინაარსის მქონე ცხოვრების სტილის წვდომა. როგორ დავადგინოთ, რომ ჩემი სულიერი მოტივაცია იგივეა, რაც სხვისი? ამ საქმისთვის იგივეობრივი ობიექტურ გამოსახვით საშუალებათა გამოყენება გამოირჩეულია, რადგანაც, ადლერის მიხედვით, არ არსებობს ერთმნიშვნელოვანი კავშირი გამოვლენილსა და მის საფუძველში მდებარე განმაპირობებელს შორის, „მე“ ინდივიდუალურის შემოქმედია მულამ.

გასაგებია შთაგრძნობის ცნების ის შინაარსი, როცა საქმე ეხება ჩემი ცნობიერი ფსიქიკური ვითარების შეტანას, გადატანას სხვაზე და ამ გზით „სხვის“ ფსიქიკურ ვითარებაზე, როგორც ნაცნობზე, მითითება. მაგრამ გაუგებარია, ჩემი ცნობიერი ფსიქიკური ვითარება წარმოვიდგინო სხვისი არაცნობიერი ვითარების ანალოგად, მასზე ვილაპარაკო, როგორც გადმოტანილზე.

არ უნდა იყოს გამართლებული, იდენტურად ჩაითვალოს: ერთი მხრით, თანამწუხარება, როგორც ორი პიროვნების ცნობიერი ემოციური ვითარების თანაზიარება და, მეორე მხრით, ორი პიროვნების



ისეთი შინაგანი მდგომარეობა (ასეთი რამ განხორციელებადიც რომ იყოს), როცა გარკვეული საქმის ვითარება ცნობიერად ეძლევა ერთს, ხოლო მეორემ მის შესახებ არაფერი იცის, იგი მისთვის არა-ცნობიერია.

ავტორი სხვისი პიროვნების გულში შექრას და იქ ფსიქიკური კონსტიტუციის ზილის საქმეს აკისრებს მოხვედრის აქტსაც (ინტუიციას), მაგრამ ამ აქტის ანალიზი, მისი შინაგანი სტრუქტურისა და განხორციელების შესაძლებლობის ცხადყოფა მასთან მოცემული არაა.

აღლერის მოსაზრება ინდივიდუალურის წვდომის გზების შესახებ ანალიზსა და დასაბუთებას მოითხოვს იმდენად, რამდენადაც ფაქტიურად ავტორი სხვისი ცხოვრების სტილის ზილის პირველ წყაროდ, ამოსავლად მაინც გამოსახულებათა ემპირიულ მოცემულობას მიიჩნევს; სენსუალურმა მასალამ, აღქმამ უნდა მოგვეცეს პირველი ცნობა სხვისი პიროვნული მიზნის შინაარსის გაგებაზე. ეს სადავო არაა. მაგრამ რაც შეეხება ინდივიდუალური მიზნის შემეცნების საბოლოო საქმეს აღნიშნულის შესახებ ავტორის მოსაზრება დამაჯერებელი არაა.

მითითებული იყო, რომ აღლერი დადებით მნიშვნელობას ანიჭებს მარქსიზმთან მისი თეორიის ახლო დგომას, რაც უკავშირდება საზოგადოების ისტორიის მატერიალისტურად გაგების საკითხს. იგი წერს: „ამ მოძღვრების მიხედვით ეკონომიკური საფუძველი, ტექნიკური ფორმა, რომლითაც ხალხი არსებობის საშუალებას მოიპოვებს, განაპირობებს „იდეოლოგიურ ზედნაშენს“, ადამიანის აზროვნებასა და ქცევას. რაოდენ შეესატყვისება ეს ჩვენს გაგებას ზემოქმედი „ადამიანური ერთად ცხოვრების ლოგიკის“ შესახებ, „აბსოლუტური კემმარიტების“ შესახებ“<sup>112</sup>. შემდეგ, „ისტორიის კოლექტივისტური გაგების აზრს, რომელსაც წარმოგიდგენს ჩვენ მარქსისტული პროგრამა და აგრეთვე, აზრს ადამიანის დაკავშირებულობისა ეკონომიურ საწარმოო ძალებთან და წარმოების პირობებთან, შეიცავს ინდივიდუალფსიქოლოგიის სახელმძღვანელო პრინციპებს, რომ ცალკეულის ცხოვრება შეიძლება გაგებული იქნეს მხოლოდ, როგორც კოლექტიური განცდის ფუნქციის ნაწილი და მხოლოდ რეალურად მოცემული ადამიანი — დედამიწის მიმართების სისტემის შიგნით“<sup>113</sup>.

<sup>112</sup> Menschenkenntnis, 1947, გვ. 19.

<sup>113</sup> Handbuch der Individualpsychologie, II, 1926, გვ. 12.

ინდივიდუალფსიქოლოგიის ზოგი მიმდევარი უფრო შორსაც მიდის, ცდილობს, დაასაბუთოს მარქსიზმისა და ინდივიდუალფსიქოლოგიის შინაარსობრივი იგივეობა. ა. რულე-გერსტელი აღნიშნავს: „მარქსიზმი ესაა ინდივიდუალფსიქოლოგია, რომელიც გამოყენებულია საზოგადოებრივი ცხოვრების მიმართ“<sup>114</sup>.

ა. რულე-გერსტელის თეზისი მარქსიზმისა და ინდივიდუალფსიქოლოგიის იგივეობის შესახებ არ შეიძლება ჩაითვალოს სერიოზულ მტკიცებად, რადგანაც არ არსებობს საფუძველი მარქსიზმის, როგორც მსოფლმხედველობისა და იდეოლოგიის, კერძო მეცნიერებასთან, ერთ-ერთ პერსონალისტურ თეორიასთან გაიგივებისა. ამიტომ მასზე საგანგებო შეჩერების საჭიროებაც არაა. რაც შეეხება თვითონ ადლერის მოსაზრებას, მის შესახებ უნდა ითქვას ის, რომ მარქსიზმი არ იქნება წინააღმდეგი, რომელიმე თეორიამ გაიზიაროს პრინციპული მნიშვნელობის დებულება საზოგადოებრივი ყოფიერების განმსაზღვრელი როლის შესახებ საზოგადოებრივი ცნობიერების მიმართ. მაგრამ რაც შეეხება ადამიანის, პიროვნების სტრუქტურულ მთლიანობასა და მისი არსის ცხადყოფას, ამ საკითხში ინდივიდუალფსიქოლოგიური კონცეფცია შორს დგას ადამიანის შესახებ მარქსისტული გაგებისაგან. პიროვნების მარქსისტული გაგება შეუთავსებელია ადამიანის იმ კონცეფციასთან, რომელსაც პიროვნება წარმოდგენია არაცნობიერად აღმოცენებული ე. წ. ცხოვრების სტილის ფატალურ განსაზღვრულობად, რაც პრინციპულად გამორიცხავს შეგნებულ და ობიექტურ აუცილებლობათა ქეშმარიტ ცოდნაზე დამყარებულ მიზანშეწონილ მოქმედებას, უმაღლეს საზოგადოებრივ ღირებულებათა ცნობიერ განხორციელებას.

ბევრის მიერ სწორადაა მითითებული სიძნელე, რომელიც საერთოდ ახლავს ადლერის კონცეფციის გაგებას. ეს ვითარება იმითაა გამოწვეული, რომ ადლერი აზროვნების ისეთ ტიპს მიეკუთვნება, რომელიც მოიხმარს ტერმინებს მათი შინაარსის დადგენაზე საგანგებო ზრუნვის გარეშე. თეორიის ძირითადი ცნებები მოკლებულნი არიან ზუსტ მნიშვნელობას. აღნიშნული განაპირობებს ტერმინების არაერთმნიშვნელოვან გაგებას და ბევრ შემთხვევაში ინდივიდუალფსიქოლოგიური კონცეპტის არასწორ გააზრებას (იხილეთ, მაგალითად, ნაკლოვანებისა და კოლექტიურობის გრძნობების ანალიზი).

<sup>114</sup> A. Rühle-Gerstel, der Weg zum Wir; მოგვყავს ი. დონატის მიხედვით Über Psychoanalyse und Individualpsychologie, Innsbruck, 1932; გვ. 266.

ამ სიძნელეს თან ერთვის ავტორის არასისტემატურობა და ფრაგმენტულობა პრინციპული მნიშვნელობის საკითხებზე. ადლერის აზროვნება უფრო თხრობას ემსახურება, ვიდრე არგუმენტაციას. მისი თხრობა აფორიზმულია. ამან განაპირობა გარკვეულად ჩვენი მუშაობის თავისებურებაც. ჩვენ ვეძებდით ავტორის არც თუ მცირე მოცულობის ნაწერებში, რომლებიც უმთავრესად სტატიების სახითაა დაბეჭდილი, გამონათქვამებს ცალკეულ ცნებებთან დაკავშირებით, ვინაიდან, როგორც ითქვა, მას არ ჯდმოუცია საკუთარი შეხედულება ჩვენთვის საინტერესო საგანზე სისტემის ფორმით. მისი მრავალრიცხოვანი მოწაფეებიდან ზოგი შეეცადა აღნიშნული ხარვეზის გამოსწორებას, მაგ., შეიძლება დასახელდეს ერვ. ვექსბერგი<sup>115</sup>, მაგრამ აქაც იგრძნობა წინასწარი განწყობის კვალი, თეორიის ზოგიერთი ასპექტის მიჩქმალვა.

ადლერის პრეტენზია, — რომ მან მარტივი და გასაგები გახადა, შეცნიერულ ენაზე უფრო ზუსტად ეთქვა ის, რაც ადამიანის მთლიანობის შესახებ ინტუიციით მოპოვებულ იქნა ლიტერატურის დიდ კლასიკოსებთან, ინდივიდუალფსიქოლოგიური თეორიის ძირითადი ცნებების გაცნობისას ექვს ბადებს განზრახვის სისრულეში მოყვანის შესახებ.

<sup>115</sup> E. W e x b e r g, Individualpsychologie, Leipzig, 1931.

სიღრმის ფსიქოლოგია როგორც პრობლემა

§ 1. ფსიქიკა და ადამიანი. ცალკეული სიღრმისფსიქოლოგიური თეორიის გადმოცემის დროს განსაკუთრებული ყურადღება მიექცა არაცნობიერი ფსიქიკისა და ადამიანის ცნებების შინაარსების ცხადყოფას, მათი ანალოზისა და დასაბუთების ჩვენებას, ვინაიდან ფროიდის, იუნგისა და ადლერის კონცეფციები წარმოადგენენ არაცნობიერი ფსიქიკისა და მისით ადამიანის რაობის გაგების თავისებურ ცდას. ფსიქოლოგიაში სიღრმისფსიქოლოგიური მიმართულების სპეციფიკურ მომენტად ასახელებენ თეორიისა და პრაქტიკის მჭიდრო კავშირს. მართლაც, ფსიქოანალიზი, ანალიზური ფსიქოლოგია და ინდივიდუალფსიქოლოგია არსებითად არიან დაკავშირებულნი თერაპევტულ და პედაგოგიურ სფეროსთან, პრეტენზია აქვთ წარმოადგენდნენ ახალი თვალსაზრისის გამტარებლებს ფსიქოთერაპიისა და აღზრდის განზომილებით. დღეს ბურჟუაზიულ სამყაროში ბევრი იწერება ფსიქიკური დაავადების მკურნალობის სიღრმისფსიქოლოგიურ მეთოდზე, ასევე სიღრმისფსიქოლოგიურ დოქტრინაზე აღზრდის დაფუძნებლს შესახებ. მაგრამ აღნიშნული ასპექტი, სიღრმისფსიქოლოგიური თეორიის პრაქტიკული გამოყენების საკითხი, ამჟამად განხილვის ობიექტი ვერ იქნება, რადგანაც სცილდება ჩვენი მიზანდასახულების ფარგლებს. განხილული სიღრმისფსიქოლოგიური კონცეფციები ჩვენ გვაინტერესებს როგორც ფსიქოლოგიური თეორიები, რომლებიც ეხებიან ფსიქიკის ბუნების გარკვევის საქმეს, ფსიქიკით ადამიანის რაობის გაგების შესაძლებლობას.

არაცნობიერი ფსიქიკის შინაგანი ბუნების ჩვენება და დასაბუთება სიღრმის ფსიქოლოგიის უპირველესი ამოცანაა. სიღრმის ფსიქოლოგიამ, როგორც თეორიამ არაცნობიერი ფსიქიკის შესახებ, პასუხი უნდა გასცეს არაცნობიერი ფსიქიკის ონტიური სახის, შინაგანი გარკვეულობის კითხვაზე.

რა მდგომარეობაა ამ მხრივ? კლასიკურ სიღრმისფსიქოლოგიურ თეორიებში არაცნობიერი ფსიქიკა სამი მნიშვნელობითაა წარმოდგენილი: ა) ფსიქიკური ენერჯია, ბ) გარკვეულობა, რომლის ფსიქიკურ რომელობაში დარწმუნებული ვართ, მაგრამ მის ონტიურ სახეზე არაფერი ვიცით, ვ) ცნობიერი ფსიქიკური შინაარსების ცნობიერების გარეშე არსებობა.

ა) ფსიქიკური ენერჯიის შესახებ განსაკუთრებით იზრუნა ანალიზურმა ფსიქოლოგიამ. კ. იუნგი შეეცადა ფსიქიკური ენერჯიის ცნების გამართლებას ზოგადთეორიული თვალსაზრისის მომარჯვებით. კ. გ. იუნგის მიხედვით, ფსიქიკური ენერჯიის დაშვებას განაპირობებს ფსიქიკური სინამდვილის განხილვა ენერგეტიკული ასპექტით, რომელიც უნდა ემყარებოდეს რაოდენობრივ მიმართებათა არსებობას ფსიქიკაში. ასეთად ავტორი თვლის ე. წ. გული-ელემენტის“ დისპოზიციური ბუნების შინაგან ინდივიდუალურ კომპონენტს, რომელსაც აქვს „მაკონსტელირებელი ძალა“. „გული-ელემენტის“ გრძნობითი ტონის, იგივე აფექტური მანვილის, ინტენსივობა რაოდენობით განზომილებადაა წარმოდგენილი და ის კომპლექსისა და შეფერხების სიხშირის, ასევე კონსტელაციის რაოდენობასთან ერთად აღიარებულია ფსიქიკური ენერჯიის რაოდენობრივ მაჩვენებლად.

ანალიზური ფსიქოლოგიის ავტორი შეგნებულად დგას პოზიციაზე, რომლის მიხედვითაც ფსიქიკის მიმართ ენერგეტიკული თვალსაზრისის გატარება არაა განპირობებული თვით ფსიქიკური სინამდვილის სფეროში რეალურად არსებული ობიექტური საქმის ვითარებით. ფსიქიკა თვითონ არის თუ არა ენერჯია, ამაზე შემშვენიებელ გონებას არ შეუძლია პასუხი გასცეს, ამიტომ საერთოდ უნდა მოიხსნას საკითხი ფსიქიკური ენერჯიის რეალურად არსებობის თაობაზე. ფსიქიკური ენერჯიის დაშვება საჭიროა მეცნიერული ინტერესებიდან გამომდინარე, ფსიქოლოგიის როგორც ბუნებისმეტყველური მეცნიერების აგებისათვის. „ენერჯია ჰიპოთეზური ცნებაა, რომელიც, ბუნებრივია, სავსებით ფსიქოლოგიურია და მას არაფერი ესაქმება ეგრეთწოდებულ ობიექტურ რეალობასთან“. „ენერჯია ისევე, როგორც მისი კორელატი დროის ცნება, წარმოადგენს უშუალო ჰერეტიკის აპრიორულად მოცემულ ფორმას“. ამიტომაც, რომ ენერჯია წარმოადგენს „არა მხოლოდ არაკონკრეტულ ან არაცნობილ, არამედ უბრალოდ X-ს, წმინდა ჰიპოთეზს, სურათს ან საანგარიშო ნიშანს“.

ფსიქოანალიზურ თეორიაში, მიუხედავად ფსიქიკური ენერჯის ცნებისათვის ცენტრალური ადგილს მიიჩნისა, ზ. ფროიდის სპეციალურად არ დაუსვამს და მსჯელობის საგნად არ გაუხდია ფსიქიკური ენერჯის რაობის საკითხი. ის დაკმაყოფილდა მხოლოდ შემდეგზე მითითებით: „ჩვენ ვუშვებთ, როგორც ეს სხვა ბუნებისმეტყველურნა მეცნიერებებმა მიგვაჩივიეს, რომ სულიერ ცხოვრებაში მოქმედებს გარკვეული სახის ენერჯია, მაგრამ არ გავგაჩინია არავითარი დასაყრდენი, ენერჯის სხვა ფორმებთან ანალიზის გზით მივეუახლოვდეთ მის შემეცნებას, ცოდნას“.

არაცნობიერი ფსიქიკური ენერჯის ცნება ფსიქოანალიზსა და ანალიზურ ფსიქოლოგიაში ჰიპოთეზია. იმ დახასიათებით, როგორაცაა წარმოდგენილი არაცნობიერი ფსიქიკური ენერჯია აღნიშნულ თეორიებში, არ ისმის მისი რეალურად არსებობის საკითხი.

ბ) არაცნობიერი ფსიქიკის იმ ცნებაში, რომელიც გააზრებულია ისეთი გარკვეულობის სახით, რომლის ფსიქიკურ რომელობაში დარწმუნებული ვართ, მაგრამ მის ონტიურ სახეზე კონკრეტულად არაფერი ვიცით, თავსდებიან ზ. ფროიდის „არაცნობიერი პროცესები“ და კ. გ. იუნგის „თავისთავადი არქეტაი“.

ზ. ფროიდის არაცნობიერი ფსიქიკის მოცულობაში შედის ოთხი რომელობა. ესენია: წინაცნობიერი, განდევნილი, არქაული მემკვიდრეობა და საკუთრივ არაცნობიერი. ფსიქოანალიზში არაცნობიერი ფსიქიკის დასახელებული რომელობები მიღებულია ფსიქიკის ფუნქციონალური თვალსაზრისით განხილვის მეოხებით, რომელიც უშვებს ფსიქიკის ფენობრივი აღნაგობის შესაძლებლობას, რომელთა შორის ინსტანციური ურთიერთდამოკიდებულება უნდა განხორციელდეს და გამოვლინდეს არაცნობიერი ფსიქიკის განსხვავებული რომელობების საშუალებით. თუკი გათვალისწინებული იქნება არაცნობიერი ფსიქიკის რომელობათა გენეზისი, ისინი შეიძლება დაჯგუფდნენ ორად. ერთ ჯგუფში მოთავსდება არაცნობიერი ფსიქიკის ის პროცესები, რომელთათვისაც არაცნობიერობა მეორეულია, შეძენილი-თვისებაა, არაცნობიერი ფსიქიკის სახით არსებობა მათი შინაგანი ბუნებიდან არ გამომდინარეობს. ერთ დროს ისინი ცნობიერების ნიშანს ფლობდნენ და შემდეგ, გარკვეული ვითარების გამო, იქცნენ არაცნობიერად. ამ ჯგუფში თავსდებიან: წინაცნობიერი, განდევნილი და არქაული მემკვიდრეობა. მეორე ჯგუფში მოთავსდება საკუთრივ არაცნობიერი, რომელიც საწყისისეულია, როგორც არაცნობიერი თვითმყოფადია. ის არასოდეს არ ვლინდება ცნობიერე-

ბაში თავისი საკუთარი სახით. ამიტომაც, რომ მას ჩვენ უშუალოდ ვერ ვწვდებით. ცნობიერებაში შემოიჭრება ხოლმე მისი წარმომადგენელი.

ფუნქციონალური და გენეტური დახასიათება არაცნობიერი ფსიქიკური პროცესებისა ჭერ კიდევ ვადაწმყვეტს არაფერს ამბობს თვითონ არაცნობიერი ფსიქიკური პროცესების ონტოლოგიური სახის შესახებ.

ფსიქოანალიზში გარკვეულია, რომ განსხვავება არაცნობიერ ფსიქიკასა და ცნობიერ ფსიქიკას შორის ეხება ფსიქიკისადმი ცნობიერების ნიშნის მიწერას, ეს კი იმას გულისხმობს, რომ ერთმანეთისაგანაა გათიშული ფსიქიკა და ცნობიერება. ცნობიერებას კი არ მიეწერება არაცნობიერობის ნიშანი, არამედ ფსიქიკის მიმართ ისმის საკითხი ცნობიერებისგან დამოუკიდებლად მისი არსებობის თაობაზე. აქედან გამომდინარე, რა თქმა უნდა, არაცნობიერ ფსიქიკად ვეღარ ჩაითვლება ისეთი ფსიქიკა, რომელსაც თან ახლავს ცნობიერების მინიმუმი, ვინაიდან ამ შემთხვევაშიც ფსიქიკის დახასიათება მოხდებოდა ისევე ცნობიერების ნიშნით.

რას წარმოადგენს ფსიქიკა მაშინ, როცა მას თან არ ახლავს ცნობიერება? ზ. ფროიდის ღრმა რწმენით ცნობიერების გარეშე არსებული ფსიქიკის გარკვეულობაზე არაფრის თქმა არ შეგვიძლია. ჩვენ არ შეგვიძლია გვეჩვენოს არავითარი ვარაუდი იმის შესახებ, თუ რა ფორმით არსებობს წარმოდგენა სულში, როცა ის ცნობიერებისათვის ლატენტურია იმავდროულად“.

გულუბრყვილო იქნებოდა, ფროიდის მსჯელობაში წინააღმდეგობა დაგვენახა იმის გამო, რომ, ერთი მხრივ, ავტორი უარყოფს არაცნობიერი ფსიქიკის შინაგანი სახის (მისი ტერმინით — „არსებობის ფორმის“) დახასიათების შესაძლებლობას, ვინაიდან გამორიცხულია გამოცდილებაში მისი უშუალოდ მოცემულობა, და, მეორე მხრივ, არაცნობიერს ის დახასიათებს როგორც: დისპოზიციას, ლატენტურს, კვალს, უნარს, მიდრეკილებას და მისთ. არაცნობიერის დახასიათება როგორც: დისპოზიციისა, კვალისა და ა. შ. არაა არაცნობიერის არც ფსიქიკურობის დამადასტურებელი და არც მისი, როგორც ფსიქიკურის, რომელობითი ბუნების მაჩვენებელი. ამგვარი დახასიათება არაფერს სპეციფიკურს არ მიათითებს საერთოდ არაცნობიერის ონტოლოგიური სახის შესახებ.

კ. გ. იუნგის თავისთავადი არქეტაიპი არაცნობიერი ფსიქიკური გარკვეულობაა. არქეტაიპი, ანუ კოლექტიური არაცნობიერი ფსიქი-

კის ობიექტურ ფენადაა წარმოდგენილი და უპირისპირდება სუბიექტურ ფენას, რომელსაც პიროვნული არაცნობიერი ეწოდება. ანალიზურ ფსიქოლოგიაში პრინციპული მნიშვნელობა აქვს არქეტიპის ორი რომელიც გათიშვას: თავისთავად არქეტიპს და არქეტიპულ წარმოდგენას. თავისთავადი არქეტიპი არაცნობიერი ფსიქიკის სტრუქტურის პოტენციური არსებობის, სტრუქტურული დომინანტის აღმნიშვნელია. არქეტიპული წარმოდგენა კი — ცნობიერებაში გამოვლენილი ფსიქიკური შინაარსის ან პროცესისა, რომელიც სიმბოლოს წარმოადგენს. თავისთავადი არქეტიპი ფსიქიკური წყობის აპრიორი ფორმაა.

ვ) არაცნობიერი ფსიქიკის გაგება როგორც ცნობიერების ფსიქიკური შინაარსისა, რომელიც ცნობიერების გარეთ არსებულად წარმოდგინება, ცნობიერებასთან კავშირს არ მოითხოვს, მოცემულია კ. გ. იუნგთან და ა. ა. ადლერთან. ანალიზური ფსიქოლოგიის პიროვნული არაცნობიერი ფსიქიკა არაცნობიერი ფსიქიკის ზედაპირული ფენაა, რომელიც უპირისპირდება თავისთავად არქეტიპს. აქ არაცნობიერი ფსიქიკური შინაარსი ის მასალაა, რომელიც დაკავშირებულია პიროვნების ინდივიდუალურ ცხოვრებასთან, გამოცდილებასთან. ესაა: ცნობიერების დავიწყებული ფსიქიკური შინაარსები, ცნობიერების ქვეზღურბლური, სუსტი ინტენსივობის მქონე შთაბეჭდილებანი, პერცეფციები, ყველა ის ფსიქიკური შინაარსი, რომელიც ცნობიერ განწყობასთან ერთიანობას ვერ პოულობს და ამიტომ განდევნილია. ინდივიდუალურ ფსიქოლოგიაში შეწყნარებულია აზრი ფსიქიკური შინაარსების ისეთი არსებობისა, როცა ისინი არ საჭიროებენ ცნობიერებასთან კავშირს. ამიტომ აქ არაცნობიერი აზროვნება, არაცნობიერი სურვილი, არაცნობიერი გრძნობა კანონიერ ტერმინებადაა ჩათვლილი<sup>1</sup>.

სიღრმის ფსიქოლოგიაში ზოგჯერ არაცნობიერი ფსიქიკის ტერმინს იყენებენ ცნობიერი ფსიქიკური შინაარსების აღსანიშნავად. მაგრამ ამან არ უნდა გვაფიქრებინოს, თითქოს აქ აღრევა იყოს ცნობიერ და არაცნობიერ ფსიქიკის ცნებებს შორის. საქმე იმაშია, რომ ცნობიერი ფსიქიკური შინაარსი, რომელსაც არაცნობიერი ფსიქიკის

<sup>1</sup> ინდივიდუალურ ფსიქოლოგიაში არაცნობიერი ფსიქიკის ცნებაში, როგორც ითქვა, გნოსეოლოგიური შინაარსისაა ჩადებული. ამ შემთხვევაში არაცნობიერი ნიშნავს არ ცოდნას, გაუგებარს, რომელიც თანაბრად ეხება როგორც ცნობიერ, ისე არაცნობიერ ფსიქიკასაც. არაცნობიერის გნოსეოლოგიური შინაარსი არაცნობიერის ფსიქოლოგიურ პრობლემას არ ეხება.



სახელწოდებით აღნიშნავენ, გარკვეულ შემთხვევაში გაგებულა არა-  
ცნობიერი ფსიქიკური პროცესის პროდუქტად და ეს კონკრეტული  
შინაარსი-პროდუქტი, ე. წ. „არაცნობიერი ფსიქიკა“, ფუნქცი-  
ური ასპექტით დაპირისპირებულია ისეთ ცნობიერ შინაარსებთან,  
რომლებიც არ არიან, მაგალითად, განდევნილის ან თავისთავადი არ-  
ქეტების სიმბოლური გამოვლენანი ცნობიერებაში.

ზემოაღნიშნულს მხედველობაში მიღება გასაგებს ხდის სილრ-  
მის ფსიქოლოგიის მსჯელობას ცნობიერი ფსიქიკის ამხსნელი ფაქ-  
ტორის პრინციპულად „ცნობიერებით დადასტურების“ შესახებ.  
ცნობიერი ფსიქიკის არაცნობიერი საფუძვლის, როგორც არაცნობი-  
ერი ფსიქიკის, პირდაპირი დადასტურება იმთავითვე გამორიცხუ-  
ლია. ამ შემთხვევაში ლაპარაკია არაცნობიერი ფსიქიკის პროდუქ-  
ტზე, ცნობიერ ფსიქიკა-შინაარსზე, რომელიც წინდაწინვე ჩათვლი-  
ლია რა სწორედ რომ არაცნობიერი ფსიქიკისა და არა სხვა რაიმეს  
პროდუქტად, მასზე მსჯელობენ როგორც ცნობიერი ფსიქიკის „და-  
დასტურებად არაცნობიერ ფსიქიკურ საფუძველზე“. მაშასადამე, აქ  
არაცნობიერ ფსიქიკაში იგულისხმება არ აპირდაპირი მნიშ-  
ვნელობა, ის ნიშნავს, ე. წ. არაცნობიერი ფსიქიკურიდან მიღე-  
ბულ ცნობიერ ფსიქიკურ შინაარსს.

საერთოდ, თუ დადგება საკითხი არაცნობიერი ფსიქიკის სილრ-  
მისფსიქოლოგიური შინაარსის შესახებ ზოგადობის ნიშნის მიხედ-  
ვით, ასეთ ვითარებას მივიღებთ — კოლექტიური არაცნობიერის  
ჩვეუფში მოთავსდება: თავისთავადი არქეტები, არქაული მემკვიდრე-  
ობა და საკუთრივ არაცნობიერი, ხოლო პიროვნული არაცნობიერი  
ფსიქიკის სფეროში შემოვა: წინაცნობიერი, განდევნილი (ფროიდ-  
თან) და ე. წ. არაცნობიერი ფსიქიკის ზედაპირული ფენა (იუნგთან).

არაცნობიერი ფსიქიკის სილრმისფსიქოლოგიური ცნებები —  
ფსიქიკური ენერგია, უცნობი ფსიქიკური პროცესი და ფსიქიკური  
შინაარსების ცნობიერებისაგან დამოუკიდებელი არსებობა — ფსი-  
ქიკის სხვადასხვა ასპექტით განხილვის შედეგადაა მიღებული. ფსი-  
ქიკურ ენერგიაზე მსჯელობა ფსიქიკისადმი დინამიკური თვალსაზ-  
რისით მიდგომიდანაა გამომდინარე: მთლიანად აღებული ფსიქიკა  
ჩათვლილია ცნობიერი და არაცნობიერი ძალების ურთიერთობის  
ასპარეზად და ამით აღდგენილია სულის მექანიკის ისტორიულად  
ცნობილი პრინციპი, რომლის არადამაკმაყოფილებელი შედეგები,  
როგორც მექანიციკური თვალსაზრისისა, კარგადაა ცნობილი. ფსი-  
ქიკის არაცნობიერი სფეროს უცნობ პროცესად გამოცხადება, გარ-

კვეული აზრით, შემეცნების თეორიული კუთხით დახასიათებაა. ფსიქიკის ის ნაწილი, რომელიც გამოცდილებაში დადასტურებას არ ექვემდებარება, ჩვენთვის ემპირიულად ცდაში მოცემული არ შეიძლება იყოს, სხვაგვარად შეუძლებელია დახასიათდეს თუ არა როგორც „უცნობი“, თუმცა წინდაწინვეა მიღებული გარკვეულად ონტოლოგიური რაობა, რომ ის ფსიქიკაა და არა სხვა რამ. ფსიქიკურბ შინაარსების ცნობიერების გარეშე არსებობის დაშვება, მაგალითად, ინდივიდუალფსიქოლოგიაში დოგმატურია. ის იქ ანალიზის ობიექტიც არ გამხდარა. რაც შეეხება ანალიზურ ფსიქოლოგიას, რომლის ამოსავალია — „არაცნობიერის შესახებ ჩვენ არაფერი ვიცით“<sup>2</sup>, არაცნობიერი ფსიქიკის პიროვნული ფენის დახასიათება ცნობიერი ფსიქიკური შინაარსების რომელღობით პ ი რ ო ბ ი თ ი ა, „თითქოს ეს ასე იყოს“<sup>3</sup>.

ცნობილია, რომ ფსიქოლოგიაში არაცნობიერი ფსიქიკის შემოტანის ერთ-ერთი მოტივი ცნობიერი ფსიქიკის ახსნის მიზანდასახულებასთანაა დაკავშირებული. სილრმის ფსიქოლოგია პრინციპულ ჰოზიციანზე დგას ცნობიერი ფსიქიკის არაცნობიერი ფსიქიკით განპირობებულობის საკითხში. ცნობიერი ფსიქიკა უნდა აიხსნას არაცნობიერი ფსიქიკით. ისიც ცნობილია, რომ არაცნობიერი ფსიქიკის რაობის საკითხზე სხვადასხვა კვალიფიკაცია მიიღო. ლაპარაკობენ არაცნობიერ ფსიქიკაზე, როგორც რეალურ გარკვეულობაზე და არაცნობიერ ფსიქიკაზე, როგორც ფიქციაზე. ერთ შემთხვევაში, ცნობიერი ფსიქიკა აიხსნება რეალური არაცნობიერი პროცესით, მეორე შემთხვევაში, ცნობიერი ფსიქიკის საფუძვლად ცხადდება ისეთი რამ, რის მიმართაც არსებობა-არარსებობის განზომილება არ გამოიყენება.

როგორია სილრმისფსიქოლოგიური ასპექტი არაცნობიერი ფსიქიკის ონტოლოგიური პრობლემის მიმართ? არაცნობიერი ფსიქიკა რეალობადაა წარმოდგენილი, თუ იგი ჰიპოთეზურ ვითარებადაა დასახული? ამ კითხვაზე სილრმისფსიქოლოგიური თეორიების ავტორებს პრინციპული პასუხი არა აქვთ. არაცნობიერი ფსიქიკა ერთსა და იმავე თეორიაში ხან რეალობად ცხადდება, ხან კი — მხოლოდ ჰიპოთეზური ღირებულებების მქონედ. ამიტომ არაცნობიერი ფსიქი-

<sup>2</sup> «Wir nichts vom Unbewußten wissen...» Über Grundlagen der analytischen Psychologie, Zürich-Stuttgart, 1969, გვ. 16.

<sup>3</sup> «Es geht immer um ein «als-ob», und ich bitte Sie, das im Auge zu behalten», იქვე, გვ. 17.

კის სიღრმისფსიქოლოგიური კონცეფტი იმის მიხედვით, თუ მასში რა შინაარსი ივლისხმება, განსხვავებულ შეფასებას იმსახურებს. თვითონ სიღრმის ფსიქოლოგიის პრინციპული პოზიცია მოითხოვს არაცნობიერის რეალობის სახით წარმოდგენას.

სიღრმის ფსიქოლოგიაში გაცნობიერებულა, რომ არაცნობიერი ფსიქიკა პირდაპირ, უშუალოდ ხილვადი არაა. შემმეცნებელს თვითონ ის არ ეძლევა ცნობიერებაში, რადგანაც არაცნობიერი ფსიქიკის ბუნება სწორედ ისაა, რომ ის ცნობიერების მიღმა არსებულა და ამით ცნობიერებასთან მისი უშუალო შეხების საკითხი პრინციპულადაა მოხსნილი. ეს ვითარებაა გათვალისწინებული სიღრმის ფსიქოლოგიაში, როცა მითითებულია: „არ შეგვიძლია პირდაპირი ურთიერთობა გვექონდეს არაცნობიერ პროცესებთან, რადგანაც ისინი ჩვენთვის მიუწვდომელი არიან: ისინი პირდაპირ არ აღიქმებიან, ვლინდებიან მხოლოდ მათ პროდუქტებში და აღნიშნული პროდუქტების სპეციფიკური თავისებურებებიდან გამოგვეყავს დასკვნა, რომ მათ უკან რალაც უნდა იყოს, საიდანაც ისინი წარმოიშობიან. ამ ბნელ სფეროს ვუწოდებთ არაცნობიერ ფსიქიკას“<sup>4</sup>. „ჩვენ არაცნობიერს ვუწოდებთ ფსიქიკურ პროცესს, რომლის არსებობა უნდა დავეუშვათ, მის შესახებ არაფერი ვიცით, მაგრამ ვასკენით შედეგის მიხედვით“<sup>5</sup>.

თუკი არაცნობიერი ფსიქიკა, როგორც რეალობა, უშუალოდ არ გვეძლევა გამოცდილებაში, რა საფუძველი გაგვაჩნია იმისა, რომ დავეუშვათ მისი არსებობა, რა გვადლევს იმის რწმენას, რომ ის, რაც გავლენას ახდენს ცნობიერებაზე, უცილობლად ფსიქიკაა (resp. არაცნობიერი ფსიქიკაა) და არა სხვა რამ?

ამ კითხვაზე პასუხი მოცემულია ფსიქოანალიზში. ესაა თეორიული მოსაზრება, რომლიდანაც გამომდინარეობს საკითხის დადებითად გადაწყვეტა, კერძოდ — ფსიქიკის წარმოდგენა უწყვეტი რეალობის სახით. თუკი ფსიქიკას უწყვეტობის სუბსტანციონალური თვისება მიეწერება, მაშინ ცნობიერება არ გამოდგება ფსიქიკის ონტოლოგიური პრობლემის გადასაქრელად იმდენად, რამდენადაც მისი ჩვენება არ იქნება სარწმუნო ფსიქიკის გავრცელების ფარგლებს დასადგენად. ამდენად, როცა ცნობიერება ხარვეზს ამჩნევს ფსიქიკურში, სინამდვილეში ხარვეზი არაა, იქ არა-

<sup>4</sup> იქვე, გვ. 49—50.

<sup>5</sup> S. Freud, Neue Folge der Vorlesungen... XV, 77.

ცნობიერი ფსიქიკაა. არაცნობიერი ფსიქიკა ცნობიერი ფსიქიკის წინასაფხეზური და გამგრძელვებლია. საერთოდ ფსიქიკა არაცნობიერი და ცნობიერი პროცესების უწყვეტი თანამიმდევრობა და მონაცვლეობაა. ამიტომ ყოველი სახის ცვლილების საფუძველი ფსიქიკაში არ შეიძლება იმყოფებოდეს ფსიქიკის ფარგლებს გარეთ, ის აუცილებლობით ისევ ფსიქიკაში უნდა იყოს.

იგივე პრინციპული თვალსაზრისია გატარებული ანალიზურ ფსიქოლოგიაშიც. ფსიქიკური რეალიზმის თვალსაზრისზე დგომა განსაზღვრავს სიღრმის ფსიქოლოგიის მხრიდან უარყოფით დამოკიდებულებას ფსიქიკის ეპიფენომენალური გავების მიმართ. თუ ფსიქიკა გააზრებულია მატერიალურის პროდუქტად და ამავე დროს აღიარებულია, რომ ფსიქიკას მართავს არაფსიქიკური გარკვეულობა, ფუქიოცნებაა, თავი დავაღწიოთ ფსიქიკის ეპიფენომენალ გამოცხადებას. ამგვარი დამოკიდებულება ფსიქიკისადმი განაპირობა ე. წ. „უსულო ფსიქოლოგიის“ («Psychologie ohne Seele») ლოზუნგმა. „უსულო ფსიქოლოგიამ“, რომლის პრინციპების დამცველი და გამტარებულია ცნობიერების ფსიქოლოგია, ფსიქიკას წაართვა თავისთავადი არსებობა, ის ფიზიკური სუბსტრატის უბრალო გამოსახვად ჩათვალა და მისი გავრცელების არე ცნობიერებით ამოწურა. მან წამოაყენა თეზისი ცნობიერი ფსიქიკას არაფსიქიკურზე დაფუძნების საჭიროებისა და ფსიქიკის შემეცნების ცნობიერების განზომილებით შემოფარგლის შესახებ. „უსულო ფსიქოლოგიის“ თვალსაზრისს სიღრმის ფსიქოლოგია უპირისპირებს ლოზუნგს — „ფსიქოლოგია სულით“ («Psychologie mit Seele»). „ფსიქოლოგია სულით“ თვალსაზრისი არის ფსიქიკის სუბსტანციურად გააზრების მოთხოვნის დაცვა. მართალია, ჩვენთვის მიუწვდომელია პირველადი არსობრიობანი, უცნობია მატერიაცა და გონიც, მაგრამ ფსიქიკიდან ფსიქიკის აღმოცენების აზრი უფრო ფანტასტური არაა, ვიდრე ფსიქიკის წარმოშობისა არაფსიქიკიდან (ფიზიკურიდან). ფსიქიკური რეალობის იდენის დაცვა უნდა ჩაითვალოს ფსიქოლოგიის ყველაზე არსებით მიღწევად<sup>6</sup>.

ფსიქიკის უწყვეტი რეალობის სახით წარმოდგენას, მის სუბსტანციურად გავებას ემყარება არაცნობიერი ფსიქიკის დასაბუთების სხვა არგუმენტები, რომლებიც სიღრმის ფსიქოლოგიაში მოტანილია არაცნობიერი ფსიქიკის თეზისის დასაბუთებისათვის. საბელ-

<sup>6</sup> C. G. Jung, Wirklichkeit der Seele, Zürich-Stuttgart, 1969, გვ. 13—

დობრ, საზრისის ნიშნით ფსიქიკის დაზარალება და შედეგიდან მიზეზზე ერთმნიშვნელოვნად დასკვნა.

არსებითად იგივე ითქმის არაცნობიერი ფსიქიკის ექსპერიმენტული დასაბუთების შესახებაც. ზ. ფროიდის პოსტპიანოზური მდგომარეობის ანალიზი და კ. გ. იუნგის ასოციაციის მეთოდით მოპოვებული შედეგების ინტერპრეტაცია ეფუძნება ზოგადთეორიულ წინააღმდეგარს, ფსიქიკის უწყვეტობის პრინციპის მიღებას, ფსიქიკის თვითკმარ და დამოუკიდებელ რეალობად წარმოდგენას. იმავე შეფასებას იმსახურებს სიღრმის ფსიქოლოგიაში არაცნობიერი ფსიქიკის სხვა „ემპირიული არგუმენტებიც“, რამდენადაც საქმე ეხება დასაბუთების იმ მკდარ გზას, რომელიც წინააღმდეგე გულისხმობს დასაბუთებულად იმას, რაც უნდა დასაბუთდეს. დასაბუთებელია თვითონ ფსიქიკის უწყვეტობა, რომელიც გამოყენებულია არაცნობიერი ფსიქიკის გამართლებისათვის.

არაცნობიერი ფსიქიკის აღიარებაში და ფსიქოლოგიური მეცნიერების ახალ პრინციპზე აგების ცდაში სიღრმის ფსიქოლოგია, გარკვეული აზრით, თანამოაზრესა და თანამგრძნობელს ნახულობს მ. გაიგერის იმანენტურ რეალიზმზე დაფუძნებულ რეალისტური ფსიქოლოგიის სახით, რომელიც ემიჯნება განცდის ფსიქოლოგიას.

მ. გაიგერის იმანენტური რეალიზმის თვალსაზრისიდან განხილული სიღრმის ფსიქოლოგია განცდის ფსიქოლოგიის ტიპის მეცნიერებად ჩაითვლებოდა, თუკი აქ დაშვებული არაგანცდითი ფსიქიკურის არსებობა მოემსახურებოდა განცდის მიმდინარეობაში შემჩნეული ხარვეზის მხოლოდ შევსებასა და ფსიქიკის მთლიანობის სახით წარმოდგენას, არაგანცდითი სინამდვილე გამოიყენებოდა შემეცნების საშუალებად. შემეცნების ერთადერთ საბოლოო მიზნად ისევ განცდითი სფერო დარჩებოდა.

რეალისტური ფსიქოლოგია იმით უნდა განსხვავდეს განცდის ფსიქოლოგიისაგან, რომ პირველი აღიარებს „ობიექტურ ფსიქიკურ არსებობას“, რომლის ცნობიერებაში მოვლინების ფაქტს ის შემთხვევითად მიიჩნევს. ამ ფსიქოლოგიის ამოცანაა განცდის მიღმა არსებული რეალური ფსიქიკურის შემეცნება. განცდითა ფსიქიკა გამოიყენებულია საშუალებად რეალური, ობიექტურ-ფსიქიკურის წვდომისათვის. როგორც ბუნებისმეტყველება მოიხმარს ბუნების აღქმას თვითონ ბუნების შესწავლისათვის, ისე რეალისტური ფსიქოლოგია განცდას, რეალურ-ფსიქიკურის შემთხვევით გამოვლენას მოიხმარს იმანენტური რეალობის, არაცნობიერი ფსიქიკის

შესასწავლად. განცდის ფსიქოლოგიის მიზანი საშუალებაა რეალისტური ფსიქოლოგიისათვის. განცდის ფსიქოლოგია უგულებელყოფს ფსიქიკურ ცხოვრებაში „მე“-ს მნიშვნელობას, სულიერი პროცესების პერსონალურ ხასიათს, მათი კონცენტრირების ფაქტს ერთიანი რეალური მე-ს გარშემო. განცდის ფსიქოლოგია განცდების კავშირს ეძებს ან ნატურალურ სუბსტრატში, ან დასკვნის გზით მიღებულ არაცნობიერ მექანიზმებში. რეალისტური ფსიქოლოგია კი ემყარება მე-სა და სამყაროს კორელაციას. აქ ლაპარაკია რეალურ ფსიქიკურ მე-ზე, რომელიც წარმოადგენს ცენტრს, საიდანაც ხორციელდება ფსიქიკური აქტები<sup>7</sup>.

სიღრმის ფსიქოლოგია რეალისტური ფსიქოლოგიაა. ის იმიტომ ჩაითვლება იმანენტური რეალიზმის ტიპის ფსიქოლოგიად, რომ სიღრმის ფსიქოლოგიის ამოსავალია ფსიქიკის არაცნობიერად არსებობა, რომელიც უნდა შემეცნებული იქნეს ცნობიერი ფსიქიკის საშუალებით; „მე“ (ფროიდი, ადლერი) და „თვითონ“ (იუნგი) ფსიქიკური სინამდვილის სხვა ინსტანციებთან მიმართებაში და მათთან ერთად ფსიქიკის პერსონალურ ბუნებას აფუძნებს. მაგრამ განსხვავებულია ფსიქიკის, როგორც რეალური დინამიკური მთლიანობის, მოქმედების პრინციპი; მ. გაიგერის რეალისტური ფსიქოლოგიისათვის უცხოა ყოველი სახის მექანიკურ-კაუზალური კავშირები. ხოლო სიღრმის ფსიქოლოგია ფსიქიკის დინამიკურ სურათს კაუზალურ მიმართებათა ფუნქციის სახით წარმოგვიდგენს. მ. გაიგერი სიღრმის ფსიქოლოგიას მოუწონებდა ონტოლოგიურ თეზისს — ფსიქიკის ახსნის საკითხში არაფსიქიკურის პრინციპული უარყოფის თაობაზე, მაგრამ ის დაიწუნებდა სიღრმის ფსიქოლოგიურ მეთოდოლოგიას, რომელმაც ბოლომდე ვერ დაძლია განცდის ფსიქოლოგიის ბუნებისმეტყველური ტენდენცია — შეინარჩუნა კაუზალური განხილვის წესი ფსიქიკის ფარგლებში, ნაცვლად იმისა, რომ ფსიქიკური განეხილა, როგორც გარე სამყაროსთან პიროვნების დამოკიდებულება-პოზიცია.

იქ, სადაც ერთმანეთისაგანაა გათიშული ცნობიერი და არაცნობიერი ფსიქიკა, როგორც ესაა სიღრმის ფსიქოლოგიაში, დგება სა-

<sup>7</sup> Moritz Geiger, Fragment über den Begriff des Unbewußten und die psychische Realität, Jahrbuch f. Philos. u. phänom. Forschung, IV, 1921.

მ. გაიგერის თვალსაზრისი გარჩეული წიგნში: ა. ბ. კ. ო. რ. შ. ე. ლ. ი, ფსიქოლოგიის პრინციპული საკითხები, ნაწ. II, თავი XVI, ფსიქოლოგიის პრობლემა იმანენტურ რეალიზმში, გვ. 249—277.

კითხი საერთოდ ფსიქიკის ჩვენთვის მოცემულობის შესახებ. რომ ცნობიერი ფსიქიკა უშუალოდ გვეძლევა შინაგანი ევიდენტობით, ეს არ ითვლება საგანგებო დასაბუთების ობიექტად. არაცნობიერი ფსიქიკის მიმართ, რომელიც არ უკავშირდება ცნობიერებას, მის ფარგლებს მიღმაა მოთავსებული, ისმის საკითხი მისი ცნობიერებასთან შეხებისა, ცნობიერებით მისი ხილვისა, ერთი სიტყვით, არაცნობიერი ფსიქიკის გაცნობიერების შესახებ. იმის მიხედვით, თუ რა იგულისხმება არაცნობიერ ფსიქიკაში, გაცნობიერებაც განსხვავებულ შინაარსს ღებულობს. არაცნობიერი ფსიქიკა, თუ შინაარსობრივად არ განსხვავდება ცნობილი ცნობიერი ფსიქიკისაგან, მაშინ არაცნობიერი ფსიქიკის გაცნობიერებას მხოლოდ ის მნიშვნელობა შეიძლება ჰქონდეს, რომ ზდება იმის განცდა-დადასტურება, რაც მანამდე არაგანცდადი იყო; არაცნობიერი ფსიქიკის შინაარსს დაემატა ის, რის გარეშეც ეს შინაარსი თავისთავად კი არსებობდა, მაგრამ ჩვენი განცდის, უშუალო ცოდნის ობიექტი არ იყო. გაცნობიერება არაცნობიერი ფსიქიკისა, მაშასადამე, არის ფსიქიკური შინაარსის ადგილის გადანაცვლება — მისი არაცნობიერიდან ცნობიერში მოთავსება, უზილავის ხილვა. სხვაგვარად დგას საკითხი იმ შემთხვევაში, როცა გაცნობიერება უკავშირდება არაცნობიერი ფსიქიკის იმ მნიშვნელობას, სადაც არაცნობიერობა ფსიქიკისა წარმოდგენილია უცნობი რეალობის სახით. რას უნდა ნიშნავდეს ასეთ ვითარებაში არაცნობიერი ფსიქიკის დაკავშირება ცნობიერებასთან? თუ არაცნობიერი ფსიქიკის უცნობი რეალობა გულისხმობს იმ პროცესს, რომლის აღმოცენება და მიმდინარეობა საბოლოო ჯამში გვაძლევს ფსიქიკის ცნობიერ შინაარსებს, მაშინ არაცნობიერი ფსიქიკის გაცნობიერება ნიშნავს არა თვითონ არაცნობიერი ფსიქიკური პროცესის, როგორც ასეთის, ცნობიერებაში ამოსვლას, არამედ ამ უცნობი პროცესის საბოლოო პროდუქტის, ფსიქიკური შინაარსების ცნობიერებასთან შეხების მომენტს; რომ ამ უცნობი ფსიქიკური პროცესის განხორციელების ბუნებრივი შედეგი ჩვენთვის ფსიქიკური შინაარსების სახით არსებობს, მას განცდის სახით ვადასტურებთ.

აღნიშნული იყო, რომ ზ. ფროიდი თავის მოღვაწეობას ი. კანტის საქმის გაგრძელებად მიიჩნევს, ისე, როგორც ი. კანტი თავისთავადი ობიექტური სინამდვილს არაადეკვატურ ასახვაზე ლაპარაკობს, ასევე ზ. ფროიდიც არაცნობიერი ფსიქიკის არაზუსტ აღქმაზე მიუთითებს. კ. იუნგი ცნობიერებაში არაცნობიერი ფსიქიკის სიმბოლურ ფორმების გამოვლენაზე მსჯელობს. მაშასადამე, საკითხი

არაცნობიერი ფსიქიკის მოცემულობას ეხება. სიღრმის ფსიქოლოგიაში ერთმანეთისაგან განსხვავდება არაცნობიერი ფსიქიკის „მოცემულობა“, უფრო სწორი იქნება, თუ ვიტყვიტ გ ა მ ო ვ ლ ე ნ ა, და არაცნობიერი ფსიქიკის შ ე მ ე ც ნ ე ბ ა. სიღრმის ფსიქოლოგიაში ცნობიერი ფსიქიკის უშუალოდ მოცემულობის საკითხი ექვს ქვეშ არ ღვას<sup>8</sup>. ცნობიერი ფსიქიკა ადექვატურად მოცემულია. ფსიქიკის არაადექვატურად მოცემულობის საკითხი დაისმის არაცნობიერ ფსიქიკასთან დაკავშირებით. გვეძლევა თუ არა არაცნობიერი ფსიქიკა ცნობიერებით ისე, როგორადაც ის არის ცნობიერების გარეთ? საკითხის ამგვარი დასმა გამორიცხულია იმ შემთხვევაში, როდესაც საერთოდ უარყოფილია ცნობიერების გარეთ არსებული ფსიქიკის შინაგანი გარკვეულობის შესახებ წარმოდგენა-ცოდნა. ამდენად, ასეთ ვითარებაში არც უნდა დაისვას საკითხი არაცნობიერი ფსიქიკის ცნობიერ ფსიქიკაში ადექვატურად თუ არაადექვატურად გამოვლენის თაობაზე. მაგრამ მაინც თუ ლაპარაკია ზოგჯერ ცნობიერების შინაარსებისა და პროცესების სახით არაცნობიერის არაზუსტ, არაადექვატურ, სიმბოლურ მოცემულობაზე, ეს უკავშირდება არა თვითონ არაცნობიერი ფსიქიკის ონტოლურ გარკვეულობას, არამედ იმ ფუნქციის, სიღრმისფსიქოლოგიური ტერმინებით რომ ეთქვას, „ტენდენციის“, „მიზნის“, „მნიშვნელობის“, „შინაარსის“, „განზრახვის“ არაპირდაპირ, სახეშეცვლილ ასახვას, გამოვლენას ცნობიერებაში, რაც არაცნობიერ ფსიქიკურ მოქმედებას მიეწერება. ფსიქიკის წვდომის, შემეცნების გნოსეოლოგიური შინაარსი — შეცდომა-ქეშმარიტება — ეხება როგორც ცნობიერ ფსიქიკას, ასევე ე. წ. არაცნობიერი „ტენდენციის“, „მიზნის“, „განზრახვის“ და ა. შ. ასახვის მომენტს, რომელიც შეიძლება სწორიც იყოს და არასწორიც.

სიღრმის ფსიქოლოგიას, როგორც ირკვევა, არ აქვს უფლება იმსჯელოს არაცნობიერი ფსიქიკის შემეცნების შესახებ, რადგანაც გნოსეოლოგიური პრობლემის დასმას წინ უნდა უძლოდეს არაცნობიერი ფსიქიკის ონტოლოგიური პრობლემის დადებითად გადაჭრა მისი შინაგანი ბუნების გათვალისწინებით. წინააღმდეგობაა, როცა,

<sup>8</sup> ფსიქოლოგიაში ცნობილია ფსიქიკის არაადექვატურად მოცემულობის თეზისის დაცვა ცნობიერი ფსიქიკის განზომილებითაც. იხ. მაგალითად, მ. შელერის თვალსაზრისი ფსიქიკური იდოლების შესახებ ე. წ. „შინაგანი გრძნობის,“ რაობის საკითხთან დაკავშირებით. «Die Idole der Selbsterkenntnis, Vom Umsturz der Werte, II, Leipzig, 1919. ამ საკითხზე დაწერილებითაა მსჯელობა ა. ბოკორიშვილის «ფსიქოლოგიის პრინციპული საკითხების» მეორე ნაწილში, გვ. 277—324.



ერთი მხრით, მტკიცდება არაცნობიერის რაობის მიუწვდომლობა და, მეორე მხრით, ცნობიერებით არაცნობიერის წვდომის შესაძლებლობა. თუ არაცნობიერი ფსიქიკა წინასწარდაშვებულის მეტს არაფერს წარმოადგენს, ისაა ე. წ. „კონსტრუირებადი გამოცდილება“, უნდა გამოირიცხოს თვითონ მისი შემეცნების საკითხი. სიმძიმის ცენტრი გადატანილია დაშვებულთ ცნობიერების შინაარსის ახსნაზე.

ფსიქოანალიზი, ფროიდის განცხადებით, არაა „სულიერი ცხოვრების ამომწურავი თეორია“. ის ცნობიერების ფსიქოლოგიას კი არ უპირისპირდება, არამედ წარმოდგენილია როგორც მისი შესავალი და შემავსებელი. ანალიზური ფსიქოლოგია, იუნგის რწმენით, არაა ფსიქიკის სისტემატური თეორია. ის მხოლოდ ორიენტაციის მომცემია ფსიქიკური სინამდვილის სფეროში. მაგრამ ეს მოკრძალებული კვალიფიკაცია არ შეესაბამება იმ ფაქტურ ვითარებას, რაც სიღრმისფსიქოლოგიურ თეორიებში განხორციელდა ფსიქიკის ერთიანი და მთლიანი სურათის მოცემის ცდის სახით. სწორია სიღრმისფსიქოლოგიური თეორიების მისამართით გამოთქმული შენიშვნა, რომელიც ეხება ფსიქიკის მთლიან სურათში ცნობიერების მნიშვნელობის მინიმუმამდე დაყვანას, ფსიქიკის ერთიან სტრუქტურაში ცნობიერების როლის გაუფასურებას. სიღრმის ფსიქოლოგიის ბრძოლა ფსიქიკაში ირაციონალურის სასარგებლოდ, მისი თითქოსდა წართმეული უფლებების აღდგენისათვის, სინამდვილეში წარმოადგენს ცნობიერების ფუნქციის ხარჯზე არაცნობიერის აღზევებას: „მე“-მ (ცნობიერებამ) დაკარგა ბატონპატრონის უფლებები საკუთარ სახლში. ლტოლვა „სულიერ ფუძელ“ იქცა (ფროიდი), „თვითონ“-მა მოიპოვა ფსიქიკური ცხოვრების ცენტრისა და მართვის უფლება (იუნგი), „მე“-დან აღმოცენებული ცხოვრების სტილი განაპირობებს ქცევას (ადლერი). საერთოდ ფსიქიკის ეპიფენომენალური გაგების წინააღმდეგ ბრძოლაში სიღრმის ფსიქოლოგიამ ცნობიერების მიმართ ეპიფენომენალური თვალსაზრისი გაიზიარა. „ფსიქოლოგია სულით“ თეზისის წამოყენებამ და დაცვამ არაცნობიერ ფსიქიკას სუბსტანციური მნიშვნელობა მიანიჭა.

სიღრმის ფსიქოლოგიამ წინ წამოსწია ფსიქიკის მთლიანობის იდეა, მის პრობლემასაც ფსიქიკა, როგორც მთელი, წარმოადგენს, რაც განსწვავებულია მთლიანობის განცდისა და განცდის მთლიანობისაგან. სიღრმის ფსიქოლოგიას ფსიქიკა, როგორც ასეთი (ცნობიერი და არაცნობიერი სფეროების ერთობლიობა) ესახება უმაღლეს

რთულ წარმონაქმნად, რომლის, როგორც მთელის, წვდომა ცალკეული მომენტიდან მიუღწევლად მიაჩნია. სიღრმის ფსიქოლოგია ფსიქიკის მთლიანობის დახასიათებას შეეცადა ორი თვალსაზრისით — ენერგეტიკული და ტელეოლოგიური თვალსაზრისების მომარკვებით. ენერგეტიკული ასპექტით ფსიქიკის განხილვამ ფსიქიკა კომპენსატორული, შემავესებელი თვისების მქონედ წარმოგვიდგინა, ფსიქიკა ძალთა პოლარული ურთიერთმიმართების ფორმით მოგვევლინა. ტელეოლოგიურმა თვალსაზრისმა ფსიქიკა მიზანმსწრაფ პროცესად დასახა, რომელშიდაც კომპენსატორულ ფუნქციას მნიშვნელობა არ დაუკარგავს.

საგანგებო დასაბუთებას არ მოითხოვს ის, რომ სიღრმის ფსიქოლოგიამ ენერგეტიკული და ტელეოლოგიური თვალსაზრისებით ფსიქიკის დახასიათებისას სპეციფიკურ ფსიქიკურზე ვერ მიანიშნა და ვერც მიანიშნებდა, რადგანაც ტელეოლოგია და ენერგეტიკა სიღრმის ფსიქოლოგიაში აპრიორული მეთოდოლოგიური ხერხია, რომლის მამუტაბებშიც უნდა მოთავსდეს ფსიქიკურიცა და არაფსიქიკურიც. ამიტომაც, რომ სიღრმის ფსიქოლოგიას განიხილავენ როგორც ფიზიციზმისა და მეთოდოლოგიური აპრიორიზმის არტახებში მოქცეულ თეორიას.

სიღრმის ფსიქოლოგიას დადებითად ჩაეთვლება ფსიქიკის ეპიფენომენალური გაგების წინააღმდეგ ბრძოლა და ფსიქოლოგიის მეცნიერების აგების კონსტიტუციონალური უფლებსათვის ზრუნვა. ფსიქიკა სხვაზე დაუყვანადი რეალობაა, მეცნიერებაც მის შესახებ ფსიქიკის თავისებურებას უნდა დაეფუძნოს. ფსიქიკა ერთიანი და მთლიანი ბუნებისაა; ამიტომ მისი წვდომისათვის უნდა განხორციელდეს სპეციფიკური მეთოდოლოგიური მიდგომა. ამ თეორიაში პოზიტიური და მისაღებია ისიც, რომ აქ აღაზიანის გასაგებად არაა საკმარისი მხოლოდ ცნობიერებას გათვალისწინება. პიროვნება არ დაიყვანება ცნობიერ ფსიქიკაზე.

მაგრამ აღსანიშნავია სწორედ ის, რომ ის გზა, რომელიც დასახა სიღრმის ფსიქოლოგიამ აღნიშნული პრინციპული პოზიციის დასაბუთებისათვის და ის პასუხი, რაც მან მოგვცა საკითხის დადებითად გადაჭრის სახით, სწორი არაა და მცდარ წინამძღვრებს ეფუძნება. ლაპარაკია არაცნობიერ ფსიქიკაზე. სიღრმის ფსიქოლოგიამ არაცნობიერ ფსიქიკას დააკისრა მთელი სიმძიმე ფსიქიკის შესახებ მეცნიერების დაფუძნების, საგნობრივი და მეთოდოლოგიური ასპექტით მისი გამართლების საქმეში. თავდაპირველად სიღრმისფსი-

ქოლოგიურმა თეორიებმა არაცნობიერი ფსიქიკის ცნება მოიხმარეს აზნსნელ ცნებად ცნობიერი ფსიქიკის მიმართ, შემდეგ კი არაცნობიერი ფსიქიკა, როგორც რეალობა, კვლევადიების საგნად დასახეს და ამ მიზნისათვის ცნობიერი ფსიქიკა საშუალებად გამოიყენეს. სილრმის ფსიქოლოგიის, როგორც ფსიქოლოგიური მეცნიერების, არსებობის უფლება დამოკიდებულია არაცნობიერი ფსიქიკის რეალიზმის დასაბუთებასთან. რამდენადაც არაცნობიერი ფსიქიკის რეალური არსებობა კითხვის ქვეშ დგას, მისი ემპირიული მოცემულობა პრინციპულადაა გამორიცხული, შეუძლებელია მის შესახებ მეცნიერების — სილრმის ფსიქოლოგიის, ბუნებისმეტყველური დისციპლინის, არსებობაც. უკეთეს შემთხვევაში, არაცნობიერი ფსიქიკის ჰიპოთეზური ცნება შეიძლება ფსიქოლოგიაში გამოყენებულ იქნეს აზნსნელად (თუკი გაზიარებულია აზრი აზნსნელის როლში ფიქტიურის, არარეალურის დაშვების სასარგებლოდ), მაგრამ გაუმართლებელია პრინციპულად ჰიპოთეზურის ცალკე მეცნიერების საგნად გამოცხადება. ეს იმის საფუძველს იძლევა, რომ დადგეს საკითხი სილრმის ფსიქოლოგიის — არაცნობიერი ფსიქიკის შემსწავლელი მეცნიერების — უარყოფის შესახებ. თუკი ფილოსოფიური წანამძღვრები, ამოსავალი პოსტულატები არ ამართლებენ არაცნობიერი ფსიქიკის დაშვების შესაძლებლობას, სავსებით ბუნებრივია, უარყოფითი პოზიცია იქნეს დაქერილი იმ ფსიქოლოგიის მიმართაც, რომელსაც მიზნად დაუსახავს ფიქტიური არაცნობიერი ფსიქიკის შემეცნება. სილრმის ფსიქოლოგია არარსებულის (არაცნობიერი ფსიქიკის) შესახებ მეცნიერების კვალიფიკაციას იღებს.

მითითებული იყო, რომ კლასიკურ სილრმის ფსიქოლოგიაში ადამიანის პრობლემა არსებითადაა დაკავშირებული არაცნობიერი ფსიქიკის ცნებასთან, რადგანაც არაცნობიერი ფსიქიკა ემსახურება ადამიანის რაობის დადგენის საქმეს. სილრმის ფსიქოლოგიის კლასიკურ თეორიებში ადამიანის ცნებაც, მსგავსად არაცნობიერი ფსიქიკის ცნებისა, ერთი შინაარსით არაა წარმოდგენილი. ფსიქოანალიზში, ანალიზურ ფსიქოლოგიასა და ინდივიდუალფსიქოლოგიაში ადამიანის დაზნსიათება არა მარტო განსხვავდებიან, არამედ გარკვეული მიმართებით უპირისპირდებიან კიდევაც ერთმანეთს.

ადამიანის სპეციფიკის შესახებ სილრმის ფსიქოლოგიურ თეორიებს ასეთი პასუხი აქვთ: ადამიანის თავისებურებას ქმნის გონი, რომელიც ლტოლვის სუბლიმაციაა (ფროიდი), ადამიანის სპეციფიკას სოციალური მხარე აპირობებს, მას ცხოვრების სტილი გააჩ-

ნია (ადლერი), ადამიანი რ ე ფ ლ ე ქ ს უ რ ი ც ნ ო ბ ი ე რ ე ბ ი ს მატარებელია, მისი ონდივიდალ გახდომა ხვედრისადმი მორჩილებაა (იუნგი).

ფსიქოანალიზის მიხედვით, ადამიანის შინაგანი ბუნება ფსიქიკის სამი ფენის — ი გ ი, მ ე, ზ ე-მ ე, რაც იგივე პიროვნული ფენებია — ურთიერთობაზე დაიყვანება. ადამიანის სტრუქტურაში განსაკუთრებული ადგილი უკავია ი გ ი-ს, რომელიც ლტოლვათა სამყაროს უძველესი და უღრმესი ფენაა. ის პიროვნების ბნელი და შეუღწვეველი სფეროა. ფროიდი ფსიქოანალიზის ერთ-ერთ დამსახურებელ იმას მიიჩნევს, რომ მან კაცობრიობას გაუცნობიერა ლტოლვათა მნიშვნელობა, რადგანაც აღნიშნული „სულიერი ფუძე“ ადამიანში მიჩქმალული აღმოჩნდა გონითი სფეროს წარმატებით. აღმოჩნდა, რომ კაცობრიობის თავმოყვარეობის შეღახვას კოსმოლოგიური, ბიოლოგიური და ფსიქოლოგიური მხრიდან რეალური საფუძველი აქვს. ადამიანი არაა არც სამყაროს ცენტრი, არც სიცოცხლის განსაკუთრებული წარმონაქმნი და არც ცნობიერებით განსაზღვრული. ადამიანი „არსების გულს ქმნის ბნელი ი გ ი“. ამ უკანასკნელს უპირისპირდებიან, ერთი მხრით, მ ე და, მეორე მხრით, ზ ე-მ ე, ადამიანი როგორც კონფლიქტური არსება ეფუძნება აღნიშნულ სამ ფენას, რომლებიც სისტემატურად აწარმოებენ ბრძოლას საკუთარი ინტერესების განხორციელებისათვის. ადამიანის კონფლიქტური ბუნება განპირობებულია პიროვნული ფენების ურთიერთსაპირისპირო და კონფლიქტური დამოკიდებულებით. ადამიანის ფსიქოანალიზურმა გაგებამ, როგორც ლტოლვითი არსებისა, წაშალა განსხვავება ცხოველსა და ადამიანს შორის. გონითი სამყარო მთელი თავისი შედეგებით დაყვანილი იქნა ბრმა და სტიქიურ სიცოცხლის ძალაზე. გონითი სინამდვილე ეპიფენომენი გახდა. არაცნობიერი ლტოლვა, მიუხედავად იმისა, რომ საფუძვლად ედება გონითს, მოქიშვე გახდა ცნობიერებისა, მათ შორის ანტაგონიზმმა დაისადგურა. ადამიანი ირაციონალურს დაექვემდებარა. ადამიანი გახდა ისეთი „ბუნებითი არსება“, რომელშიაც ბატონობს ბრმა ძალები — ლტოლვები და ყველაფერი ამ ძალების კაუზალურ-ენერგეტიკულ ურთიერთობაზე დაიყვანება, მისით აიხსნება.

ადამიანის განსხვავებული გაგებაა წარმოდგენილი ადლერის კონცეფციაში. აქ ადამიანი სოციალურია. სოციალურში და სოციალურით ხორციელდება ყველაფერი ადამიანური. ადამიანი შ ო ყ ვ ა ს ი ა. ადამიანის არსებითი მხარე — ცხოვრების სტილი — მისი ონ-

დივიდუალობის საფუძველია. ადამიანი ინდივიდია, ე. ი. მთლიანია, სოციალური არსებაა და ამავე დროს ერთი, განუმეორებელი, სხვებისაგან განსხვავებული ისევ სოციალური შინაარსის წყალობით. იგი სხვებისაგან საკუთარი მიზნისა და მისი განხორციელების გზით განსხვავდება. მთლიანობა და ინდივიდუალობა პიროვნების ის გარკვეულობაა, რომელთაც საფუძვლად ედება იმანენტური ტელეოლოგია.

ა. ადლერი ტელეოლოგიზმის დამცველია. მისთვის სამყარო ტელოსის განხორციელებაა. ადამიანიც, როგორც სიცოცხლის ნაწილი, მიზნის მოქმედების სფეროა. ინდივიდუალფსიქოლოგიაში ხაზი ესმება იმ ვითარებას, რომ ინდივიდი გაუცნობიერებელ მიზანს ემორჩილება. ცხოვრების სტილი პიროვნებაში მე-დან აღმოცენდება არაცნობიერად და როგორც პროექტი არაცნობიერადვე წარმართავს მთელ მის შემდგომ მოღვაწეობას. ადამიანი, როგორც შეგნებითა და ცნობიერებით პრინციპულად ადამიანურის შექმნელი და განმახორციელებელი, ადლერთან ყურადღებით ვერ სარგებლობს. ამიტომაც, რომ ინდივიდუალფსიქოლოგიაში ადამიანის გაგებას უკავშირდება ფატალურობის მომენტი. ადამიანის ცხოვრება და მოღვაწეობა შეუგნებელი მიზნის განხორციელებაა.

მართალია, ა. ადლერმა ადამიანის არსებობაში მართებულად მიუთითა სოციალურის მნიშვნელობაზე, მაგრამ ძნელია გავიზიაროთ მის მიერ წარმოდგენილი ადამიანის მთლიან-სტრუქტურული სურათი, მასში სტრუქტურული მომენტების — ნაკლოვანების გრძნობის, ცხოვრების სტილის, კომპენსაციის და სხვ. — ურთიერთიმართებისა და იერარქიული მნიშვნელობის ბუნება. ასევე მართებულად ვერ ჩაითვლება ადამიანის არსის სოციალურზე დაყვანა, მასთან გაიგივება.

იუნგის ანალიზური ფსიქოლოგიის განსაკუთრებული ზრუნვის საგანია ინდივიდუალური ადამიანში. კოლექტიური ცნობიერება და კოლექტიური არაცნობიერი (არქეტიპი) ადამიანის არსებობის რეალური ფაქტორებია, მაგრამ ისინი მიუთითებენ ადამიანების საერთო განზომილებაზე. ინდივიდუალობა უკავშირდება მთლიანი პიროვნების „თვითონს“, რაც განპირობებულია ინდივიდუალობის პროცესით. სოციალური ადამიანური არსებობის აუცილებელი პირობათაგანია, მაგრამ, მიუხედავად ამისა, ის ნამდვილ ინდივიდუალურს ახშობს. ინდივიდი ცდილობს გარეგან იძულებით მზარეს როგორმე ანგარიში გაუწიოს და მას შეეგუოს. პერსონა ამ შეგუების პროდუ-

ქტია, მოჩვენებითი ინდივიდუალობაა, რომლისგანაც განსხვავდება ნამდვილი ინდივიდუალობა — პიროვნება. პიროვნება არა ცნობიერისადმი შეუგნებელი მორჩილება კი არაა, არამედ ხვედრის მიერ მითითებული მიმართულების შეგნებული განზორციელება.

სიღრმისფსიქოლოგიურ თეორიებში სხვადასხვაგვარადაა წარმოდგენილი სოციალურის მნიშვნელობა და ღირებულება ადამიანთან მიმართებაში. თუკი ინდივიდუალფსიქოლოგიაში სოციალური ადამიანის არსადაა ჩათვლილი, რომელსაც ყოველმხრივ ხელი უნდა შეეწყოს, ვინაიდან ადამიანი ვითარცა მოყვასი მასში ჰპოვებს ქეშ-შარიტ სასუფეველს, ფსიქონალიზი და ანალიზური ფსიქოლოგია სოციალურს სახავენ ნამდვილი ადამიანურის გამოვლინების ხელის-შემშლელ ფაქტორად. ზ ე-მ ე და კოლექტიური ცნობიერება ადამიანური არსებობის აუცილებელ პირობად კი ითვლებიან, მაგრამ ისინი ადამიანში არსებითს — ინდივიდუალურს, უნიკალურს — უბრალოდ კი არ უპირისპირდებიან, არამედ რყვიან კიდევაც მას.

სავსებით კანონიერია სიღრმეზე მსჯელობა ადამიანის განზომილებით. მაგრამ ადამიანის სიღრმის ონტიური დახასიათება განსხვავებულ კვალიფიკაციას იმსახურებს იმის მიხედვით, თუ რა იგულისხმება მასში. სიღრმის ფსიქოლოგიურ თეორიებს ბურჟუაზიულ სამყაროში განსაკუთრებული მოწონებით შეხვდნენ იმ მხრივ, რომ მათ ადამიანი ცნობიერებით არ ამოსწურეს, მასთან არ გააიგივეს. მათ ადამიანის სიღრმის მომენტზე მიუთითეს. ადამიანის სიღრმითი მომენტი სიღრმისფსიქოლოგიურმა თეორიებმა ფსიქიკად (რესპ. არა ცნობიერ ფსიქიკად) გამოაცხადეს (ფროიდი, იუნგი). ადამიანის სიღრმის ფსიქიკად გაგებას უკავშირდება ფსიქოლოგიაში და ირაციონალიზმი ადამიანის სიღრმისფსიქოლოგიური კონცეფციისა. ადამიანის სიღრმეზე მითითება — ეს იგივე მისი არსის, რაობის დახასიათებაა. თუ ადამიანის სიღრმე, მისი რაობა არა ცნობიერი ფსიქიკაა, ადამიანი ფსიქიკური არსებობის მქონე გარკვეულობა ყოფილა და მას, როგორც ასეთს, ირაციონალურობის ნიშანი მიეწერება.

ადამიანის სიღრმის ფსიქოლოგიური კონცეფციები ემპირისტულ თვალსაზრისზე დგანან. საქმე ისაა, რომ აღნიშნული თეორიები ერთმანეთისაგან ვერ თიშავენ ადამიანის არსსა და ადამიანის ემპირიულ მოცემულობას, მის მოვლენას. ადამიანზე დაკვირვებამ სიღრმის ფსიქოლოგიას მდიდარი მასალა მისცა ადამიანის ლტოლვითი ბუნების გამოვლენიდან, ეს კი საფუძველი გახდა ადამიანი ლტოლვით არსებად გამოცხადებულიყო, არა ცნობიერი ლტოლვა ადამიანის სიღრმედ და არსებით მხარედ ჩათვლილიყო.

მნიშვნელოვანი, რაც სიღრმის ფსიქოლოგიაში მოცემულია ადამიანის გაგებასთან დაკავშირებით, ეხება ადამიანის ინდივიდუალობისა და ადამიანთა კონტაქტის საკითხს, მე-სა და შენ-ის ურთიერთობას. სიღრმის ფსიქოლოგიის პრაქტიკულმა ასპექტმა, ე. წ. ქმედობამ ფსიქოლოგიამ წინ წამოსწია და რეალურ გადასაწყვეტ საკითხად დასვა მკურნალისა (სიღრმის ფსიქოლოგისა) და ფსიქიკურად დაავადებულის კონტაქტის თემა, ურთიერთობა ორ პიროვნებას შორის. მე-სა და შენ-ს შორის „კომუნიკაციის“, „შეხვედრის“, „გადატანის“ და ა. შ. ცნებები, როგორც სპეციფიკურ ადამიანურზე მიზთითებლები და მასთან თანაზიარების წყარო, სიღრმისფსიქოლოგიური კვლევა-ძიებიდან იღებენ სათავეს. მართალია, თვითონ კლასიკური სიღრმის ფსიქოლოგიაში მე და შენ-ის პრობლემა განსაკუთრებული რეფლექსიის ობიექტი არ გამზდარა, მაგრამ ის, როგორც მიუთითებენ, სიღრმის ფსიქოლოგიიდანაა წამოღებული და საგანგებო ძიების საგნად გამზდარი ფილოსოფიური ანთროპოლოგიისა და ეგზისტენციალიზმის წარმომადგენლებთან.

სიღრმის ფსიქოლოგიაში ინდივიდუალობის თემა აქტუალური გახდა ადამიანის ონტოლოგიურ პრობლემასთან დაკავშირებით. ანალიზური ფსიქოლოგია და ინდივიდუალფსიქოლოგია ადამიანის, პიროვნების არსებობასა და ღირებულებას მის განუმეორებლობაში. ჰერეტენ. ინდივიდი აქ ეგზემპლარულს კი არ ნიშნავს, მხოლოდ დროში და სივრცეში არსებობით შემოფარგლულს (ზოგადის ცალკეულ ილუსტრაციას) ან თვისებათა ჩაოდენობრივ-ინტენსივობითი ასპექტით განსხვავებულს სხვისაგან, არამედ უნიკალურ-შეუვნაცლებელს, განუმეორებელ-ერთჯერადს. სიღრმის ფსიქოლოგიაში ადამიანის არსებითი ნიშანი მართებულადაა დანახული სხვისგან განსხვავებულობაში, მისეულობაში, მხოლოდ მისთვის დამახასიათებელში. შეიძლება, სადავო გახდეს ადამიანის უნიკალობის ფენომენის ჰაფუძელის გაგება ცალკეული სიღრმისფსიქოლოგიური თეორიის ფარგლებში, რომ ადამიანის მისეულობა ემყარება ხვედრს, ცხოვრების სტილს და ა. შ., ანდა დაუსაბუთებელი და მიუღებელი აღმოჩნდეს ინდივიდუალობის გამაპირობებელი საფუძელის ფსიქიკურობის კვალიფიკაცია, ასევე მისი წვდომის სიღრმის ფსიქოლოგიური მეთოდოლოგია, მაგრამ ეს არ ეხება თვითონ ადამიანის ინდივიდუალობის ფაქტიური ვითარების კონსტატაციას.

სიღრმის ფსიქოლოგიის მიზანდასახულება, არსებითი თქვას ადამიანზე, პიროვნებაზე, სცილდება ფსიქოლოგიური მეცნიერების

ფარგლებს. ადამიანის სპეციფიკის ჩვენება მუდამ იდგა მეცნიერებისა და ფილოსოფიის წინაშე ამოცანად, მაგრამ ის განსაკუთრებით აქტუალური და პრინციპული გახდა მაშინ, როცა ფილოსოფიურმა ანთროპოლოგიამ — ადამიანის რაობის შესახებ ფილოსოფიურმა დისციპლინამ — მთელი სიმშვილით დააყენა ადამიანის არსის საკითხი. ფილოსოფიური ანთროპოლოგია დაუპირისპირდა შეხედულებას, რომ ადამიანის შესახებ გადამწყვეტის თქმა უნდა ყოფილიყო კერძო მეცნიერების კომპეტენცია: ფსიქიკური სინამდვილის შემეცნებით, თითქოს, ადამიანის შემეცნებაც უნდა განხორციელებულიყო, რადგანაც ფსიქიკა მოჩანდა ადამიანის ბუნებასთან შეხების უახლოეს წერტილად. მაგრამ გაირკვა, რომ ცნებები — ფსიქიკა და ადამიანი — არ ფარავენ შინაარსეულად ერთმანეთს. ფსიქიკა მხოლოდ ერთ-ერთი სტრუქტურული მომენტი აღმოჩნდა უარესად რთული და მრავალმხრივი სინამდვილისა, რომელსაც ადამიანი ჰქვია. ფილოსოფიური ანთროპოლოგიის ერთ-ერთ დამსახურებას სწორედ აღნიშნულის გაცნობიერება წარმოადგენს. ადამიანის მთლიანობით ბუნების შემეცნება ცალკეული მხრიდან მიდგომით არ ხორციელდება. უნდა მოხდეს ადამიანის წვდომა იმ მხრივ, რომ ის გაგებული იქნეს სხვაზე დაუყვანად სინამდვილედ.

სიღრმისფსიქოლოგიური თეორიები ადამიანის გაგების საკითხში ფსიქოლოგისტურ და სოციოლოგისტურ თვალსაზრისზე დგანან. ადამიანის მთლიანობის პრობლემის ადგილს საბოლოო ჯამში ფსიქიკის მთლიანობისა და ადამიანის, როგორც სოციალური მთელის, პრობლემა იჭერს, ადამიანი დაყვანილია ფსიქიკა-სტრუქტურაზე (ფსიქოანალიზი, ანალიზური ფსიქოლოგია) და სოციალურზე (ინდივიდუალფსიქოლოგია). ამით, ერთი მხრით, უქმდება თვითონ პრობლემა ადამიანის მთლიანობისა, მეორე მხრით, გამართლება ეძლევა ე. წ. ნაწილ-ანთროპოლოგიის იდეას, ადამიანის რაობაზე პასუხის გაცემა ფაქტიურად ევალება ადამიანის შესახებ ცალკეულ მეცნიერებას: ფსიქოლოგიას (ანალიზური ფსიქოლოგია, ფსიქოანალიზი), სოციოლოგიას (ინდივიდუალფსიქოლოგია). ადამიანის ფსიქოლოგისტური და სოციოლოგისტური გაგებები განაპირობებენ იმას, რომ კლასიკური სიღრმის ფსიქოლოგიები შორს დგანან ადამიანის მთლიანობითი ბუნების გათვალისწინებისაგან. ამ თეორიებს, როგორც ფსიქოლოგიურ თეორიებს არც ევალებოდათ ადამიანის მთლიანობის ფილოსოფიური პრობლემის გადაჭრა. მაგრამ მსჯელობები ადამიანზე, რაც მოცემულია ფროიდთან, იუნგთან, ადლერთან ადამიანის ბუნების ცალმხრივ და არასწორ გაგებაზე მიუთითებ-



ბენ. სადავო და ჩვენთვის მიუღებელია როგორც ადამიანის ცალკეული მხარის — არაცნობიერი ფსიქიკის — სიღრმისფსიქოლოგიური დასაბუთების ცდა, ისე ამ ირაციონალური ვითარებისა და სოციალურის ადამიანის არსად გამოცხადება.

ცდილობენ სიღრმის ფსიქოლოგია დააკავშირონ ეგზისტენციალიზმთან; შეხების მომენტებად ადამიანის ბუნების გაგების ზოგიერთ ასპექტს ასახელებენ, რომ აქაც და იქაც წინა პლანზეა წამოწეული ინდივიდუალურზე ზრუნვა, ადამიანში ხილული და დაფარული მხარეების გათიშვა და უკანასკნელის ძიება-ანალიზი, ადამიანის სპეციფიკის ჩვენება იმ მხრივ, რომ ადამიანის მიერ საკუთარი თავის შემეცნება-გაცნობიერებით იცვლება თვითონ მისი მე, პიროვნება და სხვ. გამოითქვა რადიკალური შეხედულებაც სიღრმის ფსიქოლოგიისა და ეგზისტენციალური ფილოსოფიის ონტოლოგიური პრობლემატიკის იგივეობის შესახებ. მაგალითად, საბჭოთა-შვედური სოლოვიოვის მიხედვით, დიდი განსხვავებაა კლასიკურ ფილოსოფიასა (კერძოდ, ი. კანტის მოძღვრება „ნიეთი თავისთავად“ შესახებ) და ფსიქოანალიზს შორის „ცნობიერების გარეშე არსებობის“ გაგებაში. ფსიქოანალიზს ცნობიერების ცნებაში ესმის მხოლოდ „ნათელი ცნობიერება“ და ყველაფერი ის, რაც კი ბუნდოვანი, ანგარიშმიუცემელი, გაუცნობიერებელია, თავსდება ცნობიერების მიღმა. ფსიქოანალიზის ეს დაუდევრობა და ორაზროვნება ფილოსოფიურ პრინციპად იქცევა ფენომენოლოგიაში: „გაუცნობიერებლად ყოფნა“, „ცნობიერების გარეშე და მისგან დამოუკიდებლად არსებობა“ — ფენომენოლოგიური მოძღვრების ფორმულაა. ცნებათა აღრევის ამ უპრეცედენტო საფუძველზე შექმნე ვითარდება ეგზისტენციალური ონტოლოგია, რომლის წარმომადგენლები „ყოფიერებას“ უწოდებენ არსებითად იმას, რასაც ფროიდი აღნიშნავდა უბრალოდ „არაცნობიერი წარმოდგენით“.

ამიტომ ეგზისტენციალისტური მთხოვნა „ყოფიერებისადმი ღიად ყოფნის“, შეიძლება განიხილოს როგორც ფილოსოფიური აბსოლუტიზაცია სიღრმის ფსიქოლოგიის ძირითადი პრინციპისა — ყურადღებით ვიყოთ არაცნობიერი ცხოვრების გამოვლენებისადმი, იმ მდგომარეობათაღმდეგ, სადაც აღრინდელი ბუნდოვანი და ანგარიშმიუცემელი შემოდის ნათელი ცნობიერების სივრცეში და ღებულობს საგნობრივად-არსებულის ფორმას<sup>9</sup>.

<sup>9</sup> Э. Ю. Соловьев, Экзистенциализм и научное познание, М., 1966, с. 122.

ვ. სოლოვიოვის ზემოაღნიშნული მოსახრებები რეალურ ვითარებას სწორად არ ასახავენ. ავტორს ჰგონია, რომ ცნობიერების ფსიქონაალიზური შინაარსი მოიცავს ცნობიერების მხოლოდ მაღალ საფეხურს, „ნათელ ცნობიერებას“. ფსიქონაალიზური თეორიის ანალიზის დროს ჩვენ შევეცადეთ გვეჩვენებინა, რომ ცნობიერების ცნებაში თავსდება ცნობიერების მინიმუმის მქონე ფსიქიკაც — ე. წ. ბუნდოვანი, ანგარიშმიუცემელი და გაუცნობიერებელი (ცნობიერების ნათელ ველში შეულწეველი) ცნობიერების დაბალი საფეხურია. მაშასადამე, ბუნდოვანი, ანგარიშმიუცემელი და გაუცნობიერებელი ფსიქიკური შინაარსები ფსიქონაალიზში არაა არაცნობიერი ფსიქიკა. არაცნობიერი ფსიქიკა ფსიქონაალიზურ თეორიაში წარმოადგენს პროცესს, რომელსაც ცნობიერი ფსიქიკური შინაარსის არსებობის ფორმა არ აქვს.

მართლაც რომ უპრეცედენტო დაუდევრობად, და არა მხოლოდ დაუდევრობად, შეიძლება ჩაითვალოს სოლოვიოვის მიერ ფენომენოლოგიის პრინციპად და ფორმულად „გაუცნობიერებლად ყოფნის“ გამოცხადება, ასევე ეგზისტენციალიზმის ფუნდამენტალური კატეგორიის — ყოფიერების არაცნობიერ ფსიქიკასთან გაიგივება.

„ცნობიერების გარეშე და მისგან დამოუკიდებლად არსებობას“ ფენომენოლოგია საერთოდ არ ეხება. ედ. ჰუსერლის ფენომენოლოგიას საქმე არ აქვს არსებულთან, რეალურთან. მისი თემაა წმინდა ცნობიერება (წმინდა ფენომენი), რომლის მისაღებად აუცილებელია განხორციელდეს ტრანსცენდენტალურ-ფენომენოლოგიური რედუქცია: ემპირიული ცნობიერების შინაარსის დაყვანა ფენომენზე. ფენომენოლოგიური აქტი რედუქციისა არსიდან (Wesen) არსებობის ასპექტის ჩამოშორებაა, არსის მოპოვების, ხილვის მეთოდია. ტრანსცენდენტალობა რედუქციისა ნიშნავს ყოველივე არსებულისათვის არსის კანონზომიერების მნიშვნელობაზე მითითებას<sup>10</sup>.

ეგზისტენციალიზმის ცნება ყოფიერებისა სრულიადაც არაა არა-

<sup>10</sup> ედ. ჰუსერლის ფენომენოლოგიის შესახებ დაწერილებით იხ. ა. ბოკოროშვილი, ფსიქოლოგიის პრობლემა ტრანსცენდენტალურ ფენომენოლოგიაში, „ფსიქოლოგიის პრინციპული საკითხები“, ნაწ. II, თბ., 1959, თავი I—XV, მისივე აღმაშინის პრობლემა ედ. ჰუსერლის ფენომენოლოგიაში, — „ფილოსოფიური ანთროპოლოგიის საკითხები“, ნაწ. II, თბ., 1971, აგრეთვე, З. М. Какабадзе, Проблема «экзистенциального кризиса», и трансцендентальная феноменология Э. Гуссерля, Тб., 1966.

ცნობიერი ფსიქიკა („არაცნობიერი წარმოდგენა“); არ ხდება მათი გაიგივების არც შეგნებული დაცვა და ის არ გამომდინარეობს არც ზოგადი კონცეფციიდან. მართალია, ეგზისტენციალისტებთან (პიანდუგერი, იასპერსი, სარტრი) ყოფიერება განსხვავებული შინაარსის შემცველია, მაგრამ აქ საერთოდ გამორიცხულია არაცნობიერი ფსიქიკის სახით მისი გააზრება.

ჟ. პ. სარტრი მოითხოვს არაცნობიერი ფსიქიკის უარყოფას, ის ფსიქიკას მხოლოდ ცნობიერ არსებობას მიაწერს. წინააღმდეგ ფროიდის ფსიქოანალიზისა, სარტრის ეგზისტენციალური ფსიქოანალიზის ობიექტი ცნობიერების ფარგლებშია მოქცეული; ეგზისტენციალური ფსიქოანალიზის მეთოდი პიროვნების ცნობიერი არჩევის ძიების ობიექტურ მეთოდად ცხადდება. სარტრისთვის ადამიანის არსებობა — ეგზისტენცი იგივე „ყოფიერება-თავისთვის“, ანუ ცნობიერებაა. ადამიანური ყოფიერება მიზნის ცნობიერად არჩევისა (პირველადი პროექტი) და მისი რეალიზაციის პროცესია.

კ. იასპერსისათვის პრინციპულად მიუღებელია ფსიქოანალიზი ინიტომ, რომ აქ ამოსავლადაა აღებული ფსიქიკის არაცნობიერად არსებობა. იასპერსი ფსიქიკის აუცილებელ თვისებად ასახელებს ცნობიერებას (განცდის შინაგნობას)<sup>11</sup>. ამიტომ ე. წ. „ცნობიერების გარეშე“, ის, რაც არსებობს ცნობიერებისაგან დამოუკიდებლად, შეუძლებელია ფსიქიკა იყოს. იასპერსთან „ყოფიერება თავისთავად“ საზღვრითი ცნებაა, რომელიც უნება ყველა საგნობრივ მატარებელსა და მომცველს. ყოფიერება თავისთავად ესაა საბუარო და ტრანსცენდენტი (ღვთაება), რისგანაც განსხვავდება ადამიანური ყოფიერება, ანუ ეგზისტენცი.

იასპერსის გაგებით, ეგზისტენცი ადამიანის არსების საწყისია, იგი ემპირიული, საგნობრივი შემეცნების (ეს კი მეცნიერების, ფსიქოლოგიის საქმეა) ფარგლებს გარეთ ძევს და „მისაწვდომია“ მხოლოდ ფილოსოფიური თვითგანათებისათვის. ამიტომ შეუძლებელია ეგზისტენცი ფსიქიკურ რეალობად წარმოვიდგინოთ. „საზღვარი მეცნიერულ ცოდნასა და ფილოსოფიურ განათებას შორის იქ ძევს, სადაც საგანი უკვე აღარაა მოაზრებული ფსიქოლოგიური რეალობის სახით, არამედ არასაგნობრივადაა ქცეული ტრანსცენდირების პროცესის მედიუმში“<sup>12</sup>. „ჩვენი შემეცნების ძირითადი შეცდომაა ფილოსოფიური აზრების დამახინჯება რაიმეს შესახებ მოჩვენებითად

<sup>11</sup> K. Jaspers, Allgemeine Psychopathologie, 1959, გვ. 9, 254.

<sup>12</sup> იასპერსი, დასახ. ნაშრომი, გვ. 641.

საგნობრივი ცოდნით, ერთ-ერთი ასეთთაგანია ეგზისტენციალურ განათების ფსიქოლოგიური ცოდნით დამაზიანება, თავისუფლების ემპირიული მუხყოფის ფაქტორით დამაზიანება, ესაა მკლარი თემპტიზირება ადამიანის ყოფიერების მთლიანად<sup>13</sup>. ავტორის მიხედვით, აღრევა და აქედან გამომდინარე დამაზიანებაა, როცა ასეთი განათება ჩათვლილია ზოგადსავალდებულო ფსიქოლოგიად, როცა ეგზისტენციის განათების ფილოსოფიური ცნების ქვეშ თავსდება მოქმედებები, ქცევები, სტიმულები და მას იღებენ როგორც ბუნებას ფაქტს<sup>14</sup>.

მ. ჰაიდეგერის ფუნდამენტალურ-ონტოლოგიური თვალსაზრისი ეხება ყოველგვარი არსებულის, ყოფიერის (Seiende) და ყოფიერთა მთლიანობის საფუძველს, რომელიც თვითონ არაა არსებული. არსებულის არარსებული საფუძველი ყოფიერებაა (Sein). ეგზისტენცი ადამიანის (Dasein) ყოფიერებაა. ჰაიდეგერის პრინციპული პოზიცია მოითხოვს ყოფიერისა და ყოფიერების გათიშვას. ფსიქიკა (resp. არაცნობიერი ფსიქიკა) ერთ-ერთი ყოფიერია სხვათა გვერდით, ამიტომ იგი არ შეიძლება გაიგივდეს ყოფიერებასთან. ავტორის მიხედვით „ადამიანის სუბსტანციაა ეგზისტენცია“, რომელიც არ წარმოადგენს სულისა და სხეულის სინთეზს, გონს<sup>15</sup>. ამიტომ მოითხოვს ავტორი ეგზისტენციალური ანალიტიკის შემოსაზღვრას ფსიქოლოგიისაგან, ბიოლოგიისაგან და ა. შ.<sup>16</sup>.

§ 2. სიღრმის ფსიქოლოგიის ფილოსოფიური საფუძველები. როცა საკითხი ისმის ფსიქოლოგიური თეორიის ფილოსოფიური საფუძველების შესახებ, უნდა ცხადიყოს ონტოლოგიური და გნოსეოლოგიური წანამძღვრები, რომლებიც არსებითად განსაზღვრვენ თეორიის რაობას, მის მეცნიერულ სახეს. ჩვეულებრივ ხდება ზოლმე, განსაკუთრებით ეს ითქმის ბურჟუაზიულ მეცნიერებაზე, რომ ფსიქოლოგიური თეორიის აგებას წინ არ უძღვის თეორიული მუშაობის ასპექტი, უფრო მეტიც, ფილოსოფიური წანამძღვრების გაცნობიერებას ზოგჯერ შეგნებულად ზურგსაც აქცევენ, თითქოს ამას მოითხოვდეს თვითონ კერძო მეცნიერების ინტერესები, სიღრმის ფსიქოლოგიის ერთ-ერთმა აპოლოგეტმა გადაჭრით მოითხოვა: „ფილოსოფია საშიშია მეცნიერებისათვის, ჩვენი

<sup>13</sup> იქვე, გვ. 644.

<sup>14</sup> იქვე, გვ. 256—257, შეად. გვ. 302.

<sup>15</sup> M. Heidegger, Sein und Zeit, Tübingen, 1957, გვ. 117.

<sup>16</sup> იქვე, გვ. 45, 50.

უახლოესი ამოცანაა, ვაშენოთ ფსიქოანალიტიკა ფილოსოფიური სისტემებისა და დამოუკიდებლად<sup>17</sup>. ბურჟუაზიული, მეცნიერების ამგვარ პოზიციასზე ჭერ კიდევ ადრე მართებულად შენიშნავდა ფრ. ენგელსი: „ბუნების მეცნიერებს ჰგონიათ, რომ ფილოსოფიისაგან თავისუფლდებიან, რაკილა მას უგულვებელყოფენ ან აგინებენ. მაგრამ ვინაიდან ისინი აზროვნების გარეშე ერთ ნაბიჯსაც ვერ გადადგამენ წინ, ხოლო აზროვნებისათვის ლოგიკური კატეგორიები არის საჭირო და ამ კატეგორიებს კი წინდაუხედავად, უკრიტიკოდ იღებენ... ამიტომ ისინი საბოლოო ანგარიშით ფილოსოფიის არა ნაკლებ მონობაში იმყოფებიან, მაგრამ სამწუხაროდ და უმეტესად ყველაზე ცუდი ფილოსოფიის მონობაში, და სწორედ ისინი, ვინც ყველაზე უფრო მეტად აგინებს ფილოსოფიას, სწორედ ყველაზე ცუდი ვულგარიზებული ნარჩენების მონებს წარმოადგენენ“, „თეორიის შეუფასებლობა... წარმოადგენს ნატურალისტურად და, მაშასადამე, ყალბად აზროვნების უდავო გზას“<sup>18</sup>.

სიღრმის ფსიქოლოგიამ თავიდანვე განიზრახა ბუნებისმეტყველური მეთოდოლოგიის მომარჯვებით „ახალი ფსიქოლოგიის“ იდეა, რაც ნიშნავდა ე. წ. ფსიქიკის ახალი განზომილებებს, არაცნობიერი ფსიქიკის კვლევა-ძიებას, უფლებამოსილად და კანონიერად გამოცხადებინა. „ახალი ფსიქოლოგიის“ იდეის დაცვა პოზიტივისტურ-თვალსაზრისზე დგომით ხდებოდა: წმინდა ფაქტობრიობა მეცნიერების ამოსავალიცა და საბოლოო მიზანიც უნდა ყოფილიყო. ანალიზურმა ფსიქოლოგიამ ძირითად მიზნად ფაქტების კვლევა დასახა, ფაქტის აღმოჩენას უპირატესობა მიანიჭა თეორიასთან შედარებით. ფსიქოანალიზმა მხოლოდ ემპირიული მასალით, წმინდა გამოცდილებით მოინდომა ფსიქოლოგიური თეორიის აგება. მაგრამ სიღრმის ფსიქოლოგიის ემპირისტულმა თვალსაზრისმა იმთავითვე მარცხი განიცადა. „ახალი ფსიქოლოგიის“, ანუ „არაცნობიერის ფსიქოლოგიის“ ცნება ეფუძნებოდა წინააღმდეგობრივ ამოსავალ დებულებას — არაცნობიერი ფსიქიკის ფაქტობრიობის შესახებ. სიღრმის ფსიქოლოგიურმა თეორიებმა წმინდა, უშუალო გამოცდილების ადგილზე არაცნობიერი ფსიქიკის სახით დასვეს, ისეთი რამ, რაც პრინციპულად შეუთავსებელია და უკუაგდებს წმინდა გამოცდილების ცნებას. ანალიზური ფსიქოლოგია, ფსიქოანალიზი და ინდივიდუალ-

<sup>17</sup> S. Ferenczi, Philosophie und Psychoanalyse, ob. Populäre Vorträge über Psychoanalyse, Zürich, 1922, გვ. 127.

<sup>18</sup> ფ. ენგელსი, ბუნების დიალექტიკა, თბ., 1950, გვ. 214, 49.

ფსიქოლოგია ფსიქოლოგიური თეორიებია, რომლებმაც ნებსით თუ უნებლიეთ აჩვენეს საკუთარი შინაგანი ბუნება იმით, რომ თეორიულ წინამძღვრებს მათში გადაწყვეტი მნიშვნელობა მიენიჭათ, განოყენებულმა ონტოლოგიურმა და გნოსეოლოგიურმა თვალსაზრისებმა თეორიების სავსებით კონკრეტული სურათი დაგვიხატეს.

სილრმის ფსიქოლოგიაც ისევე, როგორც ყოველი ფსიქოლოგია, თეორიულ წინამძღვრებს გულისხმობს. დავინახეთ, რომ არაცნობიერი ფსიქიკის ცნება არ წარმოადგენს ემპირიული შინაარსის მქონე ცნებას, იგი თეორიული ცნებაა, რომელიც ეფუძნება ფსიქოფიზიკური პრობლემის გადაჭრის დუალისტურ ცდას. სილრმის ფსიქოლოგიას აქვს გნოსეოლოგიური თვალსაზრისი, რომელიც აპრიორიზმსა და ფიქციონალიზმს ემყარება. საკითხი სილრმის ფსიქოლოგიის მიკუთვნების შესახებ ბუნებისმეტყველური თუ გონისმეცნიერული ტიპის თეორიისადმი ისევე მეცნიერების სტრუქტურის საგნობრივსა და მეთოდოლოგიურ ასპექტებს ითვალისწინებს, რომლებიც მეცნიერების რაობის ფილოსოფიურ საკითხებს უკავშირდება. ისტორიულადაც ისე მოხდა, რომ კლასიკური სილრმის ფსიქოლოგიის ავტორებმა ბოლოს და ბოლოს გააცნობიერეს მეცნიერების აუცილებელი კავშირის საჭიროება ფილოსოფიასთან, ამჟამად იწყებს მეცნიერების თეორიული საკითხების ფილოსოფიური კუთხით გააზრება.

ბურჟუაზიული ფსიქოლოგიის ერთ-ერთი ძირითადი ნაკლი ისაა, რომ ფსიქოლოგიური თეორიები ეკლექტიზმის ტყვეობაში იმყოფებიან. აქედან გამონაკლისს არც კლასიკური სილრმის ფსიქოლოგია წარმოადგენს. ამ ფსიქოლოგიის ფილოსოფიური ძირები იდეალისტური ფილოსოფიის სხვადასხვა მიმართულებას უკავშირდება. კლასიკურ სილრმის ფსიქოლოგიაზე შეიმჩნევა სიცოცხლის ფილოსოფიის გავლენა. თვითონ ფროიდი, იუნგი და ადლერი საკუთარ მსოფმხედველობაზე შოპენჰაუერის, ნიცშესა და ბერგსონის იდეების ნაყოფიერ გავლენას ადასტურებენ. ბრძოლა ინტელექტუალიზმისა და რაციონალიზმის წინააღმდეგ ირაციონალიზმის სახელით წარმოადგენს სიცოცხლის ფილოსოფიის იდეის დაცვას. ისიც ცნობილია, რომ სიცოცხლის ფილოსოფიის ირაციონალისტური ტენდენციბ მჭიდრო კავშირშია არაცნობიერის ცნებასთან, რომელმაც გასაგები უნდა გახადოს ფსიქიკური ცხოვრების შინაგანი მოძრაობა და განვითარება, ადამიანური არსებობა. სილრმის ფსიქოლოგიაში, როგორც ნაჩვენებია იყო, სწორედ ეს ასპექტია განსაკუთრებული ყურადღების

იზიექტი. არაცნობიერის შემოქმედებითობა, ადამიანში სიღრმისეული ძალების აქტიუობისადმი ღირებულების მიწერა ნიშნავს ადამიანისათვის გარეგანი ობიექტური აგენტის მნიშვნელობის უარყოფას, გაუფასურებას. ადამიანის, როგორც იმანენტური რაობის, დაპირისპირება ობიექტურთან, რომლითაც არ მიიღწევა მისი ცხადყოფა, სიცოცხლის ფილოსოფიის თეორიული განწყობის პოზიციებზე დგომა: ადამიანი-სიცოცხლე ობიექტურ-არაადამიანით, „გარედან ხედვით“ ვერ გაიგება. პირიქით, ადამიანი იმანენტობა „შიგნით ხედვით“ მიიწვდომება, იმანენტურითვე უნდა მოხდეს სამყაროსეული არსებობის გააზრება, კულტურის გენეზისი და გაგება ინტიმურ ძალებს უკავშირდება. სიღრმის ფსიქოლოგიის ფარგლებში კაუზალობის ცნების გამოყენებისა და მისი მნიშვნელობის თანდათანობითი შეზღუდვა გაგების ცნების სასარგებლოდ სიცოცხლის ფილოსოფიის მეთოდოლოგიური პოზიციის აღიარებაა.

ქ. გ. იუნგმა ლიბიდო საბოლოოდ სიცოცხლის ენერჯიად წარმოსახა. სული სიცოცხლეა. ფსიქიკის ბუნებრივი გეშტალტი სიცოცხლის კერძო მოვლენაა. იუნგი არაცნობიერს უკავშირებს ბერგსონის «*élan vital*» და «*durée créatrice*» ცნებებს. ე. წ. „შემოქმედი არაცნობიერი“ შოპენჰაუერის „ნებისყოფის“ პარალელად ცხადდება.<sup>19</sup>

აღლერი სულს ახასიათებს სიცოცხლის ნაწილად, რომელიც თავის თავში ატარებს სიცოცხლის ყველა დინამიკურ სტრუქტურას, ტელოსს. სიცოცხლის იმანენტური ნიშანია. სულიც, ფსიქიკაც მიზნის რეალიზაციის ასპარეზია. სიცოცხლე თვითგანვითარებაა, ადამიანიც ცხოვრების სტილით მიზანსწრაფული არსებაა, რომელიც თვითგანვითარების შინაგანი ტენდენციის მე-ობრივი გამოვლენაა. სიცოცხლის ძალა და სულიერი ცხოვრების შემოქმედი ძალა იდენტურნი არიან. ფროიდის მიხედვით, ადამიანის „სულიერი ფუძე“ ლტოლვაა, რომელიც განაპირობებს სულიერი და გონითი სამყაროს მოძრაობას და შემოქმედებით მისწრაფებას; არაცნობიერი ლტოლვა ადამი-

<sup>19</sup> «Man kann das Unbewußte auch als eine Äußerung des Lebenstriebes überhaupt auffassen und die lebensschaffende und — erhaltende Kraft in Beziehung zu Bergsons Begriff des «*élan vital*» oder sogar zu dem der «*durée créatrice*» setzen. Eine andere Parallele wäre der Schopenhauer sche «*Wille*». Jung, Wirklichkeit der Seele, გვ. 43.

ანური ნაქმობის წყაროა, იგი ფროიდისათვის შოპენჰაუერის „არა-ცნობიერი ნებისყოფის“ ეკვივალენტურია<sup>20</sup>.

სიცოცხლის ფილოსოფიის განწყობამ — შიგნით მიმართულმა ხედვამ — ადამიანური არსებობის სპეციფიკა დაადასტურა, იმ დივიდუალობა გახადა დასაწახი. ადამიანი იმიტომაცა ღირებული, რომ ის თავისი შინაარსით განუმეორებელი მთლიანობაა, ერთნაირობისა და შენაცვლებადობის საწინააღმდეგოა. მისი უნიკალობის ხილვის გზა არც დაიყვანება და არც გამოიყვანება უბრალო მექანიკურიმიზეზ-შედევობრივი მიმართულებებიდან. ადამიან-ინდივიდთან თანაზიარება საზრისის ხედვის მიმართულებაცაა, გაგების ვითარებაა, რომელიც გარკვეული ასპექტით ინტუიციას უკავშირდება.

სიღრმის ფსიქოლოგიურ თეორიებში, როგორც ნახევნები იყო ცალკეული თეორიის ანალიზის დროს, განსაკუთრებული ყურადღება ექცევა ინდივიდუალურის ცნებას. ადამიანში ინდივიდუალურის არა უბრალო კონსტატაცია ხდება, არამედ ინდივიდუალობა ადამიანური არსებობის ფორმად ცხადდება, ღირებულება მას ენიჭება. ინდივიდუალფსიქოლოგიამ შემეცნების ობიექტად ინდივიდუალური ადამიანი გაიხადა, ეს თეორია მიუთითებს ინდივიდუალურის წვდომის თავისებურებაზეც: იდენტიფიკაცია და ინტუიცია მოწოდებულია ინდივიდუალურის ხილვისათვის. ანალიზურ ფსიქოლოგიაში უმაღლეს ღირებულებად ადამიანის განუმეორებლობაცაა ჩათვლილი. ობიექტურ-ფსიქიკური (არქექტივი) არ უპირისპირდება და არ გამოირჩევა ინდივიდუალურ-პიროვნულს, რომელიც „ხვედრის“ შინაგანი იმპულსით ადამიანის პიროვნებად ქცევის უმაღლესი აქტია. ფსიქოანალიზის მთელი ცდა სულის ინდივიდუალური დინამიკის ცხადყოფისაკენ არის მიმართული. ქცევის საზრისის წვდომაცაა უმაღლესი გაგების გზით მიიღწევა.

მითითებული იყო, რომ სიღრმის ფსიქოლოგიის ონტოლოგიური თვალსაზრისი დუალიზმია, არაცნობიერი ფსიქიკის დაფუძნების ცდიდან აუცილებლობით გამომდინარეობს ფსიქოფიზიკური პა-

<sup>20</sup> ფროიდი წერს: „შეიძლება მივუთითოთ ცნობილ ფილოსოფოსებზე, როგორც წინამორბედებზე, უპირველეს ყოვლისა დიდ მოაზროვნე შოპენჰაუერზე, რომლის არაცნობიერი ნებისყოფა შეიძლება ვაივიდეს ფსიქოანალიზის სულიერ ლტოლვებთან. სიტყვამ მოატანა და, ეს ის მოაზროვნეა, რომელმაც ადამიანებს მოაგონა ჯერ კიდევ არასათანადოდ შეფასებული მათი სექსუალური მისწრაფებათა მნიშვნელობა.“

„ნიტშეს წარმოდგენები და შეხედულებები ზშირად განსაკვიფრებლად ემთხვევიან ფსიქოანალიზის ძნელად მოაზრებულ შედეგებს“, Selbstdarstellung, XIV, გვ. 86.



რალელიზმის იდეის მიღება. სიღრმის ფსიქოლოგიამ არაცნობიერ ფსიქიკის გამართლებებისათვის სინამდვილის (resp. ფსიქიკური სინამდვილის) უწყვეტობის არგუმენტი მოიშველია. თავის დროზე ლაიბნიცი ცდილობდა უწყვეტობის პრინციპის (lex continui) გამოყენებით ფსიქიკის არაცნობიერად არსებობის აზრის დაცვას. მონადოლოგიის მიხედვით, ცნობიერი „მცირე აღქმა“, ანუ არაცნობიერ ფსიქიკა ფსიქიკას მოჩვენებითი წყვეტილობის შემავსებელია, ის ფსიქიკის მთლიანი და უწყვეტი თანამიმდევრობის განმაპირობებელია. ფსიქიკას უწყვეტობა მონადოლოგიაში გააზრებულია სუბსტანციური არსებობიდან გამომდინარე. მონადა სულიერი სუბსტანციაა, რომელიც ვერ იქნება წყვეტილი არსებობის მქონე.

სიღრმის ფსიქოლოგიაში ფსიქიკის უწყვეტობის პრინციპის გამოყენება არაცნობიერი ფსიქიკის დასაბუთებისათვის ფსიქოფიზიკური პარალელიზმის მოთხოვნას ეფუძნება. ზოლოდ ამ შემთხვევაში იქმნება საკმაო საფუძველი ფსიქიკის დაბნეული და თვითმპირი რეალობის სახით წარმოდგენისათვის, სადაც ფსიქიკის მიმდინარეობაში ყოველი მომენტი შეიძლება გააზრებული იყოს ისევე ფსიქიკური პროცესიდან მიღებულად, ფსიქიკურმა ხომ საკუთარი უწყვეტობა უნდა უზრუნველყოს იმანენტური საშუალებებით! აღნიშნულმა ვითარებამ განაპირობა სიღრმის ფსიქოლოგიის შეფასება როგორც „ფსიქოლოგია სულით“ იდეის დამცველისა, რისგანაც გამომდინარეობს ამ ფსიქოლოგიის მეთოდოლოგიური კრედო. ფსიქოლოგიამ ფსიქიკის შემეცნებითი საქმიანობა უნდა მოათავსოს სულის ფარგლებში, ფსიქიკა ახსნას ფსიქიკით. სიღრმის ფსიქოლოგიის ტენდენცია და პოზიცია, ცნობიერი ფსიქიკის ახსნის საკითხში მიმართოს არაცნობიერ ფსიქიკას და უარი თქვას ფიზიოლოგიური სინამდვილის გამოყენებაზე, ემყარება ფსიქიკის სუბსტანციალურ გაგებას<sup>21</sup>.

<sup>21</sup> სიღრმის ფსიქოლოგიის ონტოლოგიური საფუძველი დუალიზმია, მაგრამ ცალკეულ შემთხვევებში შეიქმნევა არათანმიმდევრობა და გადახრა ამ თვალსაზრისიდან, კომპრომისული ტენდენცია საპირისპირო თვალსაზრისის მიმართ. ამიტომაც, რომ არაცნობიერ ფსიქიკის გარკვეულობას მიეწერება ხოლმე ისეთი ფუნქცია ან ნასიათდება ისე, რომ ის არ გამომდინარეობს პარალელისტური თვალსაზრისიდან. ფსიქოანალიზში ასეთია ფსიქიკური ენერჯის წყაროდ სხეულებრივი ორგანოს ჩათვლა (ე. წ. ეროგენული ზონა), არაცნობიერი ფსიქიკის გამოცხადება შუამავლად სხეულსა და ცნობიერ ფსიქიკას შორის (იხ. S. Freud, Briefe, 1873—1939, გვ. 317), წერილი გ. გროდესისადმი: («Gewiß ist das Ubw die richtige Vermittlung zwischen dem Körperlichen und dem Seelischen, velleicht das langentbehrte umissing links»). ანალიზურ ფსიქოლოგიაში გამოყენებას ნახულობს ფსიქიკური და ფიზიკუ-

სიღრმის ფსიქოლოგიის მეთოდოლოგიური პოზიცია არსებითად ონტოლოგიური დუალიზმის თვალსაზრისზე დგომის გამოვლენაა. მეთოდოლოგიური დუალიზმი ონტოლოგიური დუალიზმის ლოგიკური შედეგია.

აღინიშნა, რომ კლასიკური სიღრმის ფსიქოლოგიური თეორიები სუბიექტივიზმისა და აპრიორიზმის გნოსეოლოგიურ თვალსაზრისზე დგანან. ერთი მხრით, შემეცნების ორგანოდ ფსიქიკა ცხადდება, მეორე მხრით, შემეცნების ორგანოს წარმეული აქვს სინამდვილის ადეკვატურად ასახვის უნარი, აღიარებულია გნოსეოლოგიური სკეპტიციზმი და აგნოსტიციზმი.

სიღრმის ფსიქოლოგიის ამოსავალი შემეცნების თეორიული პოზიცია აგნოსტიციზმია. ის, რაც ცნობიერებისაგან დამოუკიდებლად და რეალურად არსებობს, მის შესახებ ჩვენ არ შეგვიძლია გვექონდეს ჰემმარიტი ცოდნა: „რეალური მუდამ შეუმეცნებელი რჩება“ (ფროიდი)<sup>22</sup>, „ჩვენს გარეთ არსებულ ნივთთა არსამდე საერთოდ არ შეგვიძლია შევალწიოთ“ (იუნგი)<sup>23</sup>, „რაც ჩვენ უნდა განვახორციელოთ, ესაა აპრიორი წვდომა“ (ადლერი)<sup>24</sup>. აღნიშნული ვითარება განაპირობებს იმას, რომ სიღრმის ფსიქოლოგიაში მეთოდოლოგიური თვალსაზრისი გადამწყვეტ როლს თამაშობს საგნობრივთან შედარებით, აპრიორი მეთოდოლოგიური პოზიციის ჩაარჩობებში ხდება ფსიქიკური რეალობის მოთავსება, მისი გადამუშავება. ფსიქოანალიზმა და ანალიზურმა ფსიქოლოგიამ ფსიქიკური ენერჯის ცნება წარმოადგინა, როგორც ფსიქიკური სინამდვილის მიმართ ენერგეტიკული თვალსაზრისის მომარჯვების შედეგი. ფსიქიკური ენერჯია ე. წ. „განხილვის წესის“ პროდუქტია და არა რეალობა. არაცნობიერის ფსიქიკურ რომელობად კვალიფიკაცია, გარკვეული აზრით, ზოგადმეთოდოლოგიური თვალსაზრისიდან გამომდინარეა. „მუდამ მხედველობაში უნდა გვექონდეს, რომ მიუხედავად ჩვენს თვალსაზ-

---

რი ენერჯიების ურთიერთში გადასვლის თვალსაზრისით (ფსიქო-ფიზიკური ურთიერთგავლენის თეორია). ასევე აქ ზოგ შემთხვევაში უარყოფილ არაა არაცნობიერ ფსიქიკის ფიზიოლოგიურთან კავშირი, ტვინის სტრუქტურის ფუნქციად მისი გამოცხადება და სხვ.

<sup>22</sup> «Das Reale wird immer unerkennbar bleiben». Abriß der Psychoanalyse, გვ. 127, შეად. გვ. 80.

<sup>23</sup> «...wir zum Wesen der Dinge außer uns überhaupt nicht vordringen können». Wirklichkeit des Seele, გვ. 24.

<sup>24</sup> «Es ist eine Auffassung a priori, die wir machen müssen». Persönlichkeit als geschlossene Einheit, Int. Z. F. Indps. 1932, H. 2, გვ. 82.

რისზე ფაქტების დამთხვევისა, ახსნის პრინციპები სწორედ რომ განხილვის წესებია, ე. ი. ფსიქოლოგიური განწყობის ფენომენებია, საერთოდ აზროვნების აბრიორისტული პირობებია<sup>25</sup>. „ისევე, როგორც ყოველი მეცნიერება, ინდივიდუალფსიქოლოგიაც ჩართულია მეტაფიზიკაში... აქ ლაპარაკია ჩვენი შემეცნების სფეროზე, რომელიც წინდაწინ უნდა დაეუშვათ, ვინაიდან სხვაგვარად არ შეგვიძლია ვიმუშაოთ, ვინაიდან შთაბეჭდილებებს ვაწესრიგებთ და მას აღვნიშნავთ როგორც სულიერს... რაც ჩვენ უნდა განვხორციელოთ, ესაა აბრიორი წვდომა, რომელიც გვემსახურება პროცესების მოწესრიგებასა და მათი საერთო შუქის ქვეშ მოთავსებაში“<sup>26</sup>. ინდივიდუალფსიქოლოგიამ ტელეოლოგიზმის პრინციპი საბოლოოდ ფიქციონალიზმის პოზიციასზე დაამყარა.

სილრმის ფსიქოლოგიური თეორიები უკიდურესად ფსიქოლოგისტურია. მათ ფსიქიკაზე დაიყვანეს, მასთან გააიგივეს შემეცნების საბოლოო ობიექტი — აღამიანი, ფსიქიკით მოინდომეს მთელი გონითი სამყაროს ახსნა-გაგება, ფსიქიკად გამოაცხადეს გნოსეოლოგიური აქტი. მართალია, სილრმის ფსიქოლოგიაში მოხდა გათიშვა ფსიქიკისა ცნობიერებისაგან, მაგრამ ამ გათიშვის მიზანი ვიწრო ჩარჩოებით შემოიფარგლა; ეს გაკეთდა იმისთვის, რომ არაცნობიერი ფსიქიკის — ცნობიერებისაგან დამოუკიდებლად არსებული ფსიქიკის — თეზისი დასაბუთებულყო. როცა საკითხი დადგა შემეცნების თეორიული კუთხით, უნდა გარკვეულიყო შემეცნების ორგანოს რაობა, მაშინ სილრმის ფსიქოლოგიამ გნოსეოლოგიურ აქტად ისევ ფსიქიკა გამოაცხადა. ეს თვალსაზრისი — შემეცნებლად ფსიქიკის მიჩნევა — სილრმის ფსიქოლოგიას აყენებს იმ ცნობილი სიძნელეების წინაშე, რომელიც საერთოდ დაკავშირებულია გნოსეოლოგიურის გაიგივებასთან ფსიქიკურთან. იუნგი მიუთითებს: „უფლებია არ გვაქვს დაივიწყოთ, რომ ფსიქოლოგიაში, საშუალებია, რომლითაც ფსიქიკას განიხილავენ და აკვირდებიან, თვითონვე ფსიქიკაა. ფსიქოლოგიაში დამკვირვებელი დასაკვირვებელია. ფსიქიკა მარტო ობიექტი კი არაა, არამედ აგრეთვე ჩვენი მეცნიერების სუბიექტიც“<sup>27</sup>. „არსებითად ჩვენ იმგვარად ვართ ფსიქიკურ ხატებში გახვეული, რომ არ შეგვიძლია შევალწიოთ ჩვენს გარეთ

<sup>25</sup> Jung, Über psychische Energetik, გვ. 13.

<sup>26</sup> Adler, იქვე, გვ. 81—82.

<sup>27</sup> Jung, Über Grundlagen der analytischen Psychologie, გვ. 150.

არსებულ ნივთთა არსამდე. ყველაფერი რის შესახებაც შეიძლება ვიცოდეთ ოდესმე, შესდგება ფსიქიკური მასალისაგან“<sup>28</sup>. „ყველა წვდომა (Begreifen) და ყველა ნაწვდომი ფსიქიკურია თავისთავად და ამდენად ჩვენს უიმედოდ ჩაკეტილი ვართ ერთადერთი ფსიქიკურ სამყაროში“<sup>29</sup>. შემეცნების აქტის ფსიქოლოგიურ პროცესად წარმოდგენა არსებითადაა დაკავშირებული სიღრმის ფსიქოლოგიის აგნოსტიკურ თვალსაზრისთან; თავისთავად არსებული სინამდვილის ხილვა საკუთარი შინაარსის მქონე საშუალებით (ფსიქიკით) განუხორციელებელია. საშუალება საკუთარი შინაარსით ყოველთვის დაამახინჯებს ასახახვ გარკვეულობას და აქედან თავის დაღწევის გზა ასეთ ვითარებაში არ ჩანს.

სიღრმის ფსიქოლოგია, ანუ ფსიქოლოგია არაცნობიერი ფსიქიკის შესახებ, კლასიკური სიღრმის ფსიქოლოგიური თეორიების ავტორების რწმენით, უნდა ყოფილიყო ბუნებისმეტყველური ტიპის ნეცნიერება. ბუნებისმეტყველების მეთოდი, მუშაობის პრინციპი — მოვლენათა მიზეზმდეგობრივი დამოკიდებულებების განხილვის წესი — უნდა გავრცელებულიყო ფსიქიკის მთელ მოცულობაზე, მკაცრ დეტერმინიზმს უნდა დაქვემდებარებოდა ფსიქიკური მოქმედება. ფსიქიკურ ფენომენთა კაუზალური განხილვის წესი უცხო არ იყო ე. წ. ცნობიერების ფსიქოლოგიისათვის. სიახლეს სიღრმის ფსიქოლოგია ხედავდა დეტერმინიზმის დაცვაში საკუთრივ ფსიქიკურ ფარგლებში. ფსიქოლოგიური აზროვნების წესის მოთხოვნის დაცვა სწორედ რომ ამას ნიშნავდა: ფსიქიკის მიზეზი ისევ ფსიქიკა უნდა ყოფილიყო, არაცნობიერი ფსიქიკით უნდა მომხდარიყო ცნობიერი ფსიქიკის ახსნა. ფსიქიკის მექანიკური და ენერგეტიკული განხილვის წესმა ფსიქიკური ენერჯის ცნების საჭიროება წარმოშვა. აღნიშნული მეთოდოლოგიური პრინციპების მოთხოვნით ფსიქიკა გააზრებული იქნა დაშუღლ და თვითქმარ რეალობად. სიღრმის ფსიქოლოგიამ, როგორც ბუნებისმეტყველურმა დისციპლინამ, კლასიკური ბუნებისმეტყველური დისციპლინების (ფიზიკა, ქიმია)

<sup>28</sup> Jung, Wirklichkeit der Seele, გვ. 24.

<sup>29</sup> Jung, Erinnerungen, გვ. 354, შეად. Freud, Abriß der Psychoanalyse, გვ. 127. [ვეტორიუაქ აღნიშნავს: „თვითონ აღნიშნულს (რეალურ საქმის ვითარებას—Sachverhalt — ვ. კ.) არ უნდა ვიმედოვნებდეთ მივალწივით, რადგან ვხედავთ, რომ ყველაფერი... უნდა ითარგმნოს ჩვენი აღქმების ენაზე, რომლისგანაც არ შეგვიძლია განვთავისუფლდეთ“. გავიხსენოთ ფროიდის შეფასება ფსიქონალიზისა, როგორც ი. კანტის გნოსოლოგიური დოქტრინის გავრცელება ფსიქიკურ სინამდვილეზე.

მსგავსად მიზნად დაისახა უშუალოდ მოცემულის საფუძვლების ძიება. ეს საფუძველი „მოძებნილი“ იქნა არაცნობიერი ფსიქიკის სახით. ბუნებისმეტყველური ფსიქოლოგია არსებითად დაუკავშირდა არაცნობიერი ფსიქიკის ცნებას. მაგრამ მთავარი და აღსანიშნავი ისაა, რომ სიღრმის ფსიქოლოგიამ საკუთარი თეორიული პრინციპი — ბუნებისმეტყველური თეალსაზრისი — ბოლომდე თანამიმდევრულად ვერ გაატარა. აღმოჩნდა, რომ თურმე ფსიქიკა ვერ თავადება დეტერმინიზმის ჩარჩოებში, მას სხვა ბუნებაც აქვს, რომელსაც საზრისი ჰქვია. ამ განზომილების ხილვისათვის მოწოდებულია გაგების თეალსაზრისი. სიამოვნების პრინციპი (ფსიქოანალიზი), შემოქმედებითობა ფსიქიკისა (ანალიზური ფსიქოლოგია) და სრულყოფისაკენ სწრაფვა (ინდივიდუალფსიქოლოგია) ფსიქიკაში მიზნის არსებობის აღმნიშვნელია. ყოველი ქცევისა და ნაქმობის ახსნა მიზნის ფაქტორის გამოყენებას მოითხოვს, ამდენად ქცევისა და ნაქმობის ახსნა წამდვილად მათ გაგებას ნიშნავს.

ბურჟუაზიულ მეცნიერებაში დღეს ბევრი იზიარებს იმ აზრს, რომ სიღრმის ფსიქოლოგია გაგებითი ფსიქოლოგიის ტიპის მეცნიერებაა, რომ იქაც კი, სადაც ლაბარაკია ფსიქიკის ფარგლებში პროცესების კაუზალურ კავშირზე, ფაქტიურად გაგებითი კავშირის მოკლენასთან გვაქვს საქმე.

გაგებისა და გაგებითი ფსიქოლოგიის ცნებები ბურჟუაზიულ მეცნიერებაში მრავალი მნიშვნელობის მქონეა. გაგების პრობლემის აქტუალობა და გაგებითი ფსიქოლოგიის დასაბუთების მიმართებით თიება ვ. დილთაის სახელთანაა დაკავშირებული. ისტორიულად ცნობილი დავა ბუნებისმეტყველური და გაგებითი ორიენტაციის ფსიქოლოგებს შორის ეხება საკუთრივ ფსიქიკის რაობის გარკვევას, ფსიქიკისადმი საზრისის ნიშნის მიწერის შესაძლებლობის ჩვენებას. სიღრმის ფსიქოლოგიაში გაგების ვითარება საზრისის ცნებას უკავშირდება. აქ ფსიქიკა დახასიათებულია საზრისის, მიზნის ნიშნით. მაგრამ საქმე ისაა, რომ თვითონ ფსიქიკის ცნება სიღრმის ფსიქოლოგიაში, ისევე როგორც გაგებით ფსიქოლოგიაში, ადამიანის ცნებასთან იგივდება და ვლებულობთ ისეთ ვითარებას, როცა ადამიანი სადმი მართებულად მიწერილი თვისება არამართებულად ვრცელდება ფსიქიკაზეც. კანონიერი და საფუძვლიანი ადამიანის მიზანზე ლაპარაკი, მაგრამ იგივე მიზნის მიწერა ადამიანის სტრუქტურის ერთერთი მომენტის ფსიქიკისადმი საფუძველს მოკლებულია. ფსიქიკის ცალკეული პროცესის მიზნის ნიშნით დახასიათებას ფსიქიკური ატო-

მიზმის თვალსაზრისის დაცვამდე მიეყვართ; საფუძვლის მქონეა და აუცილებელიც, ფსიქიკა განხილული იქნეს ფუნქციონალური თვალსაზრისით, დასვას საკითხი ადამიანისათვის, როგორც გონითი არსებისათვის ან როგორც სიცოცხლისათვის ფსიქიკის მნიშვნელობის, ღირებულების შესახებ. ამ განზომილებაში ფსიქიკა თავის ასპექტს გამოავლენს, რომლის წვდომა-გაგებაზე შეიძლება ვიმსჯელოთ. მაგრამ როცა საკითხი დგას თვითონ ფსიქიკის შინაგანი ბუნების, რაობის, არსის თაობაზე, მაშინ აქ უნდა დატოვებული იქნეს ფუნქციონალური განხილვის წესი და ამოცანად დადგეს ფსიქიკის, როგორც ასეთის, წვდომა. ფსიქიკა რაობის კუთხით დანახული არაა მიზნის, საზრისის მატარებელი. ფსიქიკა, როგორც ბუნებრივი ფაქტი, ტვინის პროდუქტი, საზრისის განზომილების ფარგლებს გარეთ მდგომია, იგივე ფსიქიკა ჩართული რთულ სტრუქტურაში და შეფასებული ამ სტრუქტურისათვის მნიშვნელობისა და ღირებულების კუთხით, საზრისის ნიშანს იძენს. რა არის მეზსიერება? რა მნიშვნელობა აქვს მეზსიერებას ადამიანისათვის? — განსხვავებული კითხვებია, რომლებიც მოითხოვენ სხვადასხვა ასპექტის გათვალისწინებას: პირველი მეზსიერების არსის, რაობის გარკვევას მოითხოვს, მეორე — მისი ფუნქციისას. სიღრმის ფსიქოლოგიაში ამ ვითარებას სათანადო ყურადღება არ ექცევა. სიღრმის ფსიქოლოგიაში არსებითად ფსიქიკის ადგილზე დასმულია ქცევის ფენომენი, ფსიქიკა დაყვანილია ქცევაზე. ას ქმნის მრავალ გაუგებრობას. როცა სიღრმის ფსიქოლოგია შეფასებულია, როგორც გაგებითი ფსიქოლოგია, სწორედ რომ მხედველობაში აქვთ ქცევის მოტივის გაგების ვითარება. ვინაიდან ყოველ კონკრეტულ შემთხვევაში ცნობილი არ არის ქცევის წარმმართველი მოტივი, ამოცანად დგას მისი ინტერპრეტაცია და გაგება. ქცევა საზრისის მატარებელი და კანონიერია მის გაგებაზე მსჯელობა, ქცევის საზრისის ხილვის, წვდომის ამოცანის მოთხოვნა, რაც არ ითქმის ფსიქიკაზე. მაგრამ თუკი სიღრმის ფსიქოლოგია კვლევის ობიექტად გაიხდის არა ფსიქიკას, არამედ ქცევას, მაშინ ლოგიკურია მას ეწოდოს არა სიღრმის ფსიქოლოგია, არამედ ქცევათმეცნიერება. -

В. Л. КАКАБАДЗЕ

## ФИЛОСОФСКИЕ ОСНОВЫ ГЛУБИННОЙ ПСИХОЛОГИИ

(Резюме)

В классическую глубинную психологию объединяют психологические концепции З. Фрейда, А. Адлера и К. Г. Юнга — психоанализ, индивидуалпсихологию и аналитическую психологию.

Перед классической глубинной психологией стоят два теоретических вопроса: что такое бессознательная психика и что такое личность? (Конечная проблема глубинной психологии практическая — освобождение личности от психических нарушений). Проблемы бессознательной психики и личности здесь органически связаны друг с другом. Содержание бессознательного психического играет решающую роль в выяснении сущности личности.

В классических глубиннопсихологических теориях бессознательная психика представлена в трех значениях: 1) психической энергии, 2) определенности, в психическом качестве которой мы убеждены, но нам ничего не известно о ее онтологическом лице, 3) внесознательного существования сознательных психических содержаний.

Названные глубиннопсихологические понятия бессознательной психики получены в результате рассмотрения психики в различных аспектах. Суждение о психической энергии основано на подходе к психике с динамической точки зрения: психика, взятая в целом, считается ареной взаимоотношений сознательных и бессознательных сил. Объявление психики неизвестным процессом бессознательной сферы в определенном смысле есть характеристика с гносеологической точки зрения. Ту часть психики, которая в опыте не находит подтверждения, иначе невозможно характеризовать как «неизвестное», хотя заранее принято, что это неизвестное есть психика, а не нечто иное. Допущение психических содержаний вне сознания, с одной стороны, догматично (у Адлера), с другой: — условно, «как бы это так» (у Юнга).

Известно, что один из мотивов введения в психологию понятия бессознательной психики связан с объяснением сознательной психики. В вопросе об обусловленности сознательной психики бессознательной глубинная психология занимает принципиальную позицию — сознательная психика должна быть объяснена бессознательной психикой. Но каков глубиннопсихологический аспект бессознательной психики по отношению к онтологической проблеме? Представлена ли бессознательная психика как реальность или как фикция? На эти вопросы глубиннопсихологические теории не дают принципиального ответа — в одной и той же теории бессознательная психика то представляется как реальность, то как имеющая только гипотетическую ценность.

Если бессознательная психика непосредственно нам не дана в опыте как реальность, то какое у нас имеется основание, чтобы допустить ее существование? Что вселяет в нас веру в то, что воздействующее на сознание обязательно бессознательная психика, а не что-либо другое? Ответ на это дает теория, в частности представление психики в виде непрерывной реальности. Если психике приписывается субстанциональное свойство непрерывности, то основа всякого рода изменений в психике не может находиться за пределами психики, она по необходимости должна быть опять же в психике.

На представление психики в виде непрерывной реальности опираются другие аргументы обоснования бессознательной психики, в частности характеристика психики при помощи признака смысла и однозначное умозаключение от следствия к причине. По существу, то же самое можно сказать и об экспериментальном обосновании бессознательной психики. Анализ постгипнотического состояния и интерпретация результатов, полученных методом ассоциации, опираются на общетеоретическую предпосылку — представление психики как самодовлеющей реальности. Такой же оценки заслуживают и другие т. н. эмпирические аргументы в пользу бессознательной психики в глубинной психологии, поскольку дело касается того ложного пути обоснования, который заранее подразумевает обоснованным то, что должно быть обосновано.

Правильно и замечание, высказанное в адрес глубиннопсихологических теорий, которое касается сведения к минимуму значения сознания, обесценивания роли сознания в единой структуре психики. Борьба глубинной психологии за иррациональное в психике, за т. н. восстановление прав ее, в действительности представляет возвеличение бессознательно-



го за счет функции сознания. «Я» (сознание) утратило права хозяина в собственном доме; бессознательное влечение стало «душевной основой» (Фрейд). «Само» обрело право центра и управления психической жизни (Юнг). Бессознательный стиль жизни определяет поведение (Адлер). В борьбе против эпифеноменального понимания психики вообще глубинная психология разделила эпифеноменальную точку зрения по отношению к сознанию.

Не вызывают возражения тезисы глубинной психологии — о конституциональном праве построения психологической науки и о несводимости личности к сознательной психике. Однако следует отметить, что путь, намеченный глубинной психологией для обоснования указанной принципиальной позиции, и ответ, который она дала как положительное решение вопроса, неправильны и опираются на ложные предпосылки.

В классических теориях глубинной психологии понятие человека не представлено одним содержанием.

Вполне закономерно суждение о глубине человека. Но онтологическая природа глубины личности заслуживает отличной квалификации зависимости от того, что подразумевается под нею. Глубинный момент человека глубиннопсихологические теории объявили бессознательной психикой. Понимание глубины человека как бессознательной психики связывается с психологизмом и иррационализмом.

В теориях глубинной психологии значение и ценность социального для человека представлены различно. Если в индивидуалпсихологии социальное считается сущностью человека, которой всесторонне надо способствовать, то психоанализ и аналитическая психология в социальном усматривают фактор, мешающий действительно человеческому проявлению.

Целеустремленность глубинной психологии, направленная на раскрытие существенного в человеке, выходит за пределы психологии. Показать специфику человека всегда было задачей науки, но особенно актуальной и принципиальной она стала тогда, когда философия со всей остротой поставила вопрос о сущности человека. Философия человека была противопоставлена взгляду, согласно которому решающее слово к разрешению проблемы человека принадлежит частной науке. Познанием психической действительности будто бы должно было осуществиться и познание человека, поскольку психика выглядела ближайшей точкой соприкосновения с природой человека. Однако выяснилось, что понятия «психика» и «человек» по содержанию не покрывают друг

друга. Психика оказалась лишь одним из структурных моментов чрезвычайно сложной и многосторонней действительности, называемой человеком. Одной из заслуг философской дисциплины о человеке является именно осмысление указанного.

Когда ставится вопрос о философских основах психологической науки, должны быть выяснены онтологические и гносеологические предпосылки, которые определяют сущность теории, ее научное лицо.

Глубинная психология объявила законной идею «новой психологии», т. е. исследование бессознательной психики. Защита идеи «новой психологии» осуществлялась с позитивистской точки зрения: т. н. чистые факты должны были быть и исходной точкой, и конечной целью. Но эмпиристическая точка зрения глубинной психологии с самого же начала потерпела неудачу. Понятие «новая психология», или «психология бессознательного», опиралось на противоречивое исходное положение о бессознательной психике. Глубиннопсихологические теории на место чистого, непосредственного опыта поставили в виде бессознательного нечто такое, что принципиально несовместимо с понятием чистого опыта.

Понятие бессознательной психики не является понятием с эмпирическим содержанием, это теоретическое понятие, опирающееся на дуалистическую попытку решения психофизической проблемы.

Философские корни глубинной психологии связаны с различными направлениями идеалистической философии, в том числе и с философией жизни. Сами Фрейд, Юнг и Адлер подтверждают благотворное влияние идей Шопенгауэра, Ницше и Бергсона на их мировоззрение. Борьба против интеллектуализма и рационализма с позиций иррационализма есть защита идей философии жизни.

Исходной познавательно-теоретической позицией глубинной психологии является агностицизм — о том, что существует независимо от сознания, объективно, мы не можем иметь истинного знания: «Реальное всегда остается непознанным» (Фрейд)<sup>1</sup>, «Мы вообще никогда не сможем проникнуть в сущность вещей вне нас» (Юнг)<sup>2</sup>, «То, что мы должны осуществить, это априорное постижение» (Адлер)<sup>3</sup>.

Указанное обстоятельство обуславливает то, что по сравнению с предметной решающую роль в глубинной пси-

<sup>1</sup> XVII, с. 127.

<sup>2</sup> Wirklichkeit der Seele, Zürich, 1961, с. 24.

<sup>3</sup> Int. Z. f. Indpsych., 1932, H. 2, с. 82.

хологии играет методологическая точка зрения. «Мы должны всегда иметь в виду, — пишет Юнг, — что, несмотря на совпадение фактов с нашей точкой зрения, принципы объяснения суть правила рассмотрения, т. е. феномены психической установки, вообще априористическое условие мышления»<sup>4</sup>. «Также, как всякая наука, — указывает Адлер, — индивидуальная психология тоже включена в метафизику... Здесь речь идет о форме нашего познания, которую мы заранее должны допустить... То, что мы должны осуществить, это априорное постижение»<sup>5</sup>.

Глубиннопсихологические теории крайне психологичны. Человека, личность они свели к психике, отождествили с ней. Они намеревались объяснить и понять весь духовный мир психикой.

Психология о бессознательной психике, по убеждению авторов глубинной психологии, должна была быть наукой типа естествознания. Но главное то, что глубинная психология не смогла провести последовательно до конца теоретический принцип естествознания. Выяснилось, что психика не вмещается в рамки детерминизма, она обладает и другой природой, называемой смыслом. Принцип удовольствия (психоанализ), созидательность психики (аналитическая психология) и стремление к совершенству (индивидуальная психология) предполагают существование в психике цели. Для постижения же этого намерения призвана т. н. точка зрения понимания. Итак, объяснение человеческого поведения требует фактора цели, постольку объяснение в действительности означает понимание.

Известно, что понятия понимания и понимающей психологии в буржуазной науке имеют множество значений. В глубинной психологии понимание связывается с понятием смысла; здесь психика охарактеризована признаком смысла, цели. Но дело в том, что само понятие психики в глубинной психологии отождествляется с понятием человека и создается такое положение, когда правильно приписываемое человеку свойство неправомерно распространяется и на психику. Законно говорить о цели человека, но приписывать ту же цель одному из моментов структуры человека — психике — лишено основания.

---

<sup>4</sup> К. G. J u n g, *Über psychische Energetik...*, Zürich, 1928, с. 13.

<sup>5</sup> *Int. Z. f. Indpsych.*, 1932, Н. 2, с. 81—82.

На место психики в глубинной психологии, по существу, поставлен феномен поведения. Это порождает множество недоразумений. Поведение — носитель смысла, и рассуждение о его понимании закономерно; но если глубинная психология объектом исследования сделает не психику, а поведение, то логично назвать ее не психологией, а наукой о поведении.

## DIE PHILOSOPHISCHE GRUNDLAGEN DER TIEFENPSYCHOLOGIE

### Zusammenfassung

In der vorliegenden Arbeit wird eine Analyse der klassischen tiefenpsychologischen Theorien gegeben (der Psychoanalyse von S. Freud, der analytischen Psychologie von K. G. Jung und der Individualpsychologie von A. Adler) und zwar im Zusammenhang mit den zwei Grundbegriffen der unbewussten Psyche und der Persönlichkeit. Dabei wird festgestellt, daß die Begriffe der unbewussten Psyche und der Persönlichkeit in diesen Theorien einen verschiedenen Inhalt aufweisen. Die unbewusste Psyche wird verstanden 1) als psychische Energie, 2) als ausserbewusste Existenz psychischer Inhalte, 3) als unerkannter Sachverhalt, 4) als unbekannte psychische Bestimmtheit.

Das Wesen der Persönlichkeit wird von verschiedenen Seiten beleuchtet. Die Persönlichkeit wird verstanden 1) als Naturwesen (S. Freud), 2) als geistiges Wesen (K. G. Jung) und 3) als soziales Wesen (A. Adler).

Die obenangeführte Auslegung des Unbewussten und der Persönlichkeit beruhen auf verschiedene theoretische Voraussetzungen.

სახელთა საძიებელი

ა

- ერ. აბაშიძე—178  
 ა. აღლერი — 6, 7, 10, 12, 110, 152—  
 196 200, 206, 209, 211—213, 216,  
 222, 223, 226, 227  
 ა. აინშტაინი—47  
 ვ. ანრი—153

ბ

- ვ. ბანშიკოვი—59  
 ფ. ბასინი —72, 85, 86  
 ა. ბერგსონი — 222, 223  
 ა. ბინე—153  
 ფ. ბირნბაუმი—184  
 ლ. ბინსვანგერი—10. 16, 49, 104  
 კ. ბიულერი—19, 183  
 ბ. ბიხოვსკი—62, 64  
 ე. ბლოილერი—12  
 ა. ბოკორიშვილი—98, 206 208, 218  
 ი. ბეალავა—73-79, 82, 84  
 რ. ბუმბეკე—87  
 ლ. ბუსე—114, 118

გ

- შ. გაიგიერი—205, 206  
 გ. გროდეკი—58, 225  
 ნ. გროტი—114  
 კ. გრულე—87

დ

- ჩ. დარვინი—49  
 ვ. დილთაი—10, 229

- ე. დონატი—193  
 ჰ. დრიში—183

ე

- ფრ. ენგელსი—171, 221  
 რ. ეფენდიევი—59

ვ

- პ. ვალდერი—136  
 ერუ. ვექსბერგი—160, 161, 195  
 ი. ვიზენკეტერი—12,  
 დ. ვისი—6  
 ვ. ვოლოშინოვი—58  
 ვ. ვუნდტი—152

ზ

- პ. ზეელბახი—183  
 გ. თევზაძე—189  
 კ. იასპერსი—10, 87, 182, 183, 185, 219  
 კ. გ. იუნგი—6, 7, 10, 12, 60, 106—119,  
 123—151, 178, 180, 183, 196—207, 209,  
 211, 213, 214, 216, 222, 223, 226, 228

ი

- ვ. იაკობაძე—69  
 ი. იანტი—34, 207, 217, 228  
 კ. გ. კარუსი—6  
 რ. კიულპე—114  
 ლ. კლაგესი—88  
 კომერნიკი—49  
 ა. კრონფელდი—183  
 პ. კუნცი—164

ვ. ლაიბნიცი—6, 69, 70, 71, 90, 225  
ფ. ლერში—3, 5, 67, 161, 162, 163, 181  
თ. ლპსი—21, 25, 83, 116, 117, 177

8

ი. მაგნესი—15  
ბ. მანსუროვი—59  
კ. მარქსი—171  
ა. მესერი—161, 183  
ქ. მეტე—63  
ჩ. მუხატი—65

5

ფრ. ნიციშე—184, 186, 222, 224

3

ი. პელოვი—91, 97  
პფისტერი—58

6

რანკი—58  
პ. რემპლანი—3  
ე. რინგელი—181  
ჩ. როლანი—18, 62  
ა. რულე-გერსტელი—194

ე. პ. სარტრი—219  
სოკრატე—140  
ე. სოლოვიოვი—217, 218

A. Адлер — 231, 233—235.

B. M. Банцяков — 59.

Ф. В. Бассин 72, 86, 88.

Б. Виховский — 62.

7

დ. უზნაძე—67, 70, 72, 85, 86, 96  
პ. უელსი—56, 63

ფ

პ. ფაიზინგერი—167, 168, 184, 186, 189  
აღ. ფიშერი—67, 68  
ვ. ფოსი—20, 21, 66  
ვ. ფრანკლი—10, 88  
ზ. ფროიდი—6, 7, 10, 12, 13—104, 178;  
180, 183—185, 196, 198—207, 209,  
211—214, 216, 217, 222—224, 226,  
228.

ფ

ე. მ. შარკო—16  
მ. შელერი—104, 136, 208  
კ. შეროზია—71, 84  
ღ. შოპენჰაუერი—48, 222—224  
თ. შპილი—181  
ვ. შტერნი—4, 5, 153, 177, 178, 183

ც

გ. ცინცაძე—178

კ

მ. ჰაიდეგერი—219, 220  
რ. ჰაისი—11  
ი. ჰერბარტი—6, 83  
პ. ჰოფშტეტერი—11  
ედ. ჰუსერლი—218

B. H. Волошинов — 59.

K. Г. Юнг — 231, 233—235.

З. М. Какабадзе — 218.

Н. С. Мансуров — 59.  
Ч. Л. Музатти — 65, 88.

И. П. Павлов — 91.

Э. Соловьев — 217.

М. Adler — 174

Н. Ansbacher — 173

А. Bergson — 223

Л. Binswanger — 49, 104

Д. Brinkmann — 65, 69

В. Busse — 114

И. А. Caruso — 7

А. Farau — 181

С. Ferenczi — 221

Ф. Fordham — 109

Г. Frisch — 131

К. Furtmüller 160

М. Geiger 206

Р. Guardini — 52

Д. Hart — 161

М. Heidegger — 220

Л. Fr. Herbart — 83

Р. R. Hofstätter — 7

К. Jaspers — 10, 209

Е. Kris — 65

А. Kronfeld — 188

Г. Уэллс — 63, 88

З. Фрейд — 231, 233, 234.

А. Шерозия — 84.

Е. В. Шорохова — 88.

О. Külpe — 114

Н. Kunz — 164, 174

М. Landmann — 52

Ph. Lersch — 3, 4, 161

Th. Lipps — 20, 22

А. Mette — 63

Н. Rempain — 3, 153

Е. Ringel — 174, 179

М. Scheler — 104

А. Schopenhauer — 223

Н. Seelbach — 182

Fr. Seifert — 7, 42

О. Spiel — 174, 179

W. Stern — 4, 178

А. Тумаркин — 3

Р. Walder — 136

Ж. Wandeler — 19, 32

W. Wensel — 83

Erw. Wexberg — 161, 164, 173, 195

Е. Wiësenhütter — 6

Д. Wyss — 6

## შ ი ნ ა ა რ ს ი

თ ა ვ ი I — ს ი ლ რ მ ი ს ფ ს ი ქ ო ლ ო გ ი ა ს პ რ ო ბ ლ ე მ ა . . . . .	3
1. სიღრმის ცნება ფსიქოლოგიაში და სიღრმის ფსიქოლოგია . . . . .	3
2. ცნობიერების ფსიქოლოგია და სიღრმის ფსიქოლოგია . . . . .	5
3. სიღრმის ფსიქოლოგიის პრობლემა . . . . .	11
თ ა ვ ი II — ფ ს ი ქ ო ა ნ ა ლ ი ზ ი (ზ. ფროიდი) . . . . .	13
1. ფსიქონალიზის ზოგადი დახასიათება . . . . .	13
2. არაცნობიერი ფსიქიკის პრობლემა . . . . .	20
3. პიროვნების პრობლემა . . . . .	44
4. ინტერპრეტაციები . . . . .	57
5. კრიტიკული ანალიზი . . . . .	87
თ ა ვ ი III — ა ნ ა ლ ი ზ უ რ ი ფ ს ი ქ ო ლ ო გ ი ა (კ. გ. იუნგი) . . . . .	106
1. ანალიზური ფსიქოლოგიის ზოგადი დახასიათება . . . . .	106
2. არაცნობიერი ფსიქიკის ცნება . . . . .	123
3. ადამიანის პრობლემა . . . . .	135
4. კრიტიკული შეფასება . . . . .	141
თ ა ვ ი IV — ი ნ დ ი ვ ი დ უ ა ლ ფ ს ი ქ ო ლ ო გ ი ა (ა. ადლერი) . . . . .	152
1. ინდივიდუალფსიქოლოგის ზოგადი დახასიათება . . . . .	152
2. პიროვნების პრობლემა . . . . .	159
3. არაცნობიერის პრობლემა . . . . .	178
4. კრიტიკული ანალიზი . . . . .	183
თ ა ვ ი V — ს ი ლ რ მ ი ს ფ ს ი ქ ო ლ ო გ ი ა რ ო გ ო რ ც პ რ ო ბ ლ ე მ ა	196
1. ფსიქიკა და ადამიანი . . . . .	196
2. სიღრმის ფსიქოლოგიის ფილოსოფიური საფუძვლები . . . . .	220
რეზიუმე რუსულ ენაზე . . . . .	231
რეზიუმე გერმანულ ენაზე . . . . .	236
სახელთა საძიებელი . . . . .	237



## СОДЕРЖАНИЕ

Глава I — Проблема глубинной психологии . . . . .	3
1. Понятие глубины в психологии и глубинная психология . . . . .	3
2. Психология сознания и глубинная психология . . . . .	5
3. Проблема глубинной психологии . . . . .	11
Глава II — Психоанализ (З. Фрейд) . . . . .	13
1. Общая характеристика психоанализа . . . . .	13
2. Проблема бессознательной психики . . . . .	20
3. Проблема личности . . . . .	44
4. Интерпретации . . . . .	57
5. Критический анализ . . . . .	87
Глава III — Аналитическая психология (К. Г. Юнг) . . . . .	106
1. Общая характеристика аналитической психологии . . . . .	106
2. Понятие бессознательной психики . . . . .	123
3. Проблема человека . . . . .	135
4. Критическая оценка . . . . .	141
Глава IV — Индивидуалпсихология (А. Адлер) . . . . .	152
1. Общая характеристика индивидуалпсихологии . . . . .	152
2. Проблема личности . . . . .	159
3. Проблема бессознательного . . . . .	178
4. Критический анализ . . . . .	183
Глава V — Глубинная психология как проблема . . . . .	196
1. Психика и человек . . . . .	195
2. Философские основы глубинной психологии . . . . .	220
Резюме на русском языке . . . . .	231
Резюме на немецком языке . . . . .	236
Указатель имен . . . . .	237

დაიბეჭდა საქართველოს სსრ მეცნიერებათა აკადემიის  
სარედაქციო-საგამომცემლო საბჭოს დადგენილებით

- რედაქტორი ა. ბოკორიშვილი
- გამომცემლობის რედაქტორი ე. ფარქოსაძე
- ტექნიკური რედაქტორი ც. ქაშუშაძე
- მხატვარი ლ. ფავლენიშვილი
- კორექტორი ც. დევიდარიანი

გადეცა წარმოებას 27.4.1978; ხელმოწერილია დასაბეჭდად 24.1.1979;  
ქაღალდის ზომა 60×90<sup>1/16</sup>; ქილაღდი № 1; ნაბეჭდი თაბახი 15.25;  
სააღრიცხვო-საგამომცემლო თაბახი 13.3;

უც. 01020;

ტირაჟი 1500;

შეკვეთა № 1504;

ფასი 1 მან. 60 კაპ.

---

გამომცემლობა „მეცნიერება“, თბილისი, 380060, კუტუზოვის ქ., 19  
Издательство «Мецниереба», Тбилиси, 380060, ул. Кутузова, 19

---

საქ. სსრ მეცნ. აკადემიის სტამბა, თბილისი, 380060, კუტუზოვის ქ., 19  
Типография АН Груз. ССР, Тбилиси, 380060, ул. Кутузова, 19

**Виталий Лаврентьевич Какабадзе**  
**ФИЛОСОФСКИЕ ОСНОВЫ ГЛУБИННОЙ ПСИХОЛОГИИ**  
**(На грузинском языке)**